

ლუდვიგ ჰენი



სტრიქნი

ამბავი ინდიელი ბიჭისა

ანაკაღულიკ უსილინი • 1971

И (тем)
83-93
н 422

7-6-3

თარგმანი გერმანულიდან
ლ. ხუციშვილისა

ქვერფასო საბჭოთა ბავშვებო!

ჩემმა წიგნმა „ტრინიმ“ დღის სინათლე იხილა თუ არა, მკითხველები დაინტერესდნენ: ლუდვიგ რენი ხომ მდიდარი მემამულის ოჯახში დაიბადა და აღიზარდა და როგორ მოხდა, რომ კომუნისტი გახდაო? ამ ძველ კითხვას ახალიც დაემატა: როგორ მოხდა, რომ მწერალმა ახლა დიწყო საბავშვო წიგნების წერა, როცა სამოც წელს გადააბიჯაო?

მართლაც, მე ჯერ კიდევ პირველ მსოფლიო ომამდე ემსახურობდი გერმანიის არმიაში, მისი ერთ-ერთი გეარდიული პოლკის ოფიცერი ვიყავი. ომი რომ ატყდა, მშვიდ საგარნიზონო ცხოვრებას, გართობასა და ღროსტარებას გამოვეთხოვეთ და მალე გავიგეთ, რა იყო შიში, შიმშილი, სიკვდილი. დამთავრდა ომი. ბევრი ჩვენგანი ცდილობდა, ისევ ძველებურად ეცხოვრა და არაფერზე ფიქრა. ჩემთვის კი ასე ცხოვრება უკვე შეუძლებელი იყო და დაეწერე ის, რაც მაცნებდა. ასე შეიქმნა ჩემი პირველი წიგნი „ომი“. მწერალი გახდით. მაგრამ სინდისი ამ წიგნის დაბეჭდვის შემდეგაც არ მასვენებდა, გამუდმებით მქენჯნიდა და ყურში ჩამძახოდა: არ შეიძლება ორ წყალშუა იღგე, ფეხი ერთ-ერთ ნაპირზე უნდა მოიკიდო.

მაგრამ სახელდობრ რომელზე? ანდა როგორ? კინაღამ სასოწარკვეთილებაში ჩავეარდი. ერთმა მახლობელმა მირჩია, ამა და ამ წიგნის მაღაზიაში მიდი, იქ მარქსისტული ლიტერატურა იყიდებაო. მართლაც, იმ მაღაზიაში ვიპოვე ის, რაც მაკლდა. მალე მტკიცე რწმენით აღჭურვილი კომუნისტი გახდით და დიდი ხნის დაბნეულობის შემდეგ ვიგრძენი ფეხქვეშ მყარი ნიადაგი.

ეს ნიადაგი ფეხქვეშ არც მაშინ გამომცლია, როცა ესპანეთის სამოქალაქო ომის დროს, 1936—1939 წლებში, ერთ-ერთი ინტერნაციონალური ბრიგადის რიგებში ფაშისტების წინააღმდეგ ვიბრძოდი.

მაგრამ დამარცხების შემდეგ მეც ისევე, როგორც ბევრი სხვა, დიდხანს დაჰქსნებოდი უცხო ქვეყნებში. არც ერთი ბურჟუაზიული ქვეყანა არ მაიღებდა, ბოლოს თავშესაფარი მექსიკაში ვპოვე, სადაც რვა წელიწადი ვაპატარე.

მექსიკაში ყოფნისას მიაშვს გლახთა დიდი ომის, გლახების გამოწვეული ბელადის — ემელიანო საპატასა და მექსიკელი ქალების ამბები. მექსიკელმა ქალებმა ძალიან ჰევი გააქეთეს გლახთა რევოლუციური არმიისათვის. მაგრამ მაშინ არც კი მიფიქრია ამაზე წიგნი დამეწერა. და, აი, ერთხელ, სამშობლოში უკვე კარგა ხნის დაბრუნებული ვიყავი, გერმანელმა მწერლებმა თავი მოვიყარეთ ბერლინში, განათლების სამინისტროში. აქ ვისაუბრეთ, რომ საჭირო იყო, ჩვენი ბავშვებისათვისაც შეგვექმნა კარგი საბავშვო და ახალგაზრდული ლიტერატურა. სწორედ მაშინ ვიფიქრე, საპატას არმიის ერთი მამაცი მებრძოლის, ინდიელი ბიჭის თავგადასავალი დამეწერა. რაც მეტს ვფიქრობდი, მით უფრო მომწონდა ეს აზრი და თანდათან გამიტაცა. მართლაც, ძალიან საინტერესოა ბავშვებისათვის წერა! თვითონ მეც, როცა ბავშვი ვიყავი, სულ წიგნებში ვიყავი ჩაფლული.

აი, ასე დაიწერა „ტ რ ი ი“.

ლ უ ლ ვ ი გ რ ე ნ ი

ნაწილი პირველი

ა ჯ ა ნ ყ ე ბ ა

სახალხო ზიიმი

ტრინიდადი ესპანური, კათოლიკური სახელია და სამებას ნიშნავს. კუევესების ოჯახმა კარგად იცოდა ამ სიტყვის შინა-შენელობა და ამიტომაც დაარქვა 1904 წელს დაბადებულ ბიჭს ეს სახელი. კუევესების მშობლიური ენა ინდიური იყო, მაგრამ ცოტა ესპანურიც იცოდნენ, რადგან მათ მხარეში ესპანური სახელმწიფო ენად ითვლებოდა. ტრინიდადი პატარა ბიჭისათვის, ცოტა არ იყოს გაზვიადებულა სახელია და ამიტომ ტრინის ეძახდნენ. საერთოდ, ინდიელების სოფლებში ყველა ტრინიდადს ასე ეძახდნენ.

კუევესები ლაპარაკის მოყვარულები არ იყვნენ. მხოლოდ დიდ დიდებას უყვარდა ხოლმე ამბების თხრობა. კარგადაც ყვებოდა. დიდ დიდებას თავისუფალი დრო ბევრი ჰქონდა, დაუჯდებოდა ტრინის და უყვებოდა მთისა და ბარის ამბებს, საოჯახო საქმეებს კი ტრინის დიდება ამბროსია და დედა ლუპე აკეთებდნენ. მამა ვაჟიშვილის გაჩენის შემდეგ მალე გარდაიცვალა. დადებდა სიმინდს ღერღავდა, ცომს ზელდა და გუნდებს ხელების ტყაპუნით ათხლებდა, ამ გათხელებულ გუნდას კი ტრინას დედა თუნუქის ნაჭერზე აცხობდა. მათი ყოველდღიური საკვები ცხელი მჭადები და ყავისფერი ლობიო იყო. ზედაც რალაც ბალახისმავარი მცენარის გამხმარი ფოთლებიდან შემზადებულ ჩაის დააყოლებდნენ ხოლმე. ქოხს ერთი მუდამ მღვრიე და ჭუჭყიანი დეღე ჩამოუდიოდა. მღვრიე

იმიტომ იყო, რომ ნახირს წყალს აქ ასმევდნენ, ამასთან კიდევ სარეცხსაც ამ ღელეში რეცხავდნენ. ამიტომ დიდმა დიდებამ ტრინის პირველად ის ასწავლა, ღელის წყალი არ დალიო. „რომ მოგწყურდეს, დიდება ამბროსიასთან მიდი, — ეტყოდა ხოლმე დიდი დიდება ტრინის და ნაოქვებით დაფარული სახე სიყვარულით გაუნათლებოდა, — ის ჩაის დაგალევინებს. კეთილი ქალია დიდება ამბროსია“.

ტრინის მაინცდამაინც არ სჯეროდა, რომ დიდება ამბროსია კეთილი ქალი იყო. არ უყვარდა მკაცრი, სიტყვაძვირი დიდება ამბროსია, მისი მაგრად მოკუმული პირისა და შავი თვალების მკაცრი გამოხედვისა კიდევ ეშინოდა. პატარა გული მხოლოდ დიდი დიდებასაკენ მიუწევდა. დედისადმი საკმაოდ გულგრილი იყო, თუმცა არც მას უყვარდა ძალიან ვაჟიშვილი, რადგან ტრინი სოფლის სხვა ბავშვებს ჰგავდა: იმათსავით ყავისფერი კანი, მრგვალი შავი თვალები და მოკლე ხელ-ფეხი ჰქონდა, ერთი სიტყვით, შეხედავდით თუ არა. იტყოდით, პირწავარდნილი ინდიელიაო. ხოლო სახის კანი სხვა ბავშვებზე უფრო მუქიც კი ჰქონდა. „რის მაქნისია ასეთი ბავშვი? — ფიქრობდა დედამისი ლუპე, — ცოტა თეთრი კანი რომ ჰქონოდა, ესპანელი ეგონებოდათ და იქნებ კაცი გამოსულიყო“. თუმცა დედა ცუდად არ ეპყრობოდა, მაგრამ ტრინი გრძნობდა, რომ დედას არ მოსწონდა. ინდიელი დედები შვილებს ცუდად არასოდეს არ ექცევიან.

სოფელში ცხოვრება ერთფეროვნად მიედინებოდა. მამაკაცების უმეტესობა გრაფ არიოლას დიდ მამულ „სან ბარტოლომეში“ მუშაობდა და მათხოვრულ ხელფასს იღებდა, ხოლო რამდენიმე კაცი ხელისგულის სიფართე მწიას ამუშაებდა.

ასეთ ერთფეროვან, მოსაწყენ ცხოვრებაში ერთი-ორი საზეიმო დღე თუ გამოერეოდა. მათ შორის მკვდრების შესაწყალელებელი დღესასწაული გამოირჩეოდა. ამ დღეს მთელი ოჯახი სასაფლაოზე მიდიოდა. დიდ დიდებას ტრინი ხელჩაკიდებული მიჰყავდა. დედას და დიდებას ჯამები და აგავას წვენიც, პულკეთი სავსე კოკა მიჰქონდათ.

პაპა და მხიარული ბიძა იერონიმო თავისუფლად მოდიოდნენ. აბა, კაცები ჭურჭელს ხომ არ ათრევდნენ! ბიძა ჰყვე-

ბოდა, დღეს დილას დამავალეს, გრაფის ბაღში გრაფინიასათვის ყვავილები დაკრიფეო.

— ვერ გამიგია, რად უნდა ყვავილები, ღმერთმა უწყის მისი წინაპრები სად მარხია! სვეტებიან ტალანში რომ შევედი, ისიც ჩემკენ გამოემართა და ყვავილების თაიგული ისეთი თვალებით გამომართვა, თითქოს ყვავილები კი არა, თვით მაშალმერთის გული ყოფილიყოს. ახლა როგორი გაკრულ-შეკოჭილი იყო! მსახური გოგო ამბობს, მაგის ტანთ ჩაცმა მთელი ტანჯვააო. კორსეტის ღუგემების შებნევას თუ მოვრჩი, მერე ზონრების შეკვრა თითებს მაჭრისო.

პაპას სიტყვა არ უთქვამს, თავი გადააქნ-გადმოაქნია. ტრინემ დიდ დიდებას შეშფოთებით შეხედა და უთხრა:

— მერე შუაზე რომ გაწყდეს?

ტრინის სიტყვებზე ყველამ გადაიხარხარა. სასაფლაოზე ტრინის დედამ სხვა ქალებს წასჩურჩულა, როგორ შეეშინდა მის ვაჟიშვილს გრაფინიას გამო. მაგრამ სანამ თავშეყრილ ქალებს მიუახლოვდებოდა ამის სათქმელად, ირგვლივ ფრთხილად მიიხედ-მოიხედავდა ხოლმე, რომ ახლო-მახლო გრაფის მსახურთაგანი ან მათი ცოლები არ ყოფილიყვნენ. იერონიმომ ტრინის ნათქვამი მამაკაცებში გაავრცელა, კაცებმა კი თავის მხრივ ამას უსიამოვნო ამბები დაურთეს, რადგან გრაფინია არავის უყვარდა.

ბექებში მოხრილმა მოხუცმა დიდმა დიდებამ ამასობაში თავისი ქმრის საფლავზე დადგმულ ხის უბრალო ჯვარზე ფერად-ფერადი ქაღალდები ჩამოჰკიდა. სიხარულით სახე გაუბრწყინდა: მიცვალებულს ვასიამოვნეო. დანარჩენებმაც ასე შეამკეს თავ-თავიანთი მიცვალებულების საფლავები. ახლა დიდება ამბროსია მიუახლოვდა თავის მამის საფლავს და ზედ ჯამი დადგა. ამბროსიას შვილიშვილი ჰყავდა, თორემ ისე დიდებას სულაც არ ჰგავდა, ჯერ ორმოცი წლისაც არ იყო.

დანარჩენი ქალებიც ასე მოიქცნენ და როცა ყველამ მიცვალებულის საფლავზე მოხარშული ლობაოთი სავსე თითო ჯამი დადგა, ერთად შეიკრიბნენ და ქვეყნის ამბებზე მხიარული საუბარი გააბეს.

ერთბაშად ყველა მიჩუმდა და სასაფლაოს შემოსასვლელს

მიაჩერდა. კარებში გამოჩნდა მოურავი და მისი ცოლი, რომელიც სანახევროდ ქალაქურ მოდაზე გამოწყობილიყო. მათ დანახვაზე გლახებმა ქუდები მოიხადეს. მოურავმა ინდიელები უნდობლად შეათვალიერა და გვერდით ისე ჩაუარა, თავის დაკვრის ღირსიც არ გახადა.

მოურავის ცოლიც ინდიელი იყო, ამავე სოფელი. გრაფინიას წაპაძვით უწნო თეძობებზე მასაც კორსეტი შემოეკრა. როცა იგი მამისა თუ პაპის საფლავს ბიძა იერონიმოს მიერ მიტანილი ყვავილებით ამკობდა, ზურგზე კორსეტის ძვლები ამოეჩრებოდა ხოლმე.

ტრინი დიდ დიდებას კაბის კალთაში შეუძვრა და იქიდან ყველაფერს ჩუმ-ჩუმად თვალს ადევნებდა. მოურავმა, ეტყობოდა, ცოლს რალაც გაჯავრებით უთხრა. ქალი გაცხარებით შებრუნდა და ქმარს თავი დაუქნია.

„ნეტავ ეგენი რატომ არ მხიარულობენ? — ფიქრობდა ტრინი, — მკვდრებთან ხომ ყველა მხიარულობს?“

ტრინი აკვირდებოდა მოურავისა და მისი ცოლის ყოველ მოძრაობას, თვალს ადევნებდა აგრეთვე გლახების გამომეტყველებას, რომლებიც მათ მტრულად შესცქეროდნენ, ცოლ-ქმარი სასაფლაოზე დიდხანს არ დარჩენილან და უკმაყოფილო სახით მალე იქაურობა დატოვეს.

რამდენიმე ნაბიჯი არც კი ექნებოდათ გადადგმული, რომ სასაფლაოს ისევ მხიარული ხმაური და ლაპარაკი მოეფინა. ინდიელები საფლავის ბორცვებზე ჩამოსხდნენ და მჭადის ჭამას შეუდგნენ, თან იმ ლობიოსაც ატანდნენ, ჯამით რომ მიცვალებულებს მოუტანეს. დროდადრო თითო ყლუპ პულკესაც მოსვამდნენ ხოლმე. პულკემ ისინი უფრო გაამხიარულა. ბავშვები საფლავებს გარს უვლიდნენ და თამაშობდნენ. ერთმა ბიჭმა სახეზე თავის ქალას ნილაბი აიფარა. დანარჩენები გარს შემოეხვივნენ.

— სად იშოვე?

— ბიძაჩემმა ხუნამ მომიტანა ქალაქიდან. ვლაც მდიდრის ბავშვს გადაუგდია, რადგან ნილაბს ცხვირი გაფუჭებია. ბიძაჩემს აუღია და ახლა მე დამასაჩუქრა.

— ცოტა ხანს გვათხოვე. რა! — შეეხვეწა რამდენიმე ბიჭი. ყველამ რიგრიგობით მოიარგო. ზოგი მშვიდად იკეთებდა

და იხსნიდა, ზოგი შეშლილივით დარბოდა და იგრიხებოდა, ვითომ ავსულები ვართო. როცა ნილაბი ტრინის ერვო, მტვრისა და წებოს სუნმა ისე გააოცა, კუნტრუშიც კი დააიწყდა.

ასე მხიარულად გაატარეს დრო სასაფლაოზე ბავშვებმაცა და დიდებმაც. საღამომღე დარჩნენ. ზოგ მამაკაცს მეტი მოუვიდა დალევა და ვინ იცის, რას რომავდა. ტრინი მეზობლის პატარა გოგო ხუანიტას ეთამაშებოდა. ისინი რიგრიგობით ჩამორბოდნენ ერთი საფლავის ბორცვიდან, რომელსაც ბალახი მაღალ მოსდებოდა. ბოლოს მოშვიდათ და თავისიანებისაკენ გაქცნენ. ქამის შემდეგ ტრინიმ ღალა იკრძნო, დიდი პაპის საფლავზე მიწვა და ისე ღრმად ჩაეძინა, ისიც აღარ გაუგია. სახლში როგორ წაიყვანეს.

ეს ყველაზე მხიარული სახალხო ზეიმი ყოველ წელიწადს იმართებოდა. შემდეგ ტრინის აღარ უკვირდა, როცა სასაფლაოზე მოურავის გამოჩენას ინდიელები მდუშარედ ხვდებოდნენ ხოლმე. ამას მიეჩვია, გაგებით კი მოგვიანებით გაგო. რატომ ხვდებოდნენ ასე, დიდი დიდდასაგან მრავალჯერ მოესმინა ერთი და იგივე ამბავი, ახლა ეს მონაყოლი უკვე ზეპირად ახსოვდა და ხშირად გაახსენდებოდა ხოლმე. ასე გაგო მან ამ სოფლისა და დიდი მამულის ამბავი.

სასახლე ჩაპულ ტემპის გვირი ზიპეი

სან ბარტოლოში გრილი ღამეები იცოდა. ეს არც იყო გასაკვირი, თუ გავითვალისწინებთ. რომ სოფელი ზღვის დონიდან ორა ათასი მეტრის სიმაღლეზე მდებარეობდა. ამ სოფლის მცხოვრებნი, დაბნელდებოდა აუ არა, მაშინვე წყებოდნენ და შინნაქსოვ შალის საბნებში ეხვეოდნენ. მაგრამ თბილი ღამეებიც გამოერეოდა ხოლმე. როგორც კი მთვარე ამოვიდოდა. მთელი ოჯახი ქოხის წინ მოიკალათებდა და თვალწინ გადაშლილი მიდაპოს მზერით ტკებოდა. მთვარის შუქით განათებულ მთა-გორები ტრინის რაღაც მომაჯადოებლად ეჩვენებოდა. ჯერ ისეე ჩამუქებულ ცაზე შავად გამოიყურებოდა შორეული მთაგრეხილები. დაისს თანდათან ღამე



სჯაბნიდა და საბრძანებელი მთვარეს რჩებოდა. ასეთ ღროს-
მთაგრეხილის თავზე ხშირად მოჩანდა თეთრი ქულები, რომ-
ლებიც სხვადასხვაგვარ ფორმას იღებდნენ.

დიდი დიდება ტრინის უხსნიდა, ეს ბოლის ბოლქვები-
დიდი ცეცხლისმფრქვეველი მთიდან ამოდისო.

— მერე, როგორ ამოდის? — დაინტერესდა ტრინი. — მთა
გახვრეტილი ხომ არ არის?

— როგორ არა, დიდი ყელი აქვს და ბოლიც იქიდან ამო-
დის. მე ასე მითხრეს, მაგრამ ჩვენი ოჯახიდან იქ არავინ
ყოფილა. მაგ მთაზე ღმერთი ცხოვრობს. ჩვენი მოძღვარი,
პადრე ფელიქსი ძალიან გაბრაზდება. ასეთი რამ თუ გაიგონა.
ის ამბობს. ის ძველებური, ინდიური ღმერთია და ქრისტიანმა
არ უნდა ახსენოსო. მაგრამ ხალხს მაინც ეშინია მისი და იქ
ასვლას ვერავინ ბედავს; განსაკუთრებით მაშინ ეშინია, როცა
მთას სქელი ღრუბლები შემოადგება და ქარიც ვერ ფანტავს-
ხოლმე.

— უფრო მეტად რატომ სწორედ მაშინ ეშინიათ? — იკითხა ტრინიმ.

— ამბობენ, ამ დროს ღმერთი თავისი ცოლის სანახავად მიდისო. ღმერთის ცოლი მეზობელ მთაზე წევს და ზემოდან თოვლის საბანი ახურავს. შენ, რასაკვირველია, ეს მთა დაგინახავს, მას „მწოლარე ქალი“ ჰქვია.

ღიას, ტრინის უნახავს ის მთა. ისევ გადაავლო თვალი თეთრი ღრუბლის ქულებს, მთას თავზე რომ დასდგომოდა. ეს ქულები ახლა ნაფლეთ-ნაფლეთად მოჩანდნენ.

— ერთხელ, — წყნარად განაგრძო დიდმა დიდედამ, — ბავშვობისას, ამ მთაზე ავედი. ეს დიდი ხნის წინათ მოხდა, წარსული საუკუნის ნახევარში. აღარ მახსოვს, რა მინდოდა იქ. ის კი მაგონდება, მთელი დღე მთებზე ვიხეტიალეთ და ძალიან დავიღალე. მერე მამაჩემის ნათლიმამასთან შევიარეთ, მაგრამ ვერც იქ დავისვენეთ. ჩვენი მისვლისას სოფელში სწორედ იმაზე მსჯელობდნენ, ხომ არ სჯობია, ავიყაროთ და მთებში გავიხიზნოთო, რადგან ჩრდილოეთ ამერიკელთა ჯარისკაცები ახლო მოსულიყო.

— რატომ მოსულიყო ჩრდილოეთ ამერიკელთა ჯარი? — იკითხა ტრინიმ.

— მე თვითონაც არ ვიცი, რატომ მოსულიყვნენ იმ შორეული ქვეყნიდან, — მიუგო დიდმა დიდედამ.

— მაგას რა დიდი ცოდნა უნდა! — უთხრა დიდედა ამბროსიამ. — მუდამ გაუმძლარ ამერიკელებს მექსიკის გაძარცვა მოესურვათ. ამის გამო მაშინ ომი წამოიწყეს. დაიპყრეს რიო გრანდეს მთელი ვალმა მხარე და დღემდე იქ პარპაშობენ ეგ ყაჩაღები!

— ჰო, ამბროსია. — წყნარად უთხრა დიდმა დიდედამ. — ასეთ ამბებში შენ ჩემზე უკეთესად ერკვევი. — მერე ისევ განაგრძო: — მეორე დღეს ამერიკელები ვნახე. მშვენიერ სამხედრო ფორმაში გამოწყობილიყვნენ. ჩვენს ჯარისკაცებს კი დაფლეთილი სამოსი ეცვათ. ყველას ძალიან გვიკვირდა, რომ ამერიკელ ჯარისკაცებს ნამდვილი ფეხსაცმელები ეცვათ. მამაჩემის ნათლიმამამ გვითხრა, ჩვენი გენერალი ძალიან მდიდარი მემამულეაო, ჯარის შესამოსად და გამოსაკვებად უამრავ ფულს იღებს, მაგრამ სულ თვითონ იჯიბავს. ჯარისკაცები კი ეგრე დაფლეთილები და მშვივრები დაუდისო.

— მერე ის ამერიკელები თქვენთან დარჩნენ? — იკითხა ტრინი.

— არა. ქალაქ მეხიკოში წავიდნენ. დამაცადე, ყველაფერს თანმიმდევრულად ვიამბობ. ქალაქის ერთ გარეუბანში, მაღალ მთაზე. იდგა ძველისძველი სასახლე ჩაპულ ტეპეკი. რადგან ჩვენი გენერალი მონდომებით არ იბრძოდა, ოფიცერთა სკოლის მოაწავლეებმა გადაწყვიტეს, ამ სასახლეს ჩვენ დავი-ცავთო, და იქ გამაგრდნენ. თუმცა მთლად ბავშვები იყვნენ, მაგრამ ვადაწყვიტეს, მედგრად ებრძოლათ და მტერი ქალაქში არ შემოეშვათ. სასახლიდან გახურებული სროლა ატეხეს, მაგრამ ეს ბავშვები ამერიკელთა ამდენ ჯარსა და მათ გამოც-დილ გენერალს რას გაუშკლავდებოდნენ? გრინგოები სასახ-ლეში შეუტყვიდნენ და ცოცხლად დარჩენილებიც ერთიანად გაუღიტეს.

ტრინის სიძულვილისაგან თვალები გაფართოვებოდა.

— მერე და... სიტყვას ველარ პოულობდა იგი.

— აი, ტრინი, — წყნარად განაგრძო კვლავ დიდმა დიდუ-დამი. — ეს ბიჭები ნამდვილი გმირები იყვნენ. სწორედ გმირ ბიჭებს უწოდებდნენ. ყველანი ამერიკელებმა ამოხოცეს. ამი-ტომ არ უყვარს ჩვენს ხალხს ამერიკელები.

— ჩვენს ხალხს არა მარტო არ უყვარს ამერიკელები, სძულს კიდევ, — მკაცრად თქვა ამბროსიამ.

შორეული ვულკანის თავზე წამომდგარმა ღრუბლებმა კვლავ ფორმა შეიცვალეს.

უცხოელი იმპერატორი და მისი ოპროს ემლი

მეორე საღამოს დიდმა დიდუდამ ისევ ძველი ამბების თხრობა განაგრძო:

— ცხოვრება ძალიან გვიძძიმდა. ბატონების სახლში ახალ-გაზრდა გრაფი ცხოვრობდა. ძალიან გაჭიანურებული სახელი ჰქონდა: ფელიქსი გრაფი არიოლა ი მირაფლორესი. მონდენილი და მხიარული ბატონი ბრძანდებოდა და ფულების

ფლანგვა უყვარდა. ფლანგვა კი უყვარდა, მაგრამ ფულებს ვინ აქლევდა? რასაკვირველია, თავისი ყმები, ჩვენ. არაფრის დარდი არ აწუხებდა. მის მოურავს შეეძლო, რასაც კი მოისურვებდა, ყველაფერი გაეკეთებინა, ოღონდ ბატონისათვის ნადირობისა და ქალაქში მდიდრული ცხოვრებისათვის საკმარის ფულები ეძლია. მოურავი ხელფასს გვინახევრებდა, უბრალო რამისთვის ჯარიმას გვახდევინებდა, ზოგჯერ ხელფასს გვიკავებდა.

ხანდახან ლამაზ ცხენებზე ამხედრებული სტუმრები მოუვიდოდა ხოლმე. ზოგს მოქარგული კოსტუმები ეცვა, ზოგს — ვერცხლის ყაითნით მორთული მუნღირები და ვიწრო რეიტუზები. ცხენებზე გადამჯდარ ქალებს ძალიან გრძელი კაბები ეცვათ და ორივე ფეხი ერთ მხარეზე გადაედოთ. ძალიან თეთრები იყვნენ და მიწაზე ორი ნაბიჯიც რომ გაევლოთ, მაშინვე ქოლგებს გაშლიდნენ, რომ მზეს ჩვენსავით არ დაეწვათ. ბატონის გაჩახჩახებულ სახლიდან შუალამემდე ღრიანცელი ისმოდა. მაშინ მათი სასახლის ახლოს, ქოხში ვცხოვრობდით. ვიწექით ბნელში და თავს ვიმძინარებდით. ფიქრი და აზროვნება ჩვენც შეგვიძლია. თუმცა უფრო ნელა, ვიდრე კეთილშობილ ესპანელებს, უმაღლეს სკოლებში რომ სწავლობენ. რატომ ვფიქრობდით იმ დროს იმდენს, ამას თავისი მიზეზი ჰქონდა. სწორედ მაშინ ახალი პრეზიდენტი — ბენიტო ხუარესი აირჩიეს. ეს ამბავი ძალიან გვიკვირდა, რადგან ის არც გენერალი იყო და არც სასახლის პატრონი, უბრალო ადვოკატი გახლდათ. თანაც მთლად ინდიელს ჰგავდა, ჩვენსავით შავი კანი და ფართო პირი ჰქონდა. ჩაცმით კი ჩვენსავით არ იცვამდა, სულ შავ სამოსში გამოწყობილი დადიოდა. ერთხელ მეც ვნახე, ჩაფსკენილი და ბეჭებგანიერი კაცი იყო. ეტლში იჯდა, მაგრამ ეს ეტლი ისეთი მშვენიერი როდი იყო, რომლებითაც ბატონები დადიან, ერთი პატარა ორთვალა იყო, ისეთივე ღარიბული გადასახსნელი სახურავი ჰქონდა, როგორც ტანისამოსიც ეცვა. ასე მოგზაურობდა ის მტკრიან გზებზე. ხალხს ძალიან უყვარდა. დიდ ესპანელ მემამულეებს კი სძულდათ, სძულდათ ეპისკოპოსებსაც — ისინი ხომ დიდი ესპანელი ბატონების ძმები ან ბიძები არიან. მღვდლებს იმიტომ არ უყვარდათ, რომ მას სურდა ეკლესიისათვის უზარმაზარი მამუ-

ლები ჩამოერთმია და ჩვენთვის, გლეხებისათვის დაერიგებინა. ამის გამო ეკლესიებში ხუარესის წინააღმდეგ ქადაგებდნენ და მას ქრისტიანობის მტერსა და ბაბილონურ მხეცს უწოდებდნენ. დიდი მამულებისათვისაც უნდოდა მიწების ნაწილის ჩამორთმევა. ამას ხალხში რეფორმას უწოდებდნენ. მაშინ ყველა ამ რეფორმაზე ლაპარაკობდა.

ერთ დღეს ჩვენი სოფელი ძალიან გამოცოცხლდა, მემამულეს მდიდარი ბატონები ეწვივნენ. გეგონებოდათ ჭიბრზე, ცხენებს პირდაპირ ჩვენს ყანებზე მოაჯირითებდნენ, თითქოს სხვა გზა არ ყოფილიყოს. ამ დროს სიმინდი უკვე შემოსული იყო. მაგრამ იმ ბატონებს აბა რა ადარდებდათ, თუ მათი ცხენები ყანას გადაქელავდნენ და მშვივრებს დაგვტოვებდნენ. ცხენოსნებს კარეტები მოსდევდნენ. ერთ-ერთში ეპისკოპოსი იჯდა. დანარჩენებში — მღვდლები და ეკლესიის მსახურნი. ეპისკოპოსი ძალიან მსუქანი იყო, კარეტიდან ძლივს ჩამოგორდა და ბატონის სახლის კიბეზე ორ საფეხურს რომ აივლიდა, ისვენებდა, ხენეშოდა და სული ყელში ებჯინებოდა. მის შესახვედრად გრაფინია გამოემართა, ღრმა რევერანსით მიესალმა და მსუქან ხელზე გაკეთებულ ბეჭედზე ეამბორა. ცოტა ხნის შემდეგ ბატონის სახლიდან საეკლესიო სიმღერები და ზარის წკარუნი გაისმა. ბატონებისთვის სწირავდნენ. მერე რა მოხდა, ვეღარ გავიგეთ, რადგან ბატონები ჩაიკეტნენ და ფანჯრებიც მაგრად მოხურეს. კართან ბატონის ორი ზედამხედველი გუშაგობდა თოფებით ხელში. ორივე ზედამხედველი მთელ ოლქში განთქმულები იყვნენ სისასტიკით, ცემით რამდენიმე ყმა სიკვდილის პირას მიიყვანეს. ამის გამო მსახურები კარებთან მიახლოვებას და ყურის დაგდებას ვერ გაბედავდნენ. მაგრამ ისედაც კარგად მივხვდით, რაც ბატონის სახლში ხდებოდა. ჩვენებიც ჭვუფ-ჭვუფად შეიკრიბნენ, რათა ბატონს თვალში არ მოხვედრილიყვნენ. ეჭვი არ იყო, ეპისკოპოსსა და ბატონს არ უნდოდათ ჩვენთვის იმ მიწის მოცემა, რომელსაც პრეზიდენტი ხუარესი დაგვპირდა.

ამის შემდეგ დიდხანს არ გაუვლია, რომ ჩვენს ქვეყანას საფრანგეთის ჯარი შემოესია. მათ ხუარესს ომი გამოუცხადეს. ხმები დადიოდა, ფრანგებმა თან ერცკერცოვი მაქსიმელიანე ჩამოიყვანესო.

ერთ ღამით, როცა ყველას გვეძინა, ჩვენს ქოხს რამდენივე კაცი მოადგა, რომელთაც მე არ ვიცნობდი. ისინი შიგნით შემოვიდნენ, ჩაცუკქდნენ და ინდიურ ენაზე ჩურჩულს მოკყენენ. ჩვენი სოფლელებიც მალე აქ გაჩნდნენ და ქოხი ხალხით აავსო. სოფლელები მოსულეებს შეეკითხნენ, ერცპერცოგის მოსვლა რას ნიშნავსო. უცხოთაგან ერთ-ერთმა განმარტა, რომ ერცპერცოგი იმპერატორად დასვეს და მათ უნდათ პრეზიდენტ ხუარესს ხელი შეუშალონ, რათა მან ბატონების მიწა ჩვენ არ დაგვირიგოსო. „ამის ჩადენა ხომ გრაფსა და სხვა ბატონებსაც შეეძლოთ“, — თქვა მამაჩემმა. უცხომ კი ასე უპასუხა: „მოსულმა ერცპერცოგმა ჩვენი გაჭირვების ჭრათფერი იცის, ამიტომ ჩვენი ბატონები და ეპისკოპოსები ფიქრობენ, რომ ის ხალხს უფრო მეტად დაიმონებს“.

მართლაც ასე მოხდა. იმპერატორმა ფრანგი ჯარისკაცები ჩვენი პრეზიდენტ ხუარესის წინააღმდეგ საბრძოლველად გაგზავნა. თვითონ მაქსიმილიანე კი მეხიკოსაკენ გაეშურა. მაქსიმილიანესა და მის ცოლს ჩებულ ტეპეკის სასახლე ძალიან მოეწონათ. სასახლე შეაკეთებინეს და იქ დასახლდნენ. ჩვენი ბატონი მაქსიმილიანესთან ხშირად დაიარებოდა — ისიც მისი ჯიშისა იყო. მოურავების მეშვეობით გრაფი უკანასკნელ ლუკმასაც პირიდან გვეგლეჯდა, ხოლო ერცპერცოგი მინისტრებისაგან თავისი მშენებლობისა და მდიდრული ცხოვრებისათვის თანდათან მეტ ფულს მოითხოვდა. იმას კი არ კითხულობდა, ფული საიდან მოდიოდა. მეტისმეტი სიყოყოჩის გამო დიდი, მთლად ოქროს კარეტის გაკეთება შეუქვეთა. გვერდებზე ფანჯრები და ძვირფასი მორთულობა უნდა ჰქონოდა. მართლაც, თვალისმომკრელად ბრწყინავდა კარეტა. ჩასხდებოდნენ შიგ ორდენებით მოჭედებულ მუნდირში გამოწყობილი იმპერატორი და ფარჩეულობაში გახვეული მისი ცოლი და სასახლიდან ქალაქისაკენ დაეშვებოდნენ. ამბობდნენ, ამას ხალხის საჩვენებლად აკეთებენო. ერთხელ მეც ვნახე იმპერატორი თავის ოქროს კარეტაში. კოფოზე ერთიანად ვერცხლის ყაითნებში ჩამჯდარი მეეტლე უჭდათ, გვერდით რაღაცნაირ ჭრელ ტანისამოსში გამოწყობილი კაცი. ჩექმები სარკვესავით ულაპლაპებდა. ორივე უცხოელი იყო და ცისფერი თვალები ჰქონდათ. სარკის სარკმლის იქით თვალი მოვკარი ერცპერცოგს,

რომელსაც თევზის ბოლოსავით ორად გაყოფილი დიდი ქერა წვერი დაეყენებინა. ერცპერცოგის მეუღლეს ყელზე ბრილიანტას ყელსაბამი ჩამოეკიდა. მისალმებაზე თავს მოწყალედ იქნევდნენ. მინდოდა, გაეჩერებულიყავი, რომ კარგად დაჰენახა, მაგრამ მამაჩემმა ხელი ჩამავლო და მახლობელი შესახვევისაკენ წაშათრია. „რას უცქერი მაგათ, ეგენი უცხოელები არიან“, — მოთხრა მამამ. ჩვენი ხალხიც ამასავე ფიქრობდა.

ცუდად წაუვიდა საქმე ერცპერცოგს. მისი ფრანგი ჯარისკაცები ზღვის ვალმა გაემგზავრნენ, საკუთარი ჯარისკაცები კი ცოტა ჰყავდა. პრეზიდენტმა ხუარესმა ჩაიცვა ძველი სერთუკი, ჩაჯდა თავის ეტლში და დედაქალაქში დაბრუნდა. მისი ჯარი ერთგულად იბრძოდა. ჩვენს სოფელს რომ ჩამოუარეს, გრაფის სახლში დიდი ალიაქოთი ატყდა. გრაფინიამ ზედამხედველი გამოგზავნა და დამიბარა, ჩემთან ერთად წამოდით. წასვლა არ მინდოდა, მაგრამ რას გავხდებოდი? ჩვენ ხომ სინამდვილეში ყმები ვიყავით, თუმცა ბატონები ამტკიცებდნენ, ბატონყმობა აღარ არსებობსო. გრაფი და მისი მეუღლე რამდენიმე სხვა ბატონთან ერთად ეტლებით მიჰქროდნენ, მე კი ტვირთაკიდებული მივბრბოდი. ერთი ბატონის ეზოს რომ მივადექით, უკვე მკვდარივით ვიყავი; მაგრამ ეტლებიც მე უნდა გადმომეტვირთა, ლოგინი გამეშალა და მათთვის ტანისამოსი დამეწმინდა. ასე ვშრომობდი, მაგრამ ჩემთვის ერთხელ რიგიანადაც არ შემოუხედავთ. ასე ჩავედით ქალაქ კერეტაროში. ერცპერცოგიც ამ ქალაქში დაგვიხვდა. მისი ცოლი ზღვის გაღმა გამგზავრებულიყო, რათა რომში პაპისათვის დახმარება ეთხოვა. ერცპერცოგის მეუღლემ იქ რა ჩაიდინა, არ ვიცი, იქნებ ყვირილი მორთო. ჰოდა, ისიც აიღეს და ციხეში გამოჰკეტეს. მერე ხმა დაირხა, ჭკუაზე შეირყაო.

ტრინიმ თავი ველარ შეიკავა და იკითხა:

— ერცპერცოგი კერეტაროშიც ოქროს კარეტით დასეირნობდა?

ყველამ გაიცინა.

— რის ოქროს კარეტა, — უთხრა დიდმა დიდემამ, — ფეხით დადიოდა. ძალიან ცუდ დღეში იყო. ჩვენც საკმაოდ ვაწროდ ვცხოვრობდით. ერთხელ კარებში ვიდექი. მოვიდა ცისფერთვალემა ვილაც ბატონი და დამტვრეულ ესპანურ

ენაზე მითხრა: ხომ არ შეგიძლია, გრაფს ჩემი მოსვლა შეატყობინოთ, მე იმპერატორის ლაიბ-ეჟიმი ვარო. გრაფმა ის, (ასაკვირველია, მაშინვე მიიღო. ერთმანეთს რომელიღაც უცხო ენაზე მიესალმნენ. ის რომ წავიდა, გრაფინამ მიჰიხბოდა და რაც მასთან ვიყავი, პირველად ახლა მომმართა თავაზიანად. იმპერატორის ჯარები დამარცხდნენ და არ ვიცი, ახლა რა გველისო. მერე მთხოვა, კარებში გაჩერდი, ქალაქში პრეზიდენტის ჯარები რომ შემოვა, დაგინახავენ და იფიქრებენ, აქ ინდიელები ცხოვრობენო. კაი ეშმაკი ბრძანებულხარ-მეთქი, — გავიფიქრე, — ახლა ინდიელად სურს თავი მოაჩვენოს, ადრე კი მხოლოდ გვაფურობებდა. ჯარისკაცებისა მეც მეშინოდა, მაგრამ უარი ვერ ვუთხარი და კარებისაკენ გავემართე. რამდენიმე ხანს ვიდექი. უცბად ერცჰერცოგმა გვერდით ჩამიარა. ახლა მას უცხოური მუნდირი როდიღა ეცვა. ფართოფარფლებიანი შლაპა დაეხურა და ისეთივე მოქარგული კოსტუმი ეცვა, მქესიკელი მემამულეები რომ იცვამენ. გვერდით ლაიბ-ეჟიმი მისდევდა. მე გამიკვირდა, ნუთუ ამ მემამულის კოსტუმში ზომ გამოწყობილა, იმით უნდა პრეზიდენტის ჯარს თავი მოაწონოს-მეთქი? იმიტომ გამიკვირდა, რომ თითქმის ყველა ჯარისკაცი თავის დროზე გლეხი იყო და ყველა მათგანს მიწის მიღება და ბატონების გარეკვა სურდა. მაგრამ პრეზიდენტის ჯარი ამ ქალაქში არ შემოსულა. ისინი რამდენიმე დღის შემდეგ მოვიდნენ. ერცჰერცოგსა და მის ორ გენერალს სიკვდილი მიუთსაჯეს. ჩვენ სახლის ბანზე ავედით და სიკვდილით დასჯას ვუყურებდით. მოიყვანეს ერცჰერცოგი თავის გენერლებიანად. წინ პრეზიდენტ სუარესის ჯარისკაცები მოუძლოდნენ, უკანაც ისინი მოჰყვებოდნენ. უჰ, რა საშინელი სანახავეები იყვნენ! ჯარისკაცებს მუნდირები კი არა, პერანგებიც არ ეცვათ. ფეხშიშველებსა და ტანშიშველებს მხოლოდ ტოტებშემოფლეთილი შარვლები ეცვათ. აი, ასეთები იყვნენ ეს ჯარისკაცები, რომლებმაც გაიმარჯვეს. დასჯა მაინც ვერ დავინახეთ, მხოლოდ გასროლის ხმა გავიგონეთ.

— გრაფიც დახვრიტეს? — იკითხა ტრინიმ.

— არა, — უთხრა დიდმა დიდედამ. — ახლა უკვე გვიან არის. დღეს ვეღარ მოვასწრებ იმის მოყოლას, რაც ერცჰერცოგის დასჯის შემდეგ მოხდა.

დიდი დიდება ავად ხდება

ერთ დილით დიდი დიდება ფეხზე ველარ აღგა, ისევ ჭილობზე იწვა.

ტრინის დედამ მამამთილი ლელვის ხესთან მიიყვანა, ქონისაკენ გაახედა და უთხრა:

— დიდება დიდხანს ველარ გააღწევს. ნათლიდღა მარიანა სომ არ მოვიყვანო? მან ყველაფრის წაშლობა იცის.

ტრინი სასიმიინდის უკან იდგა და მათი ლაპარაკი ესმოდა.

— წადი მარიანასთან, თუკი საქიროა, — უთხრა პაპამ.

— მერე ამბროსიას რა ვუყოთ? — ჩუმად თქვა დედამ.

— ამბროსიას რაღა დაემართა?

— ზომ იცი, ამბროსია მარიანას ვერ იტანს, ჯადოქარს ეძახის: ხალხს, ატყუებს და ფულებს სძალავსო.

— მაშ ნუ წახვალ. სიბერეს ვარავეინ დასძლევს. ერთი-ორი დღე კიდავ მოვიცადოთ. იქნებ დედაჩემს წოლამ უწველოს.

მერე რძალი და მამამთილი ერთმანეთს დასცილდნენ. ტრინიმ არ იცოდა, რას ნიშნავდა სიტყვა სიბერე, მაგრამ იმას კი მიხვდა, რომ შეიძლებოდა მისი საყვარელი დიდი დიდება მომკვდარიყო. საქირო იყო შველა, მაგრამ დიდება თურმე წინააღმდეგი ყოფილა. ტრინის არ უყვარდა დიდება ამბროსია. მაგრამ ეს ვერასგზით ვერ წარმოედგინა, რომ მისი საყვარელი დიდა დიდების მორჩენას ხელს შეუშლიდა. „იქნებ მარიანასთან ჩუმად გავიქცე და ვკითხო, რითი ვუშველო ჩემს დიდ დიდებას, მაგრამ ფული რომ მომთხოვოს? მართლა ჯადოქარი რომ იყოს, მაშინ ზომ ისიც შეიძლება...“ — ფიქრობდა ტრინი.

ტრინიმ არ იცოდა, რის გაკეთება შეეძლო ჯადოქარს, სწორედ ამიტომაც ეშინოდა მარიანასი. დეიდა მარიანა თითქოს აუ ქალს არა ჰგავდა, მაგრამ თუკი ჯადოქარია!..

სასიმიინდეს ამოფარებულმა ტრინიმ თვალი შეავლო დიდება ამბროსიას, რომელიც ქონისაკენ მიეშურებოდა. რა მოხდა? შეშინებული ტრინიც ქონისაკენ გაიქცა და შიგ შეიჭყიტა. ამბროსია ჭილობისაკენ დაიხარა და იკითხა:

— ჩაის ზომ არ დალევდი? კარგია, გაგათბობს.

— არა, — წყნარად უპასუხა მოხუცმა. — სჯობს, ტრინი მოვიღეს.

კარებში მდგარ ტრინის გულში სითბო ჩაედვარა. თვალებზე ცრემლები მოადგა. დიდ დიდედას მისი ნახვა ენატრებოდა, მხოლოდ მისი! უცებ ქოხში შევარდა და ჭილობისაკენ დაიხარა. თავისი ჩვილი ლოყა მოხუცის დანაოჭებულ ლოყას მიადო.

— ჩემი დიდი დედა! — წარმოთქვა აქვითინებულმა ტრინიმ.

მოხუცმა ტრინისაკენ მიიხედა. დანაოჭებულ სახეზე სითბო და სიყვარული დასთამაშებდა.

— ასე ძალიან მიფრთხილდები მოხუც დიდედას?

მწუნარებისაგან გულდათუთქული ტრინი ხმას ვერ იღებდა. მოხუცმა განაგრძო:

— ჯერ ძალიან ცუდად არა ვარ. ასე ძალიან ნუ წუხხარ. როდესმე ყველა დაიხოცება. მუდამ ასე იყო და ასეც იქნება. ტრინის გული უფრო ამოუჯდა. ახლალა მიხედა, რა ძალიან ჰყვარებია დიდი დიდედა.

მოხუცმა თავი შეაბრუნა და ჩაბნელებული ქოხის ჭერს მიაშტერდა.

— ტრინი, — წყნარად წარმოთქვა დიდმა დიდედამ. — ძველი დროის ამბები ზოგი რამ უკვე მოგიყევი. ჩვენ ყმები ვიყავით...

— ყმები რა არის?



— ყმა ის არის, გლეხი რომ ბატონს ეკუთვნის. აი, ჩვენც გრაფს ვეკუთვნოდით. რასაც მოინდომებდა, იმას გვიზამდა. თუ რომელიმე ყმა აუტანელ შრომას ვერ გაუძლებდა და გააქცეოდა, უკან ძალით აბრუნებდნენ. ზოგჯერ გაქცეულებს გზაშივე ჰკლავდნენ. მერე იტყოდნენ, ისეთ გააფთრებულ წინააღმდეგობას გვიწევდა, იძულებული ვიყავით, თავი დაგვეცვაო. ეს, რასაკვირველია, ტყუილი იყო. ზოგჯერ მკვლელობის გამო თავის გამართლებას არც ცდილობდნენ. ჩვენ შესაშინებლად იტყოდნენ ხოლმე, ყველა ასეთ ნაძირალას სიკვდილი ელისო.

— დიდედო, — წამოიწყო ტრინიმ, — ამასწინათ რომ ბიძია მეღჩორა დაიჭირეს, მე თვითონ ვნახე, დრაგუნებმა როგორ გაუკოქეს თასმებით ხელ-ფეხი.

— შენ ის გინდა თქვა, რომ ღღესაც არ გვეპყრობიან უკეთესად? თუმცა ბატონები ამტკიცებენ, ბატონყმობა გადავარდაო, მაგრამ შენ მართალი ხარ, ჩვენ ახლაც ისეთივე ყმები ვართ, ადრე რომ ვიყავით... — მოხუცი ცოტა ხანს გაჩუმდა და მერე ოღნავ გასაგონი ხმით განაგრძო: — ღღეს თავს ცოტა სუსტად ვგრძნობ, მაგრამ მსიამოვნებს, ასე რომ ვწევარ და ამბებს გიყვები. მოდი, საბანში შემომიწევი, შენი ბებერი დიდედა ცოტა გაათბე.

მოხუცი ცოტა ხანს ჩაფიქრდა და მერე განაგრძო:

— ბიძაშენი იერონიმო გრაფთან მებაღედ მუშაობს. ის ჰკვიანი ყმაწვილია, ხალხის ლაპარაკსაც ყურადღებით უსმენს. იცი, გუშინ საღამოს ჩვენთან რომ იყო? არ გეცოდინება, შენ გეძინა. იმიტომ მოვიდა, რომ შეეტყობინებინა, — მეხიკოში დიდი არეულობააო. მიზეზი თვითონაც კარგად არ იცოდა. გაზეთებში წერენ და მოითხოვენ, მიწა ბოლოს და ბოლოს გლეხობას დაუბრუნდესო. ქალაქიდან გრაფი ძალიან ცუდ ხასიათზე დაბრუნდაო. ყველას უღრენდა, ვინც გზაზე შეხვდებოდა. „ის, რაც ბატონებს აბრაზებს, ჩვენთვის კარგია. ყური მახვილად გქონდეთ, რალაც ამბები იწყება“, — თქვა იერონიმომ.

მოხუცი ისევ ჰერს შეაქცერდა.

— იერონიმოს ნათქვამმა ძველი დრო გამახსენა, ტრინი, — დაიწყო ისევ დიდმა დიდედამ. — მაშინაც, პრეზიდენტ ხუა-

რესის დროს, დაახლოებით ამ სამოცი წლის წინ, ასეთი ამბები ხდებოდა. ხალხში ათასნაირი ხმები დადიოდა, გლეხები ერთად იკრიბებოდნენ და ჩურჩულებდნენ. მერე ომიც მალე დაიწყო. ჩვენი სახნაე-სათესი გავერანდა, ყველგან შიმშილი მძვინვარებდა. როცა ბოლოს, ერცჰერცოგი მაქსიმილიანე დახვრიტეს, გვეგონა, ახლა კი გვეშველაო. პრეზიდენტმა ხუარესმა ეკლესიას მიწა წაართვა. მაგრამ ეპისკოპოსებმა ამის გამო მას სამაგიერო მიუზღეს. ერთ ღამეს სახლიდან მინისტრი მელჩორა ოკამპო გამოათრიეს და დახვრიტეს.

— ეპისკოპოსებმა? — ჩაეკითხა ტრინი. — აი, იმათ, გრძელი ანაფორები რომ აცვიათ?

— არა, თვითონ ეპისკოპოსებმა არა, მაგრამ მათ ოფიცრები შეაგულიანეს, რადგან მელჩორა ოკამპოს დახმარებით წაართვა ხუარესმა მიწები ეკლესიას. ამის შემდეგ ცოტა ხანმა რომ განვლო, შევატყვეთ, რომ რაღაც შეიცვალა, თუმცა პირველად კარგად ვერ გავიგე, რაში იყო საქმე. მაშინ მე გრაფინიასთან ვმსახურობდი. ერცჰერცოგის დახვრეტის შემდეგ ძალზე აღერსიანად მეპყრობოდა. სრულიად მოულოდნელად გრაფინიამ გამანთავისუფლა. ეს ამბავი ძალიანაც გამეხარდა, რადგან სწორედ იმ ხანებში გათხოვებას ვაპირებდი. მაგრამ ძალიან გამიკვირდა, რომ განთავისუფლების ამბავი გრაფინიამ კი არ მითხრა, თავისი მოახლის პირით შემომითვალა. მისი მოახლე თეთრკანიანი იყო და ჩვენ, ინდიელებს, ზემოდან დაგვეყურებდა. რამდენიმე დღის შემდეგ გრაფის მთელი ოჯახი ქალაქში გადასახლდა. ეს იმ დროს მოხდა, როცა მექსიკის პრეზიდენტად პორფირიო დიასი აირჩიეს, რომელიც დღესაც ჩვენი ქვეყნის მმართველია. არც ერთ გლეხს ის არ უყვარს. ჯერ არ ვიცოდით, რა კაცი იყო და იმის იმედიც კი გვქონდა, რომ ის მაინც მოგვეცემდა დაპირებულ სან ბარტოლდოს მამულს. ეს იმიტომ გვჭეროდა, რომ დონ პორფირიო ხუარესთან ერთად ებრძოდა ერცჰერცოგს. ძალიან კი მოვტყუვდით! მაგრამ არ უნდა მოვტყუებულიყავით. აღრევე უნდა გვეცოდნოდა, რა შეილი იქნებოდა ეს დონ პორფირიო, რადგან ჩვენი გრაფი მასთან მაშინ მივიდოდა, როცა სურდა, ხოლო დონ პორფირიო მას საუკეთესო მეგობარით ეპყრობოდა. ისინი დედაქალაქში ქეიფობდნენ და დროს ატარებდნენ, ჩვენ კი

მოურავი ქამარს თანდათან მაგრად გვაჭერინებდა. ეს საზიზღარი საწყალ მუშებს ისედაც მათხოვრულ ხელფასს უმცირობდა და უმცირობდა, რაც კი შეეძლო. ერთხელ ერთ-ერთმა მუშამ შეკამათება გაბედა. მოურავი ნელა წაპოვდა, დაკეცა ციფრებით სავსე დავთარი და თქვა: „შენი წყალობით დღეს ფულს აღარც ერთ მუშას აღარ მივცემ. ათი დღის შემდეგ მობრძანდით“.

ათი დღის შიმშილის შემდეგ ნახევარი გასამრჯელო მოგვცა. რომ იჭირვეულებო, ეგრე მოგიხდებოდათო, — გვითხრა მოურავმა. ამჯერად ხმის ამოდება ვერავინ გაბედა, რადგან ერთი კვირით აღრე, ვინც პირველად შეეკამათა, წაიყვანეს, ჯარისკაცებს გადასცეს და მას შემდეგ თვალთ აღარავის უნახავს.

დიდი დიდება გაჩუმდა, გვერდი იბრუნა და ტრინის უთხრა: — გადი, ტრინი, გარეთ, ნახე როგორი ამინდია!

ცა ლურჯად ბრწყინავდა, მზე აცხუნებდა, მაგრამ ჰორიზონტზე რუხი ღრუბლები შემოჯარულიყვნენ. ტრინიმ იცოდა, რომ მალე ცას ღრუბლები დაფარავდა და ქექა-ქუხილი ატყდებოდა. ასე იცოდა ყოველთვის, როცა წვიმების სეზონი დადგებოდა. ახლაც სწორედ წვიმების სეზონი იყო. ტრინი ქოხში შებრუნდა და ეს ამბავი მოხუცს უთხრა.

— სანამ გაწვიმდება, მარტო დამტოვე, — უთხრა მან ტრინის. მეტე კარგად გავხდები.

ტრინი მომწვანო-ტალახისფერი კაქტუსების ღობეში დარჩენილ თავისუფალ ადგილას გაძვრა და სოფლის გზას გაუყვა. ორი გლეხი ინდაურებს მოერეკებოდა. მათ ხელში გრძელი წკებლები ეჭირათ და ეზოებისაკენ გაფრენილ ინდაურებს უკან აბრუნებდნენ. მხარზე თოხგადებული პაპა მინდვრიდან ბრუნდებოდა. ტრინი რომ დაინახა, ჰკითხა:

— როგორ არის დიდი დიდება?

— ძველი დროის ამბები მომიყვა, — მიუღო ტრინიმ.

— ალბათ გაშოკეთდა, — ჩაილაპარაკა პაპამ.

ამასობაში ცის ნახევარს უკვე ღრუბელი მოსდებოდა, თუმცა მზე ისევ იკბინებოდა. უცბად ქარმა წამოუბერა და სოფლის ორღობე წამოგავა. ტრინიმ ქარს ზურგი აქცია, მტკერი რომ თვალეში არ შეჰყოფოდა. პირველად რამდენიმე

მსხვილი წვეთი ჩამოვარდა. ორღობეში ძალღმა გაირბინა და თავი საიქედღ ადგიღას შეათარა.

ტრინი ქღბში დაბრუნდა. შინ მისღლა ძღვის მოასწრო, როღ წვიღამ დაუშვა. საბურავებღიდან ისეთი წყალი წაღოღიდა, თითქოს ვედროებღიდან ასწამენო.

— აქ მო! — დაუძახა მოხუცღა. — მოღი, ისევ ლოღინში შემომიწექი. ეს შესაპუნა წვიღმები ბავშვობღიდან მასსოვს, მაგრამ ყოველთვის რაღაც უცნაურად მეჩვენებოღა. უღაღისოდ აღბათ ვერ ვიცოცხლებღით. წვიღმის წყალი სასმელადაც კარღია და მცენარებღისთვისაც სულზე მისწრებაა. ამ თავსწამ ერთი ამბავღი გაწახსენა. როცა გრაფინია თავისი მამულიდან გაქცევის შემდეგ უჯან პირველად დაბრუნდა, წვიღმების სუზონი იწყებოღა. ბავშვებღიც თან მოიყვანა. ძალიან შეცვლიღიყო. თუღცა მის ქედმაღალ მოახლეს ჩვენ ძალიან ვეზიზღებოღით, მაგრამ ისეთი ლაქღაქის მოყვარული იყო, ხან აქ გაჩერდებოღა, ხან იქ, როღ ყბა ცოტა მაინც მოქეჯებღინა. მისგან გავიგეთ, რაც მომხდარიყო. როგორც, საერთოდ, ბატონებს სწევით, გრაფიც თურმე ცოღს მანამდე სცემღა პატივს, ვღდრე ის ახალგაზრდა და ლამაზი იყო. მერე უღისოდ დაუწყია აქეთიქით ხეტიაღი და გართობა. ქაღაქის სხვადასხვა რაღონში გაიჩინა ქაღები, რომლებსაც მისგან შეიღები გაუჩნდათ. გრაფი მათ ღიდღალ ფულს აძღვეღა. მოახლე ამას „პატარა ოჯახებს“ უწოღებღა და ამტკიცებღა, ასეთი „პატარა ოჯახი“ გრაფს ოთხი ჰყავსო. ეს ამბავი, რასაკვირვეღია, გრაფინიამაც იცოღა. ამის გამო იგი სხვათა მწუხარებღის მიმართაც მგრძნობიარე გახღა. ახღა ის ხშირად დაღიოღა ეკღესიაში და კარგა ხანს ლოცუღობღა. ზოგჯერ ავადმყოფ გღეხის ქაღებსაც კი მოიწახუღებღა და წმინდანებისა და იესო ქრისტეს ამბებს უყვებოღა. ეს ამბავი ბევრს არათერს გვრგებღა, რადგან ჩვენს მოურავს ქრისტე და წმინდანები აინუნშიაც არ მოსღდიღა. სიარულით მოურავიც მუღამ დაღიოღა წირვა-ლოცვებზე, მაგრამ ეკღესიიდან როღ გამოვიღოღა, ისეთი სახე ჰქონღა, თითქოს იქ ახალი ვერავობა მოეგონებღინოს. სახეზე მუღამ ისეთი სიღკაცრე და ბორღტება ეხატებოღა, მისი შეხეღვა შეგზარავდათ.

ღიღი ღიღეღა ინღიეღთა გასაქირის თხრობას განავრძო-

ზდა, ხოლო წვიმა კვლავ ასხამდა. ტრინი მას ჩახუტებოდა და უკვე კარგა ხანი იყო, ჩასძინებოდა. ეს ამბავი დიდდამ გვიან შეამჩნია და გაეცინა. „კარგი ბავშვია, საზრიანი. ოღონდ რა ვიღონოთ, რომ ჩვენნაირი მძიმე ცხოვრება არ ჰქონდეს? მართალია, ჯერ არ მოშივნია, მაგრამ ესეც მოსალოდნელია“, — გაიფიქრა მან და თვითონაც ჩაეძინა. ძილი მისთვის გაცილებით უკეთესი წამალი იყო, ვიდრე ნათლია მარიანას შელოცვა.

ზეცა წვიმის უწყვეტ ნაკადს უგზავნიდა დედამიწას. ქობში მიწისა და მცენარეთა სურნელებით გაელენთილი მაცოცხლებელი ჰაერი იჭრებოდა.

„მშავე“ გრაფი წესრიგს ამყარებს

დიდმა დიდდამ მართალი თქვა, იგი ჯერ არც ისე ცუდად იყო. ორი დღის შემდეგ კვლავ ფეხზე წამოდგა და იმ საღამოსაც კარებთან იჯდა. უხვმა წვიმებმა მიდამო ააბიბინა და ააყვავა. ტრინიმ დიდ დიდდას ბუგანვილიის წითელი ყვავილი მიართვა და გამოჯანსაღების აღსანიშნავად, შევერცხლილ თმებში გაკეთება დაუპირა, მაგრამ მოხუცმა თავი გვერდზე გადასწია და ტრინის უთხრა:

— ეგ ახალგაზრდა გოგონებს ამშვენებს, მოხუცს არ შეჭფერის!

ტრინი დარცხენილი იდგა, ლამაზ ყვავილს ხელში ატრიალებდა და არ იცოდა, რა ექნა.

უხერხულობიდან ისევ დიდმა დიდდამ გამოიყვანა:

— ხელში მომეცი, ყმაწვილქალობას გამახსენებს, გამეხარდება. დღეს კი ძველ ამბებს აღარ მოგიტხრობ. ახლა იმ დროის ამბავს გადმოგცემ, როცა მე უკვე დიდდა ვიყავი.

დადგა 1900 წელი. ამბობდნენ, ამ წელს წარღვნა იქნებოდა. მაგრამ არ ყოფილა, მოხუცი გრაფი კი მოკვდა. მანამდე მისი ცოლი და ვაჟიშვილი დაიხოცნენ. თვითონ ქალაქში გადასახლდა და მთლად გამოსულელდა. ქონების გაჩუქება დაიწყო და ხალხი უფრო მეტად მიაწყდა. მთელი ოჯახი გაანიავა. ხალხმა



ბოლოს ავეჯის გაზიდვას მიჰყო ხელი, ის კი იქვე იდგა და იღიმებოდა.

— ჩვენთვის მას არაფერიც არ უჩუქებია! — ჩაერია საუბარში ამბროსია. — ვინც იმ მოხუც ბოთეს ატყუებდა, მადლობასაც იმას ეუბნებოდა, ჩვენ კი მისი მოურავი ცხრაპირ ტყავს გვაძრობდა.

— მართალია, — განაგრძო დიდმა დიდედამ. — მოურავი გვეუბნებოდა, მოხუც ბატონს მეტი ზრუნვა სჭირდებაო, სინამდვილეში კი ფულის უმეტეს ნაწილს თვითონ იჯიბავდა. ბოლოს, როცა გრაფი გამოფხეკილ სახლში დარჩენილი ერთ ხელ ლოგინში ჩაკვდა, გავიგეთ, რომ მის მემკვიდრეობას მისი შვილიშვილი მიიღებდა, რომელიც საზღვარგარეთ იზრდებოდა. მას არავინ არ ვიცნობდით.

დასაფლავება ძლივს მოასწრეს, რომ მისეულ მამულში ვილაც უცნაური ყმაწვილი გამოჩნდა. შშვენიერ, დიდ ცხენზე გაჭიმული იჭდა ტანადი ჰაბუკი. მის გვერდით მომავალ საწყალ, გაძვალტყავებულ ჯაგლაგზე ვილაც სქელი, სათვალისანი

კაცი იჯდა. მაღალი, ეტყობოდა, კეთილშობილი ბატონი უნდა ყოფილიყო, მაგრამ მან გრაფის სახლს გვერდი აუარა და პირდაპირ მოუტრავისაქენ გაემართა. მოუტრავი შეაშინა მოულოდნელი სტუმრების მოსვლამ, კარში გამოვიდა და აჩქარებით მოიწმინდა გაქონილი ულვაშები. ეტყობოდა, საჭმელს სჭამდა. ჰამა კი ისეთი იცოდა, მთელ ქონსა და ცხიმს გულზე ისხამდა. მე იქვე ახლო ვიდექი და დავინახე, მაღალი, სახეგაყინული კაცი ცხენიდან ჩამოხტა და მოუტრავს უთხრა: „მე გრაფი სეხისმუნდო არიოლა გახლავართ. ჩემთან ერთად მოვიდა დოქტორი ედუარდო არისტა, რათა შევამოწმოთ მამულის ანგარიშსწორების დავთრები. დოქტორი ჩემი საქმეთა რწმუნებულია. წავიდეთ კანტორაში.“

ეს მაღალი, გაჭიმული კაცი თურმე ჩვენი ახალი ბატონი იყო.

მოუტრავს მკვდრის ფერი დაედო სახეზე. თავი დაბლა დახარა და გალიმებას შეეცალა. მაგრამ ეტყობოდა, შიშისაგან ცახცახებდა.

„მანამდე გრაფი ჰამას ხომ არ ინებებდა, მზად მაქვს...“

ბატონმა სიტყვის გაგრძელება აღარ აცალა და ბოროტად შეხედა: „ჯერ ანგარიში ჩამაბარეთ“, — უთხრა მკაცრად.

ჩემს გვერდით ერთ-ერთი მუშა იდგა, მან ყურში ჩამჩურჩულა: „ჩვენი მოუტრავის დღეები დათვლილია, მაგრამ ჩვენ თუ გვეშველება რამე?“

რამდენიმე ხნის შემდეგ გრაფი მოუტრავის სახლიდან გამოვიდა და მამულის გულდასმით დათვალიერებას შეუდგა. სახეზე ერთი ძარღვიც არ შეთრთოლებია. ვერავინ გაიგებდა, უქმაყოფილო იყო, თუ სულ ასე მოღუშული სახე ჰქონდა. მერე გრაფისეული სახლი დაათვალიერა. აქ უკვე მრავალი წლის მანძილზე აღარავინ ცხოვრობდა. ფანჯრის ჩარჩოები ცუდად იყო მორგებული და არ იხურებოდა. სიარულისას იატაკი იღუნებოდა, ღამ-ღამობით ოთახებში ვირთაგვები დარბოლენენ, საწოლები არსად ჩანდა.

გრაფმა ბრძანება გასცა, ღამის გასათევად ერთი ოთახი მომიმზადეთო. მოუტრავს უბრძანა: მოპარულნი ავეჯიდან ზოგი რამ მოიტანე და აქ დაალაგეო.

იმ საზიზღარ მოურავს შიშით ფერ-ფური მისდიოდა. თავი-სი სახლიდან ბატონისაში საჭირო ავეჯი გადმოატანინა. გრაფს გულხელი დაეკრიფა და მოურავის საქმიანობას თვალს ადევნებდა, სქელ-სქელი რწმუნებული კი ცდილობდა, როგორმე გრაფთან ახლოს მისულიყო. ეტყობოდა, ანგარიშსწორების დაეთრებში ისეთი რამ აღმოეჩინა, რასაც არ მოელოდა. გრაფს სახეზე წირიც არ შესცვლია. მხოლოდ ერთხელ დაუქნია თავი არისტას და უთხრა: „მაშასადამე. უნდა ჩავსვათ“.

საქმეთა რწმუნებულმა თითის წვერებზე აიწია და გრაფს რაღაც უჩუბჩულა.

„კი, ხვალ,“ — მიუვო გრაფმა.

ეს ორი სიტყვა „კი, ხვალ“ მაშინვე მთელ სოფელს მოედო. გლეხებს ეგონათ, ხვალ მოურავს დაიპყრდნენ. მოურავიც, ეტყობოდა. აზრისა იყო, რადგან მეორე დღეს აღარსად გამოჩენილა. გაქცეულიყო. ცოლი კი შინ დაეტოვებინა. საშარობა რომ იტყობო, მისი ცოლი ჩვენ მოგვეკელდა, მანამდე კი ზედაც არ გვიყურებდა. ჩვენიანები გაუბრბოდნენ. ჩვენსავით ემუშავა მაინც. მხოლოდ ერთი ქალი — მოძღვრის ყბელი მზარეული სწყალობდა. ორივენი გვიანობამდე ისხდნენ სამზარეულოში. ერთი ჯამი ლობიოსა და შქადის სანაცვლოდ მოურავის ნაცოლარს მზარეულისათვის ახალ-ახალი ამბებო უნდა მიეტანა. მერე ამ ამბების სოფელში გავრცელებაზე უკვე მზარეული ზრუნავდა. მამულის შემოსავლის ნაწილს მოურავი წლების მანძილზე ქალაქში გზავნიდა. შემდეგ, როცა ცხადი გახდა, რომ გრაფი დიდხანს აღარ გაატანდა, მოპარული ფული საზღვარგარეთ გაგზავნა და აღბათ თვითონაც ამ ფულის კვალს გაჰყვა, თუმცა საით წავიდა, დიდხანს არავინ იცოდა. მოურავის ნაცოლარს ის კი არ აბრაზებდა, რომ ქმარმა მიატოვა, ის უფრო ჰგვრიდა ცოფს, რომ თურმე უკვე კარგა ხანი იყო, რაც სხვა, უფრო ლამაზ ქალზე სცვლიდა. მდიდრები ჩვენში ასე იქცევიან. რამდენიმე წლის შემდეგ გაოგეს, სად წეფარებინა თავი მოურავს. ნაცოლარმა მუდარით სავსე წერილები მისწერა, მაგრამ მან არც ერთზე არ უპასუხა. ამბობდნენ, გრაფიც გაფაციცებით დაეძებსო, მაგრამ იპოვა თუ ვერა, ეს ვერ გავიგეთ.

მოურავის გაქცევის შემდეგ მალე გრაფინია ჩამოვიდა.

ღია ეტლში განცხრომით გადაწოლილს თავზე ხელოვნური ყვავილებით მოფენილი ვეებერთელა ქუდი დაედო. კაბის სახელოები ზემოთ ისე ფართოვდებოდა, რომ უზარმაზარ ბურთულებს წააგავდა და მოჭიდავესავით ფართო მხრები მოუჩანდა. სამაგიეროდ წელი ისე გაეკოჭა, რომ ბზიკივით მოჩანდა. ეტლი რომ გაჩერდა, მოახლე მარდად გადმოხტა და გრაფინიას ხელი შეაშველა. ქალბატონმა მარათი სახე გაივრილა, ცხვირი მალა ასწია, ტუჩები დაამრგვალა და თვალბმილულულმა თქვა: „ასეთი მგზავრობა საშინლად დამქანცველია. თავი ამტკივდა. ორი საათი დამასვენე, არავინ შემაწუხოს.“

იცოცხლე, მერე კი გაუფართოვდა თვალები, როცა გაჩანაგებულ სახლში შევიდა, სადაც გაქცეული მოურავის რამდენიმე ნივთილა იდგა. გრაფის სახლში სიმდიდრე და ფუფუნება გვიან დამკვიდრდა. ჩემს ახალგაზრდობაში აქ ისეთი ლხინები იმართებოდა, სოფლელები მთელ ღამეს თვალს ვერ ხუჭავდნენ. ახლა კი ყაირათიანობის გამო ისეთ ღამეებს ანთებდნენ, ჩვენს ზეთის ქრაქზე ცოტა უკეთესი თუ იყო. პირველად მოგვეჩვენა, რომ ეს არც ისე ცუდი იყო. გრაფი ყოველდღე მიდიოდა თავის ახალ მოურავთან და მთელი დღეები დავთრებს უჯდა. თუ რომელიმე მუშას ხელფასიდან რამეს დაუქვითავდნენ, ის წინასწარ გრაფს უნდა სცოდნოდა. ეს ჩვენთვის, რასაკვირველია, კარგი იყო. თუ ვინმეს რამე საჩივარი ჰქონდა, ის ჩვენს მოსმენას კადრულობდა, თუმცა უგრძობლად, და მოღუშული სახე ჰქონდა. მაგრამ მომჩივანს აღარ აჯარიმებდნენ. ანუ გვეგონა, ახლა კი უკეთესი, სამართლიანი დრო დაგვიდგაო. მაგრამ, როგორც ანდაზა ამბობს: რბილად დამიგეს, ხმელად მეძინაო. ჩვენი საქმეც ეგრე იყო.

გრაფმა სხვა ზედამხედველები დაიჭირავა. ისინი წინამორბედთა მსგავსად არ ლოთობდნენ. ზედამხედველებს ის მკაცრ, გარკვეულ მითითებებს აძლევდა. მათ მინდორში ჩვენი მუშაობისათვის თვალი უნდა ედევნებინათ და არავითარი შეღავათი არ მოეცათ. ერთი კვირის შემდეგ გრაფმა ერთი ზედამხედველი გააგდო, რადგან მან ცოტა დასვენების უფლება მოგვცა. ეს სხვებისათვის გაფრთხილება იყო. ადგილების დაკარგვის შიშით ზედამხედველები ინდიელებს ამოსუნთქვის ნებას არ

გვაძლევდნენ. ისე თავაუღებლად გვამუშავებდნენ, რომ ძველი, უყარათო გრაფის დროს ასეთ შრომაზე წარმოდგენაც არ გვექონდა. ინდიელი ხომ ბუნებით მუყაითი და გულკეთილია, მაგრამ ამის მოთმენა არ შეეძლო. გაჭირვებას მანამ ითმენს, სანამ ყელში ამოუვიდოდეს. ჩვენც ასე დაგვემართა.

გრაფი ძალიან გამდიდრდა. თავის ნახევრადანგრეულ სახლში ცხოვრებას შეეგუა და რემონტისათვის ფულს ვერ იპეტებდა. ხელგაშლილ სუფრებს არ მართავდა, თუმცა მის მეზობელ მემამულეებს ამის გამო იგი არ მოსწონდათ. თვითონ ხელგაშლით ცხოვრობდნენ და არაფერი ადარდებდათ. ჩვენს გრაფზე კი ამბობდნენ — მაგის მამულში მუშაობა ნამდვილი კატორღააო. ასე იმიტომ კი არ ამბობდნენ, რომ ჩვენი ჯაკრი ჰკლავდათ. გრაფის საქციელი იმას მოაგონებდათ, რომ თავიანთ მეურნეობაზე უნდა ეზრუნათ. ამას გარდა, გრაფი არიოლა, სარგადაყლაპულივით რომ დადიოდა, ისეთი მოსაწყენი კაცი იყო, მალე მეზობლებმაც თავი დაანებეს მასთან სტუმრობას.

მსახურები მისი ჭამის წესებს გვიყვებოდნენ.

სუფრის ერთ თავში გრაფი იჯდა, უკან მსახური ედგა, მეორეში — გრაფინია. მასაც მოახლე ამოსდგომოდა უკან. მათ შორის ბავშვები და მათი ფრანგი გუვერნანტი ქალი სხდებოდნენ. თუ ოჯახის უფროსები არ გამოელაპარაკებოდნენ, ისინი ისე ხმას ვერ ამოიღებდნენ. ერთხელ ბატონი ტორესი — ტეპოტლის მამულების მფლობელი, ესტუმრათ. ამის შემდეგ ტორესმა ჩვენი გრაფის აუგი ქვეყანას მოჰფინა. მან ფრანგული არ იცოდა და ამიერიდან გრაფს აღარ სტუმრებია.

დიდდილობით გრაფინია მოახლეს თმას ახვევინებდა, მაგრამ რისთვის? ვინ უყურებდა? მათ სანახავად აღარავინ დადიოდა. სვეტებიან აივანზე სარწვეველა სავარძელში ჩაეშვებოდა და ლოცვებსა და ათასგვარ წიგნებს კითხულობდა. ასეთი აღამიანისათვის კი ჩვენ ხალხს შრომით წელი უნდა მოეწყვიტა. ეს საქმე კეთილად არ დამთავრდებოდა.

ქოხის ბნელი კუთხიდან ამბროსიას ხმა გაისმა:

— არც დამთავრდება! ავ სალამზე ავად პასუხობენ.

დიდელას მკაცრმა ხმამ ტრინი შეაშინა.

დადგა 1910 წელი. ტრინი უკვე ექვსი წლისა გახდა. ახლოვდებოდა ზეიმი, რომელიც ბავშვებს ყველაზე ძალიან უყვარდათ — ცხოველთა კურთხევა, რაც ეკლესიის ეზოში ეწყობოდა ხოლმე. შარშან ტრინის დედამ ეკლესიის ეზოში თიკანი მიიყვანა, თვითონ ტრინიმ კი — კისერზე წითელბაფთა-შებმული თეთრი მამალი. კურთხევა, ჩვეულებრივ, მოსაღამოებულზე იწყებოდა ხოლმე, ამ დროს კი ცხოველი განსაკუთრებული ხალისით დახტის და დაკუნტრუმობს ხოლმე. ტრინის ძალიან ართობდა პირუტყვების ცქერა, ერთმანეთს რომ სუნავდნენ და გარშემო უვლიდნენ, თიკნები კუნტრუმებდნენ, ლეკვები ყეფდნენ. ხალხიც და ცხოველებიც სუფთად განბანილ-ჩაცმულები ჩანდნენ. ყველა მხიარულობდა, რადგან კურთხევა მკაცრ ეკლესიაში კი არ მიმდინარეობდა, სადაც ვაყინება არ შეიძლებოდა, არამედ ეკლესიის ეზოში.

ტრინი ხუანიტოსთან ერთად გეგმებს აწყობდა, ზეიმი როგორ გავატაროთ, და შინ გვიან დაბრუნდა. დიდდა ამბროსიას მისთვის პქაღი შეენახა. ტრინიმ ფეხი მოიკრთხა და ჭამას შეუდგა. ერთი რამ ძალზე უკვირდა, რატომ იყო ქოხში მხოლოდ დიდდა ამბროსია, მაგრამ ვერ გაბედა ეკითხა, სხვები სად წავიდნენო. განსაკუთრებით ის აოცებდა. დიდი დიდდა რომ არ იყო, რადგან, რაც თავი ახსოვდა, სადამოობით გარეთ გასული არ უნახავს. ჩაი რომ დალია, იფიქრა, ახლა დავეძინებო. მაგრამ ამბროსიამ მას მხარზე ხელი დააღო და უთხრა:

— ქოხში ფრთხილად შედი, არ იხმაურო. იმათ არ შიოდათ და დაძინეს.

— დიდი დიდდა ავად ხომ არ არის? — იკითხა ტრინიმ.

— ჯერ არ ვიცი.

ტრინის არც დედა ადარებდა და არც პაპა. ოღონდ დიდი დიდდა პეოლოდა კარგად. ნეტავ იმას არ სტკიოდეს არაფერი! დიდი დიდდა დაჰპირდა. ბიძა იერონიმოს ამბავს მოგაყვებო, თუ რა უყო ერთ ზედამხედველს, როცა მან როსარიას — იერონიმოს საცოლეს — ხელის მოკიდება მოუწოდომა. აქამდე ტრინიმ მხოლოდ ის იცოდა, რომ იერონიმო-

საც და იმ ზედამხედველსაც ერთმანეთი ძალიან სძულდათ. მაგრამ ავი საქონის ჩადენას ვერც ერთი ვერ ბედავდა, რადგან ბიძას გრაფის მებაღის ადგილის დაკარგვა ენანებოდა, ზედამხედველმა კი იერონიმოს ვერაფერ დანაშაულზე ვერ წაასწრო. ხოლო გრაფს ერთი ძალიან უსიამოვნო ჩვეულება ჰქონდა, რაც ზედამხედველებს არ მოსწონდათ, — წაკინკლავების დროს, განსაკუთრებით მაშინ, თუ ამას ცხვირ-პირის მტკრევაც მოჰყვებოდა ხოლმე, დაწვრილებით გამოეძიებინა მიზეზი და გაეგო, ვინ იყო დამნაშავე. ამ ამბავს უეჭველად მოუყვებოდა დიდი დიდელა ტრინის, მაგრამ ავად რომ იყო!

ტრინი ქოხში შევიდა. ქოხში სიბნელე იყო. ფეხით ჭილობის კიდე მოსინჯა, დაიხარა და ნელა მიწვა, სადაც წებოდა ხოლმე

— ტრინი ხარ? — მილეული ხმით იკითხა დიდმა დიდელამ.

— დიდი დიდელა ხარ? — კითხვითვე გაეპასუხა ტრინი.

— დღეს ვერაფერს მოგიყვები, მაგრამ ხვალ... ან ზეგ კი მოგიყვები...

მოსუცმა სხვა აღარაფერი თქვა და ტრინი ფრთხილად შეუძვრა დიდ დიდელას ლოგინში, რომ პატარა ჩქამიც არ გამოეღო. დაძინებამდე კიდევ ერთხელ დააფიქრა დიდი დიდელის ბედმა, მერე კი პალე ჩაეძინა.

დილით ტრინიმ ერთბაშად ვერ გაიღვიძა, მაგრამ გუშინდელი სადამო გაახსენდა და თვალები გაახილა. გაღებულ კარებში მზის სხივები შემოჭრილიყო. ტრინის გვერდით საბანში გახვეული დიდი დიდელა იწვა. პაპა ოთახში დაფათურობდა და კრუსუნებდა. გაბრუებული ტრინი გარეთ გაძვრა. ფეხზე რომ წამოდგა, მთვრალივით შეტორტმანდა.

— ავად ხარ, შვილო! ახლაც დაწექა! — უთხრა ამბროსიამ. — იქნებ პური გშაა?

— არაო, — უპასუხა.

თავი ისე დამძიმებოდა, დიდელას აღარ ათქმევინა, ქოხში შემობრუნდა და ჭილობზე დაწვა. თავს ძალიან ცუდად გრძნობდა.

კანტორაში გრაფი მაგიდას მიჯდომოდა. მოურავი ზურგს უკან დასდგომოდა და ციფრებით აჭრელებულ წიგნში წარმოდგენილ გრძელ ანგარიშს განუმარტავდა. უცბად კარებში გრაფის მეზალე იერონიმო გამოჩნდა და ქუდი მოიხადა. გრაფმა თავი მალა აიღო და იერონიმოს გაფართოვებული თვალებით შეაცქერდა.

— ბატონო, — დაიწყო ახალგაზრდა მეზალემ ესპანურად, რადგან გრაფმა ინდიური ენა არ იცოდა, — დღეს მარტო მომიწია ბაღში მუშაობა.

— რატომ?.. ჰო, მართლა, უკვე მითხრეს, რომ სამუშაოზე ბევრი არ გამოსულა. გაფიცვა ხომ არ მოგიწყევიათ? აქაც მოაღწია ამ იდეებმა? გაიფიცეთ, რომ ამითი დაიკმაყოფილოთ თქვენი მოთხოვნილებანი?

გრაფმა გრძელი ხელი დაარტყა გადაშლილ დავთარს.

— არა, ბატონო, — მიუგო იერონიმომ წყნარად, — კი არ გაიფიცნენ, ავად არიან.

— სისულელეა! — შეჰყვირა გრაფმა, — მუშაობა არა სურთ და ეგაა. ისე კი, ყველა მოვალეა იმუშაოს, მათ შორის მეც! მეზალე ქუდს ხელებში სრესდა.

— ბატონო, ერთი სათხოვარი მაქვს თქვენთან.

გრაფმა მას ბოროტი მზერა ესროლა.

— არ შეიძლება, ქალაქიდან ექიმი გამოგვიძახოთ?

— აი, ეგ მაკლდა, სწორედ... — გაცხარდა გრაფი.

იმის გამო, რომ გრაფს სიტყვა შეაწყვეტინა, მეზალემ ბოდიშის მოსახდელად თავი დახარა.

— ასეთი რამ სად გაგონილა! ორიოდ ინდიელი ავად გახდა და ექიმი მიაართვით! მერედა, ექიმს ფულს ვინ გადაუხდის? გაქვს სამაგისო ფული?

გრაფი თითქოს რაღაცას ფიქრობდა. მერე თავი ასწია და იერონიმოს უთხრა:

— რაზე ეტყობათ ავადმყოფობა? ახველებთ, თუ სიცხე აქვთ?

— არ ახველებთ მაგრამ დიდი სიცხე აქვთ და გონებაზეც არ არიან.

— ეს ხომ ჩვეულებრივი მალარიაა! მალე გაუვლით! ბევრია ავად?

— ჩვენთან არ არის ბევრი, — მშვიდად მიუგო იერონიმომ. — წლის ამ დროს ჩვენთან ავადმყოფობა არ იცოდა.

გრაფი ფეხზე წამოდგა და ოთახში აჩქარებით გაიარ-გამოიარა. მერე ერთბაშად იერონიმოს წინ შეჩერდა:

— კეთილი. წადი შენს ბაღში, რამეს მოვიფიქრებ.

იერონიმომ ვერ გაიგო, გრაფი რის მოფიქრებას აპირებდა. რაღა თქმა უნდა, ექიმს არ გამოიძახებდა. თუნდაც ამოწყვეტილან, ინდიელები რაში ენალვლება, მაგრამ დამაცადე! ეგ კარგი ახრი ჩამაგონე, რომ შეგვიძლია სამუშაო მივატოვოთ და აქედან გაგაძევოთ, როგორც ეს წასულ კვირას ლაგუნის ბამბის პლანტაციებში მომუშავე ინდიელებმა უყვეს თავიანთ ბატონს. გვიფრთხილდი, სისხლის მსმელო წურბელაე!



გრაფი უგემურად გამოემშვიდობა მოურავს და აჩქარებით გაემართა შინისაკენ. კოლონადების ჩრდილში, ჭრელქსოვილ-გამოკრულ ფართო, რბილ საეარძელზე მისი მეუღლე გადაწოლილიყო. ჩვეულებისამებრ, თმა გულმოდგინედ დაევიარცხნა და ფრანგულ რომანს კითხულობდა.

— ჩემო კარგო, — ფრანგულად მიმართა მეუღლეს გრაფმა. — რასაც ახლა გეტყვი, ჯერ ჩვენს მეტს ნურავის ეცოდინება. დღესვე ბავშვებიანად ქალაქში უნდა გაემგზავრო და თან წაიყვანო მასწავლებელიც, გუვერნანტი ქალიც და ყველა ვინც გჭირდება.

შემკრთალმა ქალმა ქმარს შეხედა:

— რაშია საქმე? მართლა რევოლუცია ხომ არ იწყება? გუშინ არ ამბობდი. ასეთი საშიშროება არ მოგველისო? ხომ არ აჯობებდა. ჯარისკაცები გამოგვეთხოვა, ქალაქამდე უვნებლად მიგვიყვანდნენ!..

გრაფს გაეღიმა.

— არა, ჯერ საქმე აქამდე არ მისულა. ჩვენმა მებაღემ, იერონიმომ, შემატყობინა, ბევრი ინდიელი ავად გახდა!

— ოჰ, მეც არა ვთქვი, რა მოხდა-მეთქი! — წამოიძახა უკვე

დამშვიდებულმა ქალმა და პირი ნაზად მოკუმა, ამაზე ეტყო-
ბოდა წმინდა ესპანური წარმომავლობა. ინდიელ ქალებს დი-
დი პირი აქვთ. — ეს ხალხი სარეველასავით არის გამრავლე-
ბული, ასე იოლად რა დახოცავს. — განაგრძო გრაფინიამ. —
ფაშფაშა მარიანა უშველის იმათ. იგი ხომ განთქმული ექიმბა-
შია და ათასნაირი ბალახ-ბულახიც აქვს.

— მე სულ სხვაგვარად ვფიქრობ, ჩემო კარგო, — უკმა-
ყოფილოდ მიუგო გრაფმა მეუღლეს. — მარიანას მკურნალო-
ბისა არაფერი მწამს. მე ინგლისში გავიზარდე და თანამედ-
როვე მედიცინისა უფრო მიჯერა, ვიდრე მაგ კუდიან მარია-
ნასი.

— კარგი, კარგი, მაგრამ ჩვენი წასვლა რა აუცილებელია?

— მეშინია, ეს ავადმყოფობა რამე საშიში სენი არ იყოს
და, რაკილა ამათ ჰიგიენაზე წარმოდგენა არა აქვთ, ყველას არ
გადაედოს. ამიტომ ჯობია, წახვიდეთ.

— მაგ იერონიმოს ყბედობას ყურს რას უგდებ, შენ თვი-
თონ არ ამბობდი, ხალხს მიჯანყებსო?

— ეგრე არ მითქვამს. დამამტკიცებელი საბუთი რომ
მქონოდა, კარგა ხანია გამომწყვდეული მეყოლებოდა. ამჯერად
მისი მაღლობელიც კი ვარ, რადგან თქვენი აქედან გაგზავნა
იმან მაფიქრებინა. აქ მოხუცი მანუელა დამიტოვე და ჩემზე
ის იზრუნებს.

გრაფინიამ ქმარს გამომცდელად შეხედა, ხომ არ ხუმრო-
ბსო. მიხვდა, შეკამათება ამაო იყო, მაგრამ ახლაც ხომ არ
აიკრავდა გუდა-ნაბაჟს. წამოდგა და მოახლეს დაუძახა.

გრაფი თავის ოთახში შევიდა და საწერ მაგიდას მიუჯდა.
ყოველი გამგზავრების წინ მარშრუტს ზუსტად შეადგენდა
ბოლქვ. ამას გარდა, ცოლისთვის ბანკიდან ფულის მისაღე-
ბად მინდობილობა უნდა მიეცა და ისიც გაერკვია, მთლიანი
ანგარაშიდან რამდენი უნდა მიეღო.

ავადმყოფი ინდიელები მას აღარ ახსოვდა.

ჯალოჰარი მარინა

დიდდა ამბროსიას თავისი შვილებიდან ყველაზე ნაკლებ ჰგავდა ცოცხალი და დაუდგრომელი იერონიმო. მან საოცრად დამაჭერებელი და გულში ჩამწვდომი ლაპარაკი იცოდა. თუმცა ვაეიშვილი დედამისს ნაკლებად ჰგავდა, მკაცრი, ჩუმი ამბროსია იერონიმოს მეტ ანგარიშს უწევდა და ზოგჯერ მის რჩევასაც ყურს უგდებდა.

— როგორ არის საქმე, დედა? — ჰკითხა იერონიმომ ამბროსიას.

— ცუდად, — მიუგო ამბროსიამ. — მამაშენი, ეტყობა, დაუძვრა ავადმყოფობას, დიდი დიდდა ცარიელი ძვალი და ტყავილაა. ტრინი და დედამისი ჯერაც ისევ უგონოდ წვანან. სულ ერთთავად წყალს ითხოვენ, სხვა მხრივ სიცოცხლის ნიშანს ვერ შეატყობ.

კარგა ხნის ღუმლის შემდეგ იერონიმომ თქვა:

— გუშინ გრაფთან ვიყავი და ვთხოვე ექიმი მოგვიყვანეთ-მეთქი, იმან კი თავისი ცოლ-შვილი ქალაქში გადახვეწა. ჩვენი თავის გარდა ვერავის იმედს ვერ ვიქონიებთ. ჩვენ კი რა შეგვიძლია? ფაშუაშა მარინა ხან ერთ ქოხშია, ხან მეორეში...

— და რალაც აბდაუბდა ლოცვებს ჩმახავს, არა? — შეაწყვეტინა გაჯავრებულმა ამბროსიამ.

— შეიძლება აბდაუბდასაც ჩმახავს, მაგრამ, მომისმინე, დედა!

— ჰო, რალა გინდა?

— რახან სხვა მშველელი არა გყავს, მარინას მაინც დავუძახოთ? — ამბროსია დაფიქრდა და მერე თქვა:

— კარგი, მოიყვანე. ვნებით მაინც ვერაფერს გვავენებს.

მეორე დილას მარინა მოვიდა, სამზარეულოსთან შეჩერდა და ამბროსიას მიესალმა.

— დილა მშვიდობისა, — ცივად მიუგო დიდდა.

— შეიძლება ავადმყოფთან შევიდე? შენი ნებართვის გარეშე არ შევალ, — თქვა მარინამ.

— ნებას გაძლევ.

მკლავზე წამოცმულ კალათაში მარინას პატარა ქილა და ათასგვარი ხარახურა ეყარა. ძველი ჩვეულების მიხედვით, ზე-

დიზედ რამდენიმე ქვედა კაბა ეცვა, რის გამოც ძალიან ზორ-
ზოხა ჩანდა. ყავისფერი ფეხები მოკლე და მსხვილი ჰქონდა.
მრგვალ პირისახეზე კეთილი თვალები უციალებდა. მარიანა
ქოხში შევიდა და პაპის ქილობის წინ ჩაიჩოქა.

პაპამ მარიანას შეხედა და გაუღიმა:

— გამარჯობა, მარიანა. მე უკვე კარგადა ვარ. თუ შეგიძ-
ლია, ქალებსა და ტრინის მიხედვ.

მარიანა ტრინის დედას მიუჩოჩდა და ხმადებლა უთხრა:

— გლვიძავს, ლუპე? აი, წამალს მოგცემ, სიცხეს დაგივ-
დებს, კარგად გახდები. — მარიანამ ქოთნიდან რალაც მოყავი-
სფრო მალამო ამოიღო და ლუპეს შუბლზე წაუსვა. მალამოს
ბალახეულის სუნი ასდიოდა. მერე თეთრი ქსოვილის ნაჭერი
ამოიღო და შუბლზე დაადო. თავი ფრთხილად აუწია და შე-
უხვია.

ლუპე ერთბაშად გამოფხიზლდა და რალაც გაუგებარი წა-
ილულლულა.

— კარგად გახდები, ლუპე, — ალერსიანად უთხრა მარი-
ანამ. — ნუ გეშინია.

მერე დიდ დიდედასთან მივიდა. მოხუცს თვალები ფარ-
თოდ გაეხილა და კარებიდან შემოსული სინათლის ზოლზე
უჩვეულოდ შავი მოუჩანდა. ჩამომხმარ სახეზე ყვრიმალის
ძვლები ამოსჩროდა. მიღეული ხმით ძლივს უთხრა მარიანას:

— ტყუილად ნუ მაწვალებ. მე აღარაფერი მეშველება.
ტრინის უშველე.

— დიდედო, ტრინის, რაღა თქმა უნდა, ვუშველი, მაგრამ
რატომ შენც არ უნდა გიშველო? შენი მონაყოლი ამბები
ხშირად მომისმენია.

მარიანამ თეთრ ქსოვილზე მალამო წააცხო და დიდ დიდე-
დას შუბლზე დაადო. მოხუცმა უიმედოდ ჩაილაპარაკა:

— არა, ამბების მოყოლა მე უკვე აღარ მიწერია.

საბანში ტრინი შეინძრა. მარიანამ საბანი გადახადა. ტრინიმ
მარიანას შეხედა და შეშინებულმა ჰკითხა:

— შენ მართლა ჯადოქარი ხარ?

— არა, ბიჭოკო, — უთხრა მარიანამ. — ეგ, ალბათ, უფ-
როსებმა გითხრეს. შენ ნუ გაიმეორებ! შენ ხომ არც კი გესმის,
რას ამბობ?



ტრინიმ მარათლაც არ იცოდა, რას ამბობდა. ის კი იგრძნო, რომ მარიანამ ფაქიზად და სიყვარულით დაადო თავზე სალბუნი. ამის შემდეგ ბიჭი გვერდზე გადაბრუნდა და თავისუფლად ამოისუნთქა.

მარიანა მეზობელი ქოხისაყენ რომ გაემართა, შორიდან მომავალი მოძღვარი ფელიქსი დაინახა. მოძღვარი სრულ რელიგიურ შესაქმნელში გამოწყობილიყო, გვერდით ხელზე მოსამსახურე ბიჭი მისდევდა. ეტყობოდა, მიიჩქაროდა, რომ მომაკვდავისათვის მიესწრო!

მარიანა კაქტუსების ღობეს უკან ამოეფარა და ფარღალა ადგილებიდან მოძღვარს შეაცქერდა. მოძღვარი ფელიქსი გვარიანად ჩამრგვალებულიყო. ამჟამად ის ძალიან შეფიქრიანებული ჩანდა. როგორც ხალხი ამბობდა, უკანასკნელი ზიარების დროს წარა-მარა ხელი ცხვირთან მიჰქონდა, ეტყობოდა, ეშინოდა, ავადმყოფობა ცხვირით არ შევისუნთქო. დილი-

დან შუადღემდე თავისი სამწყსოს ჯანმრთელობას შესთხოვდა ღმერთს და ლოცვა-კურთხევას აღავლენდა.

როცა მოძღვარმა მარიანას წინ გაუარა, ქალმა მას შავი თვალეზით გახედა; ეს თვალეზი ისეთი კეთილი აღარ ჰქონდა, როგორც მაშინ, როცა ავადმყოფის საწოლთან დაიხრებოდა.

— მოძღვარი მარტო თავის თავზე ზრუნავს, — ჩაილაპარაკა მარიანამ. — მომაკვდავებთან შიშითა და ცახცახით როდი უნდა მიდიოდე. ავადმყოფის მკურნალობისას მე ცხვირზე ხელს არ ვიჭერ. — მარიანამ თავი გაიქნია და ორღობეში გამოვიდა.

ეს მოძღვარი იყო პირველი, ვინაც მარიანას კუდიანი უწოდა. მაგრამ მოძღვრის მზარეული ჩუმად მაინც სქელ მარიანასთან დაიარებოდა „ცოფის საწინააღმდეგო ფხვნილის საყიდლად“. ამ ავადმყოფობისა მზარეულს ძალიან ეშინოდა.

— ბევრი კაცი კვდება ცოფით, განსაკუთრებით პატარები, — ამბობდა ის. მერე დაჯდებოდა და დაწვრილებითა და მონდომებით ჰყვებოდა იმათზე, ვინც იმ ღამით ცოფით მომკვდარიყო.

მარიანას მოძღვრის ჭორიკანა მზარეულზე დიდი წარმოდგენა არა ჰქონდა, მაგრამ, მისი აზრით, ის თავის ბატონზე ჰკვიანი მაინც იყო. მრავალი წლის წინათ მარიანას პაპამისმა უთხრა:

— მარიანა, ერთი რამ დაიმახსოვრე: ინდიელები სხვა ხალხია, ესპანელები — სხვა. რაც ესპანელებმა ჩვენს ქვეყანაში შემოიტანეს, ყველაფერი ავია და ბოროტი. ჩვენ უნდა შევინარჩუნოთ წინაპართა სიბრძნე და მას მივყვეთ.

მარიანაც ცდილობდა ამ სიბრძნის შენარჩუნებას. მან მოხუცებს გამოჰკითხა, თუ რა სამკურნალო ბალახებს ხმარობდნენ მათი წინაპრები. ასე ისწავლა სამკურნალო მცენარეების ცნობა-გამოყენება, მათი საიდუმლოებანი. ავადმყოფთა აღერსიანი მოპყრობაც მისი მუშაობის ერთ-ერთ მთავარ კანონს წარმოადგენდა. სწყინდა, როცა ვინმე კუდიანს უწოდებდა. „კუდიანი ხომ ბოროტი ზრახვებით გულავსებული ქალია, — ამბობდა ნაწყენი მარიანა, — მე კი არავისი ბოროტი არა მსურს. მე კუდიანი არა ვარ“.

იერონიმოს ლამის სტუმრები

როცა ტრინი იმდენად გამოკეთდა, რომ გონებაზე მოვიდა, შეამჩნია, დიდი დიდება მის გვერდით აღარ იწვა. ველარც დედა ნახა. იქნებ ეზოში მუშაობს? მაგრამ მისუსტებულს მალევე მიეძინა. ეძინა დიდხანს, ღრმა ძილით. სულაც არ გაუგია, როგორ დაიხარა მისკენ ფაშფაშა მარიანა და სახეზე დააკვირდა. მარიანამ დიდხანს უსმინა ავადმყოფის სუნთქვას, ექვსი წლის ბავშვისათვის საკმაოდ მშვიდსა და ღრმას. სახეზე ტრინის ერთი კუნთიც არ ერხეოდა.

კმაყოფილო მარიანა ამბროსიასთან გავიდა და წყნარად უთხრა:

— თუ არ ვტყუვდები, ბიჭი გამოჯანმრთელების გზაზეა. შენს ადგილზე მას საჭმელს მანამდე არ მიეცემდი, სანამ თვითონ არ მოითხოვდა. ახლა მისთვის ყველაფერს ძილი სჯობს. როცა ჭამას მოითხოვს, ჯერ ცოტა მიეცი, მერე თანდათან მოუმატე.

ამბროსია დაჩოქილიყო და ქვის როდინში სიმინდს ნაყავდა. სანაყ ქვას ხან წინ წასწევდა, ხან უკან, ხან წინ, ხან უკან. ასე ნაყავენ ინდიელი ქალები სიმინდს.

მარიანა დასცქეროდა სიტყვაძუნწ ამბროსიას და მოთმინებით უცდიდა, როდის ამოიღებდა ხმას.

— თანდათან მოვუმატო? — ყრუდ იკითხა ამბროსიამ. — შენ უკვე იცი, რომ სახლში ორი მჭამელი მოგვაკლდა, მაგრამ ჩვენმა ბატონმა მთელი სიმინდის მარაგი წაგვეგლიჯა იმ ყმაწვილებისათვის, ეს რამდენიმე დღე მის სახლში რომ ცხოვრობენ. თან იმას გვეუბნებოდა, ამათ თქვენ ყაჩაღებისაგან უნდა დაგიცვანო. ესენი ხომ ყველა მემამულეთა შვილებია. მერე როდის იყო, მემამულეები ყაჩაღებისაგან გვიცავდნენ? თვითონ ეგენი არ გვძარცვავდნენ და გვძარცვავენ ახლაც? განა მაგ ბანდისთვის სიმინდის წართმევა გაძარცვა არ არის? — ამბროსიამ ბაგეები მკაცრად მოკუშა.

— სიმინდი თქვენც გამოგელიათ? — იკითხა მარიანამ და სახეზე კეთილი ღიმილი გაუქრა. — ჩემს სახლში თაგვიც ვერაფერს იშოვის.

ამბროსიამ ზემოთ აიხედა.

— შენ ნუ ინადვლებ, მარიანა. რაც ავადმყოფების მოვლისათვის გერგება, მიიღებ კიდევ, თუნდაც ჩვენ აღარაფერი დაგვრჩეს. ვინც მუშაობს, გასამრჯელოც უნდა მიიღოს. ჩვენ სახლში მუდამ ასეთი კანონი იყო. მხოლოდ იმ დიდ სახლებში მობინადრე ბატონები ფიქრობენ სხვანაირად. ხვალაც მოდი. შენს წილ სიმინდს გაგიშვადებ, — ამბროსიამ მარიანას ჩვეულებრივზე გაცილებით ალერსიანად დაუქრა თავი და გაუღიმა.

მოძღვარ ფელიქსზე დაკვირვების შემდეგ ამბროსიამ მარიანაზე აზრი შეიცვალა. მოძღვარი ფელიქსი მათთან დიდი დიდებისა და ტრინის დედის საზიარებლად მოვიდა. მაგრამ ამ დროს მას ისეთი სახე ჰქონდა, აშკარად ეტყობოდა, ინდიულებთან ყოფნა სულაც არ ეპიტნავენოდა. აჩქარებით ჩაილულულა რამდენიმე ლათინური სიტყვა და ქოხიდან ფაცხაფუცხით გავარდა. ამბროსიამ გაიფიქრა, — მაგას უთუოდ ავადმყოფების სულისა ეშინია, თუმცა კი ამტკიცებს, ასეთი სული არ არსებობსო. მოძღვრის შემდეგ მალე ავადმყოფების სანახავად მარიანა მოვიდა.

— ადრე მოვიდოდი, — თქვა მარიანამ, — მაგრამ ყველა ვზაზე წინ მოძღვარი ფელიქსი მელობება. მისი დანახვა კი მაინცდამაინც არა მსიამოვნებს და ვერიდები, თორემ კიდევ დამიწყებს ლაილაის, — მოეშვი მაგ ბალახ-ბულახის წვეწებსო. ავადმყოფებზე ვინ ზრუნავს? ეგა თუ? ეგ ხომ ავადმყოფთან მაშინდა მიდის, როცა თითქოს სული ამოსდის?!

ამბროსია დიდხანს ფიქრობდა მარიანას ნათქვამზე. „ეგებ ჯადოქარიცაა, — უთხრა ბოლოს ამბროსიამ საკუთარ თავს, — მაგრამ ხალხისთვის ავსა და ბორბტს არ ფიქრობს. სჯობს თვალთ ნახულს ენდო, ვიდრე ხალხის გადმოცემულს“.

ბევრ სხვა ამბებზეც ფიქრობდა ამბროსია სიმინდის ფქვის დროს. ხვდებოდა, რომ მისი ვაჟიშვილი იერონიმო რაღაც საქმეს აკეთებდა. გუმანით ესეც იცოდა: ლამლამობით იერონიმო გლეხების ქოხებში დაიარებოდა და მათ წყნარად და გასაგებად ელაპარაკებოდა გრაფსა და მის მამულში თაემოყრილ მემამულეთა შვილებზე.

— რისთვის მოზრძანდნენ ეს ჯეელები გრაფის მამულში? მათი მშობლები ლალად ცხოვრობენ. თუკი ვინმე ერთხელ

მაინც ესტუმრა ძაგ უცხვირპირო გრაფს, მეორედ სათოფე-
ზეც აღარ ეკარება. არც გრაფინია და მისი პატარა, მოკუმული
პირი მოსწონს მაინცდამაინც ვინმეს. მისი ლაპარაკიდან ხომ
სულ ვერაფერს გაიგებ. ხანდახან ყვაევილების თაობაზე რაღა-
ცას მკითხავს, მე კი კუნძივით ვაგდივარ, ხმას ვერ ვიღებ,
არაფერი მესმის. ის განზე გადგება და თვითონაც ყვაევილის
მსგავსად, ტკბილად იტყვის: „ოჰ, შენ ხომ ლათინური არ
იცო“. საიდან უნდა ვიცოდე? აი, ასე ტკბილად და კეთილშო-
ბილად მოგაჩვენებს თავს. თაღლითი ხალხია სან-ბარტოლომე-
ში. სხვა მამულებში ასე ეშმაკურად არ იქცევიან, დადიან
სანადიროდ, უგონოდ გაიღეშებიან და მერე ჩვენს ქალი-
შვილებზე იწევენ. ლაპარაკობენ ინდიურად და არა ლათინ-
ურად, მაგრამ სულ უწმაწურად და უზრდელად. ხანდახან
შეგრცხვება კიდეც, როცა გაიგონებ, რა სიტყვებით ელაპარა-
კებიან ჩვენს გოგოებს. ახლა მე თქვენ გეკითხებით, რისთვის
შეიკრიბნენ ამ არაკეთილშობილი ბატონების შვილები აქ,
სადაც მათ გრაფინიასთან ისე შეუძლიათ ილაპარაკონ, რო-
გორც... აი, სიტყვაც ვერ მიპოვნია, რომ ვთქვა! რად შეუყვარ-
დათ მოულოდნელად ჩვენი თავაზიანი გრაფი ასე ძალიან?

— მათგან სიკეთეს არ უნდა ველოდეთ! — თქვა ერთ-
ერთმა ხმადაბლა. მის ხმაში გაბოროტება ისმოდა.

— რასაკვირველია, არ უნდა ველოდეთ! — დაუდასტურა
იერონიმომ, — მათი თავმოყრა რას ნიშნავს?

იერონიმო არასოდეს უცბად არ იტყოდა, რასაც ფიქრობ-
და. ღამის მსმენელებს ეხმარებოდა, ფიქრი იქით წარემართათ.
საითაც საჭირო იყო, რომ ყველაფერს თვითონვე მიმხვდა-
რიყვნენ.

— ლაგუნაში, — ფრთხილად დაიწყო ისევ იერონიმომ, —
თქვენ კარგად იცით, რომ ეს მხარე განსაკუთრებით უხვ-
მოსავლიანია, იქ თითქმის მთელი მიწები უცხოელ ბატონებს
ეკუთვნით და ბაჰმა მოჰყავთ, — ჰოდა, ამ ლაგუნაში ინდი-
ელებმა ამ ცოტა ხნის წინათ თავიანთი კეთილშობილი ბატო-
ნები გაყარ-გამოყარეს.

— ჩვენც რომ ერთმანეთს მხარი მივცეთ, შეგვიძლია ჩვენი
ბატონიც მივაბრძანოთ, — თქვა ერთმა გლეხმა.

— შეგვიძლია? — იკითხა იერონიმომ. — მერედა, აქ თავ-

შეყრილ ვაჟიშვილებს რა ვუყოთ? საუკეთესო შაშხანებით ყოველდღე მიზანში სროლას რომ სწავლობენ? მეღჩორას შუა ნაკვეთში სამიზნე დადგეს და მთელი ნათესი გაუქტელეს.

სიჩუმე ჩამოვარდა. იერონიმომ იცოდა, მისი ნათქვამი ინდიელებს თავში ჩაუჯდებოდათ და თავის საქმეს გააკეთებდნენ.

იერონიმოს ნათქვამი ამბროსიას თავშიც ჩაჯდა. გულმოდგინედ აღევნებდა თვალს ყველაფერს, რაც სოფელში ხდებოდა, და მოსმენილ ამბებზე დიდხანს ფიქრობდა. ხალხს მისი არ ეშინოდა, რადგან იცოდნენ, ლაპარაკი არ უყვარდა და არავის არაფერს ეტყოდა. ამიტომ ის ხალხი, ვისაც რაღაც დარდი აწუხებდა და უნდოდა ვინმესთვის გაეზიარებინა, სათქმელად ამბროსიასთან მიდიოდა.

ამბროსია დაჩოქილიყო, სიმინდს ხარშავდა და თავის საფიქრალს ფიქრობდა: „ნეტა იერონიმო ისეთ ხალხს მაინც არ გადაეკიდოს, ვინც მოუხრავთან ან იმ მოძღვარ ფელიქსთან დააბეზლებს“.

მოძღვარის გახსენებაზე ამბროსიას სოფლის მკურნალი მარიანაც მოაგონდა. „მოძღვარ ფელიქსს მარიანა თავის მტრად მიაჩნია, თუმცაღა მარიანა კათოლიკური ეკლესიის ქადაგებას მკაცრად იცავს. ნეტავი, იერონიმო ღამით მის ქოხშიც ხომ არ დადის? შეიძლება თუ არა ამ ქალს ვენდოთ? მისი ვაჟები ბატონის მამულში მუშაობენ და ცუდად ცხოვრობენ. მე მგონი, შეიძლება, იერონიმო მათ ქოხშიც შევიდეს. მარიანასაც კეთილი სახე აქვს. დრო დადგება და მარიანა ჩვენთან იქნება, თუმცა მისმა ბალახებმა ვერც დიდი დიდება განკურნა და ვერც ტრინის დედა. ტრინის ხომ უშველა!“ ამბროსია ფეხზე წამოდგა, ხელები მუქ-წითელ ქვედატანზე შეიწმინდა, კუთხეს შემოუარა და კარები გამოაღო.

ტრინის გაღვიძებოდა და ამბროსიას დანახვაზე შესძახა:
— დიდედო!

ეს ისე უბრალოდ თქვა, რომ ამბროსიას მოეჩვენა, ბიჭი ამჟამად სრულიად ჯანმრთელიაო.

— რა გინდა? გშია?

— დიდი დიდება სად არის? — იკითხა ტრინიმ.

დროის მოსაგებად ამბროსია კილოფზე დაჯდა. „ჯობს პირდაპირ ვუთხრა“, — გაიფიქრა მან.

— ტრინი, დიდი დიდება მოკვდა, დედაშენიც. ორივე უკვე დავასაფლავეთ.

ბიქს არათფერი უთქვამს, ჩაბნელებულ ქერს მიაშტერდა. ახლა ტრინი მარტო დიდება ამბროსიასა და პაპის ამარა დარჩა. ორივე ისეთი ჩუმი იყო, თითქოს პირში წყალი აქვთ ჩაგუბებულიო.

წიფაკა შვავილების კოთანში

სახადმა რომ გაიარა, გრაფინია ქალაქიდან დაბრუნდა. ქმარს წერილები ჩამოუტანა. ერთი წერილი რამდენიმე ლუქით საიმედოდ დაებეჭდათ. მისამართი საგანგებოდ დაგრეხილი ასოებით დაეწერათ:

„ჰო, ეს გუბერნატორის პასუხია ჩემს წერილზე, რომელშიც მებალე იერონიმო კუევასის დაპატიმრების ნებას ვთხოვდი“, — გაიფიქრა გრაფმა და წერილი გახსნა.

„ღრმად პატივცემულო, ძვირფასო მეგობარო და მფარველო ჩემო!

წარმოიდგინეთ რაოდენ დიდი პატივი იყო ჩემთვის, რომ თქვენგან, ესოდენ პატივცემული ბატონ გრაფისა და მარკიზისაგან, საკუთარი ხელით დაწერილი წერილი მივიღე.

ჩვენდა სამწუხაროდ, ყოველთვის არ შეგვიძლია გულის კარნახით მოვიქცეთ და ჩვენს კეთილისმსურველს მისი მეგობრობის დამადასტურებელ კეთილ საქმეზე სამაგიერო გულწრფელად მივუძღვნათ. ვითარება ისე წარიმართა, მეტად მოულოდნელი აღმოჩნდა ჩემთვისა და თქვენთვისაც, ვისაც ესოდენ გვეწვის გული საყოველთაო სიკეთისათვის.“

ეს წინადადება თვით გრაფსაც უკვე მეტისმეტად თავხედურად ეჩვენა. ყველამ კარგად იცოდა, რომ გუბერნატორი უსირცხვილოდ ფიქვნიდა ხაზინასაც და ყველა იმ პირს, ვისაც უბედურება ეწვეოდა.

გრაფმა კითხვა განაგრძო:

„ძალიან გთხოვთ, რასაც ახლა გაგიზიარებთ, დრომდე, სანამ, საერთოდ, ცნობილი გახდებოდეს, ნურავის ეტყვით. ჩვენი პატივცემული პრეზიდენტი დონ პორფირიო დიასი, სამი ბედნიერი ათწლეულის მანძილზე წლებანდელ 1910 წლამდე სახელმწიფოში სიმშვიდესა და წესრიგს რომ იცავდა, უპასუხისმგებლო ელემენტებმა აიძულეს მიეტოვებინა თავისი დედაქალაქი. ვერაკრუსში გემში ჩაჯდა და საფრანგეთში გაემგზავრა, სადაც მან კარგა ხანია გადაგზავნა თავისი დირექტორის დროს დაგროვილი დიდძალი ქონება...“

„რა საზიზღარია! — ჩაილაპარაკა გრაფმა თავისთვის. — რა ვერაგულად წიხლავს ჩამოგდებულ დიქტატორს.“

„ყოველ შემთხვევაში, — განაგრძო გრაფმა წერილის კითხვა, — ამ არეულ-დარეულ დროში მართებული არ იქნებოდა ისეთი რამის გაკეთება, რაც ახალ, ლიბერალურად განწყობილ პრეზიდენტ მადეროს ჩვენს წინააღმდეგ განაწყობდა...“

წერილის დანარჩენი ნაწილი, რომელიც სავსე იყო მარადიული მეგობრობისა და მაღლობის გამომხატველი ბრტყელი ფრაზებით, გრაფმა უგულოდ გადაიკითხა, მით უფრო, რომ კოლონადის მხრიდან აჩქარებული ნაბიჯების ხმა მოესმა.

შემოვიდა გრაფინია. მას ხელში ყვავილების ქოთანს ეჭირა. მას მოჰყვნენ მოახლე, ფრანგი გუვერნანტი ქალი და მოხუცი, სქელი მანუელა. სამივეს შიშისაგან თვალები გაფართოვებოდათ. ქალებს ბავშვები შემოჰყვნენ, — ბიჭი და გოგონა, — ამათ, ეტყობოდათ, ართობდათ უფროსების აღელვება.

— აბა, ამას შეხედე! — შესძახა გაბრაზებულმა გრაფინიამ და ქმარს ყვავილების ქოთანს გაუწოდა.

— არ მესმის, რაშია საქმე? — ცივად თქვა გრაფმა. — წიწაკას მანდ რა უნდა? ან ეგ წითელი ბანტი რად შემოგიტყერიან?

— საქმეც სწორედ ეგაა, რომ ჩვენ არ შემოგვიტყერია. — უფრო გააცეხლდა გრაფინია.

— თუ სხვამ ჰქნა, რა მოხდა, ლამაზიც კი არის! ეს ალბათ ინდიელთა რაიმე ჩვევაა.

გრაფინიამ ენერგიულად გადააქნია ხვეულთმიანი თავი:

— არა! ეს რაღაც ჯადოქრობაა!

— ოჰ მომეშვით ერთი თქვენი ინდიური ცრუმორწმუნეობით. მნიშვნელოვანი საქმე მაქვს გასაკეთებელი, — თქვა გრაფმა და კვლავ წერილის კითხვა განაგრძო.

მაგრამ გრაფინია არ მოეშვა, ქოთანი გუბერნატორის წერილზე დადგა და ხმას აუწია:

— მე მგონი, ის უფრო მნიშვნელოვანია, რომ იერონიმო ჩემს მოჯადოებას ცდილობს.

იერონიმოს სახელის გაგონებაზე გრაფმა ყურები ცქვიტა.

— ჰო, კარგი, მოყევი, რა მოხდა!

— თქვი, მანუელა! — უბრძანა გრაფინიამ. ასე აბუჩად ავლებით ელაპარაკებოდა ხოლმე უბრალო ხალხს.

— ბატონო, — დაიწყო მოხუცმა ინდიელმა, — მოწყალე ქალბატონმა გრაფინიამ მიბრძანა: „მანუელა, ეს ყვავილი სხვა ქოთანში გადარგე, იერონიმომ გამოგზავნა ჩემი დაბრუნების აღსანიშნავად, მაგრამ ხომ ხედავ, რა უბრალო ქოთანშია ჩარგული. განა შეიძლება ეს ქოთანი ჩემს ბუდუარში დავდგა?“

— მე, რასაკვირველია, „ბუდუარში“ ეუთხარი, — მიუბრუნდა გრაფინია ფრანგ გუვერნანტ ქალს, რომ მას არ ჰგონებოდა, გრაფინია ასე დამახინჯებით გამოთქვამს ფრანგულ სიტყვებსო. გუვერნანტს კი არც ინდიური ენა ესმოდა და არც ესპანური. არც ის იცოდა, რაზე ლაპარაკობდნენ.

— კარგი, მერე? — მოუთმენლად იკითხა გრაფმა.

— მე გრაფინიასათვის მისი სახელობის დღეს ნაჩუქარი ქოთნებიდან ერთ-ერთი საუკეთესო შევარჩიე და გრაფინიას ვკითხე: „აქ დავრგა, ქალბატონო?“ — ისევ განაგრძო მანუელამ.

— მანუელა იმ ჩინურ ქოთნებს გულისხმობს, შენ რომ მიძღვენი, — ჩაურთო გრაფინიამ.

— მე ვკითხე: აქ დავდგა-მეთქი, ქალბატონო? გრაფინიამ მითხრა: ჰო, მანდაო. ავდექი და ცარიელი ქოთანი ყვავილიანის გვერდით დავდგი და ყვავილის ერთი ქოთნიდან მეორეში გადარგვას შევუდექი.

— კარგი, კარგი, ეგ ვიცი, ეგრე იქნებოდა. შენ ის მითხარი, მერე რა მოხდა?

— ბატონო, ყვავილი რომ გადავრგე და ქოთნიდან ნარჩენი მიწა ლაშაჲ ქოთანში გადავყარე, უცებ რაღაც შევამჩნიე და მაშინვე კონჩას გავძახე სამზარეულოში და ვუთხარი: „კონჩა, ამას ხელავ?“ მან მიპასუხა: „ჰო, ვხელავ, მანუელა, ეგ საშინელებაა“.

— რა იყო საშინელება? — იკითხა გრაფმა. იგი ველარ ითმენდა ამ ყბედობას. — რა იყო საშინელება? წიწაკა? წიწაკის მეტს სამზარეულოში რას ხელავს?

მანუელა დაბნეული შესცქეროდა გრაფს.

— მაგრამ მის წიწაკას არც წითელი ბანტი აქვს შემოკრული და არც ქოთანშია ჩარგული!

გრაფს მეტის მოთმენა აღარ შეეძლო და მკაცრად თქვა:

— კარგი, გეყოფათ! თქვენთვის არ მცალია.

ამჯერად კი გრაფინიამ აღარ დაუთმო და ხმამაღლა უთხრა:

— ეგ იერონიმომ იმიტომ გამომიგზავნა, რომ ჯადო გამოიკეთოს!

— როგორ უნდა გაგიკეთოს ჯადო, ძვირფასო?

— ნუთუ არ გესმის? ნუთუ ინგლისში ჰქვიანური არაფერი არ გასწავლეს? ყოველმა ჰქვიანმა კაცმა აქ, მექსიკაში, იცის, რას ნიშნავს წიწაკა. თანაც ეს წიწაკა შიგნიდან გამოსუფთავებულა, კირით ამოტენილი, გარედან ბანტით შეუკრავთ. აი, ესაა ჯადო!

— კარგი, ეგრე იყოს! — ოდნავ დაცინვით უპასუხა ქმარმა. — მერე რას გავნებს შენ ეგ ჯადო, როგორ გგონია?

გრაფის გულგრილობამ გრაფინია ისე ააღელვა, რომ კინაღამ ქმარს ჰკითხა, წმინდა წირვა-ლოცვისა გწამს თუ არა რამეო, მაგრამ მარტონი არ იყვნენ და იფიქრა, ამას სხვა დროს ვკითხავო.

— კარგი და ისე რომ ჩამოვხმე, რომ ხმელ ფოთოლს დავემსგავსო, ეგ შენ არ გაინტერესებს? — იკითხა გრაფინიამ. სქელი მანუელა შეშფოთებით ისმენდა.

— ბატონო, — დაიწყო მან, — მე ერთი მოხუცი ქალი ვარ, არაფერი მისწავლია, მაგრამ აი, ეს, — მან ყვავილის ქოთანზე მიუთითა, — დიდი დანაშაული და შეცოდებაა.

— ოჰ! — გრაფი სავარძლის საზურგეზე გადაწვა, — დი-

დი დანაშაულია? შეცოდებაა? სხვებიც ასევე იტყვიან, ეს ამბავი რომ გაიგონ?

— სუყველა! — მიუგო მანუელამ, — სუყველა ასე იტყვის!

— ნამდვილად? ჰო, კარგი. ახლა ის მითხარი, მაგის ჩამდენი როგორ დავსაჯოთ?

ახლა კი შეერთა გულკეთილი მანუელა.

— ძალიან გთხოვთ, ბატონო, ისიც ადამიანია! ამის გულისათვის ნუ დახვრეტთ! ახალგაზრდაც არის. ასეთ რამეს აღარ ჩაიდენს, თუ ცოტათი დასჯით.

მანუელა გრაფს მუდარით შესცქეროდა.

— კარგი, — დაეთანხმა გრაფი, — დახვრეტით არ დავხვრეტ, მაგრამ სამახსოვრო ამბავს კი დავმართებ.

მანუელა გრაფის ხელს წაეტანა და აკოცა. მერე მიწიანი ქოთანის გუბერნატორის წერილიდან აიღო და გარეთ გამოიტანა.

გარეთ გამოსვლისას გუბერნანტმა ნატიფი ფრანგულით ჰკითხა გრაფინიას, რაზე ლაპარაკობდითო. ჯერაც ისევ აღელვებული გრაფინია შეეცადა გუბერნანტისათვის აეხსნა. გაოცებულ ფრანგს სიტყვის თქმა ვერ მოეხერხებინა. იგი პარიზში იყო გაზრდილი, ხოლო პარიზელები ჯადოქრობაზე ასეთ ლაქლაქს ყურსაც არ ათხოვებენ, მხოლოდ დაცინვით გაიღიმებენ.

გუბერნატორის წერილი გრაფმა გვერდზე გადასდო. მას აღარც უნდოდა ეფიქრა ამ თაღლითსა და გაიძვერაზე. რომელიც თავს ისე იკატუნებდა, თითქოს ყველაფერს მუდამ კანონის მიხედვით აკეთებდა. მას ახლაც, ლიბერალური პრეზიდენტის მანდეროს დროსაც, თავისი შემოსავლიანი საგუბერნატოროს შენარჩუნება აინტერესებდა.

„ეგ წუნჯალი ძაღლი აღარც მჭირდება, — ფიქრობდა გრაფი. — იერონიმოს დასასჯელად ამჟამად ისედაც საკმარისი მიზეზი და საფუძველი გამაჩნია. თვითონ ხალხი მაძლევს ნებას, რომ ჯადოქრობისათვის დავსაჯო. საკვირველია, ზოგი რამ ჩემმა ცოლმა როგორ ვერ შეამჩნია: თუნდაც ეს ბანტი, წინააღმდეგობისათვის რომ შემოუყრავთ, ინდიელს საიდან ექნება? ეტყობა, მას გამოართვეს. ალბათ, რომელიმე მსახურმა წინა-

კა ქოთანში შემთხვევით ჩასდო, ამას ქალი იზამდა და არა მამაკაცი. მე კი მადლობა უნდა შევწირო იმ უცნობ ადამიანს, იმან მომცა იერონიმოს დასჯის საბაბი. ისე უნდა დავსაჯო, იმ ბუნტისთვის მთელი სიცოცხლე არ დაავიწყდეს.“

ჩ ა მ ო კ ი დ ე ზ უ ლ ი

შუადღე გადასული იყო. ტრინი და პატარა ხუანიტა მებობლის ეზოში თამაშობდნენ. იმ ადგილს ნამდვილი ეზო არც ეთქმოდა. ქონისა და პატარა სასიმიინდეს ირგვლივ ბუჩქები ამოზრდილიყო. მიწა ქვებით იყო მოფენილი.

ხუანიტას ხელში შეშის ნაპობი ეჭირა და ბავშვსავით არწევდა. მერე ფრთხილად მიწაზე დააწვინა და თავისთვის ჩაილაპარაკა:

— ძუძუს აღარ წოვს, მჭადები უნდა დაეუცხო.

ტრინიმ უცხად თავი მალა აიღო და თავიანთი ქონისაკენ ხელი გაიშვირა:

— რაღაც ამბავია, გავიქეთ, ხუანიტა!

ორივენი იქით გაიქცნენ.

ვლაც კაცი ამბროსიას გაცხარებით ელაპარაკებოდა.

— სასროლი მოედნისაკენ წაათრიეს. ფეხი შეუტერეს, ალბათ დახვრეტა უნდათ!

ამბროსიამ მაშინვე მიატოვა სამუშაო:

— იქ უნდა გავიქცე!

— ნუ წახვალ, — გააფრთხილა იმ კაცმა. — მაინც ვერაფერს უშველი.

ამბროსიამ გაჯავრებით შეხედა კაცს. ჩააფიქრა მისმა სიტყვებმა. „ვინ დაუშლის დედას, საკუთარი შვილის დარღმარომ შეაწუხოს? მე თვითონაც არ ვიცი, რას ჩავიდენ, მაგრამ წასვლით აუცილებლად წავალ“. თავზე შავი შალი მოიხვია და აჩქარებით გაემართა.

ტრინი გაიქცა უცნობისაკენ, ჩაფიქრებული რომ გასცქეროდა მიმავალ ამბროსიას. ეტყობოდა, აოცებდა ქალის ენერჯია.

— ბიძია, — უთხრა მას ტრინიმ.

— რა გინდა? — ჰკითხა უცნობმა.

— ვინ უნდა დახვრიტონ! ბიძია იერონიმო? — შიშით იკითხა ტრინიმ.

— მეზაღუე იერონიმო. ეს ამბროსიას ვუთხარი, შენთვის არ მიაქვამს. იცოდე, ხმა ჩაიწყვიტე, არსად არაფერი წამოგცდეს.

— მე ლაპარაკი არ მიყვარს. — ტრინის ეწყინა, ეს კაცი რომ არ ენდობოდა. მერე უცბად მოსწყდა ადგილს და გაიქცა.

— ბიჭოკო, ბიჭოკო! — გასძახა უცნობმა, — დაიცა, ნუ შირბინარ!

ტრინი აღარ უხმენდა იმ კაცს, რომელიც არ ენდო. ასეთი კაცი მისთვის არ არსებობდა. უნდოდა, დიდედს დასწეოდა. ამბროსია, მართალია, შორს იყო, მაგრამ ტრინიმ გრათის მამულისაკენ მოქავალი გზა კარგად იცოდა.

უცბად შორიდან სროლის ხმა შემოესმა და შეშინებული შედგა. მერე რაც ძალა და ღონე ჰქონდა, გაიქცა. ძალიან უყვარდა ბიძია იერონიმო, დიდ დიდედსავეთ იმანაც კარგი ამბების მოყოლა იცოდა.

კიდევ გაისროლეს.

ტრინიმ დაინახა, დიდედა ამბროსია ღობესთან იდგა და ვიდაცას გაცხარებით ელაპარაკებოდა. რომ არავის დაენახა, ბუჩქს ამოეთარა და დიდედს წასვლას დაელოდა. ამასთან კიდევ, ნაავადმყოფარს სირბილი უჭირდა და სული უნდა მოეთქვა.

ისევ გაისმა რამდენიმე გასროლა.

„ალბათ, ბიძია იერონიმოს არ ესვრიან, თორემ კარგა ხანია მკვდარი იქნებოდა“; — გაიფიქრა ტრინიმ.

ამბროსია კი ამასობაში სოფელს გასცილებოდა და პატარა გორაკზე აღიოდა, რომლის უკანაც მემამულის კუთვნილი შენობები იდგა. ტრინი ჩუმად მისდევდა ცოტა მოშორებით. სროლის ხმა კიდევ ისმოდა. ამბროსია გორაკს მიეთარა. ტრინი გაიქცა, მაგრამ დიდედს კი არ მიჰყვა, განზე გადაუხვია, მარცხნივ, საიდანაც გზა ბალისაკენ მიდიოდა. ამ ადგილებს

კარგად იცნობდა და თუ საჭირო გახდებოდა, დამალვასაც ადვილად მოახერხებდა.

უცებ ყვირილი და სიცილი შემოესმა. ესენი, ალბათ, მემამულის შვილები იყვნენ. ინდიელები ასე არ იცინიან. ტრინიმ ფრთხილად გაიხედა ეკლიანი ღობის გადაღმა. კედლისაკენ ზურგშექცევით ხელებით ეკიდა კაცი. ფართოფართლიანი ჩალის ქუდი ძირს ჩამოვარდნოდა. ალბათ ეს იყო ბიძია იერონიმო. მარჯვნივ კარგად ჩაცმული ახალგაზრდები მიმოდინდნენ და ხმამაღლა ლაზღანდარობდნენ. ცოტა მოშორებით, გზაზე, ამბროსია იდგა, კაქტუსივით გაუნძრევლად. ამბროსია არც მაშინ განძრეულა, როცა დაინახა, მხარზე თოფებგადებული რამდენიმე ახალგაზრდა უახლოვდებოდა.

ტრინიმ გორაკს მარცხნივ შემოუარა, რომ შეიარაღებულ ახალგაზრდებს არ დაენახათ და ჩამოკიდებულ კაცთან უფრო ახლოს მისულიყო. ამბროსია ალბათ იმ ბატონების ვაჟიშვილებს ელაპარაკებოდა, ისინი გარს შემოხვეოდნენ.

ტრინიმ ცოტა კიდევ წაიწია და ნათლად დაინახა, რომ იგი მართლაც ძია იერონიმო იყო. მისთვის თოკი მაჯებში ჩაებათ და კედელზე ასე ჩამოეკიდათ. მარჯვენა მხართან რაღაც შავ ლაქასავით ემჩნეოდა. რა იყო ნეტავ? ვერ გაეგო ტრინის და ძალიან სწუხდა. ეშინოდა, მაგრამ ბუჩქებში ცოტა კიდევ გახობდა ფრთხილად. ახლა კი იერონიმოს სახეც მკაფიოდ დაინახა. მას თვალები დაექუიტა და აქეთ-იქით იხედებოდა. მაშასადამე, მკვდარი არ იყო. მხარზე რომ ლაქასავით ჩანდა, ეს ალბათ სისხლია. მართლაც, ხამის თეთრ პერანგზე გახვრეტილი ყურიდან სისხლი წვეთ-წვეთად ჩამოსდიოდა.

უფრო წინ წასვლა ტრინიმ ვეღარ გაბედა. სისუსტე იგრძნო, არც ის იცოდა, ბიძიას როგორ დახმარებოდა.

ამბროსია ისევ გზაზე იდგა გახევებული, ახალგაზრდები კი მემამულის ალაყაფის კარებისაკენ მიემართებოდნენ. ტრინი უკან უნდა გამობრუნებულიყო, სანამ დიდედა შეამჩნევდა. ბიჭი უკან გამოიქცა, თან ბუჩქებს ეფარებოდა და უკან-უკან იხედებოდა. ადელვებულის და შეშინებული მიადგა სოფელს. გზაზე როსარიას შეხვდა. იერონიმოს საცოლეს. როსარიას ტირილისაგან თვალები დასიებოდა, ტრინის შეშფოთებული პაპა კი გვერდით ამოსდგომოდა.



ტრინი მათკენ გაექანა.

— პაპა, კედელზე ბიძია იერონიმო ჰკიდია. ყურიდან სის-
ხლი სდის!

როსარია მივარდა ტრინის:

— ისევ იქა ჰკიდია? ცოცხალია?

— ჰო, თვალებს ატრიალებდა.

— ოჰ! — შვებით აღმოხდა როსარიას. — შენ რა იცი?
იქ იყავი? — ჰკითხა მან.

— ჰო, სულ ახლოს.

— კიდევ ისვრიან? — იკითხა ახლა პაპამ. — ხმა აღარ ისმის.

— არა, წავიდნენ. მათ დიდედა ელაპარაკებოდა.

— ამბროსია? — შიშით იკითხა პაპამ. — დიდედაშენი იქ არის?

— არ ვიცი... ჰო, აი, მოდის!

ყველამ იქით მიიხედა, საიდანაც ამბროსია მოდიოდა.

— იმათ ელაპარაკებოდი? — ახლა ამბროსიას ჰკითხა პაპამ.

— ჰო, ვკითხე, რატომ ესროდით-მეთქი ჩემს შვილს. ამ ბანდიტებმა მიპასუხეს, იერონიმოს კი არ ესროდნენ, არამედ მის გარშემო ისროდნენ, მის ირგვლივ, ახლო-მახლო. ერთ-ერთმა მათგანმა კიდევ დაიტრაბახა, ჩვენი ამხანაგები ისე კარგად ისვრიან, ჩამოკიდებულს ყური გაუხვრიტეს, თავს კი არაფერი ზიანი არ მოსვლიათ. რომ უფრო შეშინებულიყო და ეფიქრა, აღსასრულის დღე დამიდგაო, იერონიმო არც კი გაუფრთხილებიათ, რომ მის მოკვლას არ აპირებდნენ. — ამბროსიამ პირი მკაცრად მოკუმა და სივრცეს გახედა. მერე სერიოზული, შავი თვალები როსარიას მიაპყრო და თქვა: — იმუქრებიან, ვინც მის ჩამოხსნას გაბედავს, დაიჯებაო. ჩვენ თვითონ ჩამოვხსნით, როცა იმდენ ხანს ეკიდება, რომ მთელ სიკოცხლეს დაამახსოვრდესო.

— რა უნდა დაამახსოვრდეს? — იკითხა როსარიამ.

— არც მე ვიცი, — მიუგო ამბროსიამ. — იმათ თქვეს, იერონიმოს გრაფინიასათვის ჯადო გაუკეთებიაო.

— ამას იერონიმო როგორ იზამდა! — წამოიყვირა როსარიამ.

— რასაკვირველია, არ იზამდა, — უგულოდ თქვა ამბროსიამ. — მაგრამ, რა უნდა ექნათ? კარგი იქნებოდა, მთელი სოფელი გრაფის სახლის წინ შეეკრებილიყავით.

— ჩვენ თოფები არა გვაქვს, ისინი კი კარგად არიან შეიარაღებულნი.

— მაშ... — დაიწყო ამბროსიამ, აღარ დაამთავრა და სახე-მოღუშული ქოხისაკენ გაემართა.

ნეტავი კიდევ რამდენ ხანს უნდა ეკიდოს? — იკითხა შეწუხებულმა როსარიამ.

პაპამ მხრები აიჩეჩა:

— ჩიპასნი- მეშამულეები ინდიელებს ამგვარად ხშირად ჰკიდებენ ხოლმე. ისინი ჩამოკიდებულს მთელი ღამე ასე სტოვებენ და მხოლოდ მაშინღა ჩამოხსნიან, როცა საწყალს განძრევას თავი აღარ ექნება და ძირს დაეცემა.

როსარია კვლავ აქვითინდა.

— ნუ სტიოი! — ტკბილად უთხრა პაპამ სარძლოს. — მერე მისი მოვლა შენ მოგიწევს.

მზე ჩადიოდა. ტრინიმ უცბად იგრძნო, ძალ-ღონე ეცლებოდა, მაგრამ თავი შეიკავა, არ უნდოდა, ვინმეს შეემჩნია. ფაშფაშა მარიაწამ უთხრა. ერთ-ორ დღეს მშვიდად იყავი, სანამ ღონეს მოიკრეფდევო. ტრინი ნელა გაემართა ქოხისაკენ. უცბად თვალთ დაუბნელდა და გული შიშით შეეკუმშა.

ამბროსიამ თვალი შეასწრო, როგორ დაეცა ტრინი და მის ასაყენებლად გაიქცა. ტრინი გონს მალე მოეგო და საჭმელიც მოითხოვა, მაგრამ ისე იყო დათეთქვილი, დამჯდარს ჩაეძინა. ამბროსიამ ბიჭუ ქილოფზე დააწვინა და საბანი წააფარა. ამბროსიას არ გაჰკვირვებია, ბიჭს რომ ღონე გამოეღია.

მთვარიანი ღამე

იმ ღამეს ამბროსია ჩუმად წამოდგა და თავისი ქმრის ხელსაწყობების ყუთში ფათურს მოჰყვა. ხმაურზე ქმარს გამოეღვიძა. „რა ამბავია?“ — იფიქრა მან. „ნადირი ხომ არ შემოჭრილა ქოხში?“. ქუროდზე არც კი უფიქრია, რადგან მათ სოფელში ქურდი არავინ ეგულებოდა.

ქილოფიდან წამოიწია და დაინახა, ცოლი თავის ადგილას აღარ იწვა. გარეთ გამოვიდა და ამბროსიას ჩრდილს მოჰკრა თვალი.

— ამბროსია, მანდ რას აკეთებ?

ქალმა პასუხი დააგვიანა.

— ისეთ რამეს ვეძებ, რითაც იერონიმოს ჩამოვხსნი.

— მეც ვიფიქრე, მაგრამ ძალიან მალლა ჰკილია. თოკი

კი კედლის შიგნითა მხარეს არის დამაგრებული. იქ ვერ მივ-
წვდებით.

— ჯოხს რომ ნამგალი მივამაგროთ და იმით ჩამოვჭრათ?—
შეეკითხა ამბროსია.

— ივარგებს. მაგრამ მარტო ხომ არ წახვალ?

— მაშ რა ექნა, მისი დარდი სხვას ვის აქვს?

— მეც წამოვალ.

— წამოდი. სულ ერთია, მარტო მაინც ვერ ვზიდავ. გაშე-
შებული იქნება, სიარულს ვერ შეძლებს.

იარალი აიღეს და სიბნელეში გაუჩინარდნენ. ჩაბნელებულ
ცაზე ირიბად ეკიდა მთვარის მილუული ნამგალი. გზიდან
ძალდი წამოხტა და გვერდზე გახტა. უპატრონო ძაღლები
შებინდებისთანავე წვებოდნენ თბილ მტვერში და იძინებდნენ.

სოფლის განაპირას ჩამიჩუმე არ ისმოდა. შიშველი ფეხი
ხმას არ გამოსცემდა. მთვარის სუსტ შუქზე ერთ ნაბიჯზე
აღარაფერი ჩანდა. ჩაბნელებული მიდამო შიშს მოგგვრიდათ.
ახლა სმენას უფრო უნდა დანდობოდნენ, ვიდრე თვალებს.

სანამ ბორცვს მიაღწევდნენ, მარცხნივ გადაუხვევს და
ხელის ცეცებით ბილიკს გაუყენენ. ბორცვის კიდეს რომ
გაუსწორდნენ, კედელზე მაინც ვერაფერი შეამჩნიეს. ისევ
ფრთხილად განაგრძეს გზა, რადგან, ხმაურის ატეხვის გარდა
ფეხში ეკლის შერჭობისაც ეშინოდათ. გზაზე მოჭრილი
ეკლებიანი ტოტები ეყარა. უცბად რაღაც ხმაური გაიგონეს
და შედგნენ. ხომ არავენ ჩაახველა?

ამბროსიამ ქმარს ანიშნა, შეჩერდიო, თვითონ კი წინ გაძ-
ვრა. უნდოდა გაეგო, რა იყო. ნამგლიანი ჯოხი იქვე დატოვა.

ერთბაშად ფეხჩაცმული კაცის ნაბიჯი გაისმა და ისევ
მიწყდა.

პაპა ხასინტომ წარმოიდგინა როგორ ეკიდა მისი ვაჟიშვი-
ლი, მხიარული იერონიმო კედელზე, როგორ ეტკივებოდა
მაჯები, მხრები! ალბათ. მკლავები მთლად გაუშემდებოდა.
ვინ აიტანს ამ ტანჯვას, ამდენ ხანს კედელზე ხელებით ჩამო-
კიდებას? ნეტა ყურიდან სისხლი კიდეც სდის?

უცბათ პაპამ ვილაკის ჩრდილი შეამჩნია. ამბროსია? ჰო,
ის ყოფილა. ამბროსიამ გვერდით ჩაუარა. ხასინტო უკან მიჰ-
ყვა. რად ბრუნდება, განზრახვაზე ხელი ხომ არ აიღო?

ამბროსია შედგა და ჩურჩულით წარმოსთქვა:

— თოფიანი ყარაული უდგას.

— იერონიმო სადლაა?

— კედელს ჩრდილი ადგას და ვერაფერი შევამჩნიე. თითქოს მძიმე-მძიმე სუნთქვა შემომესმა.

ხასინტოს სიბრაზით თავში სისხლი აუეარდა, მაგრამ თავი მალე შეიკავა.

— მაშ, რა ვქნათ, უკან დაებრუნდეთ?

— ასე ვქნათ, ხასინტო: — თქვა ამბროსიამ, — შენ ქუჩაზე გადი და ხმამალლა ლაპარაკი დაიწყე, თითქოს რამდენიმე კაცი მოდის, ყარაული თქვენსკენ წამოვა, მე კი ამასობაში თოკს გადავჭრი და იერონიმოს გავათავისუფლებ.

ხასინტო ჩაფიქრდა და მერე თქვა:

— ეგ ვაჟბატონები დედას ბიჭები არიან, ღამე გარეთ გამოსვლისა ეშინიათ. ყარაული ხმას რომ გაიგონებს, თოფის სროლას ატეხს და სხვებსაც გააღვიძებს. იერონიმო რომ ჩამოხსნა კიდევ, ხომ ვერ გაიქცევა, შენ კი ყარაულის მოსვლამდე შორს ვერ წაიყვან.

ბნელში იდგნენ, აქეთ-იქით იყურებოდნენ. იერონიმოსთან ახლო დგომით სატიკვარი მათაც აშლოდათ. საკუთარი უსუსურობა სტანჯავდათ.

უხმოდ დაბრუნდნენ მოხუცები და ფრთხილად დაწვინენ, რომ ტრინი არ გაეღვიძებინათ. შვილის დარდით მათ თვალებს ძილი არ ეკარებოდა. დილას უთენია წამოდგნენ, რომ მუშაობაში ჩაეკლათ დარდი.

საუზვე ბატონის სახლში

ბებერი მანუელა გრაფის საშარეულოში ტრიალებდა. დიდი ქურა შეშით გამოევისოთ და ცეცხლს ტკაცა-ტკუცი გაუღოდა. ქურის წინ მანუელას თანაშემწე კონჩა იდგა და ლერწმის მარაოთი ცეცხლს აჩაღებდა. ერთი კერის წინ თვითონ მანუელა მიმდგარიყო და გაჩქარებით აქნევდა მარაოს, რომ ნაკვერჩხალი კარგად გაღვივებულყო. მრგვალმუცლიანი

ყავისფერა ქოთნები ცეცხლში ჩაეღვათ. საღაც იყო, წყალი ადუღდებოდა.

გრაფი ჩაის სვამდა ხოლმე, გრაფინია. გუვერნანტი და ბატონების ვაჟიშვილები კი ყავას მიირთმევდნენ, ხოლო ბავშვებს, ინგლისური ჩვევის მიხედვით, ფაფას უხარშავდნენ. ამიტომაც გახდა საჭირო დილაადრიან სამივე კერძის გაჩაღება.

თუ ასე გაცხარებული საქმე არა ჰქონდა, გულკეთილი და მუდამ ნიხარული მანუელა იჯდა და ჰყვებოდა ათას ამბავს, ნანახსა თუ გაგონილს.

დღეს კი ხმას არ იღებდა. გული საშინლად უკვნესოდა, რომ იერონიმოს დასჯაში ბრალი მას მიუძღოდა. რა ქაჯმა და ეშმაკმა შეაცდინა და ჩაერია ამ წიწაკის ამბავში. მით უფრო, ახლა ეჭვიც კი ეპარებოდა, მართლა იერონიმომ მოინდომა თუ არა გრაფინიასთვის ჯადოს გაკეთება.

მანუელას აზრადაც არ მოსვლია. რომ ამ საქმისა თვითონ გრაფსაც არა სჯეროდა, რომ მხოლოდ ჭკუის სასწავლად დასაჯა, რათა იერონიმოს გლეხები აღარ წაეჭებინა.

გრაფი თავის კაბინეტში საუზმეს მიუჭდა. შუბლი შექმუხნოდა. უსიამოვნო ამბები მოსდიოდა. ერთ-ერთ პროვინციაში გლეხები აჯანყებულებიყვნენ.

მალე მენამულეთა შვილებმაც თავი მოიყარეს და ყაყანი დაიწყეს. გრაფის გამოჩენაზე ისინი უცბად გაჩუმდნენ და თავდახრით მიესალმნენ. ერთი ახალგაზრდა გრაფს მიესალმა და მოახსენა:

— მებაღე კედლიდან ჩამოვახსნევენეთ და ჭკუის სასწავლად ყურები და ცხვირიც დავაჭერი. მაგრამ ჭრილობიდან ისე ძალიან სდის სისხლი, მეშინია, არ მოკვდეს. თვითონ არაფრის თავი არა აქვს.

— მისი სიკვდილი არავითარ შემთხვევაში არ შეიძლება.— თქვა გრაფმა. — მაშინ დასჯის ეს სახე თავის მნიშვნელობას დაკარგავს და ჩვენც ზიანს მოგვიტანს. რომელიმე თქვენგანი ახლავე სოფელში წავიდეს და ინდიელებს უთხრას, იერონიმოს წაღება შეგიძლიათ-თქო. თუ მისიანები ყურადღებას არ მიაქცევენ და არ აჩქარდებიან, მებაღის სიკვდილი, დაე, მათ დაბრალდეს.

მერე დანარჩენთ მიუბრუნდა და სუფრასთან მიიპატიჟა:

— აბა, ბატონებო, ახლა კი ვისაუზმოთ!

ამოქარგულ კოსტუმებში გამოწყობილი ყმაწვილები გრძელი მაგიდის გარშემო სკამებთან ფეხზე გაჩერდნენ. გრაფი ოთახში შეწოსულ მეუღლეს მიეახლა, მისი ხელი ტუჩებთან მიიტანა და ფრანგულად თავაზიანად მიმართა:

— იმედი მაქვს, ძვირფასო, კარგად გეძინა. წუხელ გვიან ვერანდაზე გამოვედი. უჩვეულოდ წყნარი და მომსიბღველი ღამე იყო.

ასეთი ცერემონიული მისალმების შემდეგ გრაფინია ყველა იქ დამსწრეს ოღნაევი თავის დაკვრითა და ნაზი ღიმილით მიესალმა. გრაფი უკვე თავის სკამთან იდგა და როგორც კი გრაფინიამ დაჯდომა იწევა, გრაფიც დაჯდა. ორივეს უკან მსახურები ედგა და მავიდასთან სკამები მათ მიუწიეს. ყმაწვილებმაც მათ მიბაძეს.

სუფრასთან სხდომის ისეთი მკაცრი წესები არსებობდა, ვერც ერთი ყმაწვილკაცი ვერ ბედავდა ხმის ამოღებას, საიამ გრაფი ამ მისი მეუღლე არ დაელაპარაკებოდნენ.

ამის თაობაზე ფრანგმა გუვერნანტმა საკმაოდ ირონიული წერილი მიაწერა თავის ძმას პარიზში:

„ხანდახან ასე მგონია, ჩემმა აქაურმა უფროსებმა მზე-ღმერთის, ლუდოვიკო XIV-ის დრო გააცოცხლეს. იმ მოსაწყენი პიესის გმირებივით ცხოვრობენ, ხანდახან პარიზის სცენაზე რომ ვნახულობდით. სუფრასთან საუბარს რომ გააბამენ, ასე მგონია. რომელიმე ძველი ფრანგი კლასიკოსის თხზულება დაუზეპირებოთ და აქ ღირსებით, მაგრამ უსულგულოდ წარმოთქეამენ“.

გუვერნანტი დღეს სულაც არ იყო ხუმრობის გუნებაზე. ამ დილას უთხრეს, მებაღე იერონიმო კედელთან უპატრონოდ გდია და სისხლისაგან იცლება. ხელის განძრევის თავიც არა აქვსო. ეს საშინელ მხეცობად და უადამიანობად მიაჩნდა.

— ყოველ დილას სიზარულს მგვრის, როცა ასეთ სიცოცხლით სავსე, მზით განათებულ, მომხიბლავ ბუნებას ვუმზერ.— უთხრა გრაფინიამ მარჯვნივ მჯდომ უხეში გარეგნობის ყმაწვილს.

ყმაწვილკაცმა მხოლოდ დიახო, უპასუხა, რადგან ასეთი ბრტყელ-ბრტყელი ლაპარაკი არ ეხერხებოდა.

გრაფი თავს იტყუებდა, როცა ყური უგდო მოხუც მანუელას ლაპარაკს და ფიქრობდა, ინდიელებს სამართლიანად მიაჩნიათ იერონიმოს დასჯა ჯადოქრობისათვისო. ვერც ერთი ინდიელი ვერ დაიჭერებდა, რომ ქოთანში წიწაკა მართლა იერონიმომ ჩარგო. როცა სოფელში ერთი მემამულის ვაჟიშვილი მოვიდა და შეატყობინათ, იერონიმო სისხლისაგან აცლებო, ისინი ძალიან გაბრაზდნენ. როსარია ყვირილით გაიქცა გრაფის მამულისაკენ. ამბის მომტანმა მაშინვე მოჰკურცხლა, ინდიელების გაავებული სახეების შეხედვამ შეაშინა.

როსარიას თითქმის მთელი სოფელი დაედევნა: თეთრ ქურთუკებიანი, ჩალის ფართოქუდებიანი მამაკაცები და ყავისფერთავსაფრიალი ქალები და ბავშვები.

ტრინის ხუანიტასათვის ჩაეგლო ხელი. ხუანიტა ძალიან მგრძნობიარე ბავშვი იყო და ახლა ტირილს ვეღარ იკავებდა. უცბად რაღაც მოაგონდა, ტირილი შეწყვიტა და თქვა:

— ტრინი, გუშინდელივით შორს ნუ წახვალ, თორემ კიდევ დაეცემი. მეც შენთან ვიქნები.

ხუანიტამ ტრინი როსარიას ეზოში შეიყვანა. მართლაც, ტრინი თავს ისე სუსტად გრძნობდა, რომ ხუანიტას დაუჭერა და მორჩილად მიჰყვა.

ხუანიტა მაღალი, ბავშვური ხმით ტიტინებდა, როგორ მოუვლიდა და რას გაუკეთებდა როსარია იერონიმოს. გოგონას უცბად მოაგონდა, ნეტავ ქოხში წყალი თუ არისო. იერონიმოს ხომ წყალი ეწყურებოდა.

ხუანიტამ ლერწმის მარათი ცეცხლი გააღვივა და ქურაზე ჩანსათვის წყალი შედგა, როგორც ამას დედამისი აკეთებდა ყოველდღე. ტრინი უყურებდა და აოცებდა ხუან-ტას სიმარჯვე და მოფიქრებულობა.

— აბა, ქუჩაში გაიხედე, ტრინი, ხომ არ მოდიან? — თქვა ხუანიტამ.

— მოდიან, მოდიან, — დაიძახა ტრინიმ, — წამო, შევეგებოთ!

— არა, — წარმოთქვა სადიასახლისო საქმეებში გართულმა გოგონამ. — ყველაფერი უნდა მოვამზადო, თბილი წყალიც

დავახვედრო ჭრილობების მოსაბანად. აბა, სადა მცალია? ტრინი შესცქეროდა ნელა მომავლებს, რომლებსაც ისე სახე ჰქონდათ, თითქოს მიცვალებულს მოასვენებენო. „ხომ არ მოკვდა ბიძია იერონიმო?“ — გაიფიქრა მან და ხალხისაკენ გაიქცა შეშინებული.

კაცების ერთ ჯგუფს ჯოხებზე დასვენებული იერონიმო მოჰქონდათ. ერთ კაცს მისი თავი ეჭირა. ყურებთან და ცხვირთან ბანდი გასისხლიანებოდა. იერონიმომ უცბად ტრინის თვალი მოჰკრა და მიაშტერდა.

კაცებმა იერონიმო განგრეულ ლობეში გაიტანეს და ფრთხილად დააწვინეს ძირს.

ამ დროს როსარიამ თავის სამზარეულოში პატარა ხუანიტა შენიშნა.

— შენ აქ რა გინდა?

— აი, წყალი გაგითბე, ჭრილობების მოსაბანად, — დაიწროპინა ხუანიტამ. — საცაა ჩაის წყალიც აღუღდება. ბიძია იერონიმოს ალბათ ეწყურება.

როსარიას ცრემლები მოერია, ხუანიტა ხელში აუყვანა და აკოცა. გოგონას კი მისი კოცნა სულაც არ ებრძანებოდა, პატარა დიასახლისს ჯერ ისევ საქმე ჰქონდა და ფეხებს ასხმარტალებდა, რომ ხელიდან გასხლტომოდა.

წამოძვდარ იერონიმოს ორი კაცი იჭერდა, თვითონ თავს ვერ ეკავებდა. მარიანამ ხელის სწრაფი მოძრაობით სახიდან ფრთხილად ჩამოხსნა ბანდი, ბიძის დამახინჯებული სახის შეხედვაზე ტრინი ძალზე შეშინდა. იერონიმოს აღარც ყურები ჰქონდა, აღარც ცხვირი. სახე მთლად სისხლით ჰქონდა მოსვრილი.

ჭრილობებზე მარიანამ გამხმარი ფოთლები დააფინა და უთხრა:

— მობანა არ შეიძლება. ჯერ სისხლი უნდა შევეუჩეროთ, ძალიან გტკივა?

იერონიმომ პირი რომ გააღო, ტრინიმ შენიშნა, ტუჩები გასიებოდა.

— თავი არა მტკივა, — ძლივს ამოღერდა იერონიმომ. — მხრები და ხელები ძალიან.

— გეტკივება, აბა, რა! — მიუგო მარიანამ. — როსარია

წყალს გაგზავნობს. ოღონდ წყალი ცხელი არ იყოს. შიგ ხელებს ჩააწყობ. თუ დაგისივდეს, ნუ შეგეშინდება. ტკივილი თანდათან იკლებს და დაქანცულობას იგრძნობ. მაშინ ეცადე დაიძინო, ძლი შენთვის წამალია!

თავმჯერილ ინდიელებში უცბად ჩოჩქოლი ატყდა. გზაზე გრაფის ერთი ზედამხედველი გამოჩნდა. ფართო ქაპარზე უზარმაზარი პისტოლეტი ეკიდა. სწორედ ეს კაცი ბრძანდებოდა, როსარიას რომ სდევდა. სახეზე ნაძალადევი გულგრილობა აესახა და თავი ისე ეჭირა. თითქოს ინდიელთა სიძულვილით სავსე გამოხედვას ვერ ამჩნევსო.

— ბატონმა დამავალა გადმოგცეთ.— დაიწყო ზედამხედველმა და ტუჩების კუთხეები დაბლა ჩამოუშვა. — ახლავე სამუშაოზე გამოდითო.

ინდიელები არც განძრეულან, არც ხმა ამოუღიათ.

— პა. რაღას ადგანართ? — მუქარით იკითხა მან, თუმცა მის ხმას რიხი აკლდა.

ამბროსიამ ახლა კი ველარ მოითმინა, ერთი მამაკაცი გვერდზე გასწია. ზედამხედველს წინ დაუდგა და თვალით აწონდაწონა. მერე გლეხებს მიუბრუნდა:

— მოქეცალეთ! — და ხელით ანიშნა, გვერდზე მიდექ-მოდექიო.

გლეხები მიუხვდნენ ამბროსიას, რაც უნდოდა. აქეთ-იქით მიდგნენ და გზა დაუტოვეს. თავში ზედამხედველი იღგა, ბოლოში კი სუფთა ჩერებით თავშეხვეული იერონიმო იწვა, მარტო თვალები და პირილა მოუჩანდა, ქურთუკი და შარვალის სისხლით ჰქონდა მოსვრილი.

ამბროსიამ კვლავ შეხედა ზედამხედველს და ხელით იერონიმოზე აჩვენა:

— აი, რა ჩაიდინეთ! ჩვენ კი თქვენთვის ვიმუშაოთ?! მიბრძანდი მაგ შენს ბატონთან და მოახსენე. თავისას რომ ეძახის. ის ჩვენი მიწაა. ინდიელებისა! ურჩევნია მემამულეების ვაჟბატონები ამუშაოს, იმათ ხომ მუქთად აჭმევს იმ მკვადს, ჩვენ რომ წაგვეგლიჯა. მაშ ჩვენ რიდასთვის ვიმუშაოთ?

ამბროსია გაჩუმდა მაგრამ ზედამხედველს თვალს არ აცილებდა.

ზედამხედველი გუნებაზე ვერ იყო. სხვა რომ ვერაფერი

მოახერხა, სულელურად გაიდრიჭა და ამბროსიას შეუტია:
— გაჩუმდი, ბებერო! დაგიჭერენ! შენც დაგიჭერენ და
თქვენც, — ხალხს მიუბრუნდა, — მთელ სოფელს... მანძი
კი, აბა, სამუშაოზე!

ხმა არავის ამოუღია, არც განძრეულან. ამბროსია ინდიე-
ლებს მიუბრუნდა:

— არავის გინდათ ხმა ამოიღოთ? იერონიმოს შემხედვა-
რეს კიდევ გინდათ გრაფისათვის იმუშაოთ? მე ასე მგონია,
ახლა სამუშაოზე აღარ შეგვიძლია გავიდეთ. მებატონეთა ვაჟი-
შვლებმა გუშინ იერონიმო ჩამოჰკიდეს და ცხვირი და ყუ-



რები დააჭრეს, ხვალ სხვას უზამენ ამას. თუ გრაფი გარეკავს
იმ ვაჟბატონებს, შერე გავალთ სამუშაოდ. აი, მე ასე ვფიქ-
რობ, ქალი. თქვენ რას იტყვით, ძაძაკაცები?

— სწორია! — დაიძახა ვილაყამ.

აქამდე გაჩუმებული ინდიელები ახლა აყაყანდნენ. ერთ-
მანეთს აღარ აცლიდნენ, მაგრამ ყველა არ ეთანხმებოდა
ამბროსიას.

იერონიმო შეინძრა და წამოდგომა სცადა. მიეშველნენ და წამოაყენეს.

— მე აქ აღარ ვმუშაობ, ეს მტკიცედ გადაწყვიტე. თუ თქვენ იმუშავებთ, კეთილი, მე კი აქ აღარ გავჩერდები, დღესვე წავალ. აი, მაგ ყმაწვილსაც ესმის ჩემი სიტყვები,—იერონიმომ სცადა ზედამხედველისაკენ გაეშვირა ხელი, მაგრამ ვერ ასწია. ეტყობოდა, ძალიან ეტკინა. — თუ თქვენ სამუშაოდ გახვალთ, დედაჩემსაც სხვა არა დარჩენია, უნდა გაეცალოს აქაურობას, თორემ, როგორც წამქეზებელს, დაიჭერენ და შეიძლება დახვრიტონ კიდევ. გინდათ ასე მოხდეს? თუ დღეს არ გადაგიწყვეტიათ, ხვალ მაინც უნდა გადაწყვიტოთ! მაგრამ მაშინ თქვენს შორის აღარ იქნებიან დედაჩემისნაირი გამბედავი ინდიელები.— ძალდატანებით და ტკივილებით გატანჯული იერონიმო ძირს დაეშვა.

ახლა როსარია წამოდგა წინ და გამწარებულმა იყვირა:

— იერონიმო ვერსადაც ვერ წავა. მაგას თვითონაც ხედავთ. გააგდეთ ეგ ზედამხედველი, ეშმაკსაც წაუღია მაგისი თავი. რა დარჩენია მაგას ჩვენს სოფელში? ეგეთ მაიმუნებთან ჩვენ რა საერთო გვაქვს.

— კარგი, გეყოფა! — ბოროტი ღიმილით დაიღრიალა ზედამხედველმა. — თორემ...

— შენ თვითონ გეყოფა! — შეუძახეს აქეთ-იქიდან. ზოგიერთმა მისყენაც წაიწია. ზედამხედველი მაშინვე გაეცალა იქაურობას.

— მებატონეთა შვილები რომ შემოგვესიონ? — იკითხა ერთმა.

იერონიმო ისევ წამოდგა დიდის გაჭირვებით. თუმცა აქეთ-იქიდან ეკირათ, მაგრამ თავს ვერ იჭერდა.

— ისინი თუ მოვლენ, ჩვენ წავალთ აქედან. მათზე მეთვალთვალენი უნდა დავაყენოთ, რომ შეგვატყობინონ მათი წამოსვლა. მოემზადეთ წასასვლელად. — იერონიმო. ძალაგამოლეული ჩაიკეცა.

სალხი ჭერაც ყოყმანობდა. ახლა მარიანა გაცხარდა და ხალხს ეცა:

— წადით, რაღას უდგევხართ, ხომ ხედავთ იერონიმოს მეტ-აღარ შეუძლია? ავად არის, მოსვენება სჭირდება!

მოსვენება ტრინისაც სჭირდებოდა. ხუანიტამ მას ხელი ჩა-

ჰკიდა, სახლისაკენ წაიყვანა და დიდი გამოცდილი ქალივით გაუბა საუბარი. როგორც ფაშფაშა მარიანა, ისე ექცეოდა ავადმყოფს.

ბეკობლელი ბატონი ტორესი

მეჩამულის ფართო ეზოში ორმა მხედარმა შეაქენა ცხენი. ნაქარგ კოსტუმში გამოწყობილი მებატონე ცხენიდან ჩამობტა და შეიარაღებულ მხლებელს აღვირი მიუგდო.

კოლონადიდან მის შესახვედრად ერთი ყმაწვილკაცი გამოეშურა და შესძახა:

— მამა, შენ აქ რა გინდა?!

— გრაფი შინ არის? — იკითხა მოსულმა და როცა ვაეი-შეღმა თავი დაექნია, მიაძახა: — ახლავე მასთან მიმიყვანე! იმათ ხვამალალ ლაპარაკზე გრაფიც გამოვიდა.

— საყვარელო მეზობელო, საჩქარო საქმე გაქვთ?

— სამწუხაროდ, ძალიან სასწრაფო, — მიუგო სტუმარმა. — შეიძლება ჩემი ვაეი ჩვენს საუბარს დაესწროს? მინდა იცოდეს, რაც ტეპოტლაში მოხდა.

— რასაკვირველია. გთხოვთ, აქეთ მობრძანდეთ. სიგარა ინებეთ! პირდაპირ კუბიდან მიგზავნიან.

ეს უცხო მემამულე ბატონი ტორესი იყო. ტეპოტლაში შემოსავლიანი მამული ჰქონდა. სიგარას მოუკიდა, შეისუნთქა, ბოლი ჩაფიქრებით გამოეშევა და დაიწყო:

— მინდა იცოდეთ, ბატონო გრაფო! სოფლის მცხოვრებნი მოვალენი არიან ჩემს დუქანში შეიძინონ მათთვის საჭირო საქონელი. პაპაჩემიდან მოკიდებული ასეა დაკანონებული. ეტყობა, ჩემი მუშების ყურამდეც მიაღწია ქალაქელი ლიბერალების წაქეზებამ. ეს შფოთისთავეები ამტკიცებენ, დიდ სოფლებში არათუ ბატონყმობა, მონობაც არსებობსო. მემამულური დუქნები ჩაგვრისა და ექსპლოატაციის ყველაზე უსინდისო ფორმააო. ჩემი მუშები, იმის მაგივრად, რომ მაღლობლები იყვნენ, სამუშაოს რომ ვაძლევ, გაფიცვით იმუქრებიან. მე რომ არ ვყოფილიყავი, შიმშილით ამოწყდებოდნენ. აი, უცხოეთიდან შემოტანილ იდეებს რა შედეგი მოაქვთ. გაფიცვაო!.. წარმოგიდგენიათ, რა უსწავლიათ? ჩვენს მამა-პაპას

კა ეს სიტყვა გაგონებითაც არ გაეგონა. — ტორესი ისე იყო გააფთრებული, სულს ძლივს ითქვამდა. — გუშინ სამუშაოზე საში კაცის მეტი არ გამოსულა, ეს საპიც საღამოთი სოფელში რომ დაბრუნებულან, გაფიცულებს ისე უცემიათ, სიკვდლის პირას მიუყვანიათ. დღეს, სარწმუნო წყაროებიდან გავიგე, ინდიელები თურმე ჩემს მამულში შემოჭრას აპირებენ. რომ რაც სიძინდი გამაჩნია, წამართვან. კაცმა რომ თქვას. მართალია, სიძინდი აღარა აქვთ და უჭირთ, მაგრამ გატაცება რაღაა? ეს ხომ აჯანყებაა, თითქმის რევოლუციაც: ამიტომ, ბატონო გრაფო, მინდა გთხოვოთ, დღესვე აქ თავშეყრილი ყმა-წვალკაცებით ჩემს მამულში მოხვიდეთ. ეგენი ხომ ასეთი შემთხვევის გამო შეეკრიბეთ აქ, როცა სხვა პროვინციებში მღელვარების ხმები დაირხა. ერთი ვნახოთ, თავს როგორ დაგვესხმან, თუ ტყვიებს დაუშენთ.

— თქვენი დახმარება, რაღა თქმა უნდა, ჩემს მოვალეობად მიმაჩნია, — მიუგო გრაფმა. — იქნებ თქვენმა ვაჟ-შვილმა ეს ამბავი თავის ამხანაგებს შეატყობინოს, რომ ისინი გაეშაღონ?

— რაღა თქმა უნდა, შეატყობინებს! — დაეთანხმა ტორესი. — პირდაპირ გულადან მძიმე ლოდი ჩამომაცალეთ!

ტორესის ვაჟი ოთახიდან გავარდა. მამამ თვალი გააყოლა და ღიმილით თქვა:

— ჯერ პირზე რძეშეუშრობელი ყმაწვილები არან, თავ-გადასავლები ენატრებათ!

გრაფი ტორესს მიუბრუნდა:

— ასეთ ამბებს ველოდი და ამიტომ ზოგიერთი რან უკვე ვილონე. ერთი ქაბუჯი, ჩემს ხალხს რომ აჯანყებდა, ხელებით მთელი ღამის განმავლობაში კედელზე გვეკიდა, მერე ცხვირი და ყურები დავაჭერიო, როგორც შფოთისთავს ეკუთვნოდა. მე მგონია, ჩემო ძვირფასო მეზობელო, ეს მაგალითი თქვენს სოფლელებსაც გამოადგებათ, რათა ერთხელ და სამუდამოდ დაეკარგოთ აჯანყების მადა.

— ჩინებულია! — შესძახა სტუმარმა და სიგარის ბოლი პირიდან ბოლქვა-ბოლქვად გამოუშვა.

კარებში გრაფის ზედამხედველი გამოჩნდა, რომელიც მან სოფელში ვაგზაენა.

— რა კქენი? — შეეკითხა გრაფი. — ბოლოს და ბოლოს გამოვიდნენ სამუშაოზე?

— არა, ბატონო, — ხმადაბლა თქვა ზედამხედველმა.

— რაო? — გრაფი შეშინებული წამოხტა. — წამო ერთი, ყველაფერი დაწვრილებით მიაბზე! — გრაფი მაშინვე გავიდა ოთახიდან. სტუმარი ისევ სიგაროს აბოლებდა.

ცოტა ხნის შემდეგ ოთახში აღელვებული გრაფი შემოვიდა.

— ცუდადაა საქმე, — დაიწყო მან. — ჩემმა ხალხმა სამუშაოზე გამოსვლის პირობად მებატონეთა შეილები ჩემი სახლიდან დათხოვნა მომთხოვა. რაღა თქმა უნდა, უუქველად გამოვუშვებთ, ბატონო ტორესო! მაგრამ ჩვენს წასვლაზე ჩემი ხალხი რას იფიქრებს? ეგონებათ შევაშინეთო. — გრაფმა წარბები შეკყარა, — ამ უფოთში კი ძალიან სახიფათოა. — გრაფი ფეხზე წამოხტა და შესძახა: — რა ვქნა! ყოველ შემთხვევაში, ოჯახი ქალაქში უნდა გავაგზავნო.

სტუმარი ტაკობლიდან

იერონიმოს მთელ დილას ეძინა. შუადღე გადასული იყო, რომ გამოეღვიძა. ჯერ ფეხები გაანძრია ფრთხილად. ფეხები არ სტკიოდა. მერე ხელის აწევა მოინდომა, მაგრამ მხარი საშინლად ასტკივდა. მერე მაჯები შეარხია, ახლა ტკივილები არ უგრძვნია. მაშ მარიანას სწორი უთქვამს, ტკივილები თანდათან გაივლისო. ფეხზე კვნესით წამოდგა, რადგან მხრებმა კვლავ ტეხვა დაუწყო. სიარული კი თავისუფლად შეეძლო.

ნელ-ნელა გარეთ გავიდა და უცბად როსარია დაინახა. შეშინებულმა როსარიამ წამოიკივლა:

— იერონიმო! — მაგრამ რაკილა შეამჩნია, რომ იერონიმო ილიმებოდა და ფეხებზედაც მაგრად იდგა, ისევ გაუხარდა, ზედიზედ მიაყარა: — ყველაფერი მოგიმზადე, ყველაფერი; მჭადებიც დავაცხვე, ლობიოც მზად არის. ჭამ საქმელს?

— ჰო, როსარია. მაგრამ შენ ეს მითხარი, კიდევ ხომ არ გამოუგზავნია გრაფს კაცი, სამუშაოდ გამოდითო?

— არა, არაფერი არ გამიგონია, — როსარიამ თიხის ჯ 3-ში ლობიო ამოუღო და აკოკოლავებული მჭადები მიაწოდა.

იერონიმო დაჯდა და ჭამას შეუდგა. პირს ძლივს ანძრევდა და ნელა-ნელა ჭამდა. ჭამას რომ მორჩა, ჩაფიქრებულ კვლავ ჩუმად იჯდა, იქნებ ასე იმიტომაც იჯდა, ცოტათი რომ განძრეულიყო, მხრები საშინლად სტკიოდა. მალლა მაშინდა აიხედა, როცა გზაზე მამაკაცების ჯგუფი გამოჩნდა. მათაც შეათვალიერეს იერონიმო და კაქტუსის ღობის მხრიდან ეზოში შემოვიდნენ.

— უკვე ჯდომაც შეიძელი? — ჰკითხა მამამ იერონიმოს.

— ჯდომა კი, მაგრამ მუშაობა არ შემიძლია. ხელებს ძლივს ვანძრევ, — მიუგო იერონიმომ.

— რა გასაკვირია! — მიუგო მამამ. — როგორც შენ გვირჩიე, მთაზე მეთვალყურენი დავაყენეთ. შუადღე იქნებოდა, ერთი მოვიდა და შეგვატყობინა, თავისი ამალით გრაფი სადღაც წავიდაო. ამასობაში ისიც გავიგეთ, რომ გრაფინიას საჩქაროდ ბარგი ჩაულაგებია და ორი ზედამხედველის თანხლებით ქალაქში გაქცეულა. ნეტავ რას ნიშნავს ეს ყველაფერი?

იერონიმო საგონებელში ჩავარდა. სწორედ ახლახან ფიქრობდა, გრაფი თავისი ბანდით სოფლის წინააღმდეგ რაღაცას იღონებდნო. მემამულეები ყველანი ერთნაირები არიან. გლეხების ყოველი აღელვების დროს თავს ესხმოდნენ მათ, ხოლო თუ გლეხები თავს უშვებდნენ, სოფელს ცეცხლის აღში გახვევდნენ და უღმობლად ანადგურებდნენ.

— არა მჯერა! — თქვა იერონიმოს მამამ.

— უნდა გავიგოთ, სად წავიდნენ მებატონეთა ვაჟები, — თქვა იერონიმომ.

— ყველაზე ლაქლაქა ბატონის მსახურებში მოხუცი მზარეული მანუელა არის, — თქვა როსარიამ.

— რაიმე მიზეზით როსარია გრაფის სახლში რომ წავიდეს? — იკითხა ხასინტომ.

— მე? იქ მივიდე, სადაც ის ზედამხედველი ჩასაფრებულა და ჩემს ხელში ჩაგდებას ნატრობს? — აღშფოთებით იკითხა როსარიამ.

ყველა მიხვდა, რომ როსარიას წასვლა არ ივარგებდა. ვერც ვერაფერი საგულისხმო მიზეზი გამონახეს ბატონის სახ-

ლში მისასვლელად და ისე დაიშალნენ, რომ არაფერი გადა-
უწყვეტიათ.

ის ღღე და ღამე მშვიდად გავიდა. გათენების ხანს ძალღე-
ბი აღავლავდნენ და ცოტა ხნის შემდეგ იერონიმოს ხმადაბალი
ძახილი შემოესმა. თუმცა მხრები ისევ ძალიან ტეხდა, მაგრამ
მაინც ზეზე წამოდგა.

— გამო ცოტა ხანს! — მოესმა ამბროსიას ხმა.

გარეთ დედის გარდა ვილაც ჩალისქუდიანი უცნობი მამა-
კაცი დაინახა. ისინი ქოხის გვერდით მიდგნენ და ჩაუტყდნენ.

— მე პაკო მქვია, — თქვა უცნობმა. — ტეპოტლადან მო-
ვდივარ. იცით, რომ თქვენი ბატონი თავისი ბანდით ჩვენს სო-
ფელში ჩამოპრძანდა?

— თქვენთან არიან? მერე რისთვის მოვიდნენ? — გაიოცა
იერონიმომ.

— ძალიან ცუდად გვაქვს საქმე. ერთი მარცვალი სიმინ-
დი არ მოგვეძევება. რამე თუ არ ვიღონეთ, ბავშვები და მო-
ხუცები შიმშილით ამოგვიწყდებიან. ჩვენს ბატონს კი ყველა
სასიმინდე სავსე აქვს და ფასების აწევას უცდის, რომ მერე
მოგვყიდოს. ამას იმიტომ აკეთებს, რომ ის ორიოდ კაციც,
ვისაც საკუთარი მიწის ნაგლეჯი შერჩა, აიძულოს და მათი ნა-
კვეთი ორიოდ ტომარა სიმინდად ჩაიგდოს ხელში. გუშინწინ
გადავწყვიტეთ, მემამულის ეზო-მიდამოზე იერიში მიგვეტანა
და სიმინდი გაგვენაწილებინა.

— ბიჭოს! მაგრამ ახლა ამას ვეღარ იზამთ, რადგან ეგ თო-
ფიანი ბანდიტები ჩაგისახლდნენ, — თქვა იერონიმომ.

პაკო მძიმედ სუნთქავდა:

— შიმშილით ვიხოცებით, სიმინდი გვინდა. ვის მივმარ-
თოთ დახმარებისათვის? აი, მე აქ გამომგზავნეს.

— ჩვენთან? — შეეკითხა ამბროსია. — ორ კვირაში ჩვენც
თქვენი ღღე დაგვადგება.

— არა, თქვენ არაფერს არა გთხოვთ. ბატონებისაგან წა-
ვიღებთ. — მიუგო პაკომ.

— მაშ ჩვენი დახმარება გკირდებათ? — იკითხა იერო-
ნიმომ. — სიამოვნებით დაგეხმარებოდით, მაგრამ როგორ?

— ჩვენ მოვიფიქრეთ, — მიუგო პაკომ. — ბატონის სახ-
ლში შეიარაღებული ხალხი თუ დარჩა კიდეც?

— ვიცი, მხოლოდ პისტოლეტებით შეიარაღებული ორი ზედამხედველი დარჩა.

— თქვენ რომ მის სახლ-კარს დაესხათ და ის სიმინდა წამოიღოთ, რაც გრავმა წაგართვათ, მებატონეთა შვილები თქვენსკენ წამოვლენ, მაშინ კი შევესევით ჩვენს ბატონს და ის ვაჟბატონები ისევ ჩვენკენ გამოეშურებიან. ამასობაზე სხვა სოფლებსაც დაუუკავშირდებით, რომ იმათაც მხარი მოგვცენ. იერონიმოს არაფერი უთქვამს.

ცოტა ხნის დუმილის შემდეგ ამბროსიამ თქვა:

— ბატონი სოფელს გადაგვიწვავს.

— მანამდე აქედან უნდა გახვიდეთ და სიმინდიც თან წამოიღოთ. ახლო-მახლო სადმე მთა არა გაქვთ, თავი რომ შეათაროთ? ალბათ, სიმინდის შესანახი საიმედო ადგილიც გექნებათ.

— დასამალი ადგილი კი გვაქვს.

— აი, ხედავთ! — დაიწყო ისევ პაკომ. — ბევრი-ბევრი ქოხები გადაგიწვან, დამშევით კი ვერ დაგამშევენ.

კვლავ დუმილი ჩამოვარდა. აღმოსავლეთით ცისკიდური შეფერადდა.

— ძნელი გადასაწყვეტია. მე ამაზე პასუხს ვერ გაცემ, — თქვა ბოლოს იერონიმომ. — ან მთელი სოფელი მხარს დაგვიჭერს, ანდა არაფერი გამოვა.

— რასაკვირველია. ასე იქნება, — დაეთანხმა პაკოც.

ცოტა რომ ინათა, ნახეს, სტუმარს ჭკვიანი სახე ჰქონდა და აღარც თუ ახალგაზრდა ეთქმოდა.

— ეს ჩანაფიქრი, — დაიწყო იერონიმომ, — მაშინ არ იქნება ამო, როცა ბატონებს... — აღარ დაამთავრა სიტყვა.

— როცა ბატონებს უკან დაბრუნების საშუალება მოესპობათ. — მის მაგივრად დაასრულა პაკომ. — ჩვენ უნდა შევქმნათ ისეთივე შეიარაღებული რაზმები, როგორიც მებატონეებმა შექმნეს. შენ რას ფიქრობ, ვერ შევძლებთ?

— როგორ ვერ შევძლებთ, — მიუგო იერონიმომ. — მაგრამ ჩვენ ხალხს ვინ გააგებინებს, რომ ეს საჭიროა? ძალიან ძნელია მათი აყოლიება, ქედის მოხრას მიეჩვივნენ.

— მართალს ამბობ, — დაეთანხმა პაკო.

თანდათან ინათა. სოფელი მალე გაიღვიძებდა.

— დედა. — მიმართა იერონიმომ ამბროსიას, — ან სა-
კითხზე პირველად ვის მოველაპარაკოთ?

— მამაშენს. მაგრამ სტუმარიც აქ იყოს, რომ ყველაფერი
თვითონ აუხსნას.

— თუ საქმეს სერიოზულად მოგვიდებთ ხელს, დავრჩები.

— რაღა თქმა უნდა, სერიოზულად მოგვიდებთ ხელს, —
იერონიმოს მაგივრად უპასუხა ამბროსიამ.

პაკო მას გაკვირვებით მიაცქერდა.

ბ ზ ო ბ ა

ამ დღით სოფელი თითქმის მთლად ჩამკვდარიყო. გლე-
ხები თითქოს სამუშაოზე უნდა გამოსულიყვნენ, რადგან მემ-
ბულეთა რაზმი სოფლიდან წავიდა. მაგრამ ყველას რაღაცის
ეშინოდა, ემანდ არაფერი გვიხიმაწონო.

პაკო და იერონიმო ამბროსიას და ხასინტოს ეთათბირებო-
დნენ. ტრინი ქოხის ბნელ კუთხეში მიკუნჭულიყო და ყველა-
ფერი ესმოდა, თუმცა ისინი ჩუმად ლაპარაკობდნენ. პაკოს
წინადადებით, გლეხები მეორე დღეს მინდორში უნდა გასუ-
ლიყვნენ, თითქოს მუშაობას აპირებდნენ, ზედამხედველებს
თავს უნდა დასხმოდნენ და იარაღი წაერთმიათ. მერე კი დამ-
შვიდებით გაუნაწილებინათ სიმინდი.

— ო, ძნელი საქმეა, — დაიწყო იერონიმომ. — სწორედ
გრაფთან მომუშავე ხალხია ყველაზე მეტად დაშინებული. მე
მგონი, შეეშინდებათ შებრძოლებისა.

დუმილა ჩამოვარდა.

საუბარში ამბროსია ჩაერია:

— მამაკაცებს ქალები არასოდეს არ გახსოვთ!

ამბროსიას გაკვირვებით შეხედეს, რისი თქმა გინდაო.

— ვის უფრო მეტად აინტერესებს სიმინდის საქმე? —
დაიწყო ისევ ამბროსიამ. — ქმარ-შვილს სასმელ-საჭმელს
ხომ ჩვენ ვუზხადებთ.

— მამ, შენი აზრით, ქალები გავგზავნოთ გრაფის მამულ-
ში? — იკითხა პაკომ.

— არა, ყველანი ერთად წავალთ. საჭმლის საკითხში კა-
ცებმა დათმობა იცით, ჩვენ კი კერპები ვართ, სიმინდს მოვი-
თხოვთ და მამაკაცებს წავაქეზებთ. მაგრამ მანამდე ქალებს

უნდა ავუხსნათ, რომ გრაფი თავისი ბანდის შესანახად ისევ მალე მოგვთხოვს სიმინდს.

სამი კაცი ამბროსიას შესცქეროდა. მისი წინადადება გონივრული ეჩვენათ.

— მაშასადამე, მთელი სოფელი წავიდეს, არა? მაგრამ ჩვენ ქალებს ამას ვინ ჩააგონებს?

— მე, მარიანა და, ალბათ, როსარიაც დაგვეხმარება. მათ მოველაპარაკები, ხოლო შემდეგ სამივენი სოფელში გავნაწილდებით, — თქვა ამბროსიამ და წასვლაც დააპირა, მაგრამ პაკომ შეაჩერა.

— კარგი გეგმაა, ოღონდ სწრაფად უნდა განხორციელდეს, თორემ ამ ამბავს გაიგებენ და მერე გაძნელება შესრულება. ზედამხედველებს საშუალება არ უნდა მივცეთ, რომ თავდაცვისათვის მოემზადონ, თუმცა ორნი კი არიან.

— ერთი წინადადება მაქვს, — თქვა იერონიმოვ. — შოდი, ზედამხედველები საუბარში გავართოთ, რომ სოფლიდან ამდენი ხალხის გამოსვლა ვერ შენიშნონ.

— მერე, ეს საქმე ვის მივანდოთ?

— მამულში მომუშავეთ, — უპასუხა იერონიმომ. — ისინი ჯერ იკითხავენ, მემამულეთა შვილები აქედან მართლა თუ წავიდნენ, საით წავიდნენ, შემდეგ ეტყვიან, სამუშაოდ გვინდა გამოვიდეთო და საუბარს მანამდე გააჭიანურებენ, სანამ სოფელი შეიკრიბებოდეს. მერე კი როსარია დაიწყებს ლაპარაკს. კარგადაც მოახერხებს! მე იმასთან სად მოვალ, — გაეცინა იერონიმოს.

ხასინტომ თავი გააქნ-გამოაქნია:

— რას ამბობ? ჩვენ უნდა დავიწყოთ ასეთი ეშმაკური ლაპარაკი? არა, ეს არავის არ შეუძლია.

— შენ თვითონ რომ ითავო? — მიუბრუნდა პაკო იერონიმოს. — შენ ხომ მებაღე ხარ. წაყევი მაგათ და რაც გინდოდეს, ის მიუკიბ-მოუკიბე ზედამხედველებს. შენ კარგად შესძლებ.

— მე რომ არ მენდობიან! — მიუგო იერონიმომ. — აბა, ჩემს თავსაც შეხედე, როგორა მაქვს შებანდული, შორიდანვე მაცნობენ და იფიქრებენ, სამაგიეროს მოსაზღვევლად მოდიანო.

— შენც რა დაგემართა?! — შესძახა პაკომ. — ადექი და

თავშალი მოიხვია. თუ გინდა, სახეზეც ჩამოიფარე. წინ ნუ გამოეჩხირები, ხალხს ამოეფარე.

— თავშალიანი იერონიმო! — ამაზე ყველას გაეცინა. იერონიმოს ეს წინადადება მოეწონა, თავზე როსარიას თავშალი მოიხვია და სალაპარაკოდ მოემზადა.

ეზოში ტეპოტლელი პაკოლა დარჩა. ქოხის კუთხეში მიყუჟული ტრინის დანახვაზე წარბები უკმაყოფილოდ შეჰყარა და ბიჰს უთხრა:

— აქ რას უზიხარ, ყურს გვიგდებდი?

— მე ამბროსიასთან ვცხოვრობ, — უპასუხა შემკრთალმა ტრინიმ.

პაკო დამშვიდდა.

— ამბროსია შენი დიდება არის? ალბათ აღრე თუ გათხოვდა, თორემ ეგრე ბებერი არა ჩანს. ამას გარდა, — ჩაფიქრებით დაუმატა მან, — დიდებული ქალია, ჰქვიანიცაა და, როგორც ჩანს, გაბედულიც.

— დიდებაჩემი ამბროსია ძალიან გაბედულია! — თქვა ტრინიმ ჩვეულებისამებრ ხმამაღლა. — გუშინწინ კედლიდან ბიძია იერონიმოს ჩამოხსნა მოიწადინა.

— მართლა? — ჩაეკითხა პაკო და ტრინის გვერდით ჩაჯდა. — ბიძაშენ იერონიმოზე რაღას იტყვი?

ტრინი ბიძას აღმერთებდა, მაგრამ ამას სიტყვებით ვერ გამოხატავდა.

— ბიძაჩემს იმათ ცხვირი და ყურები დააჭრეს.

პაკომ ტრინის სიტყვებითაც გაიგო, რაოდენ პატივს სცემდა იგი ბიძამისს.

„ხშირად ბავშვები უფრო კარგად იგებენ ადამიანის აკარგს, ვიდრე უფროსები“, — გაიფიქრა პაკომ.

იერიში სან ბარტოლომოს მამულზე

რადგან ამ დილით არავინ არ მუშაობდა, მთელი სოფელი ერთბაშად აჩოჩქოლდა. ქალებს ამბროსია ისე ნელა და მკაფიოდ, გასაგები სიტყვებით ელაპარაკებოდა, რომ მამაკაცე-

ბიც მოკრძალებით უსმენდნენ. როსარიამ ახალგაზრდებს მოუყარა თავი და მგზნებარე სიტყვებით მიმართა. გაიხსენა იერონიმო, როგორ ჩამოკიდეს კედელზე და აწამეს.

— მანამდე ძალიან ლამაზი ჭაბუკი იყო, ახლა კი რას ემგვანება, სახეეებს რომ მოიხსნის? აი, ასეთები არიან მებატონეები! ასე გვამახინჯებენ! შიმშილით კუჭებს გვიხმობენ. რამდენ ხანს გეყოფა ბავშვებისათვის საჭმელი, პანჩა? ჩვენ მოვითხოვთ: რაც გრადმა სიმინდი წაგვართვა, უკანვე დაგვობრუნოს.

მარიანა კი სულ სხვაგვარად ლაპარაკობდა. ავადმყოფებთან საუბარი შეეძლო, მაგრამ ახლა თავშეყრილი ქალების წინაშე დაიბნა. კინალამ ტირილი დაიწყო, როცა სიტყვა შუაზე გაუწყდა და ველარ დააბოლოვა, მაგრამ არავის გაუცინია. მაინც კარგად უგებდნენ, საოცარიც იყო, სიტყვას სიტყვაზე რომ ვერ აბამდა, ამან უფრო ძლიერი შთაბეჭდილება მოახდინა მათზე.

— წავიყვანოთ ქმრები და წავიდეთ, — განაცხადა ერთმა პირგამებებულმა დედაკაცმა. — ბავშვები კი სოფელში დავტოვოთ.

მარიანას ჯგუფმა სოფელში ჩამოიარა და ყველა ეზოში შეიძახა:

— წავიდეთ! შენ თავის დაძვრენას ხომ არ აპირებ? ვინც არ წამოვა, სიმინდის გაყოფისას ვერაფერს მიიღებს.

ტეპოტლის დესპანი პაკო თვალს ადევნებდა, როგორ გამოდიოდა ხალხი კაქტუსების ღობის გადაღმიდან და სოფლის ბოლოსაკენ მიეშურებოდა.

ტრინი პაკოს შესცქეროდა.

— ძია პაკო, ერთი ისეთი ადგილი ვიცი, საიდანაც ყველაფერს კარგად დაინახავ, — უთხრა მან.

— ჰო, ძალიან კარგი, წამიყვანე!

ისინი შორიახლო მისდევდნენ გლეხების პროცესიას. რომელიც თანდათან მტვრის კორიანტელში გაეხვია.

ბორცვთან რომ მივიდნენ, ტრინიმ იმ ადგილისაკენ გაუხვია, საიდანაც სამი დღის წინ ბიძია იერონიმო დაინახა კედელზე ჩამოკიდებული

გლეხების პროცესიის თავი უკვე გრაფის ალაყაფს მიაღდა



და ში-შალა. ჩამიჩუმი არ ისმოდა. უცბად სროლის ხმა გაი-
სმა.

— აეტა ვინ გაისროლა, ძია? — იკითხა ტრინიმ.

— გაჩუქდი! სხვა არაფერი არ გესმის?

ჯერ ხალხის ყაყანი გაისმა, მერე ძაღლის ყმუილი და
ჭახანი.

— წადი, ბიჭიკო, სახლში! — აღერსით უთხრა პაკომ
ტრინის. — აქედან გზას თვითონაც გავიგნებ.

— წავიდე? — იკითხა ტრინიმ.

— პო, აქ ყოფნა შენი საქმე არ არის, — უთხრა პაკომ.

ტრინი შებრუნდა და უკან გაძვრა. ძალიან გულნატკენი
იყო, რომ უკან დააბრუნეს.

პაკო რიყეზე გავიდა. ეკლნარში გზას ძლივძლივობით
იკვლევდა.

ეს რა არის? ეზოდან ცხენზე ამხედრებული კაცი გამო-
ვარდა.

— ტეპოტლისაყენ მიაჭენებს, — ჩაილაპარაკა პაკომ. — ალბათ ერთ-ერთი ზედამხედველია. ბატონს აქაურ ამბებს გააგებინებს. მეც უნდა წავიდე ტეპოტლაში, რომ ჩვენებს აქ მომხდარი ამბები ვაცნობო. მაგრამ რა ვუთხრა, ჯერ ხომ არაფერი ვიცი, რა მოხდა?

შეეცადა ნაბიჯი აეჩქარებინა.

უცბად ეზოდან ინდიელები გამოვარდნენ, მხრებზე გადებული საკაცით ადამიანი მოჰქონდათ. ახლოს რომ მოვიდნენ, დაინახა, ქალი იყო. პაკო ბილიკზე გამოვიდა და იქით გაეშურა.

რაც უფრო უახლოვდებოდა გრაფის ეზოს, მით უფრო მკაფიოდ ესმოდა ხალხის ყაყანი. მალე კარებში აჩოჩქოლებული ხალხი დაინახა, ზოგი შიგნით შერბოდა, ზოგი გარეთ გამოვარდებოდა. საპარადო შესასვლელში ინდიელები ჩამდგარიყვნენ, ჭურჭელს გარეთ ისროდნენ და ამსხვრევდნენ. მარჯვნივ სიშინდს ინაწილებდნენ. ერონიმოც აქ ტრიალებდა. მას შორიდანვე კარგად იცნობდით, — თავი შეხვეული ჰქონდა და სახვევებს შორის შავი თმა მოუჩანდა.

უცებ შედგა და მამას გაცხარებით უთხრა:

— დალეწონ ყველაფერი, რაში გვჭირდება მაგათი ავეჯი და ნივთები?

— ბატონი რომ უკან დაბრუნდეს? — ფრთხილად იკითხა ერთმა მოჯამაგირემ, — ჩვენ აგვანაზღაურებინებს.

— სანამ ის დაბრუნდება, ტეპოტლელებიც მიანგრევენ თავიანთი ბატონის სახლ-კარს. — მიუგო ერონიმომ. — მერე მოახლოვებულ პაკოს მიუბრუნდა: — ხომ სწორს ვამბობ, პაკო? თქვენც ხომ მზადა ხართ?

პაკომ შეამჩნია, როგორ უცნაურად შელავდა ერონიმოს თვალები. ალბათ, ღელავს და იმის ბრალიაო, — გაიფიქრა მან.

— გასაჭირში არ მიგატოვებთ, მე ტეპოტლაში გავბრუნდები. თუ თქვენი გრაფი თავისი შეიარაღებული ბატონებით აქეთ გამოემართება, ჩვენ ტეპოტლის მამულს შევესევით. მაგათ ახლა ერთი წუთით არ უნდა მივცეთ მოსვენება. მაგრამ სანამ წავალ, შენ უნდა მოგელაპარაკო, ერონიმო!

— ახლა არა! — ისე მოუჭრა ერონიმომ, პაკოს ცოტა

გაუკვირდა. — აქ ზოგი ისეთი გლეხიც გვეყავს, რომელსაც არ სურს გაიგოს, რა ხდება. ზოგ მათგანს გრაფის საკუთრების დაცვაც კი უნდა. ხოლო თუ ყველაფერს არ გავანადგურებთ, გრაფი ისევ დასახლდება. აქ აღარაფერი არ უნდა დაუხედეს, არც ლოგინი, არც ჭერი, არც მარცვალი სიმინდი, არც სამზარეულო!

— შენ გააფთრებული ხარ, იერონიმო! — უთხრა მამამ.— ამის მიზეზი, რასაკვირველია, შენი როსარიას მოკვლაა, მაგრამ...

ახლა კი გაიგო პაკომ, რატომ უელავდა იერონიმოს ასეთვალეები. ისე კი იერონიმო სწორს ამბობდა და ამიტომ მას გამოეჭომაგა:

— გაიტანეთ სიმინდი აქედან, მთელი მამული გადავწვათ. თუ ასე არ ვიზამთ, ხვალ ყველას დაგხვრეტენ.

ყველა ერთად აყაყანდა და ერთმანეთს აღარ აცლიდნენ ლაპარაკს. იერონიმოს მამამ პაკოს შეხედა და წყნარად და გარკვევით თქვა:

— პაკო მართალს ამბობს, მამული უნდა გადავწვათ.

— შეგვიძლია მოვილაპარაკოთ, იერონიმო? — კვლავ ჰკითხა პაკომ.

— ახლა კი, დაეთანხმა იგი და პაკო გვერდზე გაიყვანა.

მიწაზე მკვდარი კაცი ეგდო. ფეხსაცმელები და გამაშები ეცვა.

— ვინაა?

— ზედამხედველი, — მიუგო იერონიმომ. — მაგან მოკლა როსარია. როსარიას ეგ ძალიან სძულდა და, როგორც კი დაინახა, პირში ეცა, სოფელს სიმინდი მიეცით. მაგან პისტოლეთი ამოიღო და ესროლა.

— ახლა შენ რას იზამ?

— მე თვითონაც არ ვიცი! — გაშმაგებით წამოიყვირა იერონიმომ.

— წამოდი ჩემთან!

— რისთვის? — გაკვირვებით შეხედა მან.

— საშიშროება მოგელის. ბატონებს ხუმრობა როდი უყვართ! ჩვენ უნდა დავასწროთ. როგორც კი აქეთ გამოეშურებიან, ჩვენ ტეპოტლის მამულს გადავწვათ. ხოლო თუ ისევ

ტეპოტლაში დაბრუნდნენ, სხვა სოფლებიც უნდა ავაჯანყოთ. ამისათვის კი ისეთი კაცია საჭირო, ვინც ამბები თავისი თვალთ ნახა და ლაპარაკიც შეუძლია. მაგათ შენ ცხვირი და ყურები დაგაჭრეს. სოფლელები შენ მოგისმენენ. — პაკომ ცოტა ხანს აყუჩა და რაკილა იერონიმომ არაფერი უპასუხა, ისევ განაგრძო: — ყველა ჩვენგანს ესმის შენი მწუხარება, მაგრამ მწუხარებამ არ უნდა გაგტეხოს. ისე უნდა გავაკეთოთ ყველაფერი, რომ ამგვარი მწუხარება აღარ დაგვატყდეს თავს.

იერონიმომ თავი მაღლა ასწია:

— ნაღრძობი მკლავებით მუშაობას ჯერ მაინც ვერ შევძლებ. შენთან წამოვალ.

სროლა ღამით

როგორც კი ტეპოტლაში მივიდნენ, ორივე მებატონემ მაშულას შენობებით წარმოქმნილ უზარმაზარ ოთხკუთხედის მნიშვნელოვან პუნქტებში შეიარაღებული ყარაულები დააყენა. სადილობისას ყარაულები ერთმანეთს რიგრიგობით ცვლიდნენ.

— თითქოს მთელს სოფელს სძინავს, — უთხრა ტორესმა გრაფს, — რალაც საეჭვო სიმშვიდეა. სწორედ ახლახან მაცნობეს, ინდიელები, დაღამდება თუ არა, თქვენს მამულზე თავდასხმას აპირებენო. მათ გეგმას ვიცნობ, ეშმაკურად არის მოფიქრებული, მაგრამ ეშმაკობაში არც ჩვენ ჩამოვრჩებით.

ის კი არ იცოდა ტორესმა, რომ მისი მზვერავი, ერთ-ერთი ზედამხედველი, რომელმაც მას ეს ამბავი მოუტანა, სოფელში ისე სულელურად იქცეოდა, რომ გლეხებმა მაშინვე შეატყვევეს, რისთვისაც აყო მოგზავნილი. მას უნდობლად შეხვდნენ. დრო რომ მოეგოთ, კითხვებზე მიკიბულ-მოკიბულად და გაჭიანურებით პასუხობდნენ. მისი მოსვლისთანავე ბიჭი მამასთან გაიქცა და უთხრა, სოფელში საჯამუშოდ ბატონმა ზედამხედველი გამოგზავნაო. მამამისი ცოტახანს ჩაფიქრდა და მერე უთხრა:

— შეგიძლია ეშმაკურად მოიქცე?

— რატომაც არა, — უპასუხა ბიჭმა და მამას ყური მიუ-

გღო, რას მეტყვისო. როგორც ჩანდა, მისთვის სერიოზული დავალება უნდა მიეცათ.

სანამ ბიჭი დავალებას მიიღებდა, მზვერავი სოფელში დაეხეტებოდა და ხან ერთს გამოელაპარაკებოდა, ხან მეორეს, მაგრამ ვერაფერი გაეგო, რა განეზარაზათ ინდიელებს. ბოლოს უკან გააპოზუნდა. გზად მჩხვლეტავი. ხორციანი აგავეებით მორგულ მინდორზე უნდა გაეველო. ეს მინდორი ბატონს ეკუთვნოდა. აგავეებისაგან შემაჭრებულ პულკესა და ერთგვარ აჩაყს — ტეკილს ამზადებდნენ. ამ სასქელებით ვაჭრობა მემამულეთათვის ძალზე მომგებიანი საქმე იყო.

უცბად ერთი დიდი აგავის უკნიდან თავშიშველი ინდიელი ბიჭი წამოიმართა. მზვერავი შეერთა და ხელი ჰისტოლეტზე წაივლო. ბიჭმა მას მეგობრულად დაუქნია ხელი. აქეთ მოდიო. ტორესის კაცო მისკენ უნდობლად გაემართა და უხეშად ჰკითხა:

— რა გინდა?

— ცუდი არაფერი. ოღონდ არავის უთხრათ, რასაც ახლა გეტყვით.

— რა უნდა მითხრა?

— ძალიან მინდოდა ბატონთან მემსახურა და თქვენნაირი შარვალი და ღეზებიანი ჩექმები მქონოდა.

— ჩვენ არავინ არ გვჭირდება, — შეუღრინა ზედამხედველმა.

— იქნებ ახლა არ გჭირდებათ, მაგრამ როცა ერთ მნიშვნელოვან ამბავს გეტყვით?

— რა ამბავს?

— შენ რომ გელაპარაკები, ხომ არავინ გაიგებს? იმათ თუ რამე გაიგეს, — ბიჭმა ხელი სოფლისაკენ გაიშვირა, — მომკლავენ.

— კარგი, ჰო, თქვი, რისი თქმაც გინდა! — დაინტერესდა მზვერავი.

ბიჭმა გარშემო მიმოიხედა და ხმადაბლა დაიწყო:

— გლეხები გატყუებენ. კარგად ვიცი, რომ გატყუებენ. დღეს, როგორც კი დაბნელდება, მამულს სამი მხრიდან დაესხმიან თავს. ჩემი ყურით გავიგონე, ასე ამბობდნენ.



ზედამხედველმა ბიჭს დაწვრილებით გამოჰკითხა ინდიელთა გეგმები, მერე მხარზე ხელი დაარტყა და უთხრა:

— თუ შენი ნათქვამი მართალი აღმოჩნდა, ბატონი ალბათ თავის სამსახურში მიგიღებს.

მწვერავე ძალიან გახარებული იყო — ბატონს კარგ ცნობებს მივუტანო. შუადღისას აგავების პლანტაციაში იმ ბიჭს კიდევ შეხვდა. ახლა ბიჭმა აცნობა, სანამ შეტევას დაიწყებდნენ, გლეხები მცველების მოსატყუებლად ალაყაფის ზარს დარეკავენ, სინამდვილეში კი იერიშს დანგრეული კედლიდან და გვერდითა ჭიშკრიდან მიიტანენო.

ყველაფერი ეს ჭაშუშმა მებატონეს მოახსენა, ორივე ბატონმა პოსტები ერთხელ კიდევ შეამოწმა და გუშაგებს სასტიკი მითითება მისცეს, არავითარ შემთხვევაში, რაც უნდა მოხდეს, თქვენი პოსტები არ მიატოვოთო.

სახლისკენ რომ მობრუნდნენ, ალაყაფთან გრაფმა თავისი ერთ-ერთი ზედამხედველის ცხენი შეიყენო. ცხენი შეუკაზმავი და ოფლში გახვითქული იყო.

— რაღაც მოხდა, — მიმართა მან ტეპოტლის მფლობელს. — ჩემი ერთი ზედამხედველი ისე აჩქარებით გამოქცეულა, ცხენ-ნისათვის უნაგირის დადგმაც ვეღარ მოუსწრია.

ამასობაში გრაფის ზედამხედველიც მოვარდა:

— ბატონო, ინდიელებმა მამული გაძარცვეს!

— მერე, თქვენ ცეცხლი არ დაუშინეთ?

— პარგარიტომ ესროლა და ინდიელებმა მოკლეს. მე პოსტოლეტის ამოღებაც ვერ მოვასწარი, მეცნენ, იარაღი წამართვეს და გამიშვეს.

გრაფი ზედამხედველს თვალებით ხვრეტდა. მერე ბატონ ტორესს მიუბრუნდა და ჰკითხა:

— შეიძლება, ჩვენი ხალხი ნახევარი წაეიყვანო?

— თქვენ თვითონ იფიქრეთ, საყვარელო გრაფო, — უთხრა მან გრაფს. — მაცნე, სულ ცოტა; ერთ საათს მაინც მოუწინა აქ მოსვლას. სანამ თქვენ ხალხით სან-ბარტოლოდომდე მიხვალთ, რამდენიმე საათი კიდევ გავა. ამასობაში გლეხები თავიანთ საქმეს მორჩებიან კიდევ. იქ ველარაფერს ვეღარ უშველით და აქაც ყველაფერი თავდაყირა დადგება.

გრაფმა კბილები გააკრაჭუნა და მასპინძელს შინ შეჰყვა. რბილ სავარძელში ჩაეშვა და განერვიულებულმა სიგარას მოუკიდა.

სალამოს ტორესმა პოსტებზე გუშაგის ხელით ბატონების სამზარეულოდან რძიანი ყავა გაგზავნა, რადგან პოსტების მიტოვება არ შეიძლებოდა. ყმაწვილკაცები ფეხზე დიდი ხნის დგომით ძალზე დაიღალნენ, ამას გარდა, ბრძოლის მოლოდინში აღელვებულნიც ჩანდნენ. ზოგმა რძიანი ყავა აჩქარებით გადაჰკრა, ზოგმა კი პირიც არ დააკარა.

რაც უფრო ბნელდებოდა, პოსტებზე მდგომი მებატონის შვილები უფრო მეტი მღელვარებით აკვირდებოდნენ მიდამოს. ორივე ბატონმა მხარზე თოფი გადაიკიდა და სადარბაზო კიბით ეზოში დაეშვა.

ტორესის მეუღლე სამზარეულოსაკენ შეუფოთებით გაეშურა და შუქი ჩააქრობინა. ახლა შინამოსამსახურეები სიბნელეში ისხდნენ. ზოგიერთს გლეხების ძალიან ეშინოდა. ერთმა ახალგაზრდა ინდიელმა ტირილც მორთო.

უკბაღ, რაღაც უცნაური ხმაური შემოესმათ, თითქოს ზა-

რის რეკვას მიაგავდა. ეს ინდიელებში გავრცელებული თიხის ზარის ხმა იყო.

ტორესმა სტუმარს მიმართა:

— გესმით! აი, ეს არის შეტევის ნიშანი! თუ გინდათ, მოდო, დანგრეული კედლისაკენ წავიდეთ. ის ყველაზე აშშიში ადგილია.

მათ თავლის უკან გაიარეს და დაინახეს, რომ პოსტებზე გუშაგები შაშხანამომარჯვებულები გამზადებულიყვნენ. ძალიან ბნელოდა.

უცბად თოფმა დაიქექა. მას მეორე მოჰყვა და შემდეგ ხათქახუთქი ატყდა.

— რაიმე დაინახეთ? — დაუყვირა ტორესმა ერთ დამცველს.

დამცველმა არაფერი უპასუხა და სროლა განაგრძო.

— რა დაინახეთ? — ისევ დაიყვირა ტორესმა.

— იქ რაღაც შეიჩხა, — გაცხარებით მიუგო ყმაწვილმა კაცმა და საჩქაროდ შაშხანა გატენა.

სროლა ახლა ბატონმა ტორესმა და გრაფმაც ატეხეს. ვაზნები რომ შემოეღიათ, ბატონებს გაახსენდათ. რომ ტყვია-წამალი თან არა ჰქონდათ.

სროლა არ ცხრებოდა.

— ბატონო გრაფო, ბატონო გრაფო! — იყვირა ვილაცამ.

— რა ამბავია?

ზედამხედველი გრაფთან მიიქრა.

— აი, იქ. სან ბარტოლდოს ცაზე წითელი დაფიონი ჩანს!

— საიდან შეიძლება დავინახოთ? — თოფების გრიალში ხმამაღლა შეეკითხა გრაფი.

— აი, იქიდან!

მაშინვე ბატონის სახლისკენ გაიქცნენ, კიბე აირბინეს და სახლის ბანზე ავიდნენ.

აქედან გორაკს იქით ცაზე მკრთალი დაფიონი დაინახეს. გრაფი უყურებდა გახურებულ ცას, მაგრამ ცდილობდა, თავი დაერწმუნებინა, ჩემი მამული არ იწვისო. ვერც კი გაიგო, როგორ მინელდა სროლა. როცა სულ მიწყდა, კიბე ჩამოირბინა და ეზოში ჩავიდა. „ყოველ შემთხვევაში, იერაში აქ

მინც მოვიგერიეთ“, — გაიფიქრა გრაფმა. უცბად გაცხარებულ ლაპარაკს მოჰკრა ყური.

— ვიღაც ხომ უნდა გავიღეს გარეთ და ნახოს დაკრილები და დახოცილები, — იძახდა განრისხებული ბატონი ტორესი.

-- მე ვერ გავალ, — მიუგო ერთმა ქაბუქმა. — ერთი ვაზნაც აღარ დამრჩენია.

— ვერც მე, — თქვა მეორემ. — ტყვია-წამალი მთლად შემოგვეხარჯა.

— ღმერთო ჩემო, — გაისმა ისევ ტეპოტლის მებატონის ხმა, — რა უნდა ვქნათ, ინდიელებმა რომ კიდევ შემოგვეტიონ?! —

— ხანჯლები ხომ გვაქვს! — თქვა ვიღაცამ.

— ხანჯლები, თორემ... — შეეკამათა მეორე, — ხანჯლებით რას გახდები იმათ გრძელ შუბებთან.

ყველანი უმწუხოდ იდგნენ ეზოში. უტყვიაწამლოდ პოსტებზე დგომას არავითარი აზრი არ ჰქონდა, ბატონმა ტორესმა ახლალა შეაჩინა, რომ გვერდით გრაფი უდგა.

— სად წახვედით ასე უცბად? ვშიშობდი, რაჟე ხომ არ შეემთხვა-მეთქი!

გრაფმა ცოტა ხანს იყუჩა და მერე თქვა:

— როგორც ჩანს, ჩემი მამული იწვის!

ყველამ მას შეხედა. თუმცა სიბნელეში მის სახეს ვერ ხედავდნენ.

— ყოველ შემთხვევაში, ინდიელებმა აქ ისეთი მწარე გავვეთილი ნახეს, კარგა ხანს ველარ გაბედავენ ასეთ რამეს. — უკმაყოფილო კილოთი დაიწყო გრაფმა. — ნახევარი ხალხი რომ გაწყდეს კიდევ, სანბარტოლდოელები სახლს მინც ამიშენებენ.

გრაფი ნელა გაეპართა სადარბაზო გასასვლელისაკენ, ზემოთ ავიდა და იქიდან ტორესს გადმოსძახა:

— ძვირფასო ბატონო ტორეს, მე მვინაია, შუქის ანთება ახლა მინც შეიძლება, თორემ აქაურობა ძალიან ჩაბნელებულია.

გზად ტეპოტლისაკან

ტეპოტლელების დესპანი პაკო იერონიმოსთან ერთად გაუ-
დგა გზას. მოსალამოვებული იყო, როცა ისინი ხეობას გაუყ-
ვნენ. მარჯვნივ გორაკი აღმართულიყო.

— აქედან უკანასკნელად შეგვიძლია სან-ბარტოლდოს მო-
ვავლოთ თვალი, — თქვა იერონიმომ.

ისინი დაქანებულ, თითქმის შიშველ ფერდობს დაუყვნენ
და მალე გორაკს თავზე მოექცნენ. უკან რომ მიიხედეს, შავი
კვამლით დაფარული ზეცა დაინახეს.

— კარგად იწვის, — თქვა იერონიმომ. იგი დღეს ლაპარა-
კის გუნებაზე ვერ იყო. მართალია, ბატონების ბუნაგს ცეც-
ხლი ნთქავდა, მაგრამ აღარც მისი ცხოვრება იყო დალაგებუ-
ლი. დაენგრა როსარიასთან ოჯახის შექმნისა და შვილებას
გაჩენის იმედი, ბავშვები კი მას ძალიან უყვარდა. აღარაფერი
აიმედებდა, მომავალს უიმედოდ ელოდა. კიდევ შეძლებს
მებაღედ მუშაობას? მას აღარც ერთი მებატონე მებაღედ
აღარ აიყვანდა. ამიტომ იყო, რომ ცხვირი და ყურები დააჭ-
რეს. მთელი სიცოცხლე შფოთისთვის დაღით უნდა ევლო.

ისე შორს იყვნენ, ხანძარი აღარ ჩანდა.

პაკო თავის სოფელზე ფიქრობდა. კიდევ კარგი, რომ ბევ-
რი მჭადი წამოიღეს. სან-ბარტოლდოში ქალებმა ყველა ქო-
ხიდან გამოუტანეს საჭმელი. ეს იერონიმოსათვის გამოსამშვი-
დობებელი საჩუქარიც იყო და როსარიას მოსაგონარიც,
რომელმაც სიცოცხლე გასწირა, რომ თანასოფლელებს ახალ
მოსავლამდე საჭმელი ჰქონოდათ.

უცბად სროლის ხმა შემოესმათ.

— ოჰ, ჩვენი გლეხები მამულს თავს დასხმიან, — შემ-
ფოთებით თქვა პაკომ. — ნეტა, რატომ არ მოიცადეს?

ფეხს აუჩქარეს. სანდლები ქვებზე უცურდებოდათ.

„ რამდენი ადამიანის სიცოცხლეს შეიწირავს ეს შეტევა? —
ფიქრობდა პაკო. — დახოცილები რაღას გრძნობენ, მაგრამ
ცოცხლები? ვინ მისცემთ მათ ლუქმას, ვინ დაუამებს ტკივი-
ლებს? ასეთი სისხლისღვრის შემდეგ ვერ გავიმარჯვებთ, ვე-
ლარასოდეს ვერ გავიმარჯვებთ“.

თუმცა გრილი ღამე იყო, ისინი ოფლში ცურავდნენ. სრო-

ლა მალე შეწყდა. ჩქარ სიარულში იერონიმოს მხრები საშინლად ასტივდა.

უკვე გამოჩნდა პირველი ქოხი, მაგრამ სოფელს მღელვარება არაფერზე ეტყობოდა.

აღელვებული პაკო კაქტუსების ღობეში გაძვრა და ეზოში გავიდა. ქოხში გამეფებულმა სიჩუმემ ის უფრო მეტად შეაშინა.

— შინ არის ვინმე? — იკითხა ხმადაბლა.

— ო, პაკო ხარ! — გაისმა მამაკაცის ხმა. — რა ცეცხლი ანთია, პაკო, შენ ხომ იქიდან მოდიხარ?

— აქ რა ამბავია? — მოუთმენლად იკითხა პაკომ. — მამულს რატომ დაესხით თავს? ხომ მოვილაპარაკეთ, რომ დამელოდებოდით?

სამზარეულოში ხარხარი გაისმა.

— არავინ არ დასწვია. ბენიამინოს უფროსმა ბიჭმა ბატონის ჯაშუში მოატყუა, გლეხები დაღამებისთანავე მამულზე თავდასხმას აპირებენ და ნიშნად ალაყაფის კართან თიხის პატარა ზარს აარაკუნებენო. მერე ალაყაფის კართან თვითონვე მიიმალა და ზარი აარაკუნა. ამიტომ არაკუნე შევარქვით. მე ვუთხარი, ეგ რა ბავშვობა მოგიგონია-მეთქი, მაგრამ შენ რა გგონია, რა გამოვიდა? როგორც კი ბიჭმა დაარაკუნა, ისეთი სროლა ატყდა, ყურთასმენა აღარ იყო. არ ვიცით, ბატონის შვილებს რა ეშმაკი მოელანდათ. ემილია ამბობს, ალბათ წმინდა ვიტმა გონება აურიათო. სოფლიდან იქ იმ არაკუნეს მეტი არავინ წასულა. თუმცა ტყვია არ მოხვედრია, მაგრამ შიში კი იცოცხლე, ჭამა! აი, ახლა ჩემს გვერდით ზის და კუჭკუჭებს. ხომ კობტად მოახერხა, პა? სანამ გავიგებდით რაშიც იყო საქმე, სიცილისათვის არავის გვცხელოდა, მერე კი სიცილით გავიგუდენით. ახლა მთელი სოფელი ამაზე იცინის, თუმცა კუჭი შიმშილით გვიხმება, შენ რა ჰქენი? რა ცეცხლი მოჩანს იქით?

— სან-ბარტოლდოს მამული იწვის, — თქვა პაკომ. — მებატონეთა შვილები რომ აქეთ გამოემართნენ, გლეხებმა მამულზე იერიში მიიტანეს და სიმინდი დაინაწილეს.

— რაო? — შეჰყვირა ბნელში მდგომმა, — მაგათ სიმინდი აქეთ? ახლა ალბათ მაგათი ბატონი იქით მოქუსლავს თავისი რაზმით, არა? ეს ამბავი ახლავე სოფელს უნდა გავაგებინოთ!..

მოდი, პაკო, მოგეხვიო!.. ეგ ვილა გიდგას გვერდით? თავი რატომ შეუხვევია?

— ბატონების ვაჟბატონებმა დააჭრეს ცხვირი და ყურები. მაგან წაიყვანა სოფლელები სან-ბარტოლდოს მამულზე შესატევად.

— ძმაო! — შესძახა დამხვდურმა და იერონიმოს მიესალმა. — კეთილი იყოს შენი მოსვლა ჩვენს სოფელში! რაც რომ სოფელში მოგვეძევება, გინდა სიმინდის უკანასკნელი მარცვალი იყოს, ისიც შენთვის დაგვილოცნია!

ბანდა იშლება

ღამე იწურებოდა და განთიადის მოახლოებასთან ერთად ტეპოტლას დამცველი ახალგაზრდები ღელავდნენ. თავიანთი პოსტებიდან ფეხს არ იცვლიდნენ, მაგრამ რა მიზანი ჰქონდა ამას, ვერ ხედავდნენ, რადგან უმრავლესობას ერთი ტყვიაც აღარ გააჩნდა. ზოგს თითო-ოროლა თუ შემორჩენოდა.

ორი-სამი კაცი წარამარა ავიდოდა ბანზე და სან-ბარტოლდოსაკენ გაიხედავდნენ ხოლმე. ხანძარი არ ნელდებოდა.

— შინ მივდივარ, — თქვა ერთმა. — აქ მაინც აღარაფერში ვარგივარ. ჩვენმა გლეხებმა კი, ის რომ გაიგონ, რა ადვილად დაარბიეს სან-ბარტოლდოში გრაფის მამული, რას იტყვიან? ჩვენ ხუთი ზედამხედველი გვყავს, მამაჩემიც მივათვალათ — ექვსი, მეც რომ დავბრუნდები — შვიდი. ტყვია-წამალი ბლომად გვაქვს. შვიდი შაშხანა მაგათ გასაყუჟად სრულიად საკმარისია.

— სწორი ხარ, — უთხრა ამხანაგმა. — მაგრამ აი, მადეროს მთავრობამ ზურგში ხაჯალი რომ ჩაგვცეს? გლეხები რომ გაიფიცონ, თოფებით მაშინაც კი ვერას დააკლებ.

— ძირს ჩავიდეთ! — თქვა მესამემ. — მცივა, მაკანკალეებს. გუშინღამაც პოსტზე ვიდექი, წუხელაც, ისე დავიდალე, საცაა დავეცემი.

ინათა. ყველა პოსტზე შეამოწმეს, დაჭრილები ან დახოცილები ხომ არ ეყარა სადმე. ჭერჭერობით ზარალი არ ჩანდა.

მზე რომ ამოვიდა, ორივე მებატონე ალაყაფს მიადგა. მოკ-

ლულის ან დაჭრილის კვალიც არსად ჩანდა. ამიტომ ორ ზედამხედველს დაავალეს ახლო-მახლო მიდამო მოიხიროკეთ, ეგებ სადმე დაჭრილს ან მოკლულს წააწყდეთო.

საუზმეს ჩუმად მიუსხდნენ. ვერც ერთი ვერ ბედავდა გამოტეხილიყო, რომ ტყუილად ისროდნენ და ამდენი ვაზნა ფუქად დახარჯეს.

ზედამხედველები მალე დაბრუნდნენ. მხოლოდ ერთი რამ იპოვნეს: დამსხვრეული თიხის ზარი, რომელსაც გუშინ არაკუნებდნენ. მებატონეები მღუმარედ დააქერდნენ გამხმარი თიხის ნამტვრევებს, რომელიც ზედამხედველმა გაუწოდა მათ.

აი, როგორ გაასულელეს ინდიელებმა!

შუადღისას გაცხარებული დავა ატყდა: მებატონეთა ვაჟიშვილებს თავთავიანთ სახლებში წასვლა სურდათ.

— ასე როგორ შეიძლება? — გაიძახოდა ბატონი ტორესი. — ჩვენი სოფლებიცი სწორედ იმას ელიან, თქვენ როდის მიიფანტ-მოიფანტებით! მხოლოდ სამი გასროლა და მარჩა. თქვენ თუ წახვედით, მეც რაღა დამარჩენია, აქედან ოჯახიანად უნდა ავიყარო.

— რომ არ წავიდეთ, რას გარგებთ? — იკითხა ერთმა ყმაწვილმა. — ერთი ვაზნაც კი არ დამარჩა, შინ კი ბევრი ტყვია-წამალი გვაქვს.

— მაშ, ტყვია-წამალს რომ მოიმარაგებ, უკანვე დაბრუნდები?

ყმაწვილკაცმა პასუხი დააყოვნა, მერე თქვა:

— უკანვე? ამდენ აჯანყებულებში ერთი კაცი როგორღა გამოვალწევ?

ტორესმა უმწეოდ შეხედა გრაფს.

— წუხელ, ჩემს ცეცხლწაკიდებულ მამულს რომ გავცქეროდნი, ბევრი რამ ვიფიქრე,—დაიწყო გრაფმა,—ახლა ისიც გავარკვიეთ, რომ ქაჯებს ვესროდით. ჩემი ოჯახი ამჟამად ქალაქში იმყოფება, მე იქაც ბევრი საქმე მელის. ნუ მიწყენთ, თუ ჩემი ერთადერთი შეიარაღებული კაცით ქალაქისაკენ მიმავალ გზას დავადგები.

— მაშ, ყველაფერი დამთავრდა! — წამოიძახა ტორესმა და მეუღლისაკენ გაემართა, რომელიც სავარძელში იჯდა და მას

შემოსცქეროდა, — გაიგონე, კარლოტა? ბარგი-ბარხანა ჩაა-
ლაგებინე, დაღამებამდე უნდა გავეცალოთ აქაურობას.

გრაფი, როგორც შეჭფეროდა მასპინძელს, თავაზიანად გა-
მოემშვიდობა, ეზოში ჩავიდა და ზედამხედველის მიერ მორ-
თმეულ ცხენს მოახტა.

უხმოდ გამოვიდნენ ალაყაფიდან. ქალაქისაკენ მიმავალი
გზა სან-ბარტოლდოს შორიანხლო გადიოდა. გრაფის სახლ-კა-
რი კვამლის შავ ღრუბლებში იყო გახვეული. რომ მოუხვიეს,
კარგად გამოჩნდა გრაფის მამული. აქა-იქ ისევ მოჩანდა ცეც-
ხლის ენები. ნანგრევები ხრჩოლავდა. გრაფმა თვალი მოავლო
ნახანძრალს და გზა განაგრძო.

კვამლსა და ნალვერდალს მეორე მხრიდან სხვა უთვალთვა-
ლებდა. ეს იყო ტრინი. მიმჭდარიყო აგავის ძირას და იმ კე-
დელს შესცქეროდა, რომელზეც რამდენიმე დღის წინ ბიძია
იერონიმო ეკიდა.

იერონიმო კი ამ დროს სხვა სოფელში იყო. ბანდები, რო-
მლითაც კირილობები ჰქონდა შეხვეული, გაჭუჭყიანებოდა.
მამაკაცები, ქალები, ბავშვები გარს შემოხვეოდნენ და ყურა-
დლებით უსმენდნენ მის საუბარს სან-ბარტოლდოსა და ტეპო-
ტლაში ნანახსა და გადატანილზე. მათ ჯერ არ იცოდნენ, რომ
მებატონეთა შვილები თავიანთ სახლებში წასულიყვნენ.

იავარქმნილი მამულის გაღები

მანუელას ნალაყბავი

სან-ბარტოლომეოში გრაფის მამულის გადაწვის მეტი საყურადღებო აღარაფერი მომხდარა. მხოლოდ ტრინის დიდედის და პაპის მეზობლად მოხდა ცვლილება. პატარა ხუანიტას დედა მოუკვდა, ხოლო მის მაგივრად ხუანიტას მამამ ქოხში მოხუცი მანუელა შეიყვანა. გრაფის მსახურთაგან მხოლოდ მანუელალა დარჩა სოფელში. მოურავი და ყველა ზედამხედველი გაიქცა. ერთი კი იერონიმოს საცოლის დახვერეთის გამო გლეხებმა მოკლეს.

მანუელას არავინ საყვედურობდა, რადგან თავის საქციელს თვითონვე იმდენს ჰკიცხავდა, აღარავის სურდა მისი დაუსრულებელი ბოდიშების მოსმენა.

— ღმერთს გეფიცებით, — დაიწყებდა ხოლმე მანუელა, — მე რომ არ მეტქვა ბატონისათვის, იერონიმოს წიწაკით გრაფინიას მოჯადოება უნდოდაო, გრაფი მას კედელზე არ დააკიდებინებდა. მე გამორტუტუცებულ ბებერს ის კი დამავიწყდა, მამაკაცებმა ჯადოსნობა არ იციან. ახლა მთელი სიცოცხლე ეს ცოდვა უნდა ვზიდო. პადრე ფელიქსმა მითხრა, შენი დანაშაული ის არის, წმინდა ეკლესიის მცნებანი სწორად რომ არ გესმისო. „ჯადოქრობა ეშმაკის ცთუნებაა“. მერე მივხვდი, რომ ასეთი რამ არ მოხდებოდა. ჯადოქარს, ვინც ქოთანში წიწაკა ჩასდო, რასაკვირველია, ის უნდოდა, ვილაც ხის ფოთოლივით გამხმარიყო, მაგრამ რატომ მაინცდამაინც გრაფინია უნდა გამხმარიყო? მე მგონია, მას გრაფინიას მოახლის მოჯა-

დოება უფრო უნდოდა, რადგან ეს მკვებხარა მოახლე ყველას სძულდა. მაგრამ, ვინ იყო ის ჯადოქარი, ეს რომ ჩაიღინა? მოახლე არც მე მიყვარდა, მაგრამ ამის გამო მისი ფოთოლივით ჩამოხმობა არ მომიწადინებია. ნეტა ვინაა ასეთი ბოროტი ადამიანი, ვინც ასეთ ვერაგობას ჩადის?

ხუანიტა და ტრინი უსმენდნენ მანუელას დაუსრულებელ ლაქლაქს. მანუელა ლაპარაკობდა ყველაზე, ვისაც იცნობდა, ყველას ახასიათებდა, უნდოდა გამოერკვია, ვინ იქნებოდა ჯადოქარი. პირველად ტრინის მისი ლაქლაქი აინტერესებდა, რადგან მათ ქოხში ასეთ რამეებს არავინ ლაპარაკობდა. ძალიან უნდოდა დიდება ამბროსიასათვის ეკითხა, რა აზრისა იყო ჯადოქრობაზე, მაგრამ რატომღაც ვერ ეკითხებოდა. მისი ძალიან ერიდებოდა. ადრე ტრინი დიდებას მხოლოდ სიმკაცრეს ამჩნევდა და მის მიუყარებელ ხასიათს დიდი დიდებას გულღიაობას ადარებდა. მაგრამ მისმა ზრუნვამ ბიძია იერონიმოზე და სოფლის ბატონის წინააღმდეგ ამხედრებისას გამოჩენილმა გამბედაობამ ტრინზე ძალიან დიდი შთაბეჭდილება მოახდინა. მას უნდოდა, როცა გაიზრდებოდა, დიდებასნაირი მტკიცე და გაბედული ყოფილიყო. მაგრამ უაზრობად მიაჩნდა ჯადოქრობაზე რამე ეკითხა.

შემდეგ მანუელას ლაპარაკს ყურს ველარ უგდებდა. აზრი ეფანტებოდა.

— ერთი ეს მითხარი, დეიდა მანუელა, ნეტა, ზედამხედველები ახლა რაღას აკეთებენ, როცა ჩვენ გლეხებს ველარ უყვირიან?

— აბა, მე რა ვიცი? — მიუგო მან. — ძალიან ცუდი ყმაწვილები იყვნენ, მაინცდამაინც ჰკუაყ არ უჭირდათ. ქალაქში ზედამხედველები არ სჭირდებათ. ერთ-ერთს ბატონი პისტოლეროდაც კი იყენებს.

— პისტოლერო რაღაა?

— დიდი ბატონები ერთმანეთში დაუსრულებლად ჩხუბობენ. ერთ ბატონს თავისუფლად შეუძლია მეორეს მკვლელი მიუგზავნოს. ამიტომ ბატონები ქალაქში შეიარაღებული ხალხის თანხლებით დადიან, იმათ ქამრებზე პისტოლეტები ჰკიდიათ. ამიტომ მათ პისტოლერებს ეძახიან. ბატონებს ეტლშიც ერთი ან ორი პისტოლერო უზით წინ.

— მე არასოდეს პისტოლერო არ გავხდები! — თქვა ტრინიმ.

მანუელამ გაიცინა.

— რასაკვირველია, ეს ძალიან ჭუჭყიანი საქმეა. ძალიან ბევრ ავ საქმეს სჩადიან.

— მაშ შენ ფიქრობ, რომ ის ზედამხედველები, აქედან რომ გაიქცნენ, ქალაქში პისტოლეროები გახდებიან? — იკითხა ისევ ტრინიმ.

— ან პისტოლეროები, ან ჯარისკაცები.

— ჯარისკაცობაც ჭუჭყიანი საქმეა?

— ოჰ, ბიჭო, რა ყველაფერი გაინტერესებს? არც ერთი ჩვენი სოფლელი თავისი ნებით ჯარისკაცად არ გამხდარა. ჯარში ისეთებს გზავნიან, რომლებიც ბატონებს ან მოურაევებს არ მოსწონთ.

ტრინი უცებ ფეხზე წამოიქრა.

— საით? — შეეკითხა წრიპინა ხმით ხუანიტა.

— გარეთ, — მიუგო ტრინიმ და ორღობეში გაეარდა.

სოფლის ბოლოს რომ გავიდა, ტრინი მაშინდა შედგა და თავის თავს ჰკითხა, სად მივდივარო. მაგრამ თვითონაც არ იცოდა, სად მიდიოდა. რაღაც აწუხებდა და ერთ ადგილს ვერ მოესვენა — ალბათ ის აწუხებდა, რაც ქალაქელებზე გაიგო. წარმოიდგინა გულქვა გრაფი და ტუჩებმოკუმული გრაფინია, პისტოლეროები და მკვლელები. წარმოიდგინა ის ინდიელებიც ჯარში ძალად რომ ერეკებიან. მაგრამ მარტო ეს როდი აღელვებდა მას. სოფელშიც ყველაფერი რიგზე იყო, მაგრამ ვერ გაეგო, რაწი იყო საქმე. ყველა ჩაფიქრებული და რაღაცით უკმაყოფილო ჩანდა.

ბატონი ტორესი გახარებულა

ბატონი ტორესი და მისი ვაჟიშვილი ის იყო გამგზავრებას აპირებდნენ, რომ პროვინციული ქალაქიდან შიკრიკმა დაბუქდილი პაკეტი მოუტანა. ბატონი ტორესი კაბინეტში ავიდა და პაკეტი გახსნა. წერილით ატყობინებდნენ, რომ ახალი პრეზიდენტი მადერო გლეხების საქციელს არ იწონებდა.

„გლეხები უკულტურო ხალხია, — ეწერა წერილში, — ბარბაროსებივით იქცევიან. საჭიროა შევისწავლოთ, სამართლიანია თუ არა მათი მოთხოვნები. მაგრამ რახან ჩვენი ნებართვის გარეშე ძალადობას მიმართავენ, რასაკვირველია, სასტიკად დაისჯებიან.

ამის გამო მიწათმფლობელებს ვურჩევთ, გლეხებთან არსებული უკმაყოფილებანი მოაწესრიგონ და აღელვებული ხალხი დაამშვიდონ. სადავო საკითხებზე კი ორივე მხარეს შეუძლია თავიანთი თვალსაზრისი წერილობით ჩამოაყალიბონ და წარმოგვიდგინონ, რათა ყველაფერი ზემოდან მოვაგვაროთ“.

ბატონი ტორესი სკამიდან წამოიჭრა და ვაჟიშვილს გასძახა.

შემოვიდა ახალგაზრდა ტორესი. მის ქცევაში თავის თავისადმი ურწმუნობა, მაგრამ მომავალი მემამულის ყოყოჩობა იგრძნობოდა.

— დაჯექი, — უთხრა მამამ. — ეს-ესაა წერილი მივიღე-ახლა შეიცვალა ჩვენი მდგომარეობა.

— გაუარესდა?

— არა, პირიქით. გლეხები უნდა გავაცუროთ. დროის მოსაგებად გლეხებს ცოტაოდენი სიმინდი იაფად უნდა მივყიდოთ.

— მერე, გლეხებს ფული სადა აქვთ, მამა? — შეაწყვეტინა ვაჟმა ბატონ ტორესს. — სიმინდში რას მოგვცემენ?

— ჰო, მართლა, — დაეთანხმა მამა. — მაშ, რა ვქნათ? აი, რა მოვიფიქრე! სიმინდს სესხად მივცემ, სამაგიეროდ, ისინი მერე იმუშავენ და სიმინდის საფასურს გადაიხდიან. შენ მოელაპარაკე მათ.

— რატომ მაინცდამაინც მე?

ბატონ ტორესს გაეცინა.

— მაშ მე? არ იცი, გლეხები მე რას მეძახიან?

— როგორ არა, წურბელას, — მიუგო ვაჟმა.

მამა გაბრაზდა:

— ეგ არ უნდა გაიმეორო. საკმარისია, მარტო გონებაში გაივლო. მაგრამ ჯობს საქმეზე ვილაპარაკოთ. რამდენიმე გლენს დაუძახე და უთხარი, ვიცი, რა გაჭირვებული ხართ, მა-მაჩემი დაეთანხმე, სიმინდი იაფად მოგყიდოთ-თქო. თავა-

ზიანად მოექცეო, დაუყვავე. — მამამ გამომცდელად შეხედა ვაჟიშვილს. ვაჟმა თავი ჩალუნა, სახე მოელუსა.

— მოველაპარაკები კი არა, სიამოვნებით მივახვრეტდი ყველას.

— მაგის ძალა, შვილო, ჩვენ ჯერ არ გაგვაჩნია, მით უმეტეს, ახლა. უნდა მოვილაპარაკოთ, შემდეგ როგორ მოვიქცეთ. თუ კიდევ რამეს მოინდომებენ, ვეტყვი, რომ მთავრობამ აგვიკრძალა რაიმე შეღავათები მივცეთ, მათ კი ნება ეძლევათ, თავიანთი მოთხოვნები გუბერნატორს წერილობით გაუგზავნონ.

ბატონმა ტორესმა გადაიხარხარა, ფეხზე წამოხტა და ოთახში გაიარ-გამოიარა.

— შეუძლიათ წერილობით ჩამოაყალიბონ! ხომ წარმოგიდგენია, როგორც „ჩამოაყალიბებენ“! სოფელში წერა-კითხვა ერთმა კაცმაც არ იცის. დიდებულები, ნამდვილად დიდებულები იდეა მოსვლიათ თავში! პრეზიდენტი მადერო, ეგ ლიბერალი ღორი, ნამდვილად ოქროს კაცი ყოფილა! — ისევე ახარხარდა, კარებისაკენ გაემართა და სამზარეულოში გასძახა: მოიტათ ტეკილი და ორი ჭიქა! — მერე კვლავ ვაჟს მიუბრუნდა: — ამ მიზეზით დღეს არყის გადაკვრა გვეპატიება. გუშინ ყველაფერი დაღუპული გვეგონა, უცბად კი ასეთი გამოსავალი ვნახეთ.

ბაკობლელი გლეხები დათმობაზე მიდიან

მეტისმეტად აღელვებული პაკო, თანასოფლელებმა სანბარტოლდოში დახმარების სათხოვნელად რომ გაგზავნეს, სოფლის ბოლოში მცხოვრებ მოხუც პანჩოსაკენ გაეშურა. პანჩოს სიმინდი ჰქონდა მოსატანი და დიდ, ნამგლისებურ დანას ლესავდა.

— ნათლიმამ, — დაიწყო პაკომ, — მეზატონეთა შვილები წავიდნენ, ბატონმა კი ჩვენი შიშით ცოლი ქალაქს გაგზავნა. რატომ არ გინდათ, მის მამულს დავესხათ? ხომ ასე გქონდათ გადაწყვეტილი... ახლა იქ ბევრი თოფი აღარ დაგვხვდება.

— სწორი ხარ, პაკო... მაგრამ იცი, რა... — გააგრძელა პანჩომ, — ჩემთან ხუცესი იყო. მან მითხრა: სწორი ხართ, რომ არ გინდათ იშიმშილოთ. მაგრამ რახან ჩვენ სამართლიანობას მოვითხოვთ, სხვის მიმართაც სამართლიანები უნდა ვიყოთ და სხვის კუთვნილებას თავს არ უნდა დავესხათ და ვიტაცებდეთ. საკუთრება წმინდა რამ არისო. ეს ბიბლიაშიც წერია და უფლება არა გვაქვს ბატონის კუთვნილი სიმინდი გავიტაცოთო.

— მაშ ჩვენმა შვილებმა უნდა იშიმშილონ? — აღშფოთდა პაკო. — ჩვენმა შვილებმა იმიტომ უნდა იშიმშილონ, რომ ბატონმა ჩალის ფასად ჩაიგდოს ჩვენი კუთვნილი მიწის ნაგლეგი?

პანჩო ჩაფიქრდა. მერე დაიწყო:

— პაკო, შენ ჯერ ახალგაზრდა ხარ და არ გეცოდინება, რა გვიანდერძეს ჩვენმა წინაპრებმა. პაპაჩემი მუდამ ამას მეუბნებოდა: ჩვენ გვინდა, ბატონი სამართლიანად გვექცეოდეს, ამიტომ ჩვენც სამართლიანები უნდა ვიყოთ. ნურასოდეს ნუ მოიქცევით უსამართლოდო.

— ისე მიყვები, თითქოს ეგ ამბავი ჯერ არც კი გამეგონოს, — თქვა პაკომ, — მაგრამ...

ჭიშკარში ბატონის ერთი ზედამხედველი შემოვიდა. ეტყობოდა, თავს უხერხულად გრძნობდა, მათ მიესალმა.

— გამარჯობა, პანჩო!

ორივეს გაუკვირდა მისი სალამი, რადგან გლეხებს ზედამხედველები სალამის ღირსად არ ხდიდნენ. გლეხებმა სალამზე უპასუხეს და დაელოდნენ, რას გვეტყვისო.

— ახალგაზრდა ბატონმა გამომგზავნა, იმას უნდა სოფლის წარმომადგენელს — ერთ ან რამდენიმე კაცს ესაუბროს.

გლეხები ჩაფიქრდნენ. იქნებ ახალგაზრდა ბატონს ისა სურს, გლეხები მამულში მიიტყუოს, დააპატიმროს, მძევლად დაიტოვოს და ამით სოფელი დაიმორჩილოსო.

— რა საქმე აქვს ჩვენთან? — იკითხა ბოლოს პანჩომ.

— ახალგაზრდა ბატონმა მამამისი დააჯერა, რომ იაფად მოგყიდოთ სიმინდი.

მოხუცმა პანჩომ პაკოს ნიშნის მოგებით გადახედა. პაკოს სახეზე უკმაყოფილება ემჩნეოდა.

— წახვალ, პაკო? — შეეკითხა პანჩო.

— არა, ასე არ ივარგებს, — უკმაყოფილოდ ჩაიბუზღუნა პაკომ. — თუ სოფელი არ დაგვავალებს, სოფლის სახელით ვერ ვილაპარაკებთ.

ეს პანჩოს ჭკუაში დაუჯდა, მაგრამ ცოტა არ იყოს, ჩააფიქრა კიდეც.

— კარგი, პაკო, მაგრამ ამ ზედამხედველს რა დავაბაროთ?

— თუ სოფელი მოიწონებს ამ აზრს, მამულში მხოლოდ მაშინ გავაგზავნით ვინმეს.

ზედამხედველი სიტყვის უთქმელად გაბრუნდა უკან. მიდოდა და გულში ფიქრობდა: ახლა ბატონი გამირისხდება, გადაწყვეტილი პასუხი რატომ არ მოიტანეო.



მამა-შვილი ტორესები სარწეველა სავარძლებში ისხდნენ, სიგარებს აბოლებდნენ და გაგზავნილი კაცის დაბრუნებას ელოდნენ.



ზედამხედველი ბატონებთან კიდევ მეტ უხერხულობას ვრძნობდა, ვიდრე გლეხებთან. პასუხი რომ შეატყობინა, ბატონებმა ისე დაითხოვეს, არც საყვედური უთქვამთ და არც მადლობა.

— მშვიდად მაინც შეგვიძლია ვისადილოთ, — თქვა ბატონმა ტორესმა. — რალაც დათმობას ხომ მივალწიეთ. ინდიელები ჩვენზე თავდასხმას თუ აპირებდნენ, დავთრები ხომ ავუბრუნებთ. სანამდე არ მოითათბირებენ, მანამდე ვერაფერს გადაწყვეტენ.

სადარბაზო კიბეზე შემკრთალი გოგონა ამოდიოდა.

ხუცესის მზარეულის გოგონაა, — ეშმაკური ღიმილით წასჩურჩულა მამამ ვაჟიშვილს. ვაჟმა სახე მიიბრუნა, რომ ღიმილი დაეფარა. ყველამ იცოდა, მზარეულს გოგონა ხუცესისაგან ჰყავდა.

შემკრთალმა გოგონამ სვეტებიანი ტალანი გაიარა და ბატონ ტორესს წერილი გაუწოდა.

— მიბრძანეს, მისი უწმინდესობის წერილი საკუთარ ხელში გადმოგცეთ.

ბატონმა ტორესმა წერილი გადაიკითხა. იგი მხოლოდ ორიოდ წინადადებისაგან შედგებოდა.

— კარგი, გოგონი, აი, ეს სიგარები მიართვი ხუცესს. საუკეთესო მარკისაა, და მადლობაც მოახსენე.

როცა გოგონა მოშორდა და ნათქვამს ველარ გაიგონებდა. ტორესი შვილისაკენ გადაიხარა:

— კარგი საქმეა! ხუცესს ჩემი თხოვნით რამდენიმე გლეხთან მოულაპარაკნია. ისინი სულაც არ ყოფილან ისე საჩხუბრად განწყობილნი, მე რომ მეგონა. სხვათა შორის, ხუცესს ეპისკოპოსმაც დაავალა, ინდიელებზე იმოქმედე, მემამულეებზე თავდასხმები შეწყვიტონ და სადავო საკითხების მოსაგვარებლად სახელმწიფოს მიმართონო.

ბატონ ტორესს გაეცინა.

სუფრასთან ტორესის ვაჟი ცოტას ჭამდა, რადგან ღელავდა გლეხებთან მომავალი მოლაპარაკების გამო. თავს დამცირებულად ვრძნობდა და გლეხები უფრო მეტად სძულდა. კარგი, ღღეს როგორმე დაიჭერს თავს, მაგრამ როცა საკმარის ძალას იგრძნობს, მაშინ აცალონ!

ერთი ზედამხედველი ოთახში შემოვიდა და შეატყობინა, ინდიელთა დელეგაცია მოვიდაო.

ტორესი წამოხტა.

— აბა, ჰკვიანად მოიქეცი, — გააფრთხილა მამამ ვაჟიშვილი, — შეურაცხყოფას ნუ შეიმჩნევ, ვითომ არც გაგეგონოს. მე კი აქედან წავალ, რადგან ჩემი დანახვა ისე გადარევთ, როგორც წითელი ნაჭრის აფრიალება აგიყებს ხარებს.

მამა ტორესი კაბინეტში აჩქარებით გავიდა და სავარძელში ჩაჯდა. „ერთხელ რომ სიმინდი იაფად გავყიდო, ამით დიდ ზარალს არ ვნახავ. ის უარესი არ არის, სახლ-კარი რომ გადაშიწვან. მაგრამ ნეტავ რაზე თათბირობდნენ ეგ ეშმაკის კერძები? წარმოგიდგენია, გლეხები და თათბირი?! თაობების მანძილზე ვკრძალავდით თათბირებისა და კრებების მოწყობას. თუ გავიგონებდით, მოთავეებს ვხვრეტდით. ახლა კი? ახლა მე თვითონ მოეთხოვე ჩემთან გამოსაგზავნი დელეგატები აერჩიათ! — გახელებულმა ტორესმა პირიდან ბოლი გამოუშვა. — არა და სხვა რა გზა მქონდა? ესმით სხვა მემამულეებს, ან ებისკოპოსებს, რა საშიშროება გველის ჩვენ აქ? ეს ლამის ხალხისათვის საარჩევნო უფლების მიცემას ნიშნავს. ალბათ მაგათ დემოკრატ მადეროსაც ამის მიღწევა უნდა!“

სანამ ტორესი ამ უსიამოვნო აზრებს ებრძოდა, პაკო უარეს დღეში იყო. მებატონის ვაჟიშვილთან მოლაპარაკება ძალიან ხანმოკლე გამოდგა. ახალგაზრდა ტორესმა დელეგატებს უთხრა, განკარგულებას გავცემ, სიმინდი ახლავე დაგირიგონო, და თითქოს სხვათა შორის თქვა, მერე თქვენი შრომით ამინაზლაურებთო. ამაზე ორივე მოხუცმა თანხმობის ნიშნად თავი დაუქნია. პაკოს უნდოდა უარი ეთქვა და წინასწარ გაეგო, ცენტნერი სიმინდის საფასურში რამდენ ხანს უნდა ემუშავათ.

— რახან შრომით უნდა ავანაზლაუროთ, წინასწარ უნდა ვიცოდეთ... — დაიწყო პაკომ, მაგრამ მოხუცებმა ისე გაბრაზებით შეხედეს, მიხვდა, ისინი მხარს აღარ დაუჭერდნენ. რალა ექნა? წინადადება შუაზე გაწყვიტა და სახემოდუშული ჩუმად უსმენდა მოხუცებს, რომლებიც ბატონს სიკეთისა და დახმარებისათვის მადლობას უხდიდნენ.

— სიმინდი დღესვე შეგიძლიათ წაიღოთ, — თქვა ახალგაზრდა ტორესმა საეჭვო, თვითკმაყოფილი ღიმილით.

უკან მომავალი პაკო ჩუმად დასცქეროდა მიწას. „როგორ გავაგებინო ჩვენს ხალხს, რომ ბატონს ამაზე უსინდისოდ არასოდეს მოუტყუებივართ? ისიც კი არ ვიცით, თვითებული ოჯახი რამდენ სიმინდს მიიღებს. ხოლო როცა სიმინდის საფასურად ვიშრომებთ, ერთ მარცვალსაც ველარ მივიღებთ. რასაც ახლა მოგვცემენ, მალე შევჭამთ და ისევ უნდა ვიშიმშოლოთ. ეჰ, იერონიმო რომ აქ ყოფილიყო, რამეს მირჩევდა. სან-ბარტოლოდელი გლეხები კარგად მოიქცნენ, სიმინდი გაინაწილეს, მამული კი გადაწვეს. ჩვენ?“

ნაშუადღევს ტეპოტლელეებმა ტომრებსა და კალათებს დააველეს ხელი და მემამულისაკენ გაემართნენ. ხალხი გუნებაზე იყო და მოურავს, მწერალსა და ზედამხედველებს, რომლებიც მათ სიმინდს ურწყავდნენ, ალერსიანად შესცქეროდნენ.

მამა-შვილმა ტორესებმა იმდენი არაყი სვეს, რომ თვალები აცა-ბაცა გაურბოდათ, სიტყვებს ერთმანეთს ველარ აბამდნენ და წინადადებას ველარ ასრულებდნენ.

— შენ, — ღრიალებდა მამა, — კარგად მოიქეცი! .. დალიე, ჰა... აი, ნახავ... ვინც კარგად ლაპარაკობს... კარგი სმაც უნდა იცოდეს!

ორმა მსახურმა მათ მშვენივრად დაბრაწული შნიცელი მიართვა, მაგრამ ბატონებს ჭამის მადა აღარ ჰქონდათ. გაღეშილი მამა-შვილი ერთმანეთს გადაეხვია, შნიცელიანი თეფშები მაგიდიდან გადმოყარეს, მერე ბნელი ოთახისაკენ გაიქცნენ და იქაურობა მილევ-მოლევს.

— ტეკილი! — გაიძახოდა მამა ტორესი.

მსახურებმა არაყი კიდევ შემოიტანეს. გზადაგზა თვითონაც იწრუპებოდნენ.

როცა მსახურებმა გაღეშილი ბატონები ლოგინებში ჩააწვინეს, თვითონაც კარგად იყვნენ გამობრუეულები.

იერონიმო უკან ბრუნდება

მეზობელ ეზოში ტრინი ხუანიტას ეთამაშებოდა. ეზოა გაღალმიდან ვილაცამ დაუძახა. იერონიმოს ხმა ხომ არ მოესმა?

ტრინი წამოხტა. დიახ, ბიძამისი იყო. იერონიმო ხელს უქნევდა და იცინოდა, მაგრამ საშინელი იყო მისი სიცილი. ცხვირის ადგილას ორი ფართო შავი ხვრელი მოუჩანდა. ტრინიმ პირი დააღო და „ბიძია იერონიმოს“ დაძახება დააპირა, მაგრამ ისე შეაშინა მისმა შეხედულებამ, ხმა ჩაუწყდა.

— სად არიან დიდედა და პაპა? — იკითხა იერონიმომ.

— ყანაში წავიდნენ, ვნახავთ, მოსატეხი ხომ არ არისო.

— ჰოო, მაშ, შენ ჩემთან წამოდი, ტრინი!

იერონიმო ამბროსიას ფარდულში შევიდა და ჩაუცქდა.

— მითხარი, გრაფი ხომ არ გამოჩენილა?

— არა, მეხიკოშიაო. სხვა არაფერი გამიგონია.

— არც არავინ გამოუგზავნია?

— არა, არავინ.

— პროვინციას სამმარ თველოდანაც არავინ მოსულა?

— არა.

— ჰო... ძალიან ფრთხილად უნდა ვიყოთ, ტრინი! — იერონიმომ ბიჭს სერიოზულად შეხედა.

ტრინიმ მხოლოდ ახლა შეამჩნია, რომ ბიძამისს წინანდებურად კეთილი თვალები ჰქონდა. ისიც ძალიან გაუხარდა, რომ ბიძა ტოლივით ელაპარაკებოდა, ფრთხილად უნდა ვიყოთო. ტრინი, რასაკვირველია, იფრთხილებდა.

— ხუცესი? — იკითხა იერონიმომ, — პადრე ფელიქსი რაღას შერება?

— დიდედა ამბროსია იმაზე გაჯავრებულია, რადგან ის სულ ახალ იდეებს აგინებს და გაიძახის, საკუთრება წმინდა რამ არისო.

იერონიმო გამოცოცხლდა:

— რა ახალ იდეებს?

— დიდედა ამბობს, ხუცესი სოციალიზმს ლანძღავს, ჩვენ კი არ ვიცით, რა არის ეს სოციალიზმი.

იერონიმომ თავი ისე ჩაჰკიდა, რომ ჩალის ფართო შლიაპამ მთელი სახე დაუფარა.

რამდენიმე ხნის შემდეგ თავი ასწია და იკითხა:

— ბატონის ბალს რა დაემართა?

— არ ვიცი. სარეველა ბალახი მოედო.

— მაშ აქ არავინ მუშაობს?

— არა, არავენ.

— კარგია, — თქვა იერონიმომ. — მაშ, ისევ მე ვიმუშავებ.

— ბატონი ხომ გაიქცა, ფულს ვილა გადაგიხდის? — იკითხა დაბნეულმა ტრინიმ.

— ბოსტანში ძალიან კარგი ბოსტნეული მოდის, ახლა ამას ჩვენ თვითონ მივირთმევთ, — გაეცინა იერონიმოს, — მაგრამ აი, ერთი მშველელი რომ მყავდეს! მუშაობა ჯერ ისევ მიჭირს, მხრები მაწუხებს.

ეზოში ამბროსია გამოვიდა. იერონიმო ფეხზე წამოდგა და დედას შესცინა. ამბროსიას მკაცრ სახეს ისეთი ნაზი გამომეტყველება ჰქონდა, რაც ტრინის წინათ არასოდეს შეუნიშნავს. „როგორ უხარია შვილის ნახვა“, — გაიფიქრა ტრინიმ.

მაგრამ ამბროსია უმალ საქმეზე გადავიდა.

— აქ რჩები? — ჰკითხა შვილს.

— ვრჩები, დედა!

ერთმანეთისთვის სხვა არაფერი უთქვამთ. საღამოს კი, როცა დიდება, პაპა, იერონიმო და ტრინი ქოხის წინ დასხდნენ, ამბროსიამ ვაჟს ჰკითხა:

— ამ ხნის მანძილზე რას აკეთებდი?

იერონიმომ უცბად არ უპასუხა. ეტყობოდა, ააღელვა ამ კითხვამ.

— ეჰ, დედაჩემო, — დაიწყო ბოლოს მან, — რა გვიჭირდა, ჩვენი გლახობა ასე გაუნათლებელი რომ არ იყოს. შენა გგონია ჩვენსავით ვინმე მოიქცა? მებატონეები ცოტა რამეს შეჰპირდნენ და ახლა ისინი ძველებურად მორჩილად დგანან მათ წინაშე, ქულები ხელში დაუჭერიათ და ხმის ამოდებას ძლივს ბედავენ.

ტრინიმ დიდებას შეხედა, მაგრამ ბნელში მისი სახის გამომეტყველება ვერ შეამჩნია.

— ყველგან ერთნაირი ამბები, — დაიწყო ისევ იერონიმომ. — ქალაქიდან ვილაც მწერალი და ვეჭილეები მოდიან და ხალხს ჩასჩინებენ: — ახალ მთავრობას გლახების სიკეთე უნდაო. ცოტა ხანს დაიცადეთ და თქვენ თვითონ ნახავთო.

— ჰო, მოვიცადოთ! — მიუგო ამბროსიამ, — ჩვენ სულ

უნდა ვიცადოთ. მაგრამ თუ ბატონისა გემართებს რამე, დაც-
და მაშინ კი აღარ შეიძლება.

— ხუცესები ბატონების მოკავშირეები არიან, თუმცა
ყველგან არა. უმეტესობა ბატონების გულკეთილობაზე ლაპა-
რაკობს, გვეუბნებიან, შიმშილით არავინ არ მოკვდება, ზეცამ
თუ არ ინებაო. ჰო, მართლა, რა მინდოდა შენთვის შეკითხვა:
ტრინიმ მითხრა, პადრე ფელიქსი სოციალიზმს აგინებსო.

— ჰო, იერონიმო, აგინებს და რომში მჭდარ წმინდანს
იმოწმებს. მაგრამ ერთი ეს შითხარი, ეს სოციალიზმი რაღაა?

— მე თვითონაც არ ვიცი.

— რაც არ გინახავს, როგორ დაგესიზმრებაო, — თქვა პა-
პა ხასინტომ.

— ეს რაღაც კარგი რამ უნდა იყოს ჩვენთვის, თორემ
ხუცესი ასე გაჯავრებული არ იქნებოდა, — თქვა ამბროსიამ
და ხმადაბლა განაგრძო: — დიდხანს ვიფიქრე. ხუცესი ბატო-
ნების მხარეზეა, ამას მტკიცება არ უნდა, თან სოციალიზმს
აძაგებს და გვაფრთხილებს, რამეში არ გაერიოთო. ამიტომ
ვფიქრობ, სოციალიზმი ჩვენთვის კარგი რამ უნდა იყოს. იე-
რონიმო, შენ ჩვენს მხარეში ბევრს იცნობ, ვერ გაიგებ, რა
არის ეს სოციალიზმი?

— ვნახოთ, — თქვა იერონიმომ.

ყველა გაჩუმდა და ჩაფიქრებულმა გახედა სიბნელეს.

ცოტა ხნის შემდეგ იერონიმომ თქვა:

— ბალში ვაპირებ ისევ მუშაობას, ამით გავიტან თავს. ხომ
არავინ გეგულებათ, რომ მომეხმაროს?

— საცაა სიმინდიც მოსატეხი იქნება, ბევრი მუშახელი
დაგვჭირდება, — თქვა ხასინტომ.

— ჰო, ღონიერი მუშახელი. ჩემთან იოლი სამუშაო იქ-
ნება, — სარეველა ბალახების გამომარგვლა.

— რა ვიცი, ვინ გირჩიო... — თქვა ამბროსიამ.

— ძია! — წამოიყვირა უცბად ტრინიმ.

— რა იყო?

— ბალახის გამომარგვლა მეც შემიძლია!

ამბროსიას გაეცინა:

— ბოსტნეულსაც ზედ მიაყოლებ, არა?

იერონიმომ ტრინის მეგობრულად გადახვია მხარზე ხელი.

— არა, დედა, მკერა; ტრინი კარგად დამეხმარება, თუ რამე არ ეცოდინება, მე მკითხავს.

— კარგი, ეგრე იყოს. მაგას რა სჯობია, ბიჭი ბავშვობიდანვე მიეჩვევა საქმეს, — თავი დაუქნია ამბროსიამ.

— ხვალვე წამოვალ, კარგი? — უთხრა ტრინიმ იერონიმოს. ბიჭს ძალიან გაუხარდა, რომ დიდი კაცივით იმუშავებდა.

— თუ გინდა, ხვალვე წამოდი, — დაეთანხმა ბიძა.

იავარამნილ მამულის ბაღში

ტრინი ბიძია იერონიმოსთან მუშაობდა. რამდენიმე დღის მარგვლის შემდეგ აღმოჩნდა, რომ ბოსტნეულს მშვენივრად ეხარა. იერონიმომ ერთი კალათა სწვადასხვა ბოსტნეულით გაავსო, დაქანცულ ტრინის სელი ჩაჰკიდა და სოფლისაკენ გზას გაუდგინა: გრაფის მამული რომ გადასწვეს, მაშინ იერონიმოს ქოხიც დაიწვა და ჯერჯერობით მშობლებთან ცხოვრობდა, სოფელში.

გზაში ბიძამ ტრინის საუბარი გაუბა.

— აი, ტრინი, როგორც ხედავ, ბოსტნეული ბევრია, მაგრამ სიძინდი არა მაქვს. რომც მქონდეს, რას ვუზამდი, ცოლი არ მყავს და სიძინდს ვინ დამიღერდავს ან ვინ გამომიცხობს?

— ძია, ცოლს რატომ არ ირთავ? — ჰკითხა ტრინიმ.

ეს არ უნდა ეკითხა ბიჭს, რადგან კარგად იცოდა, მისი საცოლე როსარია ზედამხედველმა მოჰკლა. ეს ამბავი ტრინის გვიან გაახსენდა.

იერონიმომ ცოტა ხანს იყუჩა და მერე უთხრა:

— ვინ გამოყვება? აი, ხომ ხედავ, როგორ დამამახინჯეს?

— მაგრამ მაინც კარგი კაცი ხარ! — გულწრფელად წამოიძახა ტრინიმ.

იერონიმომ ნაღვლიანად გაიღიმა.

— ენასთო, — ჩაილაპარაკა მან და მერე გაცხარებით წარმოთქვა: — შენა გგონია, ეგრე ადვილია ადამიანის დავიწყება?

ღარჩენილფუზა სოფლამდე ჩუმად განდგეს.

უზოში შესულეს ამბროსიამ შესცინა. რა უცბად გამოი-
ცვალა დიდდემ ხასიათი. პაპა ხასინტოსაც კი უკვირდა. „რო-
გორ უყვარს იერონიმოცა და ტრინიც. მათზე ზრუნავს, მათი
დანახვაც ასე ახარებს“, — გაიფიქრა მან.

არასოდეს მკადი ასე გემრიელად არ სჩვენებია ტრინის,
როგორც ამ საღამოს. საკუთარი შრომით იყო ნაშოვნი ეს
ლუკმა. თუმცა ისე დაიღალა, მაშინვე დასაძინებლად მიწვა.

იერონიმო და მისი მშობლები ქოხის წინ ბნელში დასხდ-
ნენ და ოჯახურ საქმეებზე ლაიწყყეს საუბარი.

— რა ვუყო ამდენ ბოსტნეულს? — იკითხა იერონიმომ. —
გლენებს ყვავილოვანი კონბოსტოსი, სტაფილოსი, კიტრისა
და მუხუდოსი არაფერი ესმით. რა ბოსტნეულსაც ვაძენ,
თვითონვე მოჰყავთ. ვის გავუცვალო ჩემი ბოსტნეული სიმინ-
დში, რომ გვალვების დროს, როცა ბოსტნეული აღარ იქნე-
ბა, რამე საკმელი შემორჩეს? იქნებ ასე ვქნათ, შოდი, შე ყო-
ველდღე ორ კალათა ბოსტნეულს მოვიტან, ასა ვქაპოთ, სი-
მინდი კი დავზოგოთ, პა?

— ორ ისეთ სავსე კალათას მოიტან, დღეს რომ მოიტანე? —
იკითხა ამბროსიამ. — ეს ბევრიც კი არის. შენ ხელები გტკივა,
მძიმე იქნება.

— ქალაქი რომ ახლოს იყოს, შეიძლებოდა ბაზარზე გაგვე-
ტანა. იქნებ ხუცესმა მაინც აიღოს რამე?

— ალბათ სიამოვნებით აიღებს, — თქვა ამბროსიამ. —
მაგრამ იგი იტყვის, ბოსტნეული გრატს ეკუთვნისო.

— ვერაფერსაც ვერ იტყვის, ბოსტნეულს მისი მზარე-
ული იყიდის, ის კი არა.

— შენ რომ მიუტანო, ხუცესი მაშინვე მიხვდება, საიდა-
ნაა ეს ბოსტნეული, შემოგხედავს თუ არა, მაშინვე მიხვდე-
ბა, — გააფრთხილა ამბროსიამ შეილი.

— მაშინ ტრინი მიუტანს.

— ტრინი ჭერ პატარა არ არის?

— არა, დედა. დღეს უკვე დაერწმუნდი, რომ ტრინი ყვე-
ლაფერს მალე სწავლობს.

მეორე დილას იერონიმოს ტრინისათვის პირდაპირ არ
უთქვამს, ხუცესის მზარეულთან წადიო. სადილობამდე ბაჭი
ბიძასთან მუშაობდა ბოსტანში.

— დაილაღე? — ჰკითხა ბიძამ.

ტრინის არ უნდოდა გაემხილა, დავილაღეო. ამაყობდა, დიდი კაცივით რომ შრომობდა, და მტკიცედ მიუგო — არაო.

— მოდი, მაინც დავისვენოთ... ახალი ქოხი უნდა ავაშენოთ აი, იქით, ხედავ, ძველი ქოხის ნანგრევებია. ახლა სადმე სხვა ადგილას უნდა ავაშენო. აი, იქ გალავნის კედელი მტკიცედ შემონახულა. ქოხი რომ იმ კედელს მივადგათ, ერთი კედელი უკვე გვექნება და ამას გარდა, ქარის მხრიდანაც დაცული ვიქნებით. აბა, მიშველე, ქოხისათვის კარგი ადგილი შევარჩიოთ!

ქოხისთვის გამოსადეგი ადგილი მალე შეარჩიეს. იერონიმომ ორი ქვა დასდო იმ ადგილას, სადაც ქვის კედლები უნდა ამოეშენებინა. მერე ქვების მოგროვებასა და მოტანას შეუდგნენ. იერონიმოს დიდ-დიდი ქვები მოჰქონდა, ტრინის — პატარა. ეს ქვები ერთმანეთზე დაალაგეს. მერე ბიძამ ტრინის კალათაში ბოსტნეული, ფორთოხალი და ლიმონი ჩაუწყო, ხუცესის მზარეულთან გაატანა და თან დააბარა, ეს ღირს, ამდენი და ამდენი გამოართვიო. დადხანს უმზერდა, როგორ მიდიოდა ტრინი კალათით ხელში. ბიჭი შვილივით უყვარდა და იერონიმოს გული სტკიოდა, ამხელა კალათს რომ ათრევინებდა. როსარია რომ ცოცხალი ყოფილიყო, თუმცა იერონიმომ დაამახინჯეს, მაინც არ უღალატებდა მას. თავი მწარედ გადაიქნია და მამულის ალაყაფისკენ გაემართა. აქ უტბად თვალი მოჰკრა ტეპოტლელ პაკოს.

— სალამო მშვიდობისა, იერონიმო, — მიესალმა პაკო.

— ჩამოჯექი. აი, ხედავ, კედელი ამოგვეყავს. ახლავე ფორთოხლებს მოგიტან. ალბათ, გეწყვიტება.

პაკო ჩამოჯდა. მზე თვალებს სჭრიდა და სახეზე ნაოჭები უჩანდა. ლაპარაკის ხასიათზე არ ჩანდა. როცა იერონიმომ ფორთოხალი მოიტანა და პაკოს გაუწოდა, არც მაშინ ამოუღია ხმა. ბოლოს დაიწყო:

— ინდიელებს თავზე ქარიშხალი დაგვატყდება და ეს ჩვენზე ბრალთა.

იერონიმოს ხმა არ ამოუღია. დააცადა ბოლომდე ეთქვა სათქმელი.

— მე და შენ თავი დავირწმუნეთ, გლეხებს იოლად ავიყო-

ლიბდით და საქმეს ხელს მოჰკიდებდნენ. მაგრამ საუკუნე-ობით მონობამ მათ ნებისყოფა გამოაცალა. სოფელ ტეპოტლაში გლეხებმა ისევ ბატონს წაუხარეს ქელი. ჩვენმა ბატონმა კარგად იცის, რომ გლეხებს მე მოვუწოდებდი მის მამულზე იერიშის მიტანას, თუმცა თავს ისე იკატუნებს, თითქოს არაფერი იცოდეს. მაგრამ როდემდე შეიკავებს თავს? ვიცი, სოფლიდან წასვლა მომიწევს.

— ჩემთან გადმოსახლდი, — შესთავაზა იერონიმომ.

— შენ რომ აქ არ იყო?

— რატომ არ უნდა ვიყო?

— ვის მიწაზე აშენებ ქოხს? ვისი მიწით იკვებები?

— ბატონის მიწით, მაგრამ ის ხომ გაიქცა?

— რომ მობრუნდეს, თქვენი გლეხები მას ისევ ქელს მოუხრიან.

— საცაა სიმინდს მოვტეხთ. ალბათ ორშაბათიდან დავიწ-



ყებთ, — თქვა იერონიმომ. — ის ინდიელები, რომლებიც წინათ ბატონთან მუშაობდნენ, ისევ მის მინდვრებზე აიღებენ მოსაეაღს, აბა, ხომ არ დაკარგავენ?!

— მერე, სად წაიღებენ? — იკითხა პაკომ.

— ბატონის ბელები გადამწვარია. მაშასადამე, თავიანთ ქონებში შეინახავენ.

— თვითონ გლეხები რას ამბობენ ამაზე? — იკითხა პაკომ.

— არაფერსაც არ ამბობენ. როგორც ყოველთვის, ახლაც გაჩუმებულები არიან.

— ჰოდა, აი, საქმეც ეგ არის, იერონიმო! — წამოიძახა პაკომ. — არც ხმას იღებენ და არც არაფერს ფიქრობენ. ბატონები კი კიდევ ფიქრობენ და საქმესაც აკეთებენ.

— მერე, შენ რისა გეშინია? — იკითხა იერონიმომ.

პაკო დაჟინებით შესცქეროდა წიწაკის ბუჩქს, რომელსაც წვეტიანი ნაყოფები ესხა, ეს იყო ცნობილი ცხარე წიწაკა „ჩილე“.

— მე თვითონ რომ ვიცოდე, სხვა რაღა მინდა! — თქვა პაკომ. — საქმეც სწორედ ეგაა, რომ არაფერი არ გვისწავლია. ჩვენთან ბატონმა გამოაცხადა, თუ მიწის მიღება გინდათ, გუბერნატორს წერილობითი განცხადება უნდა მისცეთ და ყველაფერი დაწვრილებით ჩამოაყალიბოთო. ჩვენ კი წერაც არ ვიცით. შენ შეგიძლია წერა?

იერონიმომ უარის ნიშნად თავი გაიქნია.

— ქალაქში რომ წავიდეთ ვექილთან? — განაგრძო პაკომ. — ის ფულსაც მოგვთხოვს და თანაც მოგვატყუებს.

კარგა ხანს ისხდნენ უხმოდ, რახან ვერაფერი გამოსაველი ნახეს. ბოლოს იერონიმომ თქვა:

— ამაღამ დედაჩემთან გაითიე. ხვალ უკან რომ გაბრუნდები, რამე წაიღე. ერთ კალათა ბოსტნეულს გაგატან. შენმა ცოლმა ყვავილოვანი კომბოსტოს შემზადება არ იცის?

— ცოლი არა მყავს, იერონიმო. უკანასკნელ მშობიარობას გადაყვა, ბავშვიც მოკვდა. შეილებში მარტო ერთი ვაჟიშვილი — ბრაულიო შემომრჩა. ჩვენი, ინდიელების, ბავშვები ბუზებივით იხოცებიან. ესეც იმის ბრალია, რომ არაფერი ვიცით და ასეთი ღარიბები ვართ. უნდა ვისწავლოთ, აუცილებლად უნდა ვისწავლოთ.

სოფელში მოსამართლე მოვიდა

ისედაც მსუქანი მოსამართლე, დოქტორი ედუარდო არისტო ბოლო წლებში თანდათან ბურთს დაემსგავსა. ცხენით მგზავრობა ძალიან უჭირდა. ამიტომ მაინცდამაინც არ ეპატონავა გრაფის დავალეზა, — წადი სან ბარტოლოდოში და გლეხები აიძულე, მოსავლის მეტი წილი მე გადამიხადონო. ამ გაგანია სიცხეში მინდორ-მინდორ ყანყალს გრილ ოთახში ჯდომა და სასამართლოში ან სხვა დაწესებულებებში არზების წერა ერჩია. ყანყალს რომ თავი დაეკანებოთ, სადილი სადღა ეჭამა? იქნებ ხუცესს გამოეღო თავი?

აი, უკვე გამოჩნდა მამულის შავი ნანგრევები. როგორ შეცვლილა იქაურობა. წინათ ბატონს მშვენიერი სახლი ედგა, ახლა კი ამ ნანგრევებში ვირთხები თუ დაიბუდევენ!

თვინიერ ცხენზე ამხედრებულ. მოსამართლეს სიმსუქნისაგან მუცელი უთახთახებდა. იგი ნანგრევებს მიუახლოვდა და უტბად მწვანედ გადახასხასებულ ნაკვეთს მოჰკრა თვალი.

„ოჰო, აქ, ეტყობა, მეზაღე ბიჭუნაა.“

პრეზიდენტ მადეროს მსგავსად, დოქტორი არისტოც ლიბერალი იყო, ესე იგი წინააღმდეგი იყო, ხელისუფლება მემამულეების, ოფიცრებისა და ეკლესიის ხელში ყოფილიყო და ფიქრობდა, უმჯობესია იგი ჩემსავით განათლებული კაცის ხელთ იყოსო. ინდიელებისადმი ერთგვარ სიმპათიასაც კი გრძნობდა, თუკი მათთან ძალიან ახლო ურთიერთობა არ ექნებოდა. მაშინ კი ინდიელთა სილატაკე გულს ურევდა.

— ბიჭუნა, — ესპანურად უთხრა მან ტრინის, — ერთი მითხარი, ვისია ეს მამული?

ტრინი ფეხზე წამოიჭრა, ბურთივით მხედარს უნდობლად შეხედა და ინდიურად თქვა:

— წაეალ, ბიძაჩემს დაუეძახებ.

მოსამართლემ ტრინის ნათქვამი ვერ გაიგო და ისევ იკითხა:

— არ იცი, ეს მამული ვისია?

ტრინიმ თავი ისე მოაჩვენა, თითქოს მისი შეკითხვა ვერ გაიგო და ალაყაფისაკენ გაიქცა. იერონიმო აქ გვერდებჩამოთლილ ქვებს არჩევდა ქოხისათვის.

— ძია, — წასჩურჩულა ტრინიმ მას, — ვილაც სქელი ბატონი მოვიდა და მეკითხება, შენი მიწა ვისიაო.

— ოჰო! — თქვა იერონიმომ, პირში ფოთოლი ისე ჩაიდო, სანახევროდ უფარავდა სახეს და მშვიდად გავიდა ალაყაფიდან. მოჰკრა თუ არა თვალი ჩამრგვალებულ კაცს, მიხვდა, საშიში არ იქნებოდა. არც იარაღი ჰქონდა და, ცხენიდან რომ ჩამომხტარიყო, სხვის დაუხმარებლად ველარც შეჯდებოდა.

— გამარჯობათ, ბატონო, — უთხრა იერონიმომ, — რას მიბრძანებთ?

— ამ მიწას თქვენ ამუშავებთ?

იერონიმომ თავი დაუქნია.

— მერედა, მიწა ვისია?

— ბატონი გაემგზავრა, — უპასუხა იერონიმომ.

— მაშ მიწა გრაფისა ყოფილა და თქვენ ღალას უნდა იხდიდეთ, — საჩქაროდ თქვა მოსამართლემ.

იერონიმოს მაშინვე არ უპასუხნია.

— სად გავყიდო ეს ბოსტნეული?

— ბაზარზე, — მიუგო დოქტორმა არისტამ.

— უახლოესი ბაზარიც კი შორსაა აქედან. ანდა ვინ გავგზავნო? ბატონის ხალხმა საცოლემ მომიკლა, ახლა ბატონმა თვითონვე იფიქროს, სად გაყიდის.

„ოჰ, აი, საქმე როგორ ყოფილა! — გაიფიქრა დოქტორმა არისტამ. — საცოლემ მოუკლეს და ცხვირი და ყურებიც დააჭრეს. რა ბარბაროსობაა! ეტყობა, კარგი მაგარი ამრევი ყოფილა, ასე რომ დაუსახიჩრებიათ.

— მეგობარო, — აღერსით მიმართა იერონიმოს და ცხვირსახოციტ სახე შეიწმინდა, — დასალევი არაფერი გაქვთ?

იერონიმომ მიხვდა, რომ მოსული მას არაფერს ჰკითხავდა.

— ახლავე მოგიტანთ ჰის წყალს, მაგრამ სჯობდა, ფორთოხალი გეჭამათ.

— კი, კი, ძალიან მადლობელი ვიქნები!

იერონიმომ რამდენიმე ფორთოხალი მოიტანა, დანა ამოიღო და ერთი დაჭრა.

როცა მუცელზე მკიდროდ შემოკრულ ქილეტზე ფორთოხლის მოწითალო წვენი ჩამოედვარა, მოსამართლემ მაშინდა

იფიქრა, უმჯობესი იქნებოდა ინდიელისათვის გამასპინძლების საშუალება არ მიმეცა: ის ფორთოხლები გრაფისაა და არა ინდიელისო. მაგრამ სიცხისა და უჩვეულო მგზავრობისაგან არისტა ისე დაქანცულიყო, ეს იურიდიული ხასიათის შეცდომა მაშინვე გადაავიწყდა, იერონიმოს მადლობა გადაუხადა და ხელის ჩამორთმევაც კი ინება. ამ საშინლად დამახინჯებულმა კაცმა მასზე კარგი შთაბეჭდილება მოახდინა. „ამ მეტონეებზე ვერაგი ხალხი ქვეყანაზე არ მოიძებნება“, — გაიფიქრა დოქტორმა არისტამ.

როგორც კი მოსამართლემ აღვირს მოსწია, ცხენს ფერდებში ფეხები დასცხო და შეაბრუნა, იერონიმომ ტრინის წაავლო ხელი და აჩქარებით წასჩურჩულა:

— ახლა შენ უნდა დაგვიხსნა ტრინი. ამ ბილიკით ჩქარა ამბროსიასთან გაიქეცი და უთხარი, გრაფის მოგზავნილი კაცი მოვიდა, გლეხებისაგან გადასახადის აკრეფა სურს-თქო. უმჯობესია, სოფელში კაციშვილი არ დაუხვდებოდეს. გაიგე?

— ჰო, ძია, გავიქეცი!

სირბილი კი, იცოცხლეთ, ტრინის მაგარი შეეძლო. ბილიკი გადაირბინა და ბორცვზე ავარდა. აქედან დაბლა გადაიხედა. ბურთივით კაცი თავის ზანტ ცხენზე მოღვენთილიყო და გარშემო ვერაფერს ამჩნევდა. არისტა ქალაქში გაიზარდა და სოფელი ქამისათვის აუცილებელ, სხვა მხრივ კი მოსაწყენ და ცუდ საცხოვრებელ ადგილად მიაჩნდა. სხვათა შორის, მის ცხენს გზის სწავლება არც კი სჭირდებოდა, ერთხელ გავლილ გზას თვითონვე მიუყვებოდა ყურების პარტყუნით.

გზაში დოქტორი არისტა იმას ფიქრობდა, გლეხებს როგორ მივმართო. ერთი რამ ცხადი იყო, თუ უნდოდა, გრაფის დავალება შეესრულებინა, მათ ისე ვერ დაელაპარაკებოდა, როგორც იერონიმოს. ერთხელ ვილაცამ უთხრა, გლეხებს რომ ელაპარაკები, პირველად ყოველთვის ის უნდა ჰკითხო, მოსავალს რა პირი უჩანსო, და საერთოდ, მოთმინებით უნდა აღიჭურვო. ამას კი დიდი დრო სჭირდებოდა, დოქტორი არისტა კი დღესვე აპირებდა უკან გაბრუნებას, მაგრამ გრაფი აკრეფილი გადასახადიდან კარგა გვარიან პროცენტს რომ შეჰპირდა? თავის შეწყუბება ღირდა.

მაგრამ ტყუილად აწყობდა გეგმებს. სოფელში სამარისე-

ბური სიწყნარე იდგა. სოფლისაკენ მიმავალ გზაზე შუადღის თაკარა სიცხე იდგა. ერთი ხის ჩრდილში ძალი მიგდებულყო, მოსამართლის დანახვაზე თავი წამოსწია, უღონოდ წამოიყმუვლა და ისევ მისდო.

ბოლოს, მარცხნივ, სახურავის ჩრდილქვეშ თავშეფარებული გადაყრუებული დედაბერი დაინახა.

— მამაკაცები სადღა არიან, დიდედა! — შესძახა არისტამ.

დედაბერმა ინდიელთა ენაზე რაღაც უგემურად წაიღულულა. რაღა უნდა ექნა მოსამართლეს? ადგა და ისევ გზა განაგრძო.

სოფლის ბოლოში თვალი მოჰკრა ქალს. იგი კაქტუსის ღობიდან შუაგზაზე გამოვიდა და მოსამართლეს ჯიქურ დაუწყოცქერა.

— დედილო, — ალერსიანად მიმართა არისტამ მას, თუმცა ქალი დედობრივად კი არა, საშინლად განრისხებული შესცქეროდა. — სოფლის მამაკაცები სად არიან?

— სამუშაოზე, — ესპანურად მიუგო ქალმა.

— ეგ ეგრე იქნება, მაგრამ მაინც სად, შორს არიან?

— ჩემი ქმარი თავის ნაკვეთშია, სხვებისა კი არ ვაცი.

— გრაფის მიწაზე მუშაობს?

— არა, თავისი საკუთარია, — ქალი ისევ მტრულად შესცქეროდა.

აბა, ამისთვის რაღა ეთქვა, თუკი მისი ქმარი საკუთარ მამულში მუშაობდა და არა გრაფისაში? გმადლობთო, — მიუგდო ქალს და იმედგაცრუებულმა ცხენი სოფლისაკენ შემობრუნა, მაგრამ ახლა რაღა ექნა?

გადაწყვიტა, ზუცესთან მისულიყო და ცოტა ხანს გრილ ოთახში დაესვენა. იქნებ სადილადაც მიეწვიათ.

ტრინი იქვე დაიძალა და თავიდან ბოლომდე მოისმინა დოქტორ არისტასა და დიდედა ამბროსიას საუბარი. მოსამართლე რომ გაბრუნდა, ისევ დიდედასკენ გაემართა, თან გზადაგზა იკრიკებოდა.

— ტრინი, — უთხრა დიდედამ, — ახლა თვალი ადევნე, საით წავა.

— ადვილი საქმეა, — დააჩვიდა ტრინამ და უკან გაჰყვა. ამბავიც მალე შეიტყო და დიდელას აცნობა:

— ის ბატონი ჩვენს ხუცესთან მივიდა, ცხენი ახლაც გარეთ უბია. ამბროსია ცოტა ხანს დაფიქრდა, მერე თქვა:

— ტრინი, წადი ხუცესის მზარეულთან, ვითომ შემთხვევით მიხვედი, და ჰკითხე, დღეისათვის ხილი ან ბოსტნეული ხომ არ გჭირდებათ-თქო. ეცადე დიდხანს დარჩე, ეგებ რამეს მოჰკრა ყური.

გახარებულმა ტრინიმ თავი დაუქნია, ეს იოლი დავალება იყო, და ხუცესისაკენ გაფრინდა. მათ სახლს რომ მიუახლოვდა, მოიწყინა. პაღრე ფელიქსს ინდიელებისნაირი ქოხი კი არ ედგა. კარგო, ყვირელი, ბანიანი სახლი იყო, სწორედ ისეთი, ქალაქებში რომ არის. სამზარეულოს კარი ღია იყო, შიგ მზარეული ფუსფუსებდა.

— არა, მცალია, — უთხრა მზარეულმა და ცეცხლის გაჩაღებას შეუდგა.

— ხომ არ გიშველო, დეიდა? — ჰკითხა ტრინიმ.

— შენ, რა, გოგო ხარ?

— მერე რა ვუყოთ, გოგო რომ არა ვარ. ცეცხლის დანთება მეც ვიცი.

ბებიას რომ არ გამოეგზავნა, სხვა დროს ტრინი გოგოს საქმეს მართლაც ხელს არ მოჰკიდებდა.

მზარეულმა ბიჭს დასაბერად მარაო გადასცა და კმაყოფილი დარჩა, გამომლაპარაკებელი რომ იშოვნა, ახლა კი გულს მოიჯერებდა ლაქლაქით. მაშინვე მოხსნა გუდას თავი.

— უცბად ვილაც მოსამართლე არ მოგვადგა კარს, სოფელში კი კაცის ჭაჭანება არ არის. წარმოდგენა არ მაქვს, სად არაჰან. ორ დღეში მოსავლის აღება დაიწყება და სად გადაიქარგნენ? მოსამართლე სიცხემ კინალამ გააღწო. მისმა უწმინდესობამ უთხრა, გლეხები ვერაფერს მოგცემენ, ყურგახვრტილი კაპიკიანიც არა აქვთო. სიმინდს, აბა, ქალაქში ვინ წაუღებს? ეგლა აკლიათ, ქალაქში ტომრების თრევა დაიწყონ. ზოგი იტყვის, სახედარი დამიკოჭლდაო, ზოგი — დამიბერდაო, ზოგი—მომიკვდაო, მორჩა და გათავდა. გლეხებმა კარგად იცინან, როგორ აარიდონ თავი...

მზარეული შეუსვენებლივ ლაქლაქებდა.

როცა ტრინიმ ყველაფერი გააკეთა და ბატონებიც სადილად დასხდნენ, უცბად გაახსენდა. საწყალი ცხენი წყურვილით

კვდებოდა, მაგრამ მისთვის წყლის დაღვეინება იოლი როდი იყო. სამზარეულოში წარამარა შერბოდა და კითხულობდა, წყალი რომელი ვედროთი დავაღვეინო. ამას გარდა, სხვაც ბევრი საკითხავი მოიგონა, მაგრამ ბოლოს ეს შეკითხვებიც გამოელია. მერე ადგა და ისლა იკითხა, ახალმოკრეფილი ლიმონები ხომ არ მოგიტანოთ.

— აი, ისეთი თხელკანიანი, ტკბილი ლიმონები, გრაფინაა ჩაიში რომ ყრიდა.

ტრინი ისე გულიანად ლაპარაკობდა ამ ლიმონებზე, მზარეულს პირზე ნერწყვი მოადგა. მერე ბიჭმა ფორთოხლებზე დაუწყო ლაპარაკი. ბოლოს სალაპარაკო თემა გამოელია და აღარ იცოდა, რა ექნა.

უცბად კარი გაიღო.

— ბატონო დოქტორო, ძალიან მოხარული გახლავართ, რომ ამ ყრუ სოფელში ერთხელ მაინც გავხვდი ქალაქელა სტუმრის მიღების ღირსი. ახლა რას იზამთ? — ჰკითხა პადრე ფელიქსმა მოსამართლეს.

— ერთხელ კიდევ გავივლი სოფელში, მაგრამ თქვენთან საუბარმა დამარწმუნა, რომ აქ დიდი ხეირი არ იქნება.

ხუცესმა სტუმარი იქამდე მიაცილა, საცა ცხენი იყო დაბმული, მაგრამ ცხენზე როგორღა შემჯდარიყო? ხუცესმა მზარეულ ქალს დაუძახა.

„მეც ხომ არ გამოვჩნდე? რატომაც არა?“ — გაიფიქრა ტრინიმ და სამზარეულოდან სწორედ იმ დროს გამოვარდა, როცა მოსამართლე რამდენჯერმე ეცადა, მაგრამ მსხვილი ფეხი ვერა და ვერ ასწია უზანგამდე. ტრინიმ ბურთივით კაცს ფეხი უზანგში გააყოფინა და უზანგი დაუჭიმა, ხოლო მზარეული და თვით ხუცესი კი მოსამართლეს მსხვილ უკანალზე მიაწვნენ და, როგორც იქნა, ცხენზე ასვეს. ძალდატანებისაგან სტუმარი ხენეშოდა და ოფლში ცურავდა. აღვირი აკრიფა და ცხენს შეუძახა, აბა, ვიაროთო. ცხენი მხედარს დაემორჩილა და გზას გაუყვა.

— ეს ბიჭი ვინ არის? — იკითხა ხუცესმა.

— ამბროსიას შვილიშვილია, — მიუგო მზარეულმა. — ყოველთვის კარგი ხილი მოაქვს ხოლმე ჩემთან.

— ოჰ, ამბროსიასი? — ჩაფიქრდა ხუცესი. მას დღემდე

ვერ გავგო ამ ქალის ბუნება. დიდ ღვთისმშობლად არ მიაჩნდა, მაგრამ მისი ჩუმი ხასიათი პატივისცემას აღუძრავდა ამ ქალი-სადმი. თავისი მზარეულის გადამკიდეს ყბედი ქალები ჭირის დღესავით სძულდა.

— აბა, ბიჭუნა, — უთხრა მან ტრინის, — დიდედაშენს მიბაძე ყველაფერში.

ახლა ტრინის ის უნდა გავგო, წავიდა თუ არა სტუმარი



სოფლიდან. მზარეულს უთხრა, ტკბილ ლიმონებს მოგიტანო, და გაიქცა.

მოსამართლეს სოფელში ძაღლების მეტი არავინ დახვედრია და სოფელს გაშორდა. მეტი ჭკუა რომ ჰქონოდა, შეამჩნევდა, გავიდა თუ არა სოფლიდან, სოფელი ხალხით აივსო და სიცილით კვდებოდნენ, რა კარგად გავაცურეთო.

ამ ამბავმა ამბროსიასი და იერონიმოს ავტორიტეტი ძალიან ასწია თანასოფლელთა თვალში და განსაკუთრებით გრაფის ყოფილ მოჯამაგირეებში, რომლებმაც ორი დღის შემ-

დეგ ბატონის მიწაზე მოსავალი აიღეს და საკუთარ სასი-
მინდეში შეინახეს. ტრინისაც კი ესალმებოდნენ, რის გამოც
ბიჭი ჯერ ძალიან დარცხვენილი დადოდა, მაგრამ მერე მის
საქციელზეც იმოქმედა. ტრინი ახლა თავის გარშემო ყველა-
ფერს აკვირდებოდა და ბიძია იერონიმოს ხან მკენარეებზე
ეკითხებოდა, ხან სხვა რამეზე.

ახალელმწიველი ახვავი

ტეპოტლელებმა მალე გაიგეს, რომ მთელი სან ბარტოლ-
დო დაიძალა, როცა იქ ღალის ასაკრეტად მოსამართლე ჩავი-
და. იერონიმოს ტეპოტლაში კარგად იცნობდნენ, დიახაც ად-
ვილი გასაცნობი და დასამახსოვრებელი იყო. ბევრს ლაპა-
რაკობდნენ დედამის ამბროსიასა და უფრო მეტს ტრინიზე,
რომელიც ისე ქარივით დაჰქროდა, ცხენიან კაცს მიასწრო
სოფელში მისვლა.

ტეპოტლელმა ბავშვებმა ხელად ახალი თამაში მოიგონეს.
ერთი ბავშვი გაიქცეოდა და დაიყვირებდა: „დაიძალენით!“,
დანარჩენები თვალის დახამხამებაში უნდა მიმალულ-მომალუ-
ლიყვნენ. ამ თამაშში გოგონებიც მონაწილეობდნენ, რადგან
სან ბარტოლდოში ქალებიც ხომ იძალებოდნენ. მერე დაცა-
რელებულ ორღობეში რომელიმე გაბღინძული ბიჭი ჩამოივ-
ლიდა ნელი ნაბიჯით. ამ როლის შემსრულებელს ხალათში
რამე უნდა შეეტენა, რომ სიმსხოთი მოსამართლეს დამგვანე-
ბოდა. ამის გამო მზურვალე მზეზე გასული ბავშვი ოფლში იწუ-
რებოდა. მას უნდა შეემჩნია ბუჩქებსა და ღობეებს უკან მი-
მალული ბიჭები, „მოსამართლეს“ რომ ეღრიჯებოდნენ და
სიარულში აჯავრებდნენ. ვინც თავს ვერ შეიკავებდა და გაე-
ცინებოდა, ის გახდებოდა „მოსამართლეს“ და დაცივნის სა-
განიც. ეს ცოტათი შეცვლილი ძველებური ინდიური თამაში
იყო და ბავშვებს არ უნდა გასცინებოდათ. ბავშვებს ძალიან
მოსწონდათ და დაუსრულებლად თამაშობდნენ, ხოლო მათი
მშობლები თანდათან სიტყვაძუნწნი ხდებოდნენ. ისინი თავი-
ანთ სოფელს სან ბარტოლდოს ადარებდნენ. რაც ტორესისა-

გან სიმინდი მიიღეს, თითქოს სულ გამოჰამეს, ასანაზღაურებლად კი დღედაღამ უნდა ემუშავათ. კვლავ შიშხილის აზრდილი დასტრიალებდათ თავს. ამას გარდა, ხმები დადიოდა, ვიღაც გენერალ უერტას თავდასხმაზე. მისი ჯარისკაცები ცეცხლს უკიდებდნენ იმ სოფლებს, რომლებიც მემამულეთა წინააღმდეგ აჯანყებას აწყობდნენ. არბევდნენ სხვა სოფლებსაც და ხოცავდნენ ყველას, ვინც თვალში არ მოუვიდოდათ.

ტორესმა, ტეპოტლის მებატონემ, თავისი ვაჟიშვილი მოიხმო და ცოლის ოთახში შევიდა.

— ძალიან მნიშვნელოვანი ამბები მოვიტანე, — ხმადაბლა თქვა მან, რომ მსახურებს არ გაეგონათ. ერთმა მათგანმა მაინც გაიგონა. მეზობელ ოთახში ხუანი გარინდულიყო სმენადქცეული. აქაურმა მსახურებმა ბევრად მეტი იცოდნენ, ვიდრე იმათ ბატონებს ეგონათ. წერა-კითხვის უცოდინარებს თვალი და ყური უმახვილდებოდათ, განსაკუთრებით მაშინ, როცა ცუდად ეპყრობიან. — გენერალ უერტას არმია ახლოვდება, — განაგრძო ტორესმა.

— მადლობა ღმერთს, — თქვა ტორესის ცოლმა, — როგორც იქნა! ახლა კი ინებებენ ინდიელები, პატივი გვცენ.

— მამა, ნება მომეცი მათ არმიაში შევიდე, მოელაპარაკე ოფიცრებს, პა? — წამოიძახა თვალეგაბრწყინებულმა ტორესის ვაჟმა.

— შვილო, — უთხრა ტორესმა ვაჟიშვილს, — შენ გინდა ამ ბანდაში გაერიო? ნუთუ ვერა ხვდები, რომ შენ, ჩემი მემკვიდრე, მალა დგახარ მაგ ოფიცრებზე? შენ კი, კარლოტა, — ტორესი ცოლს მიუბრუნდა, — უნდა იცოდე, ამ არმიის შემოჭრა ჩვენს სოფელში სასიკეთოს არაფერს გვიქადის. ჯარისკაცები ოფიცრებისაგან უმეტესად არავითარ გასამრჯელოს არ იღებენ და ნაქურდალ-ნაძარცვით ცხოვრობენ. ყველაფერს გადაჭამენ. მათ მოსვლას მე, რალა თქმა უნდა, გამოვიყენებ და შფოთისთაჲ პაკოსაც ბოლოს მოვუღებ, მაგრამ როგორც კი ისინი წავლენ, ეს დამშეული სოფელი ჩემი გამოსაკვები გახდება, რადგან საკმელს აღარავის შეარჩენენ.

— ეგ ინდიელები როგორმე თვითონვე ირჩენენ თავს. საოცარია, რა სიცოცხლისუნარიანია ეგ ხალხი, — მიუგო აჰაყად ცოლმა.

— ეგ სულაც არ არის საოცარი! — უხეშად თქვა ტორესმა. — თუ სადმე რამე არის, მხოლოდ იქ შეუძლიათ რამის შოვნა. აი, თუნდაც ჩვენს მამულში. როცა შენ ამბობ, ინდიელები როგორმე თავს გაიტანენო, ალბათ გგონია, ჩვენ მოგვპარავენ. არა, ეს უჭკუობაა. იძულებული ვიქნები მე გამოვკვებო, სხვა რა გზა მაქვს.

— მამა, — დაიწყო ვაჟმა, — მე მესმის, ჩვენს მოჯამაგირეებს საჭმელი უნდა მივცეთ, მაგრამ იმ გლეხებს რაღაზე უნდა მივცეთ, ვისაც თავისი მიწა გააჩნია? განა შენთვის უფრო სარგისი არ იქნება, შენთან სამათხოვროდ მოვიდნენ? მიწას წაართმევ და საფასურად ცოტა სიმინდს მისცემ!

— სისულელეა! ეს ამბავი სხვებმაც სინჯეს, მაგრამ რა გამოუვიდათ? მერე გლეხებმა მიწა სულ მიატოვეს და აჯანყებულებს შეუერთდნენ. პარტიზანების ამბები ხომ გაგიგონია?

— ჰო, აი, ის პანჩო ვილა და მისი ბანდა, არა? — უპასუხა ვაჟიშვილმა.

მარტო ბანდა რომ ყოფილიყო, რა უშავდა, ეს ლამის უკვე არმიაა. მეორე მეთაური კი, ემილიანო საპატა, უფრო საშიშია, ვიდრე ეგ პანჩო ვილაა. ის არც ისეთი ველურია და ჭკუაც მეტი აქვს.

— შენ, რა, ეგ მეთაურები სერიოზულად გაფიქრებენ? — იკითხა ვაჟმა.

— მაგათ, რასაკვირველია, გარკვეული გეგმები არ გააჩნიათ, — მიუგო ბატონმა ტორესმა, — კითხვაც კი არ იციან, მაგრამ ახლა ეგ არ არის საფიქრალი, იმას უნდა ვეცადოთ, უერთასა და მის ჯარს რაც შეიძლება მცირე ზარალით გადავურჩეთ. მე ვფიქრობ, გენერალი მოვიწვიოთ, კარგად გავუმასპინძლდეთ და ვთხოვოთ, ჯარი ჩვენს სოფელში არ დააბანაკოს.

ახალგაზრდები მებრძობნიან

მსახურ ხუანს უნდოდა ბატონების სახლში გაგონილი ახალი ამბები მაშინვე სოფლისთვის შეეტყობინებინა, მაგრამ ბატონებისთვის ვახშამი უნდა მიერთმია, ნავახშმევს კი მამა-

შვილმა ტორესებმა არყის სმა გააბეს და შუალამისას ძლივსა გათავისუფლდა. მაშინვე პაკოსთან გაიქცა, გააღვიძა და ყველაფერი უამბო, რაც გაიგონა. პაკოს ვაჟიშვილმა ბრაულიომ თავი მოიმძინარა, მაგრამ სინამდვილეში ყველაფერი მოისმინა.

მსახური გაჩუმდა თუ არა, სიბნელიდან ბრაულიოს ხმა გაისმა:

— მაშ, სოფლიდან უნდა წავიდეთ, მამა?

— მანამდე მამა ბენიამინს უნდა მოველაპარაკო. ხვალღამ კი წავიდეთ.

— აჰა, ეს თან წაიღე, — თქვა მსახურმა და პაკოს ტყავის ნაჭერი მიაწოდა.

— რა არის? — ჰკითხა პაკომ.

— ეს ჯადო ბედნიერებას მოგიტანს. ამის მეტი არაფერი ვამაჩნია, მაგრამ ახლა შენ ჩემზე მეტად გჭირდება.



ბრაულიო ტრინიზე რამდენიმე წლით უფროსი იყო. დედისა და და-ძმის სიკვდილის შემდეგ მათ ქოხში სიჩუმემ დაისადგურა. მამა-შვილს ერთმანეთთან ბევრი სალაპარაკო არა ჰქონდათ. უბრალოდ ცხოვრობდნენ, უსიტყვოდაც ესმოდათ ერთმანეთისა. არც მამას და არც შვილს აზრადაც არ მოსდიოდათ, როგორ ძალიან ჰგავდნენ ერთმანეთს.

იმ დღეს ბრაულიო დიდხანს დაფათურობდა სამზარეულოში. ყოველ ნივთს დაკვირვებით სინჯავდა, ღირდა თუ არა მისი წაღება. დარჩენილი რამდენიმე ჯამი სიმინდი პარკში ჩაყარა. ბოძზე ჩამოკიდულ მოკაკეულ სიმინდის საჭრელ ორ დანას რამდენჯერმე შეხედა. ამაზე ძვირფასი ნივთი აღარ მოეძეებოდათ. დაღამდა თუ არა, მამა-შვილი მიწვა და მთვარის ამოსვლას დაუწყეს ლოდინი. მთვარის ამოსვლისთანავე წამოდგნენ.

— კილოფი? — ჰკითხა ბრაულიომ.

— არ გვინდა, — მიუგო მამამ.

ბიჭს უკვირდა, რატომ თქვა მამამ, კილოფი არ გვინდაო? მაგრამ სოფელს რომ გასცდნენ, მაშინღა ჰკითხა მამას:

| — მამა, სად მივდივართ?
— იერონიმოსთან.
— იმ იერონიმოსთან, ცხვირი და ყურები რომ დააჭრეს?
— ჰო, ბრაულიო. მაგრამ რომ მივალთ, დაუინებით არ დაუწყო ყურება.

— იმ ფეხმარდ ტრინისაც ვნახავ?
— მგონი ვნახავთ. ის შენზე პატარაა.
— მერე რა, — ბრაულიოს ეს ამბავი კიდევაც გაუხარდა. სანამ და-ძმა ჰყავდა, იმათზე ზრუნავდა, ახლა კი ტრინის ქომაგი გახდებოდა.

ინდიელისათვის დამახასიათებელი სწრაფი და ფრთხილი ნაბიჯით გაუდგნენ გზას. გათენების ხანს ერთი ბორცვის ძირას შეისვენეს და შინიდან წამოღებული ფინიკები შეჭამეს. ასეთი საუზმე საზეიმო დღეებში ჰქონდათ ხოლმე.

დღეს პაკო რაღაც გულდახურული იყო. ნეტავ როდისმე ეღირსება თავისი სოფლისა და ქოხის ნახვას? თუ იმ გენერალ უერთას ბანდა ამ მხარეს შემოესია, არც იმათ უწერია სან ბარტოლდოში დიდხანს დარჩენა.

მზე უკვე კარგად აცხუნებდა, მამა-შვილი გრაფისეულ ბაღს რომ მიადგა და ლიმონისა და მანდარინის ხეებქვეშ მომუშავე თეთრხალათიანი იერონიმო და ტრინი დაინახეს. ბრაულიო ისე მოიქცა, როგორც მამამ დაარიგა, დასახიჩრებულ იერონიმოს კი არ შეხედა, ტრინის დაუწყო ცქერა. ბრაულიოს მოეწონა მისი დიდი, მოციმციმე თვალები. ტრინიმ ფორთოხლები მოიტანა, მერე ორივენი ჩამოსხდნენ და უფროსების საუბარს ყურს უგდებდნენ.

იერონიმო დინჯად და დაფიქრებით ლაპარაკობდა:

— ამალამ აქ გაათევთ. ჯობია, სოფელში არავინ დაგინახოთ, სანამ ჩემს მშობლებს მოველაპარაკებოდე. ჯობია, აქ მოვიყვანოთ. ტრინი, დიდედასთან წადი და უთხარი, ძიამ შემოგიტვალათ, აქ მოდი, პაპაია დამწიფდა-თქო, თან თვალიც ჩაუკარი და მიხვდება, რომ რაღაც სხვა ამბავია.

— ახლავე გავიქცევი.

— არა, ნელა წადი. ისე მოიქეცი, რომ ყურადღება არავინ მოგაქციოს.

— მეც წავყვები, მამა! — თქვა ბრაულიომ.

— არა, შენი წასვლა არ შეიძლება. ვინმე დაგინახავს.

— ძია იერონიმო, ისეთი გზა ვიცი, დიდედას ქოხამდე ვერაინ დაგვინახავს. იქ ბრაულო დამალება და დამიკდის.

— ჰო, კარგი, — დაეთანხმა იერონიმო. — ცუდი არ იქნება, ბრაულომაც იცოდეს ეგ გზა.

პაკომ და იერონიმომ თვალი გააყოლეს ბიჭებს. ისინი ხელისხელგადახვეულები მდიოდნენ და თან მეგობრულად საუბრობდნენ.

— ასეთ საქმეებში ბავშვები ძალიან გონივრულად იქცევიან, ოღონდ უნდა ვენდოთ, — თქვა პაკომ.



პაკო იერონიმოს კარტოფილის ამოღებაში ეხმარებოდა, როცა მათ წინ, თითქოს მიწიდან ამოძვრნენო, ტრინი და ბრაულო შედგნენ. პაკო უცებ შეკრთა, რამაც ბიჭები ძალიან გაამხიარულა. თვით პაკო კი ნაღვლიანი ჩანდა. ბრაულომ რომ ამხანაგი იპოვა, ახარებდა, მაგრამ თავიანთი მდგომარეობაც არ ავიწყდებოდა.

— დიდედა და პაპა მალე მოვლენ? — იკითხა მან.

ბრაულოს არც კი უპასუხნია, გვერდზე გაიხედა. პაკო შებრუნდა და გზაზე მომავალი ამბროსია და ხასინტო დაინახა. ბიჭები ჩუმად მიჰპაროდნენ პაკოს და ალყაც შემოერთყათ.

— ყოჩაღ, ბიჭებო! — შეაქო პაკომ, — თქვენ მზვერავებადაც გამოდგებით.

ამ სიტყვებმა ძალიან გაახარა ბიჭები, ხუმრობა საქმე ხომ არ იყო ნამდვილი მზვერაგობა!

ამასობაში იერონიმოც მოვიდა.

— რა მოხდა? — შეშფოთებით იკითხა ამბროსიამ. — პაკოც აქ ყოფილა?

— ჯერ დასხედით, — უთხრა იერონიმომ.

პაკო მოჰყვა, რაც ტორესის მსახურმა უამბო. დიდხანს ისხდნენ და ბჭობდნენ.

— გადამწვარ მამულს რომ ნახავენ, არ დაგვინდობენ. არმიის მოახლოება დროულად უნდა გავიგოთ. ამისათვის კი მზვერაგებია საჭირო, — თქვა ამბროსიამ.

ბრაულო და ტრინი გულისყურით უსმენდნენ.

— თუ ცნობებს დავუჯერებთ, — განაგრძობდა ამბროსია, — ჯარი ტეპოტლაზე მოდის. იქიდან კი ჩვენს სოფელზე წამოვა. პაკო, ტეპოტლას დასაზვერავად ხომ ვერ წახვალ?

— არა, დედა, — შეაწყვეტინა იერონიმომ, — მაგისი იქ გაგზავნა არ შეიძლება. ტეპოტლის მებატონე სწორედ მაგაზე აპირებს ჯავრის ამოყრას.

— მზვერავი აუცილებლად გვკვირდება, — დაჟინებით ამბობდა ამბროსია.

— მამა, მე ვიქნები მზვერავი!; — მაშინვე თქვა ბრაულომ.

უფროსები ბრაულოს შეაცქერდნენ. სახეზე ეტყობოდათ, არც ერთი არ იყო თანახმა.

— არავის დავენახვები, — თქვა ბრაულომ. — სიმინდებში ჩავიმალება და ყველაფერს იქიდან ვუთვალთვალე.

— არა, ასე არ ივარგებს, — თქვა პაკომ. — არავინ იცის, არმია როდის მოვა. იქნებ რამდენიმე დღე ან მთელი კვირა მოგიხდეს ყანაში ჯდომა, მაგრამ ერთი აზრი მომივიდა თავში. იქ, ტეპოტლაში, ბენიამინს ჰყავს შვილი, არაკუნეს ეძახიან. — პაკო ამბროსიას მიუბრუნდა: — ეს სწორედ ის ბიჭია, მაშინ ის ზედამხედველი რომ გააცურა და ღამით ალაყაფის კართან თიხის ზარს რომ არაკუნებდა. აი, ბრაულო, იმასთან მიდი და უთხარი...

— ჰო, კარგი, გავიგე, — უპასუხა ბრაულომ. — არაკუნეს რამდენიმე ბიჭი ჰყავს შეკრებრილი, მეათური ის არის. სწორედ ისინი გაგვაგებინებენ უერთას ბანდის გამოჩენას.

ბრაულოს ნათქვამი ისე მოეწონა. იერონიმოს, დასახიჩრებულ სახეზე ღიმილმა გადაურბინა. პაკოც კმაყოფილი ჩანდა, რადგან თვითონ ამდენი ვერ მოეფიქრებინა.

— ახლავე წავიდე? — იკითხა ბრაულომ.

— ცოტა მოიცა, სხვა ამბებზეც უნდა მოვილაპარაკოთ, — მიუგო პაკომ.

ახლა იმაზე დაიწყეს მსჯელობა, სად გადაეტანათ სიმინდის მარაგი, რადგან ბოლო წუთებში ამას ველარ მოასწრებდნენ. იერონიმოს წინადადება იყო, თიხიან ხევში შეენახათ.

— არა, — თქვა პაკამ. — იქ ორიოდ დღის მარაგი თუ შეინახება. დანარჩენი სჯობს, მთაში წავიღოთ, ინდიელთა ცი-

ხე-სიმაგრეში. იქ ჯერ კიდევ ჩვენი წინაპრები იმალებოდნენ, ესპანელებმა რომ შემოგვიტყეს.

ამ საუბარს რომ ისმენდა, ტრინი მოუსვენრად იყო. ძალიან უნდოდა ბრაულის წაყოლოდა ტეპოტლამი. არაკუნეს ნახვაც აინტერესებდა. ბოლოს ვეღარ მოითმინა და ბრაულის ხელით ნიშნება დაუწყო. ბრაულიომ უცბად ვერ გაიგო, რას ანიშნებდა. მერე მეგობრულად გაუღიმა, თავი დაუქნია და დაამშვიდა, — ნუ გეშინია, ჩემი იმედი გქონდესო.

ბრაულიომ დრო რომ იხელთა, ტრინის წასჩურჩულა:

— გათენებისას წაველთ, მთვარე რომ შეიმალლებს, შენც ადექი და წამომყევი, ნურავის ნურათერს ეტყვი, მერე კი ვთქვათ, თქვენ ასე არ გვითხარით-თქო!

სტუმრად ტეპოტლელი ასალგაზრდების რაზმთან

არაკუნეს ბიჭების ჯგუფი ერთი საიდუმლო რაზმი იყო. ასეთ რაზმებს კარგად იცნობენ მამაკაცები, ქალებს კი, ალბათ, ზოგიერთი რამ თუ გაუგიათ მათზე. შეკრების ადგილებისაკენ ბიჭები სხვადასხვა გზით მიდიოდნენ. ყველაზე საიდუმლო საიდუმლო შესაკრები თიხის გამოქვაბული იყო, სადაც ზოგიერთი წმინდა საგნებიც ინახებოდა, მაგალითად, ატლი-ატლი. ასე ეძახიან ისინი სასროლ მშვილდს. ამ მშვილდს ინდიელები ცეცხლმსროლელი იარაღის შემოღებამდე ხმარობდნენ და ახლაც იმითი ნადირობენ ფრინველებზე. ბიჭები აქვე ჭამდნენ ბატონის ყანაში მოტეხილ ტაროებს. ტეპოტლელი მამაკაცები თავიანთ ბავშვებს ასეთ გართობას იმიტომ არ უშლიდნენ, რომ ბავშვობაში თვითონაც აყალიბებდნენ ამგვარ საიდუმლო რაზმებს და ახლა სიამოვნებით იგონებდნენ ბავშვობის უზრუნველ დღეებს. რაზმეულების კავშირი მათ უკვე ტრადიციულ ამბად მიაჩნდათ. ასეთი კავშირები ძველი დროის მემკვიდრეობას, სოფლის თემის გამოსახულებას წარმოადგენდა. რამდენჯერ აღდგომია წინ თემი მემამულეთა და კათოლიკური ეკლესიის ბატონობას!

არაკუნე ინდიელს არც კი ჰგავდა. საოცრად მაღალი ბიჭი

იყო. ხმა თანდათან უბოხდებოდა. უკვე რამდენიმე წელი იყო, მინდორში მუშაობდა.

როცა კაქტუსის ღობის გადაღმა ბრაულიოს მოკრა თვალი, არაკუნეს ძალიან გაუკვირდა, რადგან ისა და მამამისი სოფლიდან მოულოდნელად სადღაც გადაიქარგნენ. ბრაულიომ ანიშნა, არაკუნე მიუხვდა და ამხანაგების ჩუმად მისკენ გაემართა.

ბრაულიო კაქტუსის ღობეში გაძვრა და მიტოვებულ ქოხში შევიდა. როგორ გაუკვირდა არაკუნეს, იქ რომ მეორე ბიჭიც დაუხვდა.

— ეს სან ბარტოლდოელი ფეხმარდი ბიჭია, — უთხრა ბრაულიომ არაკუნეს.

არაკუნე ძალიან გაახარა სახელგანთქმული ტრინის გაცნობამ და გაიცინა, მაგრამ ტრინის ხელი არ გაუწოდა, რადგან ასეთი გულჩვილობის გამომეღვენება ნამდვილი ბიჭისათვის სირცხვილად ითვლებოდა.

— საიდუმლო დავალება გვაქვს, — თქვა ბრაულიომ. — ეს თქვენს რაზმს უნდა ვუთხრათ.

ნახევარი საათის შემდეგ სოფლიდან რამდენიმე ბიჭი გამოვიდა და სხვადასხვა მიმართულებით გაეშურა. ბრაულიომ ტრინი რამდენიმე ღობეში გააძვრინა და ლარში დარგულ ჩხვლეტია აგავებით მოფენილ ვრცელ მინდორზე გავიდნენ. კლდოვან ბორცვს რომ მიაღწიეს, გვერდით შემოუარეს და მწვანე ბუჩქნარში შეძვრნენ. აი თიხის გამოქვაბულიც, აქ უკვე რამდენიმე ბიჭი დაუხვდათ. ყველანი ცნობისმოყვარეობით შესცქეროდნენ ტრინის.

როგორც კი მთელმა რაზმმა თავი მოიყარა, არაკუნემ დაიწყო:

— ეს ბიჭები სან ბარტოლდოდან მოვიდნენ და ისეთი ამბავი მოგვიტანეს, რაც სხვებს არ შეიძლება ვუთხრათ, დაიწყე, ბრაულიო!

ბრაულიო ბალახის ღერს ძიძგნიდა, არ იცოდა, როგორ დაეწყო.

— გაგონილი გექნებათ, ბატონების არმია გვიახლოვდება, — დაიწყო მან ბოლოს. ბიჭებმა თანხმობის ნიშნად თავი დაუქნიეს. — ჯარისკაცები გამოჩნდებიან თუ არა, სან ბარტოლდოელ გლეხებს გადაწყვეტილი აქვთ სოფელი მიატოვონ.

ხოლო იმათი მოახლოება რომ დროზე შეიტყონ, ჩვენ დაგვა-
ვალეს, — ბრაულიომ ტრინიზე მიუთითა, — აქაურობა დაე-
წვეროთ. ამ საქმეში კი თქვენი დახმარება გეჭირდება.

ბრაულიომ შენიშნა, რა ღიდი შთაბეჭდილება მოახდინა
ბიჭებზე მისმა სიტყვებმა, რომ უცხო სოფელი მათ რაზმს
დახმარებას სთხოვდა.

— რაში დაგეხმაროთ? — იკითხა არაკუნემ.

— ჯარისკაცების მოახლოება უნდა შეგვატყობინოთ, —
აუხსნა ბრაულიომ.

— სად ცხოვრობთ? — ისევ იკითხა არაკუნემ.

— ერთ ან ორ ბიჭს გზას ვასწავლით, რომ ღამეც მოგვაგ-
ნოთ.

— მინდორში გამავალი ბილიკიც უნდა გვიჩვენოთ, — თქვა
ჩხირივით გამხდარმა ბიჭმა. — თუ ჯარისკაცები გზაზე გავიღ-
ნენ, სხვა ბილიკებიც უნდა ვიცოდეთ, რომ მათ ვერ შეგვაში-
ნონ.

— ჰოდა, შენ წაყუვი და გზასაც ვასწავლიან, — თქვა არა-
კუნემ.

— მერე ჩვენებს რა ვუთხრა, სად მივდივარო? — იკითხა
გამხდარმა ბიჭმა.

— ეს მართლაც რომ ძნელი მოსათქვამი იყო.

— უფროსების გარეშე ვერას გავხდებით, — ცოტა ხნის
ღუმულის შემდეგ თქვა ერთმა.

— ყველას ვუთხრათ ჩვენი ამბავი? — იკითხა მეორემ და
უარის ნიშნად თავი გადააქნია, — ყველა ჯშობელს ვერ ვენ-
დობით, ზოგი ბატონებს ელაქუცება.

— მამაშენს რომ ვუთხრათ, არაკუნე? — იკითხა კნაჭამ. —
მამაშენს სოფელში პატრისა სცემენ. იმას გავენდოთ და და-
გვეხმარება. როგორ გგონია, აქ არ მოვიდოდა?

— რა ვიცი, ვსინჯოთ.

ეს აზრი ყველას მოეწონა და არაკუნე გაიქცა, რომ რაიმე
საბაბით მამა აქ მოეყვანა.

ამასობაში ტრინისთან ორი ბიჭი მისულიყო.

— შენ ვინა ხარ?

— ტრინი.

— ფეხმარდი? — წამოიძახა ერთ-ერთმა.

— ჰო, ფეხმარდი, — ტრინის მაგივრად მიუგო ბრაულიომი-
იგი ამაყობდა თავისი ახალი მეგობრით.

— ის ბატონი მართლა ეგრე მსუქანი იყო? — დაინტერეს-
და ერთი რაზმელი.

ზოგიერთები ამ დროს გაცხარებით დაობდნენ, როგორ მო-
ვიქცეთ, ჭარისკაცების მოსვლა რომ დროულად გავიგოთო.

— ეს შეიძლება სხვა სოფელმა ბიჭებმა გვითხრან, —
თქვა გამხდარმა. — ჩვენც ამათსავით მოვიქცეთ, ყოველ სო-
ფელში ორ-ორი კაცი გავგზავნოთ და იქაურ ბიჭებს დახმარე-
ბა ვთხოვოთ.



არაკუნეს მამას, ბენიამინს გამოქვაბულში სოფლის რჩეუ-
ლი ბიჭების დახვედრა ძალიან გაუკვირდა. სიცილი საერთოდ
უყვარდა და ახლაც ძალიან სასაცილოდ მოეჩვენა, რომ სწო-
რედ ბავშვებმა გადაწყვიტეს სოფლის დაცვა. მერე სერიოზუ-
ლი სახე მიიღო, ჩალის ქუდი მოიხადა, კეფა მოაფხანა, ქუდი-
ისევ თავზე დაიდო და იქვე ფეხი მოიბრუნა. ბიჭები მის საქ-
ციელზე მიხედნენ, რომ ბენიამინი მათ მოსმენის ღირსად-
თვლიდა.

კნაჭამ დაიწყო, ახლო-მახლო სოფლებში შიკრიკები გავ-
გზავნოთო. ბენიამინი მეტად გააოცა ბიჭების საზრციანობამ, პა-
ტარები სწორედ იმას აკეთებდნენ, რაც უფროსებს უნდა
მოეფიქრებინათ და გაეკეთებინათ. რაც უფრო მეტ ხანს იჯდა
აქ და უსმენდა ბიჭებს, მით უფრო რწმუნდებოდა, რომ შიკ-
რიკები მათაც, უფროსებსაც უნდა გაეგზავნათ. ეს, რაღა თქმა-
უნდა, რამდენიმე სანდო კაცს უნდა სცოდნოდა. ამ მიზნით ბი-
ჭებიც შეათვალეირა, ვაითუ მათ შორისაც ყველა სანდო არ-
იყოსო. არა, ბიჭებს ყველას სერიოზული და პატიოსანი გამო-
მეტყველება ჰქონდა. მერე თავისი ბავშვები გაახსენდა. დიახ,
აქ მყოფი ყველა ბიჭი სანდო იყო.

— მამაშენს მოველაპარაკები, — უთხრა ბენიამინმა კნა-
ჭას, — რომ სან ბარტოლოში შენ გავგზავნოს. მაგრამ დე-
დაშენს რა უთხრას?

— ძია, — წამოიძახა ტრინიმ, — ბოსტნეული ან ხილი არ



გინდათ? ჩვენ ბევრი გვაქვს, თქვენ კი არ გაგაჩნიათ. წამოვიდეს და გამოვატანთ.

აი, ასე წამოიყვანეს ტრინიმ და ბრაულიომ სან ბარტოლოში ორი ბიჭიც. რამდენიმე დღეში სოფლებს შორის ნამდვილი საფოსტო კავშირი დამყარდა.

უცნაური ბატონი მარიო

უერთას არმიამ რაც სოფლები გადაიარა, ცეცხლის აღშო გაახვია. მრავალ ადგილას პარტიზანული რაზმები ბატონებსა და მათ ყაჩაღურ ბრბოს ებრძოდნენ. ერთი სამხრეთში მოქმედებდა და ხელმძღვანელობდა — ემილიანო საპატა, მეორე კი ჩრდილოეთში — პანჩო ვილას მეთაურობია. რაზმები სწრაფად იზრდებოდნენ, რადგან გენერალ უერთას მიერ შევიწროებული ინდიელები უერთდებოდნენ.

ერთი ხანობა უერთა თითქოს ტეპოტლასა და სან ბარტოლდოს მიმართულებით მოდიოდა. მერე სხვა მხარეს გაუხვია. გადიოდა თვეები, უერთას ჯარი თანდათან შორს იხევდა.

პრეზიდენტმა მადერომ შეიტყო, რა მხეცობაც ჩაედინა მის არმიას. რამდენჯერმე სცადა ამ უმსგავსობისათვის ბოლო მოელო, მაგრამ აბა რას გააწყობდა, სანამ თავის საკუთარ ხალხს ებრძოლა და ისიც ასეთი ვერაგი გენერლის მეთაურობით, როგორც უერთა იყო?

გადამწვარი მამულის ნანგრევებთან გაშენებულ ბაღში ამავეი მოვიდა, სპატა და პანჩო ვილა ახლა გლეხთა რაზმებს კი აღარ მეთაურობენ, გლეხების მთელი არმიები ჰყავთო. რიცხობრივად უკვე უერთას არმიას აჭარბებდნენ, თუმცა ცუდად იყვნენ შეიარაღებულნი. ამის გამო მათთან პირდაპირ შეტაკებას ერიდებოდნენ.

პირველ ხანებში პაკო ფიქრობდა, იერონიმოსთან მე და ბრაულიო ერთ ორ დღეს დავრჩებითო. მაგრამ გადიოდა დღეები და იერონიმოს ქოხიდან გამოსვლას ვერ ბედავდა. ერთ საღამოს იერონიმოს გაუმეღავენა თავისი საფიქრალი, რაც კარგა ხანია აწვალებდა:

— რამდენი თვეა შენს მიწაზე ვცხოვრობ, იერონიმო?

— ჩემს მიწაზე? გაქცეულ გრაფს კი სულ სხვანაირად ჰგონია, — სიცილით მიუგო იერონიმომ.

— გრაფი რამდენი ხანია აღარ გამოჩენილა. ამ ბაღს მე შენად ვთვლი. ასლა მე მგონი, შეიძლება ტეპოტლაში დაებრუნდე.

პაკოს ნათქვამი იერონიმომ ისე გაიგო, თითქოს ეკითხებოდა, და ჩაფიქრდა. ფორთოხლის ხის ძირას ისხდნენ. საცეს მთვარე დაჰნათოდა ხეებს და მწიფობაში შესულ ფორთოხლებს მთვარის შუქზე საოცრად ყვითელი ფერი დასდებოდათ.

— პაკო, შენ ხომ მითხარი, ტეპოტლაში ძალიან პატარა მიწის ნაკვეთი მაქვს და ნახევარი წლის სარჩოც ძლივს მომდისო. ჩვენ მიწა ბევრი გვაქვს. ტრინი შენსავით ვერ მომეშველება მიწის დამუშავებაში. უმეგობროდ ტრინიც მოიწყენს.

— შენ გინდა, რომ აქ დავრჩეთ? სიამოვნებით დავრჩებით, ოღონდ შენი ქოხის გვერდით ქოხს ავიშენებ. სოფლებიდან ხშირად მოგდიან სტუმრები და ვერ დავეტევიო.

— კარგი, აიშენე, ჩვენც მოგეხმარებით.

ასე გაჩნდა ამ ადგილას მეორე ქოხი, ერთი წლის შემდეგ 1912 წელს კი — მესამეც.

ერთხელ, გათენებისას, იერონიმოსა და ტრინის თავიანთი ქოხის წინ ფეხის ხმა და ხმადაბალი ლაპარაკი შემოესმათ. ხმაზე ეტყობოდა, ახალგაზრდა უნდა ყოფილიყო. იერონიმომ გარეთ გაიხედა. დილაბნელში თვალი მოჰკრა ორ ბიჭს. რომ დააკვირდა, გვერდით მესამეც შენიშნა. ტრინი იერონიმოს უკან ამოსდგომოდა, მან პირველად მესამე შეამჩნია. ტრინის ძალიან გაუკვირდა: ბიჭები ჩვეულებრივად ორ-ორი მოდიოდნენ ხოლმე, ისიც ამ ბოლო ხანებში დღისით, რადგან საშიშროებამ გაიარა.

— გამარჯობა, იერონიმო, — მიესალმა ერთი. ტრინიმ ხმით იცნო, ეს კნაჭა იყო. — ერთი საკითხავი გვქონდა. ჩვენთან ერთი საოცარი კაცი მოვიდა...

— ვინ? — ჰკითხა იერონიმომ.

— ჩვენც არ ვიცით, ვინ არის, — მიუგო ბიჭმა, — ვილაც ქალაქელია...

— გადასახადის ასაკრეფად ხომ არ მოსულან?

— არა, სულ სხვა ვინმეა. ტუსპანელმა ემილიომ იპოვა.

— იპოვა? — იკითხა პაკომ. ამასობაში ისიც გამოსულიყო თავისი ქოხიდან.

— ჰო, — კვერი დაუკრა ტუსპანელმა ბიჭმა. — გუშინ დილით აგავების ძირში მძინარს წავაწყდით. ქალაქურად ეცვა, მაგრამ ძალიან გათხვრილი ჩანდა. ჩვენებმა სოფელში დამალეს და დაანაყრეს, შიმშილით სული სძვრებოდა. მერე სოფელში მიანიც არ გააჩერეს, არ ენდობოდნენ და იმიტომ.

— აქ ხომ არ გინდათ მოიყვანოთ? — იკითხა პაკომ. — ცუდი კაცი რომ გამოდგეს?

— არა, ცუდი კაცი არა ჩანს, — თქვა ემილიომ. — ტუსპანელ ბიჭებს ეგ ცუდ ადამიანად არ მიგვაჩნია, მაგრამ ახირებული ვინმე კია. ჩვენმა ბიჭებმა მოინდომეს მისი გამასხარავება, მაგრამ მან არც კი შეიმჩნია. არც ინდიელები სძულს. ჩვენმა მშობლებმა არ მოინდომეს მისი სოფელში გაჩერება და ტეპოტლაში წავიყვანეთ. მაგრამ შიგ სოფელში კი არ შევიყვანეთ, სოფლის განაპირას დავმალეთ.

— ჰო, — საუბარში გამხდარი ბიჭი ჩაერია. — ტუსპანელი

ბიჭები მოვიდნენ ჩვენთან, ჩვენ მამა ბენიამინს ვკითხეთ, როგორ მოვექცეულიყავით. ბიჭებო, — გვითხრა მან, — ისეთ საქმეში ნუ ჩაერევით, რაც არ იცით. ამას გარდა, საქმელი ჩვენთვისაც არ გაგვაჩნია და ისეთი კაცი როგორ შევიწინაბოთ, ვინც მუშაობა არ იცისო. რაღა გვექნა?

— ამაღამ ვერაფერს გადავწყვეტო. შინ შემოდით, ბიჭებო, გამოიძინეთ, კარგა ხანია გათენებამდე, — თქვა იერონიმომ, თვითონ კი პაკო გვერდით გაიხმო და რაღაცაზე საუბარი გაუბა..

დილით ბრაულიო და ტრინი რომ წამოდგნენ, ღამე ნასიარულევ, დაღლილ ბიჭებს ისევ ეძინათ. ორივეს ძალიან აინტერესებდა, რა გადაწყვიტეს იერონიმომ და პაკომ. მაგრამ ისინი ჩვეულებისამებრ საქმეს შესდგომოდნენ და ბიჭების გამოღვიძებამდე თავაუღებლად იმუშავეს. ყველამ ერთად ისაუზმა, მერე პაკომ თქვა:

— ბრაულიო და ტრინი, თქვენ აქ დარჩით, ჩვენ კი წავალთ. თუ მანამდე ვერ მოვედით, ხვალ დილას მაინც დავბრუნდებით.

ხელსახოცში ცოტა საქმელი გამოიკრეს და გზას გაუდგნენ. ბრაულიო და ტრინი დიდხანს გასცქეროდნენ. ისინიც სიამოვნებით გაჰყვებოდნენ, მაგრამ რომ არ გაიყოლეს?

მთელ დღეს ბაღჩაში მუშაობდნენ. ჭიდან წყალს ეზიდებოდნენ. რომ დაღამდა, ორივე იერონიმოს ქოხში დაწვა.

დიდი ხანი არ გასულა, ბიჭები ხმაურმა გამოაღვიძა. ერთი ხმამაღლა ლაპარაკობდა ესპანურად. ნაბიჯის ხმაზე მიხვდებოდით, ფეხსაცმელი უნდა სცმოდა. ორი კაცი ფეხშიშველა უნდა ყოფილიყო. ბიჭები კართან მიცოცდნენ და როგორ გაუხარდათ, პაკო და იერონიმო რომ დაინახეს. ვილაც მესამეც ახლდათ. ისიც მათი სიმაღლისა ჩანდა.

— ჩუმად ილაპარაკეთ, — გააფრთხილა პაკომ, — ბიჭებს სძინავთ.

— არა გვძინავს, — თქვა ბრაულიომ და მოულოდნელად ორივე ბიჭი კარებში ჩადგა.

უცხო კაცს ძალიან გაუკვირდა, ეს ბიჭები ასე უცბად საიდან გამოჩნდნენო. ის ქალაქელი იყო და გლეხების ცხოვრება



უცხოდ და უცნაურად ეჩვენებოდა. არ იცოდა, ბიჭებს როგორ მისალმებოდა, ხელი გაუწოდა და უთხრა:

— მე მარიო პუნტე მქვია.

ბიჭებმა გაიცინეს, რადგან ხელის ჩამორთმევა ინდიელებს წესად არა ჰქონდათ.

მალე ყველა დასაძინებლად მიწვა.

ხეირიანად ბიჭებმა მხოლოდ დილას შეათვალიერეს სტუმარი. უფრო უკეთესი წარმოდგენა ჰქონდათ მასზე. შავი კოსტუმი სულ ერთიანად მტვერში ამოსვროდა და დალაქავებოდა. საკმაოდ გაჭუჭყიანებულ თეთრ საყელოზე მომწვანო ჰალსტუხი მოღრეცოდა.

ისაუზმეს, მერე მამაკაცები და ბავშვები მუშაობას შეუდგნენ. მარიო შორიახლო გაჩერებულიყო, ინდიელებს შესცქეროდა და თვალებს უხერხულად ახამხამებდა. მერე ნელი ნაბიჯით იერონიმოსკენ გაემართა. ამ ნაწამები კაცისადმი განსაკუთრებულ სიმპათიას გრძნობდა, მისი ბედი საკუთარ ბედს აგონებდა.

— ბატონო კუეცასო, შეიძლება მეც ვიმუშაო? — ჰკითხა მარიომ.

— მაგ კოსტუმით? — განცვიფრებით შეხედა იერონიმომ.

დარცხენილი მარიო ჭოხისკენ გაემართა. გაიხადა კოსტუმში, ფეხსაცმელები, მოიძრო საყელო და ჰალსტუხი. წინდები თურმე დახეული ჰქონოდა და ისიც გაიძრო. ახლა ჭუჭყიანი ფეხების დანახვამ შეაწუხა, სულ არ უგავდა ინდიელების მზეზე დამწვარ, დაკუნთულ ფეხებს. იჭდა ჭილოფზე და არ იცოდა, რა ექნა. ასე დამცირებულად თავი ჯერ არ უგრძენია.

ჭოხიდან ფრთხილად გამოვიდა და შიშველი ფეხები მიწაზე დაადგა. ეგონა, ვერ გავივლიო, მაგრამ ფეხშიშველი სიარული არც ისე ძნელი ყოფილა და ისევ იერონიმოსაკენ გაემართა.

— ფეხები სად დავიბანო?

— უჩვენე, ტრინი! — გასძახა მარიოს ამგვარი შესახედლობით გაოცებულმა იერონიმომ ტრინის. მან ისევე ცოტა რამ იცოდა ქალაქელთა ცხოვრებაზე, როგორც სტუმარმა გლეხების ყოფაზე.

ტრინიმ მარიოს ასწავლა ჭისკენ მიმავალი გზა. ეს გზა მებატონის გადამწვარ ეზოზე გადიოდა. ჭიდან ხის სათლით კამკამა ცივი წყალი ამოიღო და ჭის კიდეზე დადგა.

— ეს ხომ სასმელი წყალია, — თქვა მარიომ. — ფეხებს ამაში ხომ ვერ დავიბან!

ტრინი გაოცებული შესცქეროდა.

— თქვენ როგორ იბანთ ფეხს? — ჰკითხა მარიომ.

— სულაც არ ვიბანთ, — მიუგო ტრინიმ.

— მაშ ეგეთი სუფთა როგორა გაქვთ?

— მტვერზე ამბობთ? თავისით ცვივა. ზოგჯერ წვიმაც მოდის.

ბატონ მარიოს ისეთი ხარხარი აუტყდა, თვალებზე ცრემლები მოადგა. ტრინი გაოცებული იდგა და ვერ გაეგო, რა აცინებდა ამ უცნაურ ბატონს. გლეხებს ხომ არ დაგვცინისო, გაიფიქრა.

ტრინის ისეთი გაჯავრებული სახე ჰქონდა, მარიომ იფიქრა, ალბათ რამე ვაწყენინეო.

— თქვენც რომ როგორმე ჯადოქრობის წყალობით ქალაქში მოხვდეთ, ბევრ რამეზე ალბათ გაგეცინებოდათ.

— ჯადოქრობის წყალობით? — იკითხა ტრინი. — მერე ჰაერში ფრენა შეიძლება?

მარიო დაეინებით ჩააცქერდა ტრინის: „თურმე როგორ სწამთ ჯადოქრობისა. როგორ ავუხსნა, რომ ჯადოქრობა არ არსებობს?

— იცი, რა, — უთხრა მან ტრინის, — მოდი, შენ ნელ-ნელა წყალი დამისხი, მე კი დავიბან.

სანამ მარიო ფეხებს იბანდა, ტრინი ჯადოქრობაზე ფიქრობდა და ერთი სული ჰქონდა, როდის ჰკითხავდა, ადამიანს როგორ აჯადოვებენო. თავის მხრივ მარიოც იმის ფიქრში იყო, თუ ტრინისათვის როგორ დაემტკიცებინა, რომ ჯადოქრობა არ არსებობდა. თავის მოწოდებად მარიოს ცრუმორწმუნეობასთან ბრძოლა მიაჩნდა.

— ბატონო, — წარმოთქვა ტრინიმ ენის ბორძიკით, — ამბობენ, ბიძაჩემ იერონიმოს გრაფინიას მოჯადოება სურდაო, მაგრამ მე არა მჯერა.

ბატონი მარიო ნელა წამოდგა და ტრინის დააკვირდა. რაღაც მოაგონდა.

— რომელი გრაფინიასი? — იკითხა მან.

— აქაური ბატონის ცოლის, — მიუგო ტრინიმ.

მარიომ ბატონის გადამწვარი კარ-მიღამოს ნანგრევებს თვალი მოავლო.

-- რა ჰქვია ბატონს?

— გრაფი არიოლა!

— სეხისმუნდო არიოლა? — იკითხა გაოცებულმა მარიომ.

— დიახ, სეხისმუნდო. იცნობთ?

— ვიცნობო? ვიცნობ რომელია, ბიჭო! მაშ აქ ბატონობდა ეს არამზადა? შენ რა გქვია, ბიჭიკო?

— ტრინიდად კუევასი, ბატონო.

— ოჰ, მოეშვი ერთი მაგ ბატონს! ძია დამიძახე ან მარიო ანდა როგორც მოგეხასიათოს. მაშ აქ მეზალე იერონიმოც უნდა იყოს?

ტრინიმ დააპირა ეთქვა, ეგ ხომ ჩემი ბიძაო, მაგრამ უცბად შეეშვედა, საიდან იცნობს იერონიმოს? ან მისი ცნობა რად

სკირდება? უცბად ვედროში ჩარჩენილი წყალი დაასხა და თვითონ ბიძისკენ გაიქცა.

მარიო გაქცეულ ბიჭს გასცქეროდა და ვერ გაეგო, რა დაემართა. „კიდევ რაღაც ვაწყენინე. ალბათ ვერასოდეს ვერ ვისწავლი გლეხებთან თავის დაჭერას, მაგრამ სხვაგან სად წავიდღე?“

ნირწამხდარი გამოვიდა ნანგრევებიდან და ჩრდილში დაჯდა. ვერ შეამჩნია, ტრინი იერონიმოს რომ ეჩურჩულებოდა, და თავი მხოლოდ მაშინ ასწია, როცა იერონიმომ ჰკითხა:

— თქვენ იცნობთ გრაფ არიოლას?

— რა თქმე უნდა, მე ხომ მის კანცელარიაში ვმუშაობდი!

ამ ოთხ კაცში არც ერთმა არ იცოდა, კანცელარია რას ნიშნავდა და ამიტომ უფრო მეტი ეჭვის თვალთ დაუწყეს მარიოს ცქერა, მაგრამ, საბედნიეროდ, მარიომ ისევ განაგრძო:

— სწორედ ახლა ვეკითხებოდი ტრინის, აქ სადმე მებაღე იერონიმო ხომ არ ცხოვრობს-მეთქი. გრაფის ზედამხედველმა მითხრა, თურმე მებაღე მთელი ღამე კედელზე ჩამოკიდებული ჰყოლიათ, მერე ცხვირი და ყურები დაუჭრიათ. — უცბად მარიომ თვალეხი დააჭყიტა და იერონიმოს შესცინა:

— ეს ხომ შენა ხარ, ძმაო იერონიმო!

რახან იერონიმომ თავი დაუქნია, მარიო მოეხვია და მხრებზე მეგობრულად ხელი დაუტყაპუნა. იერონიმო ჩუმად იდგა და არ იცოდა, რა ექნა. მას ენახა, ესპანელები ზოგჯერ ერთმანეთს რომ ეხვეოდნენ, მაგრამ ინდიელებში ასეთი რამ მიღებული არ იყო. საერთოდ, ინდიელები ერთმანეთის მიმართ მეგობრულად არიან განწყობილნი, გამოძეღვენებით კი ვერას ამქლავენებენ.

ბატონმა მარიომ იერონიმოს ხელი გაუშვა და ახლალა შეამჩნია, რომ ის მაინცდამაინც დიდად ალერსიანად არ შესცქეროდა. მარიომ თავზე ხელი იტაცა:

— რა მიუხვედრელი ვინმე ვარ, იმის მაგივრად, რომ ვანუშვარტო, რაშია საქმე, ხალხს ვაშინებ. ახლავე ვიტყვი ჟველაფერს. მეც შენსავით მღევნიდა და მაგიწროვებდა გრაფი.

— თუ არ დაგიჯერეთ? — იკითხა პაკომ.

— მაშინ აქედან გამაგდეთ, დამტკიცება კი არაფრით არ

შემიძლია. თქვენს თვალში დიდი ფასი მაინც არა მაქვს, რადგან თქვენსავეთ არც შრომა შემიძლია და, ალბათ, ვერც ვისწავლი, — თქვა და თავი ჩაჰკიდა მარიომ.

ისე სასოწარკვეთილი იდგა საწყალი მარიო, რომ იერონიმოს შეეცოდა.

— ახლა ვიმუშაოთ, ამ საღამოს კი ყველაფერი გვიამბე.

იერონიმომ ეს უფრო დროის მოსაგებად თქვა.

ოთხივე ინდიელი შებრუნდა და მუშაობას შეუდგა. მარიო მარტო დარჩა.

„რა ვქნა, თუ გამაგდებენ, ჩემსავით, ალბათ, ბევრი სხვაც მომკვდარა უპატრონოდ. მაგრამ საქმე ალბათ აქამდე ჯერ არ მისულა. ღამე გამათევინეს, მაჭამეს, მასვეს, არც მუშაობას მძალევენ. კარგი ხალხი ჩანს“. მერე რაღაც გაახსენდა.

ტრინი მცენარეების გადარგვაში იყო, რომ მარიოს ძახილი შემოესმა:

— ბიჭუნა, მეც მასწავლე, როგორ რგავ, და მოგესმარები.

პირველად მარიოს ცოტა გაუჭირდა და ტრინიმ რამდენჯერმე უჩვენა, როგორ უნდოდა მცენარის გადარგვა.

პაკო და იერონიმო შორიდან ადევნებდნენ თვალს. მარიო ხმას არ იღებდა და კვლებში გაცხარებით მუშაობდა. „ბატონები, სულიც რომ ამოსძვრეთ შიმშილით, არ იმუშავებენ! — ფიქრობდნენ ისინი. ამან ცოტათი შეუტყვალა მათ შეხედულება ქალაქელ სტუმარზე და ასლა უფრო ნდობით უცქეროდნენ.

მარიოს ნაამბობი

საღამოხანს მარიოს კვლებში მუშაობა ძალიან გაუჭირდა. წელში რომ გასწორდა, მუხლებისა და წელის ტკივილი იგრძნო. იერონიმომ დაინახა, რომ მარიომ მტკივან წელზე ხელი მოისვა და ღიმილით უთხრა:

— არა უშავს, შეეჩვევი. დღეს კი გეყოფა.

სტუმარს სიხარული მოჰგვარა იერონიმოს მეგობრულმა ტონმა. იოლად გაუტყდებოდა გული რამეზე, მაგრამ ისევე იოლად გამხნევდებოდა ხოლმე. ახლაც იერონიმოს გულთბი-

ლობამ გაანხნევა მარიო. სწორედ ამ თვისებით გამოირჩეოდა იგი გლეხებისაგან და ეს თვითონაც კარგად იგრძნო. ფორთოხლის ძირში მიჯდა და ღრმად ამოიოხრა. მთელ სხეულში დაღლას გრძნობდა. „საიდან დავიწყო ჩემი თავგადასავლის თხრობა? — ფიქრობდა მარიო. — ამათ ისე ვერ მოუყვები, როგორც ქალაქელებს, უბრალოდ და გასაგებად უნდა უამბო“.

ვახშმობისას იერონიმომ შეამჩნია, რომ მარიო ბევრ წყალს სვამდა.

— ჯერ საკმელი ჭამე და მერე დააყოლე წყალი, — უთხრა იერონიმომ. — ბატონისეული ჭის წყალი კარგია, სოფლის წყალს კი არა ჰგავს, მაგრამ ძალიან ცივია, შენ კი გახურებული ხარ.

მარიოს უნდოდა თავი გაემართლებინა და გაცხარებული ლაპარაკს მოჰყვა. მაგრამ მერე ისიც შეამჩნია, რომ ინდიელეები ჭამის დროს არ ლაპარაკობდნენ. როცა ნავახშმევს ქოხის წინ დასხდნენ და ჩამავალ მზეს დაუწყეს ცქერა, მარიოს ხმა მანამდე არ ამოუღია, სანამ პაკომ არ ჰკითხა:

— შენ იმის მოყოლას აპირებდი, გრაფი როგორ გაიცანი?

— ჰო, მაგრამ მანამდე ის უნდა გითხრათ, თვითონ ვინა ვარ. წარმოშობით ჩრდილოეთიდან ვარ, ამერიკისა და მექსიკის საზღვარზე დავიბადე. მამაჩემი საბაჟოზე მსახურობდა და ჩვენ ესპანურად და ინგლისურად ერთნაირად ვლაპარაკობდით. მამა კარგ ფულს შოულობდა, ესე იგი... — მარიო უცბად დაიბნა. ცოტა ხანს იყუჩა და მერე ისევ განაგრძო. — სჯობს, ყველაფერი დაწვრილებით მოგიყვეთ, თუნდაც მწარე იყოს ჩემთვის ამ სიმართლის მოგონება.

ტრინიმ ვერ გაიგო, რატომ უნდა ყოფილიყო მწარე სიმართლის თქმა.

— თქვენ, ალბათ, იცით, — განაგრძო მარიომ, — იქ როგორი წესრიგია. საბაჟოს მოხელეები ისე მცირე ხელფასს იღებენ, რომ ამით ვერც ოჯახს არჩენ და ვერც ისე ჩაიცივამ, როგორც საბაჟოზე ითხოვენ. თუ დაბალი ჩინის კაცი უფროსთან ამაზე საჩივარს იტყოდა, ის უპასუხებდა: „ერთი თქვენცა ყოფილხართ, აი! არ იცით, ფული როგორ იშოვოთ?“ საბაჟოს მოხელეებს პირდაპირ თაღლითობისაკენ უბიძგებდნენ. ამერიკელები მამაჩემს ქრთამს აძლევდნენ, რომ მათი საქონელი

უბაჟოდ გაეტარებინა. შინ არ ამბობდა, რამდენს აძლევდნენ, მაგრამ დედაჩემი მიუხვდა, რომ არასოდეს სიმართლეს არ ეუბნებოდა. როცა ერთხელ ამაზე სიტყვა ჩამოუვლო, მამაჩემმა უხეშად უპასუხა. ამის შემდეგ მამა თანდათან უფრო უხეშად ექცეოდა დედას. ბავშვებს კი დედა ძალიან გვიყვარდა. კარგი ადამიანი იყო დედაჩემი. ხშირად თვითონ არაფერს არ ჭამდა, რომ ჩემი სწავლის ფული გადაეხადა. ჩემი და-ძმანი უფროსები იყვნენ და მშობლებს შორის უსიამოვნების გამო სახლი მიატოვეს. ხანდახან, როცა იცოდნენ, მამა შინ არ იქნებოდა, მაშინ მოგვიანხულებდნენ, თან ცოტაოდენ ფულს ან საჭმელს მოგვიტანდნენ ხოლმე. სხვა დროს კი მე და დედაჩემი მარტონი ვიყავით. ერთ საღამოს დედა საოცრად გულგატეხილი მეჩვენა. მან მითხრა: მარიო, ისეთ სამსახურში ნურასოდეს ნუ ჩადგები, სადაც არამზადა გახდებიო. ეს სიტყვები არასოდეს დამვიწყებია.

მაშინ კი, აბა, რა ვიცოდი, რომ ამის მეტს დედა აღარაფერს აღარ მეტყვოდა. რამდენიმე დღის ძებნის შემდეგ მისი გვამი სასაზღვრო მდინარეში იპოვეს.

მარიო დედის დაკარგვით განცდილ სიმწარეს ახლაც ძლიერ განიცდიდა და დამწუხრებული სდუმდა. ოთხივე მსმენელი ღრმად თანაუგრძნობდა და განძრევას ვერ ბედავდა.

რამდენიმე ხნის ღუმილის შემდეგ მარიომ ისევ განაგრძო:

— ალბათ გაინტერესებთ, მამაჩემს რა დაემართა. ეს მე თვითონაც არ ვიცი. მხოლოდ დედაჩემის დასაფლავების დღეს ვნახე ფხიზელი. შვილები დედის კუბოს მივლევდით. დედა რომ დაეასაფლავეთ, უფროსმა ძმამ მკითხა, ახლა რას აპირებო. მე ვუპასუხე, გზის ფული რომ მქონდეს, მეხიკოში წავიდოდი-მეთქი. და-ძმებმა მაშინვე შემეიგროვეს ფული. მაშინ თვრამეტი წლისა ვიყავი.

რამდენიმე დღე-ღამე მატარებლით ვიმგზავრე. მგზავრობაში ერთი სასიამოვნო შესახედაობის ბატონი გავიცანი. მეხიკოში რომ ჩავედით, მან ერთ კაფეში წამიყვანა. ამ კაფეში თურმე ლიბერალები იყრიდნენ თავს. მაშინ ეს, აბა, რა ვიცოდი, სიტყვა ლიბერალიც არ გამეგონა. კაფეში მოსამართლეები, ექიმები და მწერლები დამხვდნენ. ყველანი ხმამაღლა ლა-

პარაკობდნენ დიქტატორ პორფირიო დიასისა, მემამულეთა და ეკლესიის წინააღმდეგ.

— დღევანდელი პრეზიდენტი მადეროც ხომ ლიბერალია? — იკითხა იერონიმომ.

— ლიბერალია. ამ კაფეში ისიც მოდიოდა ხოლმე. ყველა აღშფოთებული იყო სახელმწიფოში გაბატონებული მექრთამეობით. ვუსმენდი მათ და მიხაროდა, რადგან სწორედ ეს ბოროტება აღშფოთებდა დედაჩემს. ამ კაფეში გავიგე, რომ გრაფი არიოლა თავის კანცელარიისათვის ისეთ კაცს ეძებდა, ინგლისურად წერილების დაწერა რომ შესძლებოდა. მე უკვე გითხარი, ჩვენ სასაზღვრო ზონაში ვცხოვრობდით, გადახვიდოდით ხიდს და უკვე ჩრდილო ამერიკაში ამოჰყოფდით თავს. რამდენიმე ხანს იქ ვსწავლობდი კიდეც. რახან ინგლისური კარგად ვიცოდი, გრაფმა მაშინვე შემომთავაზა ადგილი.

— რაში სჭირდებოდა გრაფს ინგლისურის მცოდნე? — იკითხა იერონიმომ.

— თქვენ, ალბათ, არ გაგიგიათ, რა საქმეებს ატრიალებდა თქვენი ბატონი, — თქვა მარიომ.

— ჩვენ მხოლოდ ის ვიცით, რომ აქ ინდიელ მოჯამაგირეებს სიცოცხლეს უმწარებდა. ტანჯვა იყო მასთან მუშაობა. არ ვიცით, რას უშვრებოდა აქ მოწეულ იმდენ სიმინდს.

— სპეკულაციას ეწეოდა.

— ეგ რას ნიშნავს? — ჰკითხა პაკომ.

— ასე ადვილად ვერ აგიხსნით, — ჩაფიქრებით თქვა მარიომ. — ჩვენთან სიმინდი იაფია. გრაფს ის სხვაგან გაჰქონდა, ისეთ ქვეყნებში, სადაც ძვირად ფასობდა. ამით ბევრ ფულს შოულობდა და პაჩუკის ოქროს საბადოების აქციებს ყიდულობდა.

— ეს აქციები რაღაა? — ისევ ჰკითხა პაკომ.

— იქ, პაჩუკაში, არის მადაროები, სადაც მუშები ოქროს, ვერცხლს და კიდეც სხვა რაღაცეებს იღებენ, თვითონ კი საშინელ სილატაკეში ცხოვრობენ. ბევრი მუშა ავადმყოფობს, მადაროების მფლობელები კი იქვე არყის სავაჭრო ღუქნებს ხსნიან. ამ ღუქნებში ინდიელი მუშები, თუ კიდეც შერჩათ ჯანი, არყით იწამლავენ. ამ მადაროების მეტი ნაწილი უცხოელებს ეკუთვნით, უმეტესად ინგლისელებს. მის ექსპლოატა-

ციაში გრაფიცი იღებს მონაწილეობას. ეს საქმე მე კარგად ვიცი, რადგან ინგლისელ ბატონებს წერილებს მე ვწერდი, ისიც კარგად ვიცი, რა შემოსავალიცა აქვს გრაფს. ამ მამულში მუშებს კატორღულ სამუშაოში მათხოვრულ ხელფასს აძლევდა, სიმინდს კი ძვირად ჰყიდდა. სწორედ ამით შეიძინა მან ოქროს მალაროების ნაწილი. ხოლო ინდიელები იქ რა შემოსავალს აძლევენ, თქვენ წარმოდგენაც კი არა გაქვთ.

— მაშასადამე, გრაფი მაინცდამაინც ძალიან არ გაღარიბებულა ამ მამულის გადაწვით, არა? — იკითხა დაფიქრებულმა იერონიმომ.

— არიოლა ისე მდიდარია, ეს მამული დღეს მისთვის თითქმის აღარაფერს წარმოადგენს. მაგრამ ერთხელ მაინც სცადა აქედან ღალა მიეღო. თქვენთან მოსამართლე გამოგზავნა. ეს კი აღარ ვიცი, რა ქნა.

ოთხივე მსმენელმა გადაიხარხარა.

— სამაგიეროდ, ჩვენ ვიცი, — თქვა იერონიმომ. — სოფელში ტრინი გავაგზავნე და დავაბარე, ყველანი დაიძალაღნით-მეთქი. სოფელში იმ ზორზობა ბატონს ერთი დედაბრის მეტი არავინ დახვედრია. ისიც ცოტა შერეკილია და მარტო ინდიურად ლაპარაკობს. მერე დედაჩემი ამბროსია შეხვდა, მაგრამ პირველსავე კითხვაზე მან ისე კუშტად უპასუხა, რომ მოსამართლეს ლაპარაკის მადა დაეკარგა.

— რას ამბობ, ასე შეხვედით? — წამოიძახა მარიომ. — უკან დაბრუნებულ მოსამართლეს გრაფმა უთხრა, სოფელში მეორედ მაშინ გაგზავნი, როცა იქ გენერალი უერთა წესრიგს დაამყარებსო.

— ეგ ხვალ გვიამბე, — უთხრა პაკომ. — თორემ ჩვენს ბიჭებს საცაა ჩაეძინებათ.

— არა, არ გვეძინება, — თქვა ბრაულიომ.

მარიო ჭილოფზე რომ მიწვა, გაახსენდა, ამ დილას გაგდეჯბას რომ უპირებდნენ, მაგრამ რახან სთხოვეს, ამბავი ხვალ გააგრძელო, მაშ ეჭვით აღარ უყურებენ.

მეორე დღეს მარიოს მთელი სხეული ტეხდა, მაგრამ ისევ ტრინისტან ერთად მუშაობდა, თუ რამე არ იცოდა, რჩევასაც მას ეკითხებოდა.

ნასადილევს იერონიმო სოფელში წავიდა და რამდენიმე საათის შემდეგ დაბრუნდა.

— მარიო, — დაუძახა მან. — ცოტა ხანს ქოხში შემოდი!

მალე ისევ გამოვიდნენ ქოხიდან და ყველამ ერთად გადაიხარხარა. მარიო გლახად გადაქცეულიყო: თავზე ჩალის ფართო ქუდი ეხურა, ტანზე თეთრი შარვალი და ქურთუკი ეცვა. თავისი თავი კარგად რომ შეათვალიერა, მარიომ იკითხა:

— ახლა ხომ ვგავარ თქვენებურ გლახს?

— ცოტა ფერმკრთალი ხარ, თუმცა მალე ჩვენნაირი ფერი დაგედება. შენი ქალაქური ტანსაცმელი ყველას თვალში ეცემოდა. ახლა გაკვირვებით აღარავინ დაგიწყებს ცქერას.

ამ დღიდან მარიოს ინდიელები თავისიანად თვლიდნენ. სიამოვნებით მოეხვეოდა ყველას, მაგრამ იცოდა, გრძნობების ასეთი გამომქლავნება ინდიელებს არ სჩვეოდათ.

სალამოს მარიომ ისევ განაგრძო:

— წუხელ იმ ადგილას შეეჩერდით. გრაფი არიოლა გენერალ უერთაზე დიდ იმედს ამყარებდა. ჩემთან გრაფი მხოლოდ ინგლისურად ლაპარაკობდა, ეს ენა კი მისმა მსახურებმა არ იცოდნენ, ამიტომ გრაფი თავისუფლად და გულახდილად მელაპარაკებოდა. გენერალ უერთას გრაფი ყოველთვის მექრთამე გაიძვერასა და ყოყლოჩინა ჯალათს ეძახდა. მაგას წესიერი კაცი სალამს არც კი უნდა აძლევდესო, ამბობდა გრაფი, ამიტომ იყო, რომ გამიკვირდა, როცა უერთაზე აზრი შეიცვალა... მაგრამ მანამდე სჯობს უერთას არმიოზე გაამბოთ, ან იქნებ უკვე იცით ეს ამბავი?

— ვინც ჩვენს სოფელში ბატონს ან მის მოურავს არ მოსწონდა, ჯარში უკრეს თავი და აღარც ერთი ცოცხალი აღარ დაბრუნებულა.

— აი, ხომ ხედავთ! არც ის იცით, რატომ არ დაბრუნდნენ. ვთქვათ, ერთი ინდიელი, ვინმე ხოსე მივიდა მოურავთან და იჩივლა, ხელფასში მომატყუესო. რამდენიმე დღის შემდეგ

ხოსეს წაიყვანენ, ზურგსუკან ხელებს გაღუგრებენ, შეუკრავენ და ერთს მაგრად მიასიკვდილებენ, მერე უახლოეს ქალაქში გადააგზავნიან და ყაზარმაში უკრავენ თავს. ასე გახდება ჯარისკაცი. მაგრამ რამდენ წელს უნდა იმსახუროს, ეს მან არ იცის. რა გასამრჯელოს მისცემენ, არც ამას ეუბნებიან, რა სევას, რა ჭამოს, არც ამაზე იწუხებს თავს ვინმე. გამოუტდელობის გამო ყველა დასცინის. შიმშილობს და თავი ყველასაგან მიტოვებულად მიაჩნია, მაგრამ თანდათან შეეჩვევა მდგომარეობას. თუ უნდა ხელფასი მიიღოს, ნახევარი მის გამომწერს უნდა შეპირდეს, ხან იქნებ ნახევარზე მეტიც იყოს საჭირო. ხელფასის გამომწერი, რასაკვირველია, ნაწილს ხაზინადარს აძლევს, ხაზინადარი — მაიორს, მაიორი — პოლკოვნიკს, პოლკოვნიკი — გენერალს. ამ საწყალმა ხოსემ კი რილათი ჭამოს პური? ამას გარდა, ვინ დაუღერღავს სიმინდს, ვინ გამოუცხობს მკადს? ისიც სხვებივით იქცევა: მოჰყავს სოლდადერი, ესე იგი ცოლი. პირველ ხანებში მას მარტო ვერ არჩენს. ამიტომ რამდენიმე ჯარისკაცს ერთი ცოლი მოჰყავს. ქალმა მათთან უნდა იცხოვროს, ყაზარმაში. სოლდადერობაზე ძალიან ღატაკი ქალები თანხმდებიან, ცხოვრების სხვა საშუალება რომ არ გააჩნიათ. ყაზარმა ფართოა და დიდი. იქ ძონძებისაგან პატარა კარავივით რაღაც თავშესაფარს აიგებენ. ორიოდე ჭილოფი, პატარა ღუმელი, ორი-სამი ქოთანი და საცხოვრებელიც მზადაა. რამდენიმე დღის შემდეგ მოდის ფელდფებელი, ახალ კარავს თვალს დაადგამს და ბრძანებს, ახლავე აიღეთ, ყაზარმაში კარვის გაშლა აკრძალულიაო. თუმცა გარშემო ასეთი კარვები მრავლად დგას, მაგრამ რა ქნას ხოსემ? ადვილი გასაგებია: ფული უნდა მისცეს. ფელდფებელიც დათანხმდება — მარტო შენი კარავი დარჩესო. ფელდფებელმა, რაღა თქმა უნდა, ნაწილი კაპიტანს უნდა მისცეს და ასე გენერალმდე. ხოსეს მიცემული ქრთამი აბა რა არის, მაგრამ გენერალს ხოსესნაირი ბევრი ჰყავს და ჯიბეც უსქელდება. ხოსეც ამ სისხლისმსმელებს უკანასკნელ გროშს აძლევს. რითი უნდა იცხოვროს მან და იმის მსგავსებმა? ცოლის გარდა შვილებიც ეყოლება. ზოგიერთები ღამღამობით ქუჩაში ჩუმად მარიჰუნას ჰყიდის. თქვენ იცით, რომ მარიჰუნას გაყიდვა აკრძალულია?

— რატომ არის აკრძალული? — ჰკითხა ბრაულიომ.

— ეჰ, შენ რა იცი, ეგ რა საშიში რამ არის, — თქვა მარი-
ომ. — ვინც მარიჰუანას მოსწევს, დაღლილობას ვერ იგრძ-
ნობს და აღარც ჭამა გაახსენდება. კარგი იქნებოდა, ხალხი მა-
რიჰუანას არ ეჩვეოდეს, რადგან ვინც მას ერთხელ მიეჩვევა,
მორჩა, ველარც გადაეჩვევა. როცა მწვეველს მარიჰუანა შემოე-
ლევა, თავს უბედურად სთვლის და მის საშოვნელად ყოველ
ღონეს ხმარობს, მძიმე დანაშაულზეც კი არ დაიხვეს უკან.
ბევრი ჯარისკაცი არა მხოლოდ ვაჭრობს იმით, ამ საშიშ სა-
წამლავს ეწევა კიდევ. თუ პოლიციელმა წაასწრო, ფული
ახლა მასაც უნდა მისცეს. ასე ეცნობა ჯარისკაცი ხოსე ცხოვ-
რების ავ-კარგს და თუ არ უნდა შიმშილით სული ამოსძვრეს,
ისიც უნდა ჩაებას ცხოვრების ფერხულში. რა თქმა უნდა,
მარიჰუანათი ვაჭრობა ყველას არ შეუძლია. ზოგი ქურდო-
ბას იწყებს ან მიყრუებულ ქუჩებში ძარცვა-გლეჯას ეჩვევა.
სხვები დაქირავებული ჯალათები ხდებიან.

— ეს რაღა არის? — ჰკითხა პაკომ.

— წარმოიდგინე ასეთი რამ, გაზეთის თანამშრომელთაგან
რომელიმე ვინმე მდიდარ კაცზე დაწერა, საშინელი თაღლი-
თიაო. მდიდარი დაიქირავებს რამდენიმე თავზეხელაღებულ
კაცს, ისინი ღამით თავს დაესხმიან გაზეთის თანამშრომელს
და ცემით სიკვდილის პირს მიიყვანენ. ასე ხდება არჩევნების
დროსაც. როცა ერთ ასარჩევ კანდიდატს წინასაარჩევნო სი-
ტყვის თქმა უნდა, მისი მოწინააღმდეგე ღამით ამ ავარებს
მიუგზავნის და ისე აცემინებს, რომ მეორე დღეს ხმას ველარ
ამოიღებს. ზოგი მკვლევებსაც დაიქირავებს. ამჟამად მათ და-
საქირავებლად დიდი ფული როდია საჭირო, რადგან გლეხთა
აჯანყების შემდეგ ბევრი ზედამხედველი, მოურავი და კანცე-
ლარიის მექრთამე მოხელე უმუშევარი დარჩა. გრაფმა არიო-
ლამ ორი ზედამხედველი მსახურად დაიყენა, რადგან მასაც
ბევრი მტერი ჰყავს და არ უნდა ვინმემ ჩააძაღლოს ან მათრა-
ხით აუჭრელოს გვერდები. ყველა დიდ ბატონს ჰყავს ასეთი
პისტოლეროები. მაგრამ გრაფის ორივე პისტოლერო ისეთი
სულელი და მწვირიანი იყო, ბატონმა მალე დაითხოვა. სამა-
გიეროდ, ერთი აიყვანა, მაგრამ ისეთი გაიძვერა, ღმერთმა და-
გიფაროს! რა გგონიათ, ავკაცობას გარეგნულად შეატყობთ?

სულაც არა! ახალგაზრდაა და ყოველთვის კარგად იცვამს, ვინც კი გზად შეხვდება, ყველას პირში უცინის. იარაღსაც ვერ დაუნახავთ. ქამარზე იმოდენა პისტოლეტი როდი ჰკილია, პისტოლერობემა წინათ რომ იცოდნენ. შარვლის ჯიბეში პატარა ამერიკული რევოლვერი უდევს. იცით, რა დაემართათ სან ბარტოლდოელ ზედამხედველებს? ორი გენერალ უერთას არმიაში შევიდა, მესამეს კი ერთხელ ქალაქში შევხვდი და ისე თავხედურად, თან ისე შეშფოთებით შემომხედა, ეჭვი არ მეპარება, წმინდა გზით ვერ შოულობს საარსებო ლუკმაპურს.

მარიო გაჩუმდა და ბნელ ღამეს ჩაფიქრებით გახედა. ტრინის შეეშინდა, ამქვეყნად რა ბევრი ბოროტება ყოფილაო. ასე ეგონა, რამე საფრთხე ელოდა. ბრაულიოს შეხედა. ისიც ტრინით შეშფოთებული ჩანდა:

— ეს ამბავი იმიტომ მოგიყევით, რომ წარმოიდგინოთ, — განაგრძო მარიომ, — რა მდგომარეობა იყო, როცა დიქტატორი ღონ პორფირიო დიასი ჩამოაგდეს. ეს ერთ ღამეში მოხდა. როგორც არჩევნების დროს ჩვეულებრივ ხდება ხოლმე, იმ ღამესაც ქალაქის სხვადასხვა უბანში სროლა ატყდა. მერე ხმა დაირხა, დიქტატორი გაიქცაო. გვიან ღამით მეგობართან მივედი და გახარებული ვოცნებობდით, ახლა კი კარგი დრო დაგვიდგება, მექრთამე გენერლებს გადააყენებენ და ადამიანურად ვიცხოვრებთ-მეთქი. მართლაც, ზოგიერთი რამ ჩვენი მოსაწონი გაკეთდა და მე მეგონა, ჩვენს სახელმწიფოში თანდათან მოისპობოდა ეს სიბინძურე და სიბილწე. ცუდი ვერც მაშინ ვიპარე, როცა გრაფმა თქვა, ჩემს მამულზე მაშინ ვიზრუნებ, გენერალი უერთა წესრიგს რომ დაამყარებსო. მერე გაჩაღდა წერილების მიწერ-მოწერა. ხან მეხიკოში მცხოვრებ ინგლისელ საქმოსნებს წერდა, პაჩუკის ოქროს საბადოების მოზიარეებს, ხან ლონდონში წერდა. ერთ დღეს გრაფს ერთი ინგლისელი ეწვია. გრაფმა იგი მეტისმეტად თავაზიანად მიიღო. მათ მოლაპარაკებას მე არ დავსწრებივარ. მერე სტუმარმა ქალაქ მეხიკოს შემოვლა მოისურვა და მე გავყევი. ვაჩვენე ინდიელთა კაპელა და სამი ეკლესია. ამის შემდეგ ცხენებით ძველ ინდიელთა ტეოტიუაკანის პირამიდები დავათვალიერეთ. ამასობაში გავიგე, ინგლისელი მოლაპარაკებას

აწარმოებდა პრეზიდენტ მადეროსა და გენერალ უერტასთან. ამ დროს გრაფის მამული უკვე დამწვარი იყო და ვიცოდი, პრეზიდენტი გლეხების გამოსვლებისა და მემამულეთა სახლ-კარის გადაწვის გამო ინდიელებზე გაჯავრებული იყო. ამის შემდეგ ისიც გავიგე, მადეროს გენერალი უერტა მთავარსარდლად დაენიშნა, რომ გლეხთა აჯანყება ჩაეხშო. ეს ვერაფრით ვერ გავიგე, რადგან ვიცოდი, უერტა საზიზლარი არამზადა იყო, თავის ჯარისკაცებს ფულებს ართმევდა, მათ კი დანაშაულისაკენ უბიძგებდა. ერთ დღეს გრაფი შინ არ იყო და ამ ინგლისელს რაღაც მოლაპარაკებაზე სასწრაფოდ დასჭირდა თარჯიმანი. ინგლისელს ჩვეუჩქეი ავტომანქანაში და გვემგზავრეთ. მანქანა ერთ დიდ სახლთან გაჩერდა, ჩვენ გადმოვედით და ჯარისკაცმა მდიდრულად მოწყობილ ოთახში შეგვიყვანა. ჩემს თავს ვეკითხები, სად ვართ, აქ ალბათ ვიღაც დიდი ბატონი ცხოვრობს-მეთქი. შევედით თუ არა, გენერალი უერტა გამოგვეგება. საზიზლარ, უხეშ სახეზე ღიმილმა გადაურბინა. გენერალმა ხელი ჩამოგვართვა. ინგლისელს უკვე იცნობდა და პირდაპირ ჰკითხა:

— ჰო, აბა, რა ჰქენით, მოიფიქრეთ? იარაღის შესყიდვისას მე რამდენი დამრჩება?

ლამის სული შემეხუთა, როცა იძულებული გავხდი ინგლისელისათვის მისალმების ნაცვლად ეს სიტყვები მეთარგმნა. მაგრამ ამ ვაებატონ მთავარსარდალს ინგლისელიც კარგად იცნობდა და ნირი არ შესცვლია.

მერე დაიწყო გახურებული ვაჭრობა, და მე გავიგე, თუ რა საშინელი თაღლითობა ხდებოდა.

„ასე ცოტა? — ყვიროდა უერტა. — გადაყრილ იარაღს ვიძენ და ასე ცოტას იმეტებთ? თუ წილს გვარიანად არ მომცემთ, იცოდეთ, მიმღებ კომისიას იარაღს დაუზებრუნებ“.

„კომისიას იარაღის მისაღებად თქვენი პრეზიდენტი, ბატონი მადერო დანიშნავს“, — მიუგო ინგლისელმა.

„მადერო? მაგ კაცმა მთელი არმია ჩამაბარა, თვითონ კი რამდენიმე ჩამოძონძილი პოლიციელი დაიტოვა“.

„მიუხედავად ამისა, იარაღის მიმღებ კომისიას მაინც ის დანიშნავს“, — უთხრა ინგლისელმა.

უერტამ როყოოდ გაიცინა და თქვა:

„ის დანიშნავს? მერე ამ კომისიისათვის ოფიცრებს ვინ შეურჩევს? და ეგეც არ იყოს, თქვენ რა, გჯერათ, რომ პრეზიდენტის მრჩეველებს ეს არ უყვართ?“ — გენერალმა ცერია და საჩვენებელი თითი ერთმანეთს გაუსვა და ამით ანიშნა ფული.

ინგლისელი წელში გასწორდა და ხმას აუწია:

„ბატონო გენერალო, რახან თქვენ ასე დიდ ქრთამს ითხოვთ... — ინგლისელი მე მომიტრიალდა და მითხრა, ახლავე თარგმნე ჩემი ნათქვამი და სიტყვა ქრთამს ხაზი გაუსვიო, მერე ისევ განაგრძო: — რახან თქვენ ასე დიდ ქრთამს ითხოვთ, ეტყობა, გავიწყდებათ, რომ ჩვენს ხელთ არის ბომბი და იგი შეგვიძლია ყოველ წუთს ვისროლოთ“.

„რომელი ბომბი?“ — იკითხა უერთამ.

„გაგცემთ, რომ ინგლისელებისაგან ფულს იღებთ და მისი მოსყიდული აგენტი ხართ“.

უერთამ გადაიხარხარა.

„ბატონო ჩემო, თქვენ ალბათ გგონიათ, ეს ამბავი ინგლისელების ავტორიტეტს ძალიან ასწევს. როგორც გენებოთ. უერთა სიცილით წამოდგა და დაუმატა: ფაქტიური ძალაუფლება მექსიკისა ჩემს ხელთ არის და უფლება მაქვს იარაღი თქვენი კონკურენტებისაგან, გერმანელებისაგან ვიყიდო“.

ინგლისელი იძულებული გახდა დაეთმო და უერთასათვის მოგების დიდი წილი მიეცა. მაგრამ გენერალზე ისე გაბრაზდა, უკან რომ ვბრუნდებოდით, ჩემთანაც თავი ვერ შეიკავა და ხმამაღლა ლანძღა. ახლა გავიგე, გრაფი იარაღის ამ თაღლითურ შესყიდვაში თურმე მთავარ როლს თამაშობდა. ამან ძალიან აღმაშფოთა და ეს ამბავი ჩემს მეგობარს გავუზიარე. ამხანაგმა მითხრა, პრეზიდენტი ჩვენი კაცია და უნდა ვენდოთო. ასე მანუგეშებდა ყველა. მე კი გაჩუმება არ შემეძლო და ყველას ვეუბნებოდი, რახან გენერალი უერთა ტრაბახობს, სახელმწიფო ხელისუფლება მე მეკუთვნისო, და რახან გრაფი არიოლასნაირ ადამიანებთან, მსხვილ მიწათმფლობელებთან, შახტების პატრონებთან და სპეკულანტებთან არის დაკავშირებული, ჩვენი ქვეყნისათვის საშიში კაცი არის-მეთქი.

არავინ მისმენდა. მეც პირში წყალი ჩავიგუბე და ვიცდიდი, რა მოხდებოდა. ერთ საღამოს ჯარისკაცი გამომელაპარა-

კა. მაშინვე შევატყვე, რომ მარიპუნას შემოთავაზება უნდოდა. მარიპუნა არ გამომირთმევია, ჯარისკაცს ფული ისე მივეცი და ვუთხარი:

— ჩემი ძმა ჯარში წაიყვანეს, ძალიან მაინტერესებს, როგორ ცხოვრობენ, ან სამხედრო სამსახურიდან რა გზით დავიხსნა-მეთქი.

ეს, რასაკვირველია, მოვატყუე, მინდოდა გამეგო, როგორ ცხოვრობდნენ. ჩინელთა კაფეში შევედი. ჩვენს მეტი შიგ არავინ იყო. ტკბილი ნამცხვარი მოვატანინე და ჩაის სმას შევუდექით. ჯარისკაცმა მოყოლა დაიწყო. არმიაში ახლა ძალიან ბევრი კანცელარიის მწერალიაო, ჩიოდა იგი. მე გამიკვირდა, მერედა, რა იყო ამაში ასე საშინელი. ჯარისკაცმა ამიხსნა, ისინი და ალკალდები ახალმა მთავრობამ გარეკაო. მაშინ კი მივხვდი, ჩემს საძულველ მექრთამეთა ბანდაზე ლაპარაკობდა. ის კანცელარიის ვირთხები თავის ნებაზე ათამაშებდნენ წერა-კითხვის უცოდინარ ძველ ჯარისკაცებს. „აი, როგორი ხალხი ყოფილა უერთას არმიაში“, — გავიფიქრე მე და სახლში გულდათუთქული დავბრუნდი. მისი ჯარისკაცები კალიბრით მოედებოდნენ სოფლებს, სძარცვავდნენ და ცეცხლს უკიდებდნენ. ყველგან ამაზე ლაპარაკობდნენ.

ჩვენს კაფეში კი ჩემი მეგობარი ლიბერალები კვლავ რევოლუციის მონაპოვარზე ლაპარაკობდნენ. მათ ყბედობაზე გული მერეოდა. მივხვდი, არ უნდოდათ დაენახათ პრეზიდენტ მადეროს უნიათობა, სამოქალაქო ხასიათის რეფორმების გატარებას აპირებდა, მაგრამ ამის ნაცვლად საკუთარ ხალხს ომი დაუწყო. ამან ისე აღმაშფოთა, აღარ ვიცი, როგორღა გავძელი იქ კიდევ რამდენიმე თვეს. შინ ჩავიკეტე და აღარავის ნახვა აღარ მინდოდა, ბევრს ვკითხულობდი, მაგრამ აღარც წიგნები მაკმაყოფილებდა. ბოლო ხანებში შევამჩნიე, გრაფი შემფოთებული დადიოდა. ერთ დღეს პრეზიდენტ მადეროსთან მიიწვიეს. საექვოდ მოუხშირა ინგლისელ ელჩთან და მის დამქაშ ინგლისელებთან სიარულს, თუმცა არ ვიცოდი, რისთვის დადიოდა.

ერთ საღამოს ქუჩაში შევხვდი ჩემს ყოფილ მეგობარს, „ლიბერალთა“ კაფეში დავდიოდით ერთად. იმან შემაჩერა და მკითხა: „რას გუეზნება შენი გრაფი იარაღის თაობაზე ატეხილ სკანდალზე?“

გაოცებული შეეყურებდი: „რა სკანდალი, რის სკანდალი?“ — ვკითხე მე.

მან კუთხეში მიმიყვანა და წამჩურჩულა: „განა არ იცი, იარაღი, გრაფმა და მისმა დამქაშებმა ინგლისიდან რომ შემოიზიდეს, გამოუსადეგარი აღმოჩნდა? ერთხელ მაინც შემოიარე კაფეში, იქ ყველაფერს გაიგებ“.

მეორე დღესვე წავედი კაფეში. ყიჟინით მომესალმნენ და მაშინვე ისა მკითხეს, შენ ხომ გრაფთან მუშაობ, რა იცი მის საქმეებზეო? ახლა კი სიამოვნებით დამიგდებდნენ ყურს.

მე ვუამბე, გენერალი უერთა ინგლისელთა მოსყიდული აგენტია და გამოუსადეგარი იარაღის შესყიდვაში მონაწილეობას იღებდა-მეთქი. „ეს ამბავი დღესვე უნდა გამოვაქვეყნოთ გაზეთში!“ — დაიძახა ერთმა ყურნალისტმა.

შევამჩნიეთ, რომ კაფეში რამდენიმე უცხო ბატონი იჯდა, ისინი ავი თვალით გვიმზერდნენ. ფული უცბად გადაიხადეს და გარეთ გავიდნენ. ვინ იყვნენ, დღესაც არ ვიცი. ყურნალისტი იმავე ღამეს მოჰკლეს. შინისაკენ მიმავალი გზად ერთ ჩემს მეგობარს შეეხვდი. მან მირჩია, ამ საღამოსვე დასტოვე ქალაქი და თავი სადმე შეაფარეო. „მადერო ხომ ჩვენი პრეზიდენტი!“ — ვუთხარი მე. „ჰო, ჩვენია,“ — მოუთმენლად მიპასუხა მან, — „მაგრამ გენერალი უერთა დასაჭერად დაგდევს“.

შინ რომ მივედი, მსახურმა ქალმა მითხრა, ნახევარი საათის წინ გრაფის პისტოლერომ გიკითხაო. წინათ არასოდეს პისტოლეროს ჩემთან საქმე არ ჰქონია. ახლა კი მივხვდი, საჩქაროდ უნდა გავცლოდი აქაურობას. დანარჩენი უკვე იცით. ახლა როგორ მოვიქცე?

— ჯერჯერობით გლეხი ხარ, — სიცილით თქვა იერონიმომ.

— ნამდვილი გლეხი რომ ვიყო, რალა მიშავს! — დანანებით თქვა მარიომ. — ახლა კი ვის რა ვარგო?

მარიომ მასწავლებლობას იწყებს

შემდეგ საღამოს იერონიმომ ჰკითხა მარიოს:

— კიდევ მოგიყვები რამეს?

— აბა, რალა მოგიყვით, მთელი ჩემი თავგადასავალი უკვე იცით.

ყველა ღუმდა. უცბად ტრინიმ მარიოს ერთი შეკითხვა მისცა, ეს კითხვა მას შემდეგ არ ასვენებდა, რაც მოხუცმა მანუელამ ყურები გამოუქცა დალოქრობაზე ლაპარაკით.

— ძია მარიო, მფრინავი დალოქრები თუ არსებობენ?

მარიომ მაშინვე ვერ უპასუხა. როგორ აუხსნას ბიჭს ეს?



— დაფრინავენ თუ არა დალოქრები? შენ ეს მითხარი: დალოქარი როდისმე გინახავს? — ჰკითხა ახლა მარიომ.

მაშინ მარიოს უამბეს წიწაკის ამბავი, იერონიმოს გრაფინიას მოჩადობა რომ უნდოდა ვითომ. მერე თაშფაშა მარიანაზეც ილაპარაკეს და ისიც თქვეს, ბევრს დალოქრად მიაჩნიაო.

— მერე იცით, რამ დახოცა თქვენს სოფელში ამდენი ხალხი? — იკითხა მარიომ.

— სახადმა, — თქვა იერონიმომ.

— სხვადასხვანაირი სახადი არსებობს, — უპასუხა მარიომ და ინდიელებს მოუყვა წყალში მცხოვრებ პაწაწა არსებებზე. აუხსნა, რა იყო მიკროსკოპი და რომ იმ პაწაწა არსებებს მი-

კროსკობით უთვალთვალევენ. ეს ამბები პირველად მოისმინეს ინდიელებმა და მეორე დღესაც სულ მარიოს მონაყოლზე ფიქრობდნენ.

იერონიმომ დედას უამბო მარიოს ამბავი. ამბროსიას ეკვმა გაჰკრა გულში და მისი ნახვა მოინდომა. შეუმჩნევლად მივიდა გრაფისეულ ბაღში და დიდხანს უმზირა მარიოს, ტრინის გვერდით რომ მუშაობდა. ბიჭი უჩვენებდა, როგორ უნდა დაერგო მცენარე. მარიომ ერთ ნერგს ხელი წაავლო და ხან აქეთ შეაბრუნა, ხან იქით, თან, ეტყობოდა, ტრინის რაღაცას უყვებოდა. ბიჭი ყურადღებით უსმენდა.

ამბროსიამ იერონიმო მონახა და დიდხანს ესაუბრა. მერე ორივენი პაკოსთან და მარიოსთან მივიდნენ და საუბარი გაუბეს. ბიჭები შორიდან უმზერდნენ.

მეორე დღეს პაკო და მარიო სადღაც წავიდნენ და დაიბარეს, მალე მოვალთო. ბრაულისა და ტრინის ძალიან აინტერესებდათ გაეგოთ, სად მიდიოდნენ, მაგრამ მიჩვეულები იყვნენ, ზედმეტი შეკითხვები არავისთვის მიეცათ. მეორე დღეს ორივე ბიჭი იერონიმოს გვერდით მოსჭდომოდა და ჩუმად გასცქეროდნენ მიდამოს.

ბოლოს სიჩუმე იერონიმომ დაარღვია:

— ქალაქში არის სკოლები, ჩვენ კი აქ ვერაფერს ვერ ვსწავლობთ. ბატონები რომ გვატყუებენ, ვხვდებით, მაგრამ არც წერა ვიცით და არც წიგნის კითხვა.

— მარიომ ხომ იცის, — თქვა ბრაულიომ. — თუ საჭირო გახდება, ის დაგვეხმარება.

იერონიმომ თავი გადაიქნია.

— არა, წერა-კითხვა ჩვენ თვითონ უნდა ვისწავლოთ. პაკო და მარიო ამის გამო წავიდნენ ქალაქში. მარიომ თქვა: ბიჭებს წერა-კითხვის სწავლა თუ უნდათ, წიგნი და რვეულები უნდა ვიშოვოთო. პაკო ხილს გაყიდის და იმ ფულით საჭირო ნივთებს იყიდის.

იერონიმო გაჩუმდა. ბიჭებიც დუმდნენ, თუმცა ძალიან უხაროდათ, მალე წიგნის კითხვას ვისწავლით და ბევრ საინტერესო რამეს გავიგებთ, რაც აქამდე არ ვიცოდითო.

●

მალე მთელმა სოფელმა გაიგო, რომ მამულის ნანგრევებთან აშენებულ ქოხებში მესამე კაციც ცხოვრობდა. იგი თუმცა ინდიელივით იცვამდა და მუშაობდა, სინამდვილეში ქალაქელი იყო. გლეხებს ყველა ქალაქელი მდიდარი ეგონათ. ბაღში მცხოვრებმა ხუთივე კაცმა მოილაპარაკა. მარიოს იქ ყოფნის მიზეზი არავისთვის გაემხილათ. მარიო პირველად გრაფის სახლ-კარის ნანგრევებთან მოსულმა ოთხმა სოფელელმა ბიჭმა ნახა. მარიო ბრაულიოსა და ტრინის წიგნს აკითხებდა ხმამაღლა. ესპანურად დაწერილს ბიჭები კარგად ვერ იგებდნენ და ზოგიერთი სიტყვის მნიშვნელობას მარიო უხსნიდა.

სოფლელი ბიჭები მოშორებით გაჩერდნენ. ეს რა საიდუმლოებით მოცული წიგნი იყო? მათ ეჭვს ისიც უღრმავებდა, რომ ტრინი რაღაც უცნაურ კილოზე კითხულობდა. აბა რა იცოდნენ, რომ სკოლებში ყველა ბავშვი ასე კითხულობდა წიგნს, მათ ხომ სკოლის ახლო-მახლოც არ გაეცლოთ. გადაწყვიტეს, შეუმჩნევლად ეთვალთვალათ.

ამასობაში ბრაულიომ და ტრინიმ რაღაც სხვა საქმეებს მიჰყვეს ხელი. სკამის წინ, აქამდე დასაჯდომად რომ ხმარობდნენ, ჩაიჩოქეს, ზედ თეთრი ქაღალდი დადეს და შავად მოლაპლაპე რაღაც საგანი დაადეს. ამ საგანში ბრაულიომ მოწითალო ჩხირი ჩაჰყო და ისევ ამოიღო. ასევე მოიქცა ტრინიც. მერე იმ ჩხირებით ქაღალდის კაწვრას მოჰყვენენ, მარიო კი ნელ-ნელა ლაპარაკობდა.

ჩასაფრებულ ბიჭებს იერონიმო წამოადგა თავს.

— რას იმალებით აქ, გეგონებათ ეშმაკს ულოცავენო? შეხედეთ, ბიჭები როგორ სწავლობენ წერას. ისა სჯობია, წერა-კითხვა თქვენც ისწავლოთ.

ბიჭები მოკრძალებით წავიდნენ მარიოსაკენ. მარიომ ბიჭებს შეხედა და უთხრა:

— თქვენც სასწავლად მოხვედით?

— არა, — მორცხვად თქვა ერთმა ბიჭმა. — ისე გამოვიარეთ.

— არაო? სწავლა არ გინდათ? — ჩაეკითხა ისევ მარიო. ბიჭებმა უფრო დაირცხვენეს.

— გვინდა, როგორ არა. მაგრამ შეიძლება აქ წერა-კითხვა ვისწავლოთ? — გაბედა ერთმა.

მარიო იერონიმოს მიუბრუნდა.

— შენ რას იტყვი? შეიძლება მაგათაც ვასწავლოთ?

— მოვიფიქროთ, როგორ აჯობებს, — თქვა იერონიმომ. — ბოლოს მთელი სოფელი რომ მოგვადგეს, ყველა როგორ დაეტევა? სკოლის შენობა არ გვაქვს. მაგიდასაც ვერსად იპოვნი წამლად. დაწოლილებმა უნდა ისწავლონ წერა.

მარიოს გაეცინა. რაც ბრაულიოსა და ტრინის წერა-კითხვის სწავლება დაუწყო, აქ თავს ზედმეტად აღარ გრძნობდა. რომ წარმოიდგინა, როგორ გაწვებოდნენ მის გარშემო ბიჭები, თავი ველარ შეიკავა და გაეცინა.

— ეს, ცოტა არ იყოს, სასაცილო იქნება, — უთხრა იერონიმოს, — მაგრამ წარმოიდგინე, ჩვენი ხალხი სწავლას დაეწაფება! სხვაგვარად თავისუფლებას ვერ მიაღწევს.

იერონიმომ პაკო მოიხმო და აზრი გაუზიარა. სანამ ისინი მსჯელობდნენ, ოთხი ბიჭიც ერთმანეთს გაცხარებით ელაპარაკებოდა. მერე იერონიმოს მიმართეს:

— მერე რა უშავს, მუცელზე გავწევებით და ისე ვწერთ. ჩვენც გვინდა ბრაულიოსა და ტრინისთან ერთად ვისწავლოთ.

— ერთი წიგნი ექვს ბავშვს როგორ გეყოფათ? — თქვა იერონიმომ. — საწერი ქალაქიდან სიკვრივად. ამას კი ფული უნდა.

— ძვირია? — დაინტერესდნენ ბიჭები.

— არა, მაგრამ მამები განა მაგისტვის ფულს მოგცემენ?

— ვკითხავთ, — თქვეს ბიჭებმა.

პაკო აქამდე ჩუმად უსმენდა, ახლა კი თქვა:

— თუკი ბიჭებს სწავლა უნდათ, ჩვენ ხელს როგორ შევუშლით, იერონიმო?

ცოტა ხნის დუმილის შემდეგ მარიომაც დაუმატა:

— იერონიმო, შენ ხომ გინდა, ტრინიმ ისწავლოს, სხვა ბავშვებსაც აქვთ ამის უფლება.

იერონიმომ შეხედა ბიჭების გაბადრულ სახეებს და გაელღიმა:

— კარგით, კარგით! — დაეთანხმა იგი. — მაგრამ, ბავშვებო, იცოდეთ, ამ ამბავს მთელ ქვეყანას ნუ გაავებინებთ. არ დაგავიწყდეთ, ბევრი მტერი გყავს.

იერონიმო სწორი აღმოჩნდა: ბალში გახსნილ „სკოლაზე“ მალე მთელი სოფელი ალაპარაკდა, განსაკუთრებით მამაკაცებმა ატეხეს დავა. თავიდან მოეწონათ, ჩვენი შვილები ისწავლიანო. მერე კი მოულოდნელი ამბავი მოხდა. სოფელში ერთი თბოლი გოგონა ცხოვრობდა, სახელად როზას ეძახდნენ. იგი დიდედასა და პაპასთან იზრდებოდა. დიდედას არ უყვარდა ეს ტანწვრილი გოგონა, თუმცა ძალიან ყოჩაღი ბავშვი კი იყო, რა გინდოდა, რომ ხელიდან არ გამოსვლოდა, მაგრამ ოჯახში ტრიალს პაპასთან ყანაში მუშაობა ერჩივნა. პაპას მუშაობა უჭირდა, განსაკუთრებით სიმინდის თოხნა და მისი მოკრა ეძნელებოდა. ამიტომ როზას ძალიან ემადლიერებოდა და ცდილობდა ცოლი დაემშვიდებინა, როცა იგი როზას ლანძღვას მოჰყვებოდა: ეგ რა გოგოა, ლობიოს სარივით გამხმარია, მინდორში მამაკაცივით შლაპით დადისო.

ერთ დღეს როზა ბალში მივიდა. პირდაპირ მარიოს მიადგა და მკვახელ უთხრა:

— ბატონო, მინდა კითხვა ვისწავლო!

მარიო გააოცა გოგონას ასეთმა მკვახელ ლაპარაკმა.

— ჰო, — შეყოყმანდა მარიო, — კარგი იქნებოდა, ქალებსაც რომ ესწავლათ.

როზამ ასეთი პასუხი უარად ჩასთვალა და ხმაც არ ამოუღია, ისე წავიდა ბალიდან. ამან მარიო კიდევ უფრო გააოცა. „ეს რა უცნაური ბავშვია?“

ერთი საათის შემდეგ ამბროსია და მისი ქმარი მოვიდნენ. ამბროსია პირველად მარიოს უნდობლად უყურებდა, მაგრამ მერე პატივისცემით განიმსჭვალა მისდამი, ისიც შეამჩნია, რომ ტრინი ძალიან შეეჩვია მას. ვახშმობის დრო იყო და ამბროსიას ცხელი მჰადებიც მოეტანა.

ნავახშმევს ამბროსიამ იკითხა, როზას რა დაემართათო. იერონიმომ უპასუხა, რაღაც უცნაურად იქცეოდა და უცბად გაბრუნდაო.

ამბროსიამ თავი უკმაყოფილოდ გადაიქნია.

— რა დაუფიქრებლები ხართ მამაკაცები. ასეთი შეუბუძლავი ჰუჯი რომ მოვა თქვენთან და თავისი გულის საფიქ-

რალს გადაგიშლით, როგორ შეიძლება, ვერე გულგრილად შეხვდეთ? ისე კი თავდაჯერებულები ბრძანდებით, ძლიერები ვართ და ქალებისათვის დახმარების გაწვევაც ყოველთვის შეგვიძლიაო. მეტი უურადლებით უნდა მოექცეთ როზას. იმ ნატანჯი გოგოსთვის ვინმეს რომ დახმარება ეთხოვა, უარს არ იტყოდა. იერონიმო, შენ უფრო გონიერი მეგონე. როზას ხვალ მე მოვიყვან. იმასაც უნდა ასწავლოთ:

იერონიმომ თავი ჩაჰკიდა:

— ღედა, ეს მარიოს უნდა ვკითხოთ. ის არც ბაღში მუშაობას იკლებს, მერე ბავშვებს ასწავლის. ჩვენ კი რითი ვუხდით?

სანამ ამაზე ამბროსია რამეს იტყოდა, გულაჩუყებულმა მარიომ უპასუხა:

— რას ამბობ, იერონიმო?! არაფერი არ მინდა. შენთან ძალიან კარგად ვგრძნობ თავს. წინათ ცუდი ხალხისათვის ვმუშაობდი და ცხოვრებითაც ცუდად ვცხოვრობდი. უძლურების გამო ჯავრს გულში ვიკლავდი. ახლა კი? თქვენ საკუთარ ძმასავით მიმიღეთ. არ მეშინია საკუთარი აზრის გამოთქმისა. აქამდე მხოლოდ ვოცნებობდი, როდისმე უკეთესი საზოგადოება შეიქმნება-მეთქი, ის კი არ ვიცოდი, ეს საზოგადოება თურმე უკვე ყოფილა შექმნილი.

— მონების საზოგადოება, არა? — უკმაყოფილოდ ჩაუერთო ამბროსიამ.

მისმა გაჯავრებულმა კილომ ყველა შეაშფოთა.

— ამბროსია მართალია, — თქვა პირველად პაკომ, — ბერი რამ, რაც მარიოს ჩვენთან მოსწონს, ჩვენც გვიყვარს. მაგრამ, მარიო, შენ ხომ იცი, მე ტეპოტილიდან გამოვიქეცი? მერე რატომ? იმიტომ, რომ ჩვენი გლეხები ბატონის წინაშე მუცელზე ხოხავენ. შენ, ეტყობა, მოგწონს, რომ ასე ვუხრით ქედს. ეშმაკმა დასწყევლოს ასეთი სისუსტე. თუ ასეთ უძლურებას ვუჩვენებთ, ბატონები ათას წელიწადს კიდევ გვასხდებიან კისერზე.

ტრინი შესტყეროდა ჩამავალ მზეზე აწითლებულ პაკოს სახეს, მის მოელვარე შავ თვალებს. ტრინი აღტაცებით შეჰყურებდა მას, მაგრამ მარიოც ეცოდებოდა, ასე რომ უტევდნენ. მარიოსი კარგად ესმოდა ტრინის. ორიოდ კვირაში ეს აღამია-

ნი მთლად შეიცვალა. პატიოსან ხალხში ყოფნამ ძალიან გაამ-
ხიარულა.

დუმილი ამბროსიამ დაარღვია:

— მარო, მაშ ასწავლი როზას? იმას წიგნისა და ქაღალ-
დის ყიდვა არ შეუძლია. დიდება და პაპა ღარიბები ჰყავს. დი-
დედას ისედაც სძულს გოგო.

— გამომიგზავნე, დედა ამბროსია, — თქვა მარიომ.

-- კიდევ ერთი რამ მინდოდა მეთქვა, — განაგრძო ამბრო-
სიამ. — თქვენ, მამაკაცები, რას ფიქრობთ? ბიჭებს ასწავლით
და თქვენ კი გინდათ სულელებად დარჩეთ?

ტრინიმ და იერონიმომ ერთმანეთს გადახედეს. ტრინიმ
თავი დახარა, რომ სიცილი დაეფარა. მაგრამ ამბროსიამ ამას
ევალი შეასწრო და იკითხა:

— თქვენ რა საიდუმლო გაქვთ, მანდ?

იერონიმოს შერცხვა, თვალი მარიოსაკენ გააპარა და ხმა-
დაბლა თქვა:

— სწორი ხარ, დედა, მართლაც საიდუმლო გვექონდა. მა-
რიოსაც ვუმალავდით. ყოველდღე მე და ტრინი საღმე მივიმა-
ლებით ხოლმე და ტრინი ყველაფერს მიხსნის, რასაც მარიო
ასწავლის. პაკო და მისი ვაჟიშვილი ბრაულიოც ასე შვრებიან.

— ერთი ამათ უყურე! ამიტომ იკარგებოდით ხოლმე? —
გადაიხარხარა მარიომ. — ეს რა სისულელე მოგიფიქრებიათ?
ჯანა სწავლა სასირცხვილო საქმეა?!

ამბროსიამ თანხმობის ნიშნად თავი დაიქნია.

— არაფერი სირცხვილი არ არის! მეც სიამოვნებით ვის-
წავლიდი, მაგრამ, აბა, სადა მცალია? ყანიდან მოსულ მშიერ
კაცს საქმელი უნდა დავახვედრო. მაშ ასე, ზვალ როზას მოვი-
ყვან. გინდაც არ მოგეწონოთ, მაინც უნდა დაეხმაროთ.

ანის შემდეგ როზა ყოველდღე დადიოდა სამეცადინოდ. ძა-
ლიან ცდილობდა, მაგრამ კარგად ვერ სწავლობდა. მარიო მას
გაცილებით მეტ დროს ანდომებდა, ვიდრე სხვა მოსწავლეებს.
ბაღში და მინდორში რომ მუშაობდა, მაშინაც იმაზე ფიქრობ-
და, ეს თავის თავში ჩაკეტილი გოგო ასე ძნელად რატომ ითვის-
ებდა. მარიომ შემდეგ გაიგო, შინ რომ დაბრუნდებოდა,
თურმე რა დღეში აგდებდა დიდება. ცემით არ სცემდა, მაგრამ
დაუსრულებლად ლანძღავდა და თათხავდა. როზას თითქოს არ

ესმოდა დიდედან ლანძღვა, დაავლებდა ხელს მამაკაცის ქუდს, ზონარს ნიკაპქვეშ მაგრად შეიკრავდა და პაპასაკენ გაეშურებოდა, ამოუდგებოდა გვერდით და ხმის ამოუღებლად მუშაობდნენ.

ერთ დღეს დიდედამ ჰკითხა შვილიშვილს:

— შენ თვითონ მითხარი, აბა, შენ რა ქალიშვილი უნდა იყო? — მერე გრძელ ქადაგებას მოაყოლებდა, თუ როგორი უნდა იყოს ქალი. მუხლებზე ჩაცუცქული როზა კი სიმიანდს ფშენიდა. დიდედან გახედა, მერე წამოდგა და თქვა:

— ახლავე გიჩვენებ!

— სიტყუასაც მიბრუნებ? — უყვირა მოხუცმა.

როზამ ყური აღარ უგდო, ფართო კალათას დაავლო ხელი და შიგ თავისი დაკონკილი საცვლები და სიმიანდის საჭრელი ჩაავდო.

გაბოროტებული დიდედა თვალს ადევნებდა.

— საით აპირებ?

— შორს აქედან! — თქვა როზამ და წავიდა.

დიდედა ერთხანს გაშტერებული შესცქეროდა მიმავალ შვილიშვილს, მერე აცახცახებული ხმით დაუძახა როზაო, მაგრამ გოგონა აღარ მობრუნებულა.

ნახევარი საათის შემდეგ ის უკვე ბაღში იყო. იერონიმო გაკვირვებით შესცქეროდა გოგოს, კალათით ხელში ამდროს რამ მოიყვანაო.

— შეიძლება აქ დაფრჩე? — იკითხა როზამ. — ვიმუშავებ და საჭმელსაც მოგიმზადებთ.

— მერე თქვენები?

— ისინი ჩემები აღარ არიან, — მტკიცედ განაცხადა გოგონამ.

იერონიმო მიხვდა, უარი აღარ გაუვიდოდა, და თავისი ნივთების დასაწყობი ადგილი მიუჩინა.

სალამოთი როზას პაპა მოვიდა და ეხვეწებოდა, შინ წამოდო, მაგრამ როზა აღარ გაჰყვა.

დავა სოფელში

ამ ამბავმა ისედაც მოთმინებადაკარგული მთელი სოფელი ერთბაშად ააყაყანა. როზას დიდდა მეზობლებში დარბოდა და იერონიმოსა და მის სკოლას წყევლა-კრულვას უგზავნიდა. ახალგაზრდობას ეს ამბავი ჯერ სასაცილოდ არ ეყო, მაგრამ ორი დღის შემდეგ გორაზე მათ კრება მოიწვიეს და იმ ოთხ ბიჭს დაესხნენ თავს, ბაღში რომ სწავლობდნენ.

— ვერა ყოფილხართ კარგი ამხანაგები. რატომ ჩვენც არ გვითხარით? გინდათ ნასწავლი ბატონები გახდეთ, ჩვენ კი ისევ სულელებად დავრჩეთ?

ბიჭები ისე ყვიროდნენ, იქვე ყანაში ერთი გლეხი მუშაობდა, მივიდა მათთან, რა დაგემართათო. ბიჭები გაჩუმდნენ, გლეხი კი ისევ უკან გაბრუნდა. ახლა უფრო ხმადაბლა განაგრძეს დავა.

— აბა, ჩვენ რა გვექნა? — ამბობდა იმ ოთხიდან ერთ-ერთი. — იერონიმომ ასე გვითხრა, მთელ ქვეყანას არ გააგები-ნოთო. წესიერი ადამიანი ბევრს არ ლაქლაქებს.

— კარგი, იერონიმოს მოველაპარაკოთ, — თქვა ერთმა.

— მოველაპარაკოთ, მოველაპარაკოთ, — აყაყანდნენ სხვე-ბიც.

— ჩვენც გვინდა სწავლა.

— ბაღში წავიდეთ!

იქაურობა რომ მიუღრდა, გლეხმა თავი ასწია და დაინახა, რომ ბიჭების გრძელი რიგი ბუჩქებსა და აყვავებულ კაქტუსებში მიიკლავებოდა, ტანთ კუჭკუიანი თეთრი სამოსი ეცვათ და თავზე ჩამოძონძილი ჩალის ქუდები ეხურათ.

— ნეტა რა მოიგონეს ამ ყვინჩილებმა, — ჩაილაპარაკა გლეხმა.



ბიჭები იერონიმოსაკენ რომ გარბოდნენ, ამ დროს სოფელში ქალები ერთი ქოხის წინ შეკრებილიყვნენ და გაცხარებით ლანძღავდნენ მარიოს.

— ბავშვებს გვისულელებს, — ამბობდა ერთი ქალი, — ეგ... მას სიტყვა ექიმბაშმა მარიანამ შეაწყვეტინა:

— ინდიელებმა ჩვენი წინაპრების სიბრძნე არ უნდა დავივიწყოთ. ეგ საიდანღაც მოთრეული მარხო კი ბავშვებს იმას ასწავლის, რასაც ესპანელები სწავლობენ. ბავშვებს უთხრა, ჩვენს სხეულში, — მარიანამ თავის მუცელზე დაიდო ხელი, — პატარ-პატარა ცხოველები ცხოვრობენო. ამიტომ რაღაც ფხენილები უნდა ვყლაპოთ, ის ცხოველები რომ დაიხოცონო. წარმოგიდგენიათ, ხალხმა შხამი უნდა დალიოსო! მე გირჩევთ, არ გაგზავნოთ მასთან ბავშვები.

— ჩემი როზა იმან მოაჯადოვა! — დაიკვნესა როზას დიდდამ. — ვინ იცის, ხალხს როგორ აჯადოვებს! ალბათ, სწორედ ამის გამო გარბიან მასთან ბავშვები. იმის თავდები ვინ იქნება, ბევრ ბავშვს რომ გადაიბირებს, ისინი სადღაც არ გაიტაცოს?

აღელვებული მზარეული პადრე ფელიქსს ბალის ამბებს მოუყვა. ბოლო ხანებში ხუცესი თავისთვის წყნარად იყო. ბატონის გაქცევის შემდეგ მისი სამრევლო ახლო-მახლო ყველაზე მშვიდობიანი გახდა. ამის გარდა, ტრინის მისთვის ყოველდღიურად საუკეთესო ხილი და ქორფა ბოსტნეული მიჰქონდა, რასაც უწინ გრაფის ოჯახი მიირთმევდა. ლუცესმა რამდენჯერმე იფიქრა, აეყვანა ეს ლამაზი და საზრიანი ბიჭი და ესწავლებინა. ამისგან, ალბათ, კარგი მოძღვარი და მკვერ-მეტყველი გამოვაო. ინდიელი მქადაგებლები მექსიკელთა ეკლესიებში აქა-იქ თუ შეგხვდებოდათ. პადრე ფელიქსის სულიერი ძმები ხშირად აუტანელ სისულელეებს ქადაგებდნენ კათედრებიდან. ამიტომ გასაკვირი როდი იყო, რომ წირვა-ლოცვაზე მხოლოდ ქალები დადიოდნენ. მაგრამ ხუცესმა ვერ იქნა და ვერ მოაბა საქმეს თავი. ახლა კი გაიგო, რომ ტრინი თურმე უკვე სწავლობდა, თანაც ვიღაც საეკვო კაცთან. ნეტავი სოციალისტი ხომ არ არის?

ამან მოძღვარი ისე ააღელვა, რომ სიზარმაცეს სძლია, გრძელი, შავი ანაფორის ღილები შეიბნია, რასაც იშვიათად აკეთებდა ხოლმე, ხელში ჯოხი დაიჭირა და მტვრიან ორლობეში გავიდა. გზად რამდენიმე ქალი შემოხვდა. ისინი მორჩილად მიესალმნენ. მამაკაცები ჯერაც მინდორში იყვნენ. ოფლისღვრით მიაღწია ბრტყელთავიან ბორცვს. დაბლა რომ გადაიხედა, ბალების მზარეს კარგა ბლომად ხალხს მოჰკრა

თვალი. მათ ჩალის ქუდები ეხურათ და მისკენ მოეშურებოდნენ. ხუცესმა სოფლის ბიჭები იცნო. წინ მომავალმა ბიჭმა, ეტყობოდა, უცბად შეამჩნია ბორცვზე მომდგარი ხუცესი და გვერდზე გადაუხვია. ამაში პაღრე ფელიქსი ალბათ ცუდს ვერაფერს დაინახავდა, თავისი მზარეულისაგან ასე გაზვიადებულად რომ არ მოესმინა, რა გამხრწნელ მოქმედებას ახდენდა მარიო ბავშვებზე. ბავშვების დანახვამ ეჭვები კიდევ უფრო გაუძლიერა. ბიჭებმა აშკარად აარიდეს თავი მოძღვართან შეხვედრას.

ხუცესი ფელიქსი ისე გაიტაცა ფიქრებმა, რომ აყვავებული ბაღნარი ვერც კი შენიშნა. დაბლა კარგად გამარგლული



ბოსტნეულის კვლები ჩანდა, ლიმონისა და ფორთოხლის მუქ-მწვანე ფოთლებში მრგვალი, ოქროსფერი ნაყოფი ანათებდა. ყველაფერს კაცის მზარუნველი ხელი ეტყობოდა. დიამწვანე ფოთლებიან ლედვის ხეებს ტოტები განზე გაეწიათ, ერთი ქოხის გვერდით კი მანგოს დიდი ხე იდგა. ირგვლივ ნოტიო მიწისა და მცენარეთა სურნელება ტრიალებდა.

ხის ჩრდილიდან ტრინი გამოვიდა და ხუცესს თავაზიანად მიმართა:

— სადამო მშვიდობისა, ბატონო მოძღვარო. თქვენ თვითონ ხომ არ ინებებდით ბოსტნეულის შერჩევას? აი, ეს კოლსასისა სულ ქორთვაა, უმაღაც კი შეიძლება მისი ჭამა. ძალიან გემრიელია. მოგართვათ, გასინჯავთ?

ხუცესი ბავშვის ასეთმა თავაზიანმა მისალმებამ და გამოლაპარაკებამ სულ დააბნია, რადგან გადაწყვეტილი ჰქონდა აქაურებს მკაცრად მოპყრობოდა და მაშინვე ეკითხა, რა აზრისანი იყვნენ ქრისტეს წმინდა საყდარზე.

— გმადლობთ, შვილო ჩემო, — უფრო თავაზიანად უპასუხა ხუცესმა, ვიდრე აპირებდა. — ხილისა და ბოსტნეულისათვის არ მოვსულვარ. — ხუცესი კოლრაბს ათვალეერებდა. ამით ისარგებლა ტრინიმ და თვალი შეასწრო იერონიმოსა და მარიოს. ისინი კედლის უკან მიიმალნენ.

— აქ მცხოვრებ კაცებს მინდოდა მოვლაპარაკებოდი, — თქვა ხუცესმა.

— აქ არავინ არის, — ძალიან თავაზიანად უპასუხა ტრინიმ. ასეთ თავაზიანობას უფრო იმიტომ იჩენდა, რომ სიცილს ძლივს იკავებდა.

— ეს სოფლის ბიჭები სადღა წავიდნენ, აქ არ იყვნენ? — დაეჭვდა ხუცესი.

— მართალია, იყვნენ და კაცებიც სწორედ იმათ გაჰყვნენ.

— სად წავიდნენ?

ამაზე კი ალაღბედზე უპასუხა:

— ჩემს დიდედასთან.

— მაშ მეც იქ წავალ, — გაჯავრდა ხუცესი და ორლობეში გამობრუნდა.

ტრინი შორიახლო მიჰყვა და ბუჩქებში შეუხვია, სადაც ბიჭები იმალებოდნენ. ბიჭები სიცილ-ხარხარით მიეგებნენ და ჰკითხეს, პადრე რისთვის მოსულაო.

— ახლა რა ვქნათ? — იკითხა პაკომ. — ეგ ამბროსიასთან მივა, ჩვენ კი იქ არ დაგხვდებით.

— მე გავიქცევი დიდედასთან, — თქვა ტრინიმ, — როგორც მაშინ, ის ზორზოხა მოსამართლე რომ მოვიდა.

— კარგი, — თქვა იერონიმომ. — იმას დედაჩემი მოუვლის.

— მეც გავყვები, რა? — დაიღრჩა ბრაულიო.

— მეც მინდა, — დაუმატა როზამ.

ყველამ როზას შეხედა.

— შენც წახვალ, გოგო?

— ჰო, კარგით, სამივენი წადით, — დაეთანხმა იერონიმო სიცილით. — ოღონდ ეცადეთ, ხუცესი ამბროსიასაგან სადმე სხვაგან გაგზავნოთ. იმდენი უნდა არბენინოთ, ჩვენთან მეორედ მოსვლის წადა დაეკარგოს. ეგენი ყველანი ბატონების მეგობრები არიან. ხუცესები ბატონების მეკავშირენი არიან და ცდილობენ ჩვენ ჩავვაგონონ, ბატონს დალა აძლიეთო. ყველა სოფელში ასეა. ახლა კი ამბროსიასაკენ მოუსვით! — შეუცაცხანა ბავშვებს იერონიმომ.

ბიჭებს დიდად არ ეპიტნავებოდათ გოგოსთან ერთად სირბილი, მაგრამ როზა ორივეზე ბევრად უფრო დიდი იყო და იმათ არ ჩამორჩენია. ტრინიმ ახლა შეამჩნია, რომ როზა არცთუ ისე მოუხეშავი იყო, როგორც წინათ ეჩვენებოდა. სირბილისაგან სახე შეეფუკლა და ახლა ლამაზი გოგონა გამოჩნდა.

გორაკზე რომ ავიდნენ, დაბლა ორლობეს გააყოლეს თვალი. შავანაფორიანი ხუცესი სოფლისაკენ ნელა მიაბიჯებდა. ამბროსიას ქოხამდე მისვლას კიდევ კარგა ხანი მოუწოდებოდა. ბავშვები სულისმოსათქმელად შედგნენ.

— იცით, რა ვიფიქრე? — თქვა ბრაულიომ. — რა კარგი იქნება, იქაც რომ არავინ დახვდეს და უფრო შორს გაგზავნონ. დაე, სალამომდე ირბინოს!

— მერე ვინ შეხვდება? — იკითხა ტრინიმ. — მე ვერ შევხვდები. სწორედ ახლა ველაპარაკე ბალში.

— ვერც მე, — თქვა როზამ, — კარგად მიცნობს და დიდედასთან წაყვანას მომინდომებს.

— მაშ, მარტო შენ უნდა შეხვდე, ბრაულიო, მაგრამ სად წაიყვან?

— რამეს მოვიფიქრებ, — მიუგო ბრაულიომ.

— რომ გკითხოს, ვინა ხარო, რას ეტყვი? — ჰკითხა როზამ.

— ტრინის პაპის დის შვილიშვილი ვარ-მეთქი.

პაპის დის შვილიშვილზე ბავშვებმა ბევრი იცინეს და სოფლისკენ სირბილით დაეშვნენ. ბრაულიო წინ გარბოდა, შუაში როზა და სულ ბოლოს პატარა ტრინი მირბოდა.

სახეზე აღმურმოდებული და ოფლში გაღვრილი ხუცესი, როგორც იქნა, მიაღება ამბროსიას ქოხს. ფარდულის უკანიდან, ვითომ შემთხვევით, ბრაულიო გამოვიდა.

— კუევასები შინ არიან? — იკითხა ხუცესმა.

— არა, ყველა წასულია.

— სად წავიდნენ?

— აი, იქ, გორაზე ერთი ორმოა. ქეებს აგროვებენ.

— შორსაა ეგ ორმო?

— არა, ბატონო მოძღვარო. თუ გინდათ, გამოგყვებით.

ბრაულიომ ხუცესი ჯერ სოფლის განაპირას გაიყვანა, გზა-ში თავისი თავიც გააცნო, დაწვრილებით უამბო თავიანთი ოჯახის ამბები. უთხრა და-ძმების სახელები, ვინ როდის და რით გარდაიცვალა. ხუცესს მისი ლაქლაქი მალე მობეზრდა. ბრაულიომ მერე გზიდან გადაახვევინა და ოღრო-ჩოღრო ბილიკზე გაიყვანა. ერთხანს ეკალბარდებსა და ქვებში მიდიოდნენ და უკან დაბრუნება მოუხდათ.

ბოლოს პადრე ფელიქსმა იკითხა:

— მალე მივალთ?

— აი, ამ პატარა გორაკის უკანა არის, აქვე...

მაგრამ ეს პატარა გორაკი პატარა სულაც არ აღმოჩნდა. ხუცესი მალ-მალე იხდიდა შლიაპასა და ცხვირსახოცი თფლს იწმენდდა.

ბოლოს, როგორც იქნა, გორაზე ავიდნენ და გარშემო მიიხედ-მოიხედეს. ბრაულიო ისე იქცეოდა, თითქოს გზა დაეზნა. ხან აქეთ გარბოდა, ხან იქით, ვითომ გზას ეძებდა. ხუცესმა მოთმინება დაკარგა. სქელი ტანსაცმელი ეცვა და საშინლად გაოფლიანდა, თან წყურვილი ახრჩობდა. ისე დაიღალა, ფეხზე ძლივს იდგა.

მზე გადაიხარა. ბრაულიომ მშვენივრად იცოდა, როგორ უნდა გასულიყვნენ გზაზე, მაგრამ უნდოდა, ხუცესისათვის გზა-კვალი აეზნია და სულ სხვა მხარეს წაიყვანა. ხუცესი მხოლოდ თავის ფეხებზე იყურებოდა და ვერაფერს მიხვდა.

●

ამბროსია ბაღში გაჯავრებული მოვიდა. გაჯავრების მიზეზი ქმრისთვის არც უთქვამს. ხასინტო გულკეთილი და პრაქტიკულ საქმიანობაში დიახაც მარჯვე კაცი იყო, მაგრამ ასეთ ამბებში...

ამბროსიამ მაშინვე იერონიმო მოძებნა და უთხრა:

— სალაპარაკო მაქვს შენთან.

— ბავშვებიც იყვნენ?

— სწორედ მაგათზე მინდა გელაპარაკოთ.

მანგოს ძირში ჩამოსხდნენ.

— სოფელში თქვენი გულისთვის ერთი დავაა ატეხილი, — დაიწყო ამბროსიამ. — მარიანა და სხვებიც ამტკიცებდნენ, როზა წაიყვანეს და მოაჯადოვესო. მარიოზე ამბობენ, ჩვენს შვილებს რასაც ესპანელები სწავლობენ, იმას ასწავლის, უნდა ისევ ესპანელი ბატონის ხელში ჩაგვეყაროსო. — ამბროსიამ შავი თვალები მიანათა მარიოს, პასუხს ელოდა.

— დედილო ამბროსია, — დაიწყო მარიომ. — არის მეცნიერება, რომელიც ესპანელებმა მხოლოდ იმიტომ შემოიტანეს აქ, რომ ინდიელები მონებად გაეხადათ. ეს მეცნიერება ეკლესიის მეცნიერებაა.

პაკომ თავი დაიქნია და დაუმატა:

— ეკლესია ბრძანებს, დაემორჩილეთ ბატონებს და ქედი მოუხარეთო. ამიტომ გამოვიქეცი ტეპოტლიდან. იქაური გლეხები ისევ ბატონის ყმებად იქცნენ. მარიოც ჩემსავით წინააღმდეგია ეკლესიისა.

— ისინიც სწორედ ამას გაბრალებენ, — თქვა ამბროსიამ. — მათი აზრით, თქვენ ერეტიკოსები ხართ. ავსულებსაც კი გიწოდებენ.

— დედა, შენ ხომ კარგად გვიცნობ, რა ავისულებიცა ვართ, — გულლიად თქვა იერონიმომ.

— საქმეც სწორედ მაგაშია და მეც ამიტომ ვბრაზობ. მარიო, შენ თათქოს გითქვამს, ჩვენს სხეულში პაწაწა მხეცები ცხოვრობენ და ის მხეცები შხამით უნდა მოეწამლოთო. მაშინ ხომ ჩვენც მოვიწამლებით?

— შენთვის, დედილო ამბროსია, ყველაფერი არ უთქვამთ.

— ყველაფერი არ უთქვამთ?

— თვითონ ბავშვებმა მკითხეს, — დაიწყო მარიომ, — მარიანა მართლა ჯადოქარიო? ისიც მკითხეს, მართლა თუ შეუძლია ჩიტად ან მხეცად გადაიქცეს, ან ამას როგორ ახერხებსო. აი, ხომ ხედავ, დედილო ამბროსია, ბავშვები როგორ სერიოზულ შეკითხვებს იძლევიან? ასეთ დროს სერიოზულადაც უნდა უპასუხო. მე ხომ ვიცი, ჟამიანობის დროს მარიანა როგორ მკურნალობდა ავადმყოფებს. ბალახის ღერებს ხარშავდა და ასმევდა, თავს ხელსახოცით შეუკრავდა. მექსიკაში ყველა ექიმბაში ასე აკეთებს. ბავშვებს ვუთხარი, ხელსახოცით თავის შეკვრა ვერაფერს უშველით, რადგან ავადმყოფის სხეულში პაწაწინა არსებანი ცხოვრობენ. ისინი მხოლოდ მიკროსკოპში ჩანს. აი, სწორედ მათ უნდა შევებრძოლოთ-მეთქი.

— ახლა გავიგე, — მიუგო ამბროსიამ, — მაგრამ როგორ უნდა მოვწამლოთ ისინი ჩვენს სხეულში?

მარიო ჩაფიქრდა. ყველა მას მისჩერებოდა. ცოტა ხნის დუმილის შემდეგ მარიომ დაიწყო:

— განა ცხოველებს ყველაფერი სწყენთ, რაც ადამიანს კლავს? აი, მაგალითად, ჩვენ იონჯას ვჭამთ? არა, ძროხა კი იმას რომ ჭამს, ჯიქანი ნოყიერი რძით ევსება. სხვაც ბევრი რამაა, რაც ადამიანს რგებს, ცხოველებს კი ვნებს. თევზი რომ წყლიდან ამოვიყვანოთ, მოკვდება, ადამიანი კი უჰაეროდ ვერ ცოცხლობს. აი, ასე, ჩვენმა ექიმებმა იპოვნეს ისეთი ნივთიერებანი, ადამიანს რომ არაფერს ვნებს, მისი სხეულიდან კი ავადმყოფობას სდევნის.

ამბროსია ყურადღებით მისჩერებოდა მარიოს. მერე ურწმუნოდ თქვა:

— მაშ შენ ექიმების მომხრე ხარ, ჩვენი მკურნალობისა კი არაფერი გჯერა, არა? მე ჯერ ერთი ექიმიც კი არ მინახავს.

— საქმეც სწორედ მაგაშია, — საუბარში მაშინვე ჩაერია იერონიმო. — ნახევარი სოფელი ლოგინად რომ იყო ჩავარდნილი, გრატს ვთხოვე, ექიმი მოიყვანეთ-მეთქი, იმას კი ყურიც არ გაუპარტყუნებია. ესპანელებმა ეკლესია გაგვიხსნეს, ექიმის მოყვანა კი, დროულად რომ გვიშველოს, აზრადაც არ მოსდით. სწორს არ ვამბობ? ჩვენ ჩვენი საკუთარი ექიმები უნდა გვყავდეს, რომ ინდიელებს დაეხმარონ. აი, მაგალითად, ტრი-

ნის რომ მოენდომებინა ექიმი გამხდარიყო, წერა-კითხვის უსწავლელად შესძლებდა ამას? მამასადამე, უნდა ვისწავლოთ, აუცილებლად უნდა ვისწავლოთ.

წარბშეკრული ამბროსია შორს იყურებოდა. ვერ იქნა და ეკვი თავიდან ვერ მოიცილა.

მაშინ პაკომ მტკიცედ თქვა:

— თქვენ იცით, რომ უერთას არმია ჩვენს ქვეყანას აოხრებს. ეს არმია ბატონებს იცავს. ბატონები კი უნდა გავრეკოთ. თუ ასე არ მოვიქცებით, არასოდეს არ გვეღირსება მშვიდობა. რატომ ვცხოვრობ მე აქ, იერონიმოსთან? იმიტომ, რომ ჩემს საკუთარ სოფელში დაბრუნება არ შემიძლია. მარიოს რაღა დარჩენია აქ? თავის ქალაქში ეგეც ვერ დაბრუნდება. — პაკო ცოტა ხანს შედგა და მერე ისევ განაგრძო: — ერთი რამე გამახსენდა. აი, როგორ უნდა მოვუღლოთ მარიოზე სულელურ ლაპარაკს ბოლო. ავდგეთ და ვუთხრათ ხალხს, რამ მოიყვანა მარიო ჩვენთან. ეგეც ხომ ბატონების წინააღმდეგია. ამბროსია, სწორედ ასე უთხარი ხალხს! ჰოდა, თუ მაშინაც რაიმე მარიოს საწინააღმდეგო თქვეს, ადექი და პირში მიახალე, — გეტყობათ, თქვენ ბატონების მომხრე ყოფილხართ თქო.

ამბროსიამ თავი ასწია და მტკიცედ თქვა:

— სწორედ ასე ვეტყვი!



ტრინის დიდება და პაპა სოფელში შებინდებისას დაბრუნდნენ. ეკლესიას რომ მიუახლოვდნენ, ერთი ქალი გამოიქცა მათკენ. იგი ხუცესის მზარეული იყო.

— იერონიმოსთან იყავით?

ამბროსია ჩაფიქრდა, ეს საიდანღა გამოტყვრაო.

— ჰო, ვიყავით.

— მისი უნეტარესობა ისევ იქ არის?

— არა, კარგა ხანია წამოვიდა.

— ოჰ, რა უბედურებაა! — ამოიგმინა მზარეულმა. — ნეტავ, რაიმე ხიფათს ხომ არ გადაეყარა?! წმინდაო მარიამ, რძე გადმომივა! ბატონ ხუცესს ურძეოდ ხომ ვერ დავტოვებ! ნე-

ტავ რა დაემართა? — მზარეული ისევ ფაცხა-ფუცხით შევარდა სახლში.

ამბროსია ქმარს მიუბრუნდა:

— მაგას ხუცესის დაკარგვა ისე არ ჰკლავს, როგორც ადგილის დაკარგვა აწუხებს. არა მჯერა, ახალმა ხუცესმა ეგ ყბელი დედაკაცი ისევ მზარეულად დაიყენოს. მაგრამ ეგ ხუცესი სად დაიკარგა, ნეტავ?



ბრაულიომ ჰადრე ფელიქსს ხელი მიაშველა და ბილიკზე ფრთხილად წაიყვანა. ხუცესს გრძელი ანაფორა რამდენიმე ადგილას გაეხა. ხუცესს იმისი შიში ჰკლავდა, გზა რომ ველარ ვიპოვოთ, რა გვეშველებო. გაეგონა, ამ მზარეუმი მგლები და ვეფხვები იცისო, და ძალიან ეშინოდა, მაგრამ გონს რომ მოიკრებდა, გაახსენდებოდა, შინაური ცხოველებიდან აქ მხოლოდ ბოცვერსა და სვავს თუ შეხვდებოდი. იმას კი ვერ ხვდებოდა, რომ ბრაულიომ მშვენიერად იცოდა გზა და კარგადაც გაიკვლევდა. ცა ვარსკვლავებით იყო მოფენილი, გლეხის ბიჭები კი ვარსკვლავების მიხედვით ჩინებულად იგნებენ გზას.

ბრაულიო უკვე ხედავდა გზის თეთრ ზოლს, რომ ხუცესი ფელიქსი შეჩერდა:

— საით მიგყავარ? იცი, ამჟამად სად ვიმყოფებით?

— კარგად ვიცი, აი, ახლავე გავალთ გზაზე.

— არა მჯერა, — ურწმუნოდ თქვა ხუცესმა, მაგრამ ბრაულიოს მაინც მიჰყვა და ძალიან გაუკვირდა, როცა გზაზე მართლა მალე გავიდნენ. ხუცესს იმედი მოეცა, რძიანი ყავის დაღვევას ახლა აუცილებლად ვეღირსებო. თუკი როდესმე კარგი მეგზური დასჭირდებოდა, უთუოდ ამ ბიჭს წაიყვანდა, მაგრამ სახელი რა ჰქვია? ჰო, ძალიან უცნაური სახელი ჰქვია: ბრაულიო.

სოფლის ახალგაზრდობას სწავლა სურს

ბაღში არსებული სკოლის წინააღმდეგნი მხოლოდ ქალები როდი იყვნენ, მათ ფეხის ხმას რამდენიმე მამაკაციც აჰყვა: წინათ გლეხებმა წერა-კითხვა არ იცოდნენ და არც ახლა გეჰარდებო. ახალგაზრდობას კი სწავლა სეყუროდა.

ერთ დილას მათთან ტეპოტლიდან ოთხი ბიჭი მოვიდა კნაჭას მეთაურობით და მარიოს სთხოვეს, რამდენიმე დღით ჩვენ სოფელში წამოღი და წერა-კითხვა გვასწავლო.

მარიო პაკოს მოელაპარაკა, როგორ მოვიქცეო.

— ფრთხილად იყავი, — უთხრა პაკომ, — მაგ სოფელში ბატონია. ბატონ ტორესს შეუძლია თავისი ზედამხედველები მოვისიოს. მე არ მინდა, ტეპოტლაში რომ წახვიდე.

საუბარში კნაჭა ჩაერია.

— ამაზე ჩვენც ვიფიქრეთ. ჩვენი სოფლის ახლოს მეორე სოფელია, იმ სოფელს ბატონი არა ჰყავს. იქ ახლოს ერთი ღრმა ხევია. ამბობენ, წინათ იქაც სოფელი იყო, მაგრამ ესანელმა ბერებმა დაანგრისო. ამ ხევში მარიოს ქოხს ავუშენებთ. ამ ქოხში ასწავლოს ორივე სოფლის ახალგაზრდობას. იქ კარგი წყალია, საკმელსაც ყოველდღე მივუტანთ.

— რამდენი ბიჭი მოვა? — ჰკითხა მარიომ.

— სულ ცოტა სამოცი, — თქვა კნაჭამ.

— ჩვენ სულ რამდენიმე წიგნი გვაქვს, — სინანულით თქვა მარიომ.

— კარგია, ბავშვებმა რამე ისწავლონ, მაგრამ იმას რაღა აჯობებს, თუ სხვადასხვა სოფლელი ბიჭები ერთად შეიყრებიან, — თქვა იერონიმომ. — წინათ ახლო-მახლო მდებარე სოფლებს არ ვიცნობდით და იქაურები ყაჩაღები გვეგონა. ჩვენ კი უნდა გავერთიანდეთ ბატონების წინააღმდეგ.

— სწორი ხარ, — მიუგო მარიომ, — მაგრამ, როგორ მოვიქცეთ?

უცბად როზამ წამოიძახა:

— იმ ხევში მე წავალ!

— შენა? — ჰკითხა გაოცებულმა იერონიმომ. — მერე რას გააკეთებ?

— ბავშვებს ვასწავლი, რაც მე ვისწავლე. მერე ისევ მა-

რიოსთან მოვბრუნდები. კიდევ ვისწავლი ახალსა და ისევ იმათთან წავალ.

მარიომ გულიანად გაიცინა.

— ყოჩაღ, როზა, კარგი რამ მოიგონე, ჩვენ უფრო უკეთ გავაკეთებთ...

მარიო კნაქას მიუბრუნდა:

— სხვა სოფლის ბიჭებთან ხომ ამხანაგობთ?

— დიან.

— ყოველი სოფლიდან ორ-ორი გონიერი ბიჭის მოყვანა ორი კვირით ხომ არ გაგიჭირდებათ?

— მე მგონი, არა.

— რამდენი მოგროვდება?

— მოგროვებით ბევრი მოგროვდება, მაგრამ თავი რითი გავიტანოთ? ხომ მთელი ბალი გადავქაშეთ.

მარიოს ამაზე არ უფიქრია და იერონიმოსი შერცხვა, იერონიმომ კი გაიცინა და თქვა:

— ბიჭები ერთი კვირით შევეკრიბოთ. ერთი კვირის სამ-ყოფი მჭადები მოიტანონ, მაგრამ მთლად მშრალ საკმელზე რომ არ იყვნენ, ცოტ-ცოტა ბოსტნეულსა და ხილს ჩვენ მივცემთ. ერთი კვირის შემდეგ თავთავიანთ სოფლებში დაბრუნდნენ და ასწავლონ ბავშვებს, რაც თვითონ ისწავლეს. მერე ისევ მოვლენ, მაგრამ ბიჭებს ჩვენთან მუშაობაც მოუწევთ. ქონები უნდა აეუშენოთ, საცაა წვიმები დაიწყება.



ორი დღის შემდეგ ორი სრულიად უცნობი ბიჭი მოვიდა. პაკოს მოკრძალებით ქუდი მოუხადეს და თავები ჩაქინდრეს.

— ქუდებს რად იხდით, — სიცილით უთხრა პაკომ, — ჩვენ ხომ ბატონები არა ვართ? საიდან მოსულხართ?

— ტუსპანიდან.

— ასე შორიდან? ვინ გამოგზავნათ?

— ტეპოტლელმა კნაქამ.

— ბიჭებო, — გასძახა მან ბრაულის, — აბა, სტუმრებს შეხვდით.

ათი წუთიც არ გასულიყო, რომ სტუმრები და როზა, ბრაუ-ლიო და ტრინი სანახევროდ აშენებული ქოხის სახურავისათვის ბამბუკის მოსატანად წავიდნენ. ახალგაზრდები ყველგან ადვილად უგებენ ერთმანეთს.

ორი დღის შემდეგ კიდევ ექვსი ბიჭი მოვიდა.

მარიომ როზას დაუძახა. მოვიდა ერთი უშნო და უგერგილო გოგო. მარიოს ექვიც კი შეეპარა, ეს რას ასწავლისო, მაგრამ რალა ექნა, რახან დაუძახა, უკან ხომ აღარ გააბრუნებდა!

— შენ ხომ გინდოდა, ბავშვებისათვის გესწავლებინა? ჰო-და, აი, იმ ტუსპანელებს შენ ასწავლე, ამ ექვს ახალმოსულს კი მე ჩაუეჭდები.

როზამ თავი დაუქნია და ტუსპანელებთან წავიდა:

საქმეში გართულ მარიოს როზა სულ გადაავიწყდა და რამდენიმე საათის შემდეგლა გაახსენდა.

როზა ისევ ბიჭებს უჯდა და აწერინებდა. მარიომ მათ რვეულებში ჩაიხედა და დაინახა, რომ როზა მათ ისევე ასწავლიდა, როგორც თვითონ ასწავლა.

მარიო ერთხანს გაოცებით უგდებდა როზას ყურს, მერე კი უთხრა:

— კარგი, როზა, ეყოფათ, ერთ დღეში ამდენს ხომ ვერ ისწავლიან! ისე კი კარგად ასწავლი, ყოჩაღ!

როზამ მარიოს შეხედა და ყურებამდე გაწითლდა.

„საწყალი ბავშვი, ალბათ ჯერ არავის შეუქცია!“ — გაიფიქრა მარიომ.

როცა სწავლის მსურველები კიდევ მოემატა, რამდენიმე მოსწავლე მარიომ ბრაულიოს გადასცა. ამ საქმეს ბრაულიოც კარგად გაუძღვა.

ერთ დღეს, მზე უკვე საშუაღღეოს გადასცილებოდა, მარიო კვლებში მომუშავე იერონიმოს გვერდით ჩაცუცქდა და უთხრა:

— დიდი გეგმები მაქვს. ახლა მინდა მასწავლებლებს ვასწავლო, ყველას ასე გავაფრთხილებ: იმ პირობით გასწავლით, თუ მერე ორ კაცს მაინც ასწავლით, ისინი კი თავის მხრივ ორორს. სულ ცოტა ხანში ყველა სოფელში ახალგაზრდა მასწავლებლები გვეყოლებიან!

იერონიმომ არაფერი უპასუხა, რადგან მარიოსთვის ხა-

სიათის წახდენა არ უნდოდა. გაეგო, უერტას არმია მათ პროვინციას უახლოვდებოდა.

სალამოს, ტეპოტლიდან კნაქა მოვიდა. ცოტა ხანს პაკოსა და იერონიმოს ეთათბირა, მერე პაკოსთან ერთად გზას გაუდგა.

ბრაულიო მამას გაეკიდა:

— მეც წამოვალ!

— არა, ბრაულიო!

— საიდუმლოს შენახვა შემიძლია, — უთხრა ბიჭმა.

— ვიცა, შეგიძლია, მაგრამ ახლა ნუ გვაყოვნებ!

ბრაულიო მიხვდა, რალაც მნიშვნელოვანი საკითხი წყდებოდა.

ბაღში დარჩენილი იერონიმო ჩუმად მუშაობდა, თან ყურს უგდებდა, როგორ კითხულობდნენ ბავშვები ხმამაღლა. რასაც ისინი კითხულობდნენ, მას უკვე ბევრჯერ მოესმინა და ზეპირად იცოდა.

ყველა თავისი სამუშაოთი გართულიყო და პადრე ფელიქსის მოსვლა მაშინლა შეამჩნიეს, როცა იგი ბაღს მოადგა.

— სალამო მშვიდობისა, შვილო ჩემო! — მიესალმა ხუცესი იერონიმოს.

— სალამო მშვიდობისა, ბატონო მოძღვარო! — მიუგო იერონიმომ და იმის მაგივრად, რომ ქელი მოეხარა, წელში გასწორდა. მიწიანი ხელები ზურგზე დაილაგა.

ხუცესმა თავი ისე დაიჭირა, თითქოს ვერც კი შეამჩნია, რომ იერონიმომ ქული არ მოუხადა. „აი, სადამდე მივიდნენ!“ — გააფიქრა შეშფოთებულმა ხუცესმა, მაგრამ არ შეიმჩნია:

— ამდენ ბავშვს რატომ მოუყარე აქ თავი?

— ჩემი მეგობრების შვილები არიან, — მიუგო იერონიმომ. არ უნდოდა, სიმართლე ეთქვა ამ გაიძვერა ხუცესისათვის.

— წერა-კითხვას სწავლობენ? — არ ეშვებოდა ხუცესი. — სახელმძღვანელოებად რას იყენებთ?

— განათლების სამინისტროს მიერ რეკომენდებულ სახელმძღვანელოებს, — მიუგო ამ სიტყვებზე მოსულმა მარკომ.

— ხელისუფლებამ ნება დაგართოთ სკოლის გახსნისა? — იკითხა ხუცესმა და მარიოს თვალებში შეაქცერდა.

— ჩვენ რომ მთავრობას დაუწყუოთ ცდა, როდის გახსნის სკოლებს, ეს ბავშვები ვერასოდეს ვერაფერს ეღირსებოან, — ღიმილით მიუგო მარიომ. — რახან თქვენ ამდენ რამეს გეკითხებით, ნუ გვიწყენთ და ჩვენც გვინდა ერთი რამ გაგიბედლოთ: ბატონო მოძღვარო, გეტყობათ, თქვენი თავი მთელი სამრევლოს სულიერ მამად მიგაჩნიათ, მაშ რატომ ერთხელ მაინც არაფერი გააკეთეთ იმისათვის, რომ თქვენი მრევლის



ბავშვებს რამე ესწავლათ? უსწავლელად ხომ ისინი ბატონის მონები არიან.

ბავშვები უფროსებს შემოხვეოდნენ. აინტერესებდათ, რას იტყოდა პაღრე.

— შენს სიტყვებს, შეილო ჩემო, სოციალიზმის სუნი ასდის, — თქვა სახემოდუშულმა ხუცესმა.

— სოციალიზმის სუნი? — გაოცებით იკითხა მარიომ. — ჩვენი პრეზიდენტი ლიბერალია, სოციალიზმთან ლაერთო არაფერი აქვს, მაგრამ ერთხელ მას მოვუხსინე. ის ამბობდა: „მას შემდეგ, რაც ესპანელებმა დაიპყრეს ეს მიწა და კათოლიკური

რელიგია თავს ძალით მოახვეის, ამ ეკლესიას ჩვენი ხალხის გასულელების მეტი არაფერი გაუკეთებია“. ამ სიტყვებზე უფრო მაგარი მე ხომ არაფერი მითქვამს ეკლესიისათვის.

ხუცესი გრძნობდა, რომ ყველას მარიოს მხარე ეჭირა. მასთან დავა უსარგებლო იყო, მაგრამ ურწმუნოთა ამ შეჩვენებული ბუდიდან თავი როგორ დაეღწია?

საუბარში ახლა იერონიმო ჩაერია:

— ბატონო მოძღვარო, თქვენ არა სთქვით, მარიოს სიტყვებს სოციალიზმის სუნი უდისო. თქვენს ქადაგებებში ხშირად ლანძღავთ სოციალიზმს, ბარემ გვითხარით, ეგ სოციალიზმი რაღა არის?

ხუცესმა ფელიქსმა ხელი ისე ასწია, თითქოს კათედრაზე იდგა და დიდად მნიშვნელოვან რაღაცას ამბობდა.

— სოციალიზმის, ამ ცრუ მოძღვრების მიხედვით, თითქოს მთელი მიწა ხალხს ეკუთვნის. მოერიდეთ ფარისევლებს, ჩვენს ქვეყანას რომ შემოესივნენ და შფოთს თესავენ, მათი წყალობით ხალხი აღვირახსნილი გახდა, სადღაა სიყვარული და ნუგობა. მექსიკაში უკვე კაცი კაცს ებრძვის, მამას შვილი უსაფრდება!

ეს ბოლო სიტყვები ბიჭებმა ვერ გაიგეს, რადგან თვითონ თავიანთ მამებთან ძალიან მშვიდობიანად და სიყვარულით ცხოვრობდნენ.

— სწორად გავიგე? — იკითხა იერონიმომ, — ბატონებმა ჩვენს წინაპრებს მიწები წაართვეს. თუ ჩვენს წართმეულს უკანვე მოვითხოვთ, ეს სოციალიზმი იქნება, არა?

— ხელს ნუ ახლებთ სხვის საკუთრებას! — შეჰღაღადა ხუცესმა. — ვინც ხელს მოკიდებს მახვილს, მახვილივე განვმირავს. ვინც ხანძარს ანთებს, თვითონვე დაიწვის შიგ! მე ვხედავ. სატანამ აგირიათ ჭკუა-გონება. ღვთის განგებისა აღარა გესმით! — ამ სიტყვებით ხუცესი იქაურობას ნელი ნაპიჯით გაეცალა.

ამ ამბის შემდეგ მეცადინეობა, რაღა თქმა უნდა, აღარ გაუგრძელებიათ. ახალგაზრდები მარიოს შემოეხვივნენ და კითხვები ზედიზედ დააყარეს. სურდათ გაეგოთ, როგორ მოხდა, რომ მიწის უმეტესი ნაწილი ბატონებს ეკუთვნოდათ.

— დიდი ხანია, რაც ესპანელებმა ინდიელებს მიწა წაართვეს? — იკითხა ერთმა.

— წინათ მართლა მთელი მიწა ჩვენ გვეკუთვნოდა? — სურდა გაეგო მეორეს.

— წამო, ხის ძირში დავსხდეთ, — უთხრა მარიომ. — ყველაფერს მოგიყვებით, როგორც მოხდა.

ლაშის საშხარი ეპისკოპოსის ემბაზთან

პაკო და კნაქა პატარა ნაკადულის გასწვრივ ვიწრო, თიხიან ბილიკზე მიაბიჯებდნენ. ბილიკს ორივე მხარეს ხშირი ბუჩქნარი მიუყვებოდა. ბინდებოდა. ისინი მიაღვნენ პატარა ხიდს — ნაკადულზე გადებულ ხის ორ მორს. გადაიარეს თუ არა ხიდი, გალმა ორი ყმაწვილი გამოეგება.

— გუშავად დგახართ? — იკითხა პაკომ.

— დიახ. კარგა ხანია შეგამჩნიეთ, რომ მოდიოდით.

რამდენიმე ნაბიჯი რომ გადადგეს, ბილიკმა მარჯვნივ მოუხვია. ბუჩქნარის მერე მალალ-მალალი ხეები იწყებოდა. უკან კი ლელიანში ჩაფლული შავად მოლაპლაპე გუბურა მოჩანდა. ამ ადგილს ეპისკოპოსის ემბაზი ერქვა, თუმცა არავინ იცოდა, ვინ შეარქვა და რატომ.

ბიჭები ბალახით დაფარულ გუბურის მარცხენა მხარეს გაუყვნენ. ჭაბუკობაში პაკოს აქ ხშირად უბანავია და კარგად იცოდა, ლერწმიანში პატარა მდელო იყო, სადაც შეყვარებული წყვილები ხვდებოდნენ ხოლმე ერთმანეთს.

ამ ბილიკზე მზიან დღესაც კი ბინდ-ბუნდი იდგა. ახლა ხომ სულ აღარაფერი ჩანდა. მდელოზე რომ გავიდნენ, მათ ბენიამინის ხმა შემოესმათ:

— სალამო მშვიდობისა, პაკო!

პაკო ბენიამინის გვერდით ჩატუცქდა. ახლა სხვა მამაკაცებიც შეამჩნია.

— ალბათ იცი, საპატასაგან კაცი მოგვივიდა! — დაიწყო ბენიამინმა. — სხვადასხვა სოფლებიდან ხალხი უკვე მოვიდა. შენდა გიცდიდით. ახლა კი შეგვიძლია საქმეს შევუდგეთ. ჯერ შენ მოჰყევი, ხუან!

— მეგობრებო, — წამოდგა ტორესის მსახური, — გუშინ

ჩვენს ბატონს ერთი ოფიცერი ეწვია ორი თანმხლებით. მათი საუბრიდან ყველაფერი ვერ გავიგე, მაგრამ ის კი დამამახსოვრდა, რომ რამდენიმე დღეში გენერალ უერთას ჯარი მოგვადგება. ისინი ამას აჯანყებულთა დამსჯელ რაზმებს უწოდებდნენ. აჯანყებულებს კი იმ გლეხებს ეძახიან, ბატონისათვის, ღალის მიცემასზე უარი რომ განაცხადეს. ბატონმა ტორესმა ოფიცერს უთხრა, ასეთი ხალხი ტეპოტლაში არ არისო. ასე იმიტომ უთხრა, რომ ეს ყაჩაღები როგორმე თავიდან მოეშორებინა. ეს ამბავი ჩემი ყურით გავიგონე. ადრე თავის ვაჟიშვილს რომ ელაპარაკებოდა. მაშინ ასე თქვა: ამ ყაჩაღებისა და მძარცველთა ბანდისაგან თავი, რაც შეიძლება, შორს უნდა დავიჭიროთ, დაე, სან ბარტოლოლოში წავიდნენო. ამის გამო მან ოფიცერს უთხრა: გენერალს გადაეცით, ჩვენთან ყველაფერი წესრიგშია. მაგრამ სან-ბარტოლოლოში გლეხები უკვე რამდენიმე წელია მებატონის მიწებს ამუშავებენ და ღალას აღარ იხდიანო. იქ ჯარისკაცებისათვის სასმელ-საჭმელსაც ბლომად იშოვნით. მე ჩემს ზედამხედველს გაგატანთ და ის გზას მიგასწავლითო. ეს რომ გავიგონე, კინაღამ ყვირილი აღმომხდა. წარმოგიდგენიათ ასეთი გაიძვერობა?! — ხუანმა აღშფოთებით ამოიოხრა.

— დაასრულე, ხუან? — ჰკითხა ბენიამინმა.

— არა, ჯერ არა! ბატონი ტორესი ოფიცერს სხვა ამბებ-საც მოუყვა. სან ბარტოლოლოში ბაღებია. იქ ერთი ჩემი გლეხი იმალება, სახელად პაკო. შფოთისთავი და წამქეზებელია და იქ გაიქცა. ამ ბაღებში, საერთოდ, იმისნაირი ხალხია თავშეფარებული. ეს ინდიელთა თავშეყრის ადგილია. ის კი არა, იქ ბევრებს წერა-კითხვასაც კი ასწავლიან და ბატონებისა და ეკლესიის წინააღმდეგ ამხედრებენო. ოფიცერმა ამაზე უპასუხა: მაგნაირ ხალხს ჩვენ მოვუვლითო, და იქაურობას გაშორდა.

პაკომ გაიგონა, როგორ აწრიალდნენ სიბნელეში გლეხები. ერთმა თქვა:

— შენ იქ აღარ დაგედგომება, პაკო.

— ახლა შორიდან მოსულმა გვითხრას, რაც საპატამ და-აბარა, — მშვიდად თქვა ბენიამინმა.

— ძმებო, — დაიწყო წარმოგზავნილმა, — ვხედავ, რო-

გორცაა თქვენი საქმე. ასეთი მდგომარეობაა ჩვენს ქვეყანაში. მერე რატომ? იმიტომ, რომ ინდიელები ძალიან გულკეთილი ხალხი იყო. მხოლოდ იმით დაკმაყოფილდნენ, რომ ყველაზე საზიზღარი ბატონები მოიშორეს თავიდან, ხოლო ვინც ცოტა დაუთმო, იმისთვის ხელი არ უხლიათ. ისევ მორჩილად უხდიან ქუდსა და ღალას აძლევენ. ალბათ გახსოვთ, ემილიანო საპატაც თქვენნაირი გლეხი იყო, ისიც ბატონთან მუშაობდა. თქვენსავით არც მას უვლია სკოლაში, მაგრამ ფიქრი შეეძლო. ამიტომ დამაბარა თქვენთან: ჩვენ, ინდიელები, მხოლოდ მაშინ მოვიპოვებთ თავისუფლებას, როცა ბატონებს ყველანი ერთად დავამარცხებთო. ბატონებს, რაღა თქმა უნდა, იარაღი აქვთ, მაგრამ ისინი ცოტანი არიან, ჩვენ კი ბევრნი ვართ. ამიტომ, თქვენ უნდა აღსდგეთ და ორი რამ მოითხოვოთ: მიწა და თავისუფლება! საპატას წითელ დროშას სწორედ ასეც აწერია: მიწა და თავისუფლება! ეს ნიშნავს, რომ ჩვენ მოვითხოვთ იმ მიწის დაბრუნებას, ბატონებმა რომ წაგვართვეს. მთელი მიწა დავებრუნონ, იმათ აღარაფერი აღარ უნდა დავუტოვოთ, რადგან რაც გააჩნიათ, სულ მიტაცებული აქვთ. მოშორდნენ აქაურობას, ეშმაკსაც წაუღია მაგათი თავი. თავისუფლება. რაღას ნიშნავს? თქვენ ყმები ხართ?

— ჰო, ყმები.

— მაშასადამე, — განაგრძო საპატას გამოგზავნილმა კაცმა, — თუნდაც ყმები იყოთ, ნუ მისცემთ ბატონებს ნურც ერთ მარცვალ სიმინდს, ნურც ერთ მარცვალ ლობიოს, აღარ იმუშაოთ იმათთვის, არც ქუდი მოუხადოთ, ურტყით, სადაც კი შეგხვდეთ! აი, მაშინ მოიპოვებთ თავისუფლებას! მზადა ხართ თუ არა საპატასთან ერთად იბრძოლოთ მიწისა და თავისუფლებისათვის?

ბენიამინმა უპასუხა:

— აქ მე ერთი კაციც არ მეგულება, მიწისა და თავისუფლების მომხრე რომ არ იყოს. მაგრამ, აი, მეგობარო, შენ თვითონ ხედავ, ჩვენი სოფლებისაკენ მძარცველთა არმია მოდის. შეგიძლიათ დაგვეხმაროთ?

— მე საპატამ წინ-წინ გამომგზავნა. თანდათან ახლოვდება და სურს იცოდეს, ჰქონდეს თუ არა თქვენი იმედი. შეგიძლიათ

თუ არა ყველა სოფლიდან გაუგზავნოთ მეგზურები, ვისაც ყოველი ბილიკი ეცოდინება?

ბენიამინმა უბასუხა:

— მეგზურები ჩვენ გვყავს. ყველაზე კარგი მეგზურები სან ბარტოლდოს ბალებშია. ახლა შენ ილაპარაკე, პაკო!

პაკო წამოდგა და დაიწყო:

— თქვენ მოისმინეთ, რომ ყაჩაღების არმიას ჩვენი განადგურება მოუნდომებია. შენ როგორ გგონია, იმათ გამოჩენამდე მოასწრებს საპატა მოსვლას?

— ამაზე არ შემისლია გიპასუხოთ. დღე და ღამ შეუსვენებლად რომ ვირბინო, საპატამდე ხვალ ან ზეგ თუ მივაღწევ.

— მაშ, ვინც ბალებში ეცხოვრობთ, სხვა გზა აღარ დაგვრჩენია, გავიქცეთ. ის ბიჭებიც უნდა გაიქცნენ, ჩვენთან რომ სწავლობენ. რა იქნება, საპატასთან რომ წავიყვანოთ, მეგზურებად გამოდგებიან.

— რატომაც არ უნდა წავიყვანოთ? — თქვა ერთმა.

— ნუ გეშინია, მათ მშობლებს გავაფრთხილებთ, — თქვა მეორემ.

— კარგი, — დაეთანხმა პაკო. — მაგრამ სანამ უკან გავბრუნდები, მინდა ვიცოდე, ბანდა რომ მოახლოვდება, რას იზამენ სხვა სოფლები? მთაში გაიქცევით? იარაღი გაქვთ?

ბალებთან გამოთხოვება

პაკო ღამითვე დაბრუნდა შინ. იერონიმო გააღვიძა. ბავშვების გაღვიძება კი დაენანათ, ამ დღეებში ისედაც დაქანცებიანო.

დილას, ბავშვები ქოხებიდან რომ გამოვიდნენ, იერონიმომ თქვა:

ახლავე ვისაუზმოთ. დღეს განსაკუთრებული დავალება გელით.

ბავშვებს გაეხარდათ და სულ იმის ფიქრში იყვნენ, ნეტა რა უნდა დაგვაგალონო.

— დღეს ზუცესს ვეწვევით, — თქვა ერთმა. — იმან ხომ

გვინახულა, ასლა ჩვენ ვესტუმრებით, როგორც განათლებულ-
მა ბატონებმა იციან.

ბავშვებმა იცინეს, ზოგს მართლა ეგონა, შავ ბატონთან
მივალთ და გავაბრაზებთო.

— მოდით, ხის ქვეშ დავსხდეთ, — გასძახა იერონიმომ.

ბავშვები შემოუსხდნენ პაკოს, მარიოსა და იერონიმოს.
ისინი მანგოს ქვეშ ერთმანეთის გვერდით ჩაცუცქულიყვნენ.
რალაც საზეიმო ღუმილი იდგა. მერე პაკო წამოდგა და ქუდი
მოიხადა. ამან ბავშვებზე დიდი შთაბეჭდილება მოახდინა,
რადგან მზებდნენ, აქ ნამდვილი კრება იყო და მათ დიდებუივით
ექცეოდნენ.

პაკომ მათ უერთას მძარცველთა არმიის მოახლოება ამც-
ნო და ისიც უთხრა: პირველად თავს სან ბარტოლდოს ბაღებს
დაესხმიანო.

რამდენიმე ბიჭს შეეშინდა და სახეზე მკვდრისფერი დაე-
დო. აღელვებულები პაკოს შესცქეროდნენ და თვალს არ
ახამხამებდნენ. პაკომ იერონიმოს შეხედა და ჩაცუცქდა.

ასლა იერონიმო წამოდგა.

— ბიჭებო, — დინჯად დაიწყო მან, — ჩვენი, უფროსების
გადაწყვეტილებით, თქვენ საპატას გლახთა არმიის მეგზურე-
ბად ხართ დანიშნული. გლახთა არმიას, ჩვენს ძმებს, უახლოე-
სი და ფარული გზებით წამოიყვანთ, რომ თავს დაესხან მძარ-
ცველების არმიას. პაკო წაგიყვანთ საპატასთან, მაგრამ... —
იერონიმო შედგა, — მზადა ხართ ამ საქმისათვის?

ბავშვების გონებაში ათასი აზრი აირდაირია. ერთმანეთს
შეხედეს და თავები სერიოზულად დაიქნიეს.

— რაიმეს თქმა ხომ არ გინდათ? — იკითხა იერონიმომ.

მაშინვე სამივე ბიჭი წამოხტა. გაიცინეს. ორი ისევ დაჯდა.
ტუსპანელმა ბიჭმა წამოიძახა:

— ყველას გვინდა, ყველას... — ენა დაება და გაწითლდა.

იერონიმომ ალერსიანად შეხედა და თქვა:

— საპატას გლახთა არმიის ლოზუნგია „მიწა და თავისუფ-
ლება“. ბავშვებო, თქვენც გინდათ უფროსებთან ერთად მო-
წაწილეობა მიიღოთ ამ ბრძოლაში? თუ გინდათ, ჩემთან ერთად
გაიმეორეთ: „მიწა და თავისუფლება“.

— მიწა და თავისუფლება! — დასძახეს ბიჭებმა წკრიალა
ხმით.

ახლა მარიო წამოდგა ფეხზე, გაიღიმა და უბრალოდ თქვა:
— მეც ხომ არ წამიყვანთ? მართალია, გზების ჩვენება არ შემიძლია, რადგან თავდაც არ ვიცი, მაგრამ, ალბათ, სხვა რამეში მაინც გამოვდგები.

ბიჭებს გაეცინათ. პაკო ფეხზე წამოხტა და მხარზე ხელი დაჰკრა.

— წამოდი, წამოდი!

სულ ეს ორი სიტყვა თქვა, მაგრამ ისე გულწრფელად, რომ მარიომ დაირცხვინა და თავის გლეხურ ქურთუქზე ღილებს დაუწყო წვალება.

— მამ გადაწყდა, წავსულვართ, — დაიძახა პაკომ. — გრძელი გზა გველის! იერონიმო, ბიჭებს ფორთოხლებს ხომ არ დაურიგებდი?

— აუცილებლად: წაიღეთ, ბიჭებო, რამდენსაც მოერევით, ყველაფერი წაიღეთ, რაც მოგეწონებათ. არა სჯობია, თქვენ ჭამოთ, ვიდრე მძარცველები გაანიაკებდნენ?

— შენ არ მოდიხარ? — გაკვირვებით ჰკითხა ბრაულიომ. რაც აქ იყო, იერონიმო მამასავით შეჰყვარებოდა.

— არა, ბრაულიო, ტრინი და როზაც აქ დარჩებიან.

— ისინი ხომ დაგხოცავენ! — იყვირა ბრაულიომ.

ტრინიმ შიშით სავსე თვალებით ახედა ბიძას. ნუთუ ბიძია მას არ გაგზავნის საპატასთან?

იერონიმოს გაეცინა.

— ნუ გეშინიათ, ბავშვებო! რალა თქმა უნდა, ბაღებში არც ჩვენ დავრჩებით. არც ჩვენ დავხვდებით გულხელდაკრეფილები, სანამ ისინი თავს დაგვესხმიან. აქ სხვა საქმეები გველოდება.

ბავშვები ფორთოხლის ხეებზე ავიდნენ და ძირს მდგომებს ჩაყვითლებული ნაყოფი ჩამოუყარეს.

როზა და ტრინი ნაღვლიანად გასცქეროდნენ მიმავალ ბავშვებს. ბრაულიომ ეს შეამჩნია, თვითონაც ძალიან ენანებოდა ტრინის დაშორება. იერონიმო იდგა და მღუმაგრედ შესცქეროდა, სანამ ისინი გადამწვარი ეზოს გალავანს მოეთარებოდნენ. მერე მობრუნდა და ალერსით თქვა:

— აქ მოდით, ბავშვებო! მე სოფელში წავალ, თქვენ აქ დარჩით. ჩვენი ჩანაფიქრი არავინ არ უნდა გაიგოს. თუ ვინმე

მოვა და გვიკითხავს, თქვენ უთხარით, — ნამქის მოსაჭრელად წავიდნენ, ჭილოფები უნდა მოვქსოვოთ-თქო. ფხიზლად ადევნეთ თვალყური, ყურადღებიდან არაფერი გამოგრჩეთ.

— როდის დაბრუნდები, ძია? — ჰკითხა ტრინიმ.

— არ ვიცი.

იერონიმომ ყველაზე დიდი კალათა სიმინდით აავსო. ზედ მოღუნული სიმინდის საჭრელი დანა დაადო, მერე ფორთოხლები, ლიმონები და ნესვები დაალაგა, სულ ზემოდან კი დიდი წითელი პაპაია.

— აბა. თქვენ იცით, ყურადღებით იყავით. თუ რამე საექვო შეამჩნიოთ, ამბროსიასთან მიდით ჩუმად. სიმინდის საჭრელები თან წაიღეთ. — მძიმე კალათს გარედან ბადე შემოახვია. — აბა. მიშველეთ! — თქვა მან და დაიჩოქა. ბავშვებმა კალათა დიდი გაჭირვებით ასწიეს და ბეჭებზე დაადგეს. იერონიმომ ქუდი მოიხადა და ბადის შეკრული ბოლოები შუბლზე გადაიტარა, მერე წამოდგა და წინ წაზნექილი, მოკლე-მოკლე ნაბიჯებით გზას გაუდგა. თავის მობრუნება არ შეეძლო და გამოსამშვიდობებლად ცალი ხელი დაუქნია. მეორე ხელში ქუდი ეჭირა. გზიდან გადაუხვია, გვერდით ბილიკს გაუყვა.

როზა ტრინის გვერდით იდგა. ის უკვე კარგა დიდი გოგო გამხდარიყო, ტრინი კი ცხრა წლის კუნთმაგარი, მზით დამწვარი ბიჭუნა იყო.

— ახლა მკადებს დავაცხობ, — თქვა როზამ.

— რათ გვინდა? — იკითხა ტრინიმ. — საჭმელი საკმარისად გვაქვს.

— იცი, რა შორს ისმის ტყაპა-ტყუპი, როცა მკადის ცომს ათხელებ? ხალხს ეგონება, ბაღში ყველაფერი ძველებურად მიდისო. ამას გარდა, მარაგიც ხომ გვჭირდება. ხომ იცი, ხვალ სად უნდა ვიყოთ?

— როგორ არ ვიცი, — ტრინიმ თავი დაუქნია. — ახლა კი დავზვერავ იქაურობას.

მთელი დღის მანძილზე მათ საექვო არაფერი შეუმჩნევიათ. მინდორზე ერთი გლეხიც არ გამოჩენილა. ნავახშმევს ლელვის ხის ბირას ჩამოსხდნენ და ღამის სიჩუმეს ყური მიუგდეს. შეიძლება დასაძინებლად დაწვნენ? ნეტა, ბიძია იერონიმო თუ დაბრუნდება?



უცხად რალაცამ გაიტკაცუნა, მაგრამ ვარსკვლავების მკრთალ შუქზე ბავშვებმა ვერაფერი შეამჩნიეს.

— ტრინი! — მოისმა ძახილი. ბიჭის ხმა იყო.

-- აქ მოდი! — გასძახა ტრინიმ.

ოთხი სან ბარტოლოდოელი ბიჭი გზაზე იდგა.

— იერონიმომ დაგვაბარა, ტრინი და როზა თქვენ გამოგყვნენ და რაც ჭილოფებია, სულ თან წამოიღონო. წამოღებაში ჩვენ მოგეხმარებით.

ჭილოფები ერთმანეთზე დააწყვეს და დაახვიეს. კალათაში როზამ სიმინდი, ლობიო და მჭადები ჩააწყო, არც ბოსტნეული და ხილი დავიწყნია. იმდენი ტვირთი დაუგროვდათ, ექვსი ბავშვი ძლივს მიათრევდა. ტრინიმ და როზამ ზონრები შუბლზე შეიკრეს, როგორც იერონიმომ ქნა, და სიბნელეში ხელფხის ცეცებით მძიმე-მძიმედ გაუდგნენ გზას.

ინდიელთა ციხე-სიმაგრე

იმ დამეს სან ბარტოლოდო, ჩვეულებრივ, სიწყნარეს მოეცვა. მაგრამ დიდი ამბები ხდებოდა. გლეხები განსაკუთრებით ხუცესის სახლის წინ ცდილობდნენ ფრთხილად და უჩუმრად გაეკლოთ. ტვირთმოკიდებული ქალები და მამაკაცები მთისკენ მიემართებოდნენ. დიდ-დიდ ფუთებში ტომრები, მჭადის საცხობი თუნუქის ნაჭრები და სიმინდითა და ლობიოთი სავსე ქილები გამოეკრათ. ბავშვებს თოხები და სიმინდის საჭრელი დანები მიჰქონდათ. სახედრებისთვისაც სავსე ტომრები აეკიდათ.

როზა, ტრინი და მათი ოთხი ამხანაგი უკან სიბნელეში ჩუმად მიიბიჯებდნენ. იმ ადგილს, საითაც მათ გეზი ჰქონდათ აღებული, უხსოვარი დროიდან ინდიელთა ციხე-სიმაგრე ეწოდებოდა. ხანში შესულების გადმოცემით, ინდიელები ყოველთვის აქ აფარებდნენ თავს, როცა კი ესპანელები მათ დამსჯელ რაზმებს შეუხვედნენ ხოლმე. „ბატონებს ჯერ არ გაუბეღიათ, აქ ამოგვყოლოდნენ. წყარო ხომ ბევრად უფრო დაბლაა და იქამდეც ვერ ბედავდნენ მოსვლას“, — ამბობდნენ ისინი, მაგ-

რამ ინდიელები აქ თავს მხოლოდ მანამდე შეაფარებდნენ, სანამ საჭმელი არ შემოეღებოდათ, მერე კი ისევ მინდვრებს უნდა დაბრუნებოდნენ.

როზას ერთი სული ჰქონდა ციხე-სიმაგრის ნახვამდე. ჯერ-ჯერობით მხოლოდ ლტოლვილთა ფეხის ხმა და ხმადაბალი ლაპარაკი ესმოდა. მათ ზურგს უკან მთვარე ამოიწვერა. ბავშვები ცოტა ხანს შეჩერდნენ, რომ გვერდით მიმავალნი გაეტარებინათ. ამ ადგილიდან ზემოთ მხოლოდ ერთი გზა მიდიოდა, მას ორივე მხარეს მაღალი ტყე ერტყა.

ტრინი და როზამ ჩაიჩოქეს, ტვირთი მიწაზე დადეს და შუბლიდან ზონრები მოიცილეს. ტვირთის ტარებას არ იყვნენ მიჩვეულები და ვერც ზონრები მოირგეს შუბლზე რიგიანად. დაბლიდან თანდათან მეტი ხალხი მოაწყდა.

აი, უკანასკნელი კაციც თვალს მოეფარა. ბავშვებმა როზასა და ტრინის თავ-თავიანთი ტვირთი აჰკიდეს და მერე თავიანთი ტომრები და კალათები მოიბეს ზურგზე. ცოტა მანძილი რომ გაიარეს, გზა თითქმის შევეულად დაეკიდა. მათ წინ უცბად მიდამო განათდა: ტყემ უკან დაიხია და მთვარის შუქზე ველი გამოჩნდა.

ერთმა ბიჭმა როზას ხმადაბლა უთხრა:

— აი, იქ, ხის უკან, გზა დაბლა მიდის, წყაროსაკენ, ჩვენ კი მარცხნივ უნდა წავიდეთ, ზემოთ.

ისინი კვლავ ტყეში შევიდნენ. ბილიკი თავში კარგი სავალი იყო, მერე თანდათან ციცაბო გახდა. წინიდან ხმაური ისმოდა: ვულკანური წარმოშობის ფენები გამვლელს ფეხქვეშ ეცლებოდა და რახრახით მიექანებოდა ძირს. ტრინი ჯერ ფეხის დასადგმელ ადგილს მოსინჯავდა და ნაბიჯს ისე გადასდგამდა, რადგან სულ ადვილად შეიძლებოდა წაქცეულიყო. თავის წლოვანებასთან შედარებით მეტისმეტად მძიმე ტვირთი ეკიდა. ტორტმან-ბარბაკით მიდიოდა. ძალიან უნდოდა მცირე ხნით მაინც შეესვენა, მაგრამ უკან სხეები მოდიოდნენ, გზის აქცევა კი არ შეიძლებოდა. ოფლი წურწურით ჩამოსდიოდა, შუბლიდან ცხვირის კიდევებს ჩასდევდა და ტუჩებზე მლაშედ ედინებოდა. სხვა გზა რომ აღარ ჰქონდა, ენით ილოკავდა და მერე აფურთხებდა. სულს ძლივს ითქვამდა, არაქათი ელეოდა. ფეხქვეშ ქვა ეცლებოდა და უკანასკ-

ნელ ძალ-ღონეს იკრებდა, რომ არ დაცემულიყო. ერთ წამს შედგა და ღრმად ამოისუნთქა, მაგრამ ზურგს უკან ქვეები ახრიალდა: ორ ნაბიჯზე სხვა მოდიოდა. ისევ წინ, გაჩერება არ შეიძლება! ამ გზაზე დღისით ბევრჯერ გაველო, მაგრამ ახლა, სიბნელეში, მაინც უცნობად და დაუსრულებლად ეჩვენებოდა.

უცბად ზემოდან ხმაური მოესმათ. ეტყობოდა, ხალხი მობროდა, სოფელში მოდიოდნენ, რომ დარჩენილი საჰმლის მარაგი აეტანათ. ტრინი უცბად პირდაპირ შეეჯახა როზას კალათს. შეჩერდნენ, რომ ზემოდან მომავალი ხალხი გაეტარებინათ.

ტრინი ერთი-ორჯერ კიდევ შეჩერდა სულის მოსათქმელად. მერე გზაზე მარჯვნივ მოუხვია და გაივარა. გამოჩნდა მთვარის შუქით განათებული ქვის ყორე. ეს ინდიელთა ციხე-სიმაგრე იყო. ბევრ ხალხს მოეყარა თავი: ყოველი მსრიდან ისმოდა მათი გაბმული ლაპარაკი.

— თქვენ ვინა ხართ? — იკითხა ვიღაც კაცმა.

— ბაღებიდან ვართ! — მიუგო როზამ.

— ამბროსია ზემოთაა. შენ ხომ როზა ხარ! შენს დიდელა-სა და პაპას დახმარება სჭირდება. ძალიან დაბერდნენ.

— ისინიც აქ არიან? — იკითხა როზამ.

— იყვნენ და ისევ ქვევით ჩავიდნენ.

როზამ თავისი კალათა ზემოთ წაიღო. იქ ქვების გროვებს შორის ამბროსია და ფაშფაშა მზარეული მანუელა მიმდგარიყვნენ და რაღაცას ფუსფუსებდნენ.

ბიჭებმაც თავ-თავიანთი ბარგი მიაღაგ-მოალაგეს და ინდიელთა მიერ მრავალი წლის წინ დახორავებულ ქვებს შორის თავშეფარებულ შინაურებს დაუწყეს ძებნა.

მთვარის შუქზე ამბროსიამ ტრინის შუბლზე წითელი ზოლი შეამჩნია.

— მოდი, ტრინი, აქ დაჯექი, — ალერსიანად უთხრა შეილიშვილს ამბროსიამ.

— პაპა სად არის? — იკითხა ტრინიმ.

— ქვემოთ წავიდა, კიდევ ამოიტანს რამეს.

ქვების ქონში აჩქარებით შემოვიდა იერონიმო და ტრინის უთხრა:

— რა კარგია, რომ მოხვედი. ბაღში საეჭვო ხომ არაფერი შეგიმჩნევია?

— არა, არაფერი, მინდორში ერთი კაციც არ გამოსულა. იერონიმო ჩაფიქრდა.

— ცუდია. ეს უცბად მოხვდებათ თვალში. დედა, ხვალ შენ სოფელში არ ჩახვალ? გავიგეთ, მძარცველების არმია ჯერ ორი დღის სავალზეა.

— საპატას გლეხები?

— მისი ადგილ-სამყოფელი ჯერ არ ვიცი. ახლა ტრინი მჭირდება.

— სოფელში უნდა ჩაგზავნო? — ჰკითხა ამბროსიამ. — ეს-ესაა მძიმე ტვირთი ამოიტანა.

— არა, დედა, ზემოთ წავიყვან მიდამოს დასაზვერად.

იერონიმო წინ წავიდა. აქ სიარული მთვარის შუქზეც კი არ იყო იოლი. მოდიოდნენ და მოდიოდნენ ზურგზე ფუთებაკიდებული ინდიელები. დაქანცულები ძლივს ხენეშოდნენ. იერონიმომ კიდევ ერთი ბიჭი იპოვა და სამივენი ქვახერგილებში ზემოთ აუყვანენ. ალაგ-ალაგ ოთხზე ფორთხვა უხდებოდათ. უცბად იერონიმო შედგა.

— ბავშვებო, დღეს მამაკაცებს ბევრი საქმე აქვთ. ამიტომ მიდამოზე თვალყურის დევნება თქვენ უნდა მოგანდოთ. როგორც კი რაიმე საეჭვოს შეამჩნევთ, მაშინვე მაცნობეთ. მძარცველების მოახლოებას შორიდანვე შეატყობთ, ეგ ბანდიტები ყველაფერს ცეცხლს უკიდებენ, რაც კი გზად შეხვდებათ.

ორივე ბიჭი ჩაცუცქდა. სოფლის მხარეს მხოლოდ სამრეკლო და რამდენიმე ქოხის სახურავი ჩანდა, მეტს ვერაფერს ხედავდნენ.

დაბლა დაბანაკებულები თანდათან ჩაჩუმდნენ.

რამდენიმე ხნის შემდეგ მოთვალთვალეებს კიდევ სამი ბიჭი შეუერთდა. ერთმა ბიჭმა დაიწყო:

— რაც სიმიინდი გაგვაჩნდა, თითქმის სულ ამოვზიდეთ. ხუცესის სახლს რომ ჩავუარეთ, მისი მზარეული გამოვიდა და გვკითხა: — აქ რას აკეთებთო. ჩემმა უფროსმა ძმამ ხმადაბლა უთხრა: „ჩუმად, ჩუმად, დეიდა, ამაღამ ავსულები დადიან სოფელში. უმჯობესია, სახლში შეხვიდე, ჩვენც ახლავე გავეც-ლებით აქაურობას და სადმე მივწვებით, რომ ავსულებმა არ

შეგვამჩნიონ“. მერე მზარეულთან სულ ახლოს მივიდა და ყურში ჩასჩურჩულა: „აი, გესმის?“ სწორედ ამ დროს ახლო გაიარეს ტვირთაკიდებულმა სოფლელებმა. თქვენ რა გგონიათ, რა ჰქნა მზარეულმა? აჩქარებით წაილაპარაკა, ღმერთო შენ გვიშველეო, პირჯვარი გადაიწერა და ადგილს მოწყდა. ამაღამ გარეთ ცხვირს აღარ გამოყოფს.

ბიჭებმა გულიანად იცინეს.

უცბად ტრინი ზეზე წამოიჭრა, ხელი შორს გაიშვირა და წამოიძახა:

— შეხედეთ!

თ ა ვ ღ ა ს ხ მ ა

ორივე ოფიცერმა, მხედრებს რომ მოუძლოდნენ, გზის მოძებნა ბატონ ტორესის ზედამხედველს დაავალა. მათ ეგონათ, ჩუმად ვლაპარაკობთო, მაგრამ როგორც ცხენით მგზავრობისას ხშირად ხდება ხოლმე, ისე ხმამაღლა ლაპარაკობდნენ, მათ უკან მომავალ კავალერისტებს თითქმის ყველაფერი ესმოდათ.

— ამაზე რას იტყვიან? — დიმილით იკითხა კაპიტანმა. — მაშასადამე, აქ ვიღაც ლიბერალი ღორი იმალება, ჰა?

— მითხრეს, გრაფ არიოლას მდივანი იყო და მის ინგლისურ მიწერ-მოწერას ის აწარმოებდაო.

— მაშ იმ ყმაწვილს უფრო მეტი საიდუმლო ეცოდინება, ვიდრე გრაფი ფიქრობს. სხვათა შორის, იცით თუ არა, მაგ გრაფმა ისეთი იარაღი შეიძინა, რითაც ყველაფერი შეიძლება გააკეთო, ოღონდ ტყვიას კი ვერ გაისვრი. მისგან გამოქცეულ მდივანს ამ საქმისაც ბევრი რამ ეცოდინება. თუმცა ეგ ყოყლოჩინა გრაფი არ მიყვარს, მაგრამ მის მდივანს კი პირი უნდა მოვაკეტინოთ. უფრო გარკვევით რომ გითხრა, ისე უნდა მოვაკეტინოთ, შემდეგ ხმა, საერთოდ, ველარც ამოიღოს. მაგ ბალებში რომ საქმეს მოვათავებთ, მერე სოფელს შევესიოთ. პოლკოვნიკმა მიბრძანა, სოფელი მანამდე უნდა დაიკავოთ, სანამ მისი მკვიდრნი სასმელ-საჭმელის გადამალვას მოასწრე-

ბენო. მართლაც, უბედურებაა, სადაც მივედით, გლეხები აღარსად დაგვხვედრია, ყველგან მთებში გაქცეულან!

— კარგი დაზვერვა აქვთ, ბატონო კაპიტანო!

— რა დიდი ამბავი ეგაა, გლეხებსაც ხომ თვალები აქვთ. სადაც შევედით, ყველა სოფელი გადავწვით, ისინი, რა, ვერ ხედავენ იმხელა ხანძრებსა და ცაში ასულ კვამლის სვეტებს? დღეს კი ერთ პატარა ნაპერწკალსაც ვერსად დაინახავენ. რა ხანია დროა, ერთი გემრიელად გამოვძღეთ.

ზედამხედველმა ცხენი შეაყენა.

— ბალებში აქედან სჯობს მიპარვა.

— კარგი, — თქვა კაპიტანმა. — უბრძანე, ჩამოქვეითდნენ. პირველი ოცეულის ყოველმა მეორე კაცმა ცხენი ამხანაგს გადასცეს და თვითონ აქ მოვიდნენ.

მერე კაპიტანმა ხმადაბლა ბრძანება გასცა. ლეიტენანტი თავისი ხალხით ბალებისკენ წავიდა. თუმცა მთვარიანი ღამე იყო, მალე გაუჩინარდნენ.

კაპიტანი ერთ ადგილზე ვერ ჩერდებოდა და მოთმინებადაკარგული წინ და უკან დადიოდა. ერთი თამბაქოს გაბოლება სიცოცხლეს ერჩივნა, მაგრამ ნება არ ჰქონდა. დისციპლინა ჯარისკაცთა შორის ისედაც მოშლილი იყო. მარტო მარიჭუნას წვევა რად ღირდა! ზოგჯერ ჯარისკაცები მარიჭუნათი ისე გაბრუდებოდნენ, რომ ველარაფერს გააგონებდით. კაპიტანი ამას ებრძოდა. თუ რომელიმეში ეჭვი შეეპარებოდა, უბრძანებდა, წყალი დალიეო. მარიჭუნათი გაბრუებულს კი წყალი საშინლად ეზიზღება და პირს ვერ დააკარებს. როცა ჯარისკაცი ამაზე უარს იტყობდა, ისე გააწყველინებდა, რომ ცხენზე ძლივსლა იჯდა. ეს ამბავი, რა თქმა უნდა, ჯარისკაცებისადმი ფაქიზი დამოკიდებულებების ნიმუშად ვერ გამოდგებოდა. ზოგიერთი ოფიცრის აზრით, მარიჭუნას წვევას თავისი უპირატესობა ჰქონდა. გაბრუებული ჯარისკაცი ველარც შიმშილს გრძნობდა და ვერც დაღლილობას. მაშასადამე, საკვების დაზოგვა შეიძლებოდა.

ამან კაპიტანს გენერალი უერთაც მოაგონა. მას ეჭვი ეპარებოდა, რომ მარიჭუნათი ვაჭრობას ჩუმ-ჩუმად თვით გენერალი უწყობდა ხელს და ამით საკმაო თანხასაც იჭიბავდა.

უცბად ჯარისკაცმა მოირბინა:

— ბატონო კაპიტანო, აი, იქ, რაღაც იწვის!

კაპიტანი იქითკენ შებრუნდა, საითაც ჭარისკაცი უჩვენებდა.

მართლაც, ხეებისა და ბუჩქნარის თავზე ცეცხლი ავარდა. დაბნეული კაპიტანი ერთ ადგილს მიეყინა. მერე სწრაფად შებრუნდა და დაიღრიალა:

— ცხენებზე! აბა, წინ!

ახლა კი მოხვდება მაგ ლეიტენანტს! ან იქნებ გლეხებმა დაანთეს ცეცხლი და სოფელი გააფრთხილეს? ყოველ შემთხვევაში, საჩქაროდ სოფელში უნდა შევცვივდეთ!

გზის იქითა მხარეს, მარჯვნივ, მამულისაკენ, ცეცხლწაკიდებულ ქოხს მოჰკრა თვალი. გზაზე კაპიტანს წინ ვიღაც გამოუხტა. ზედამხედველი ყოფილა!

— სოფელი საითაა? — შესძახა კაპიტანმა.

— პირდაპირ, ჩვენს წინ!

ზედამხედველმა უცბად უკან დაიხია, კაპიტანმა ისე გახელებით გააქანა ცხენი, რომ კინალამ ზედ შედგა.



ერთი ბიჭი იერონიმოსთან მივარდა და ყურში ჩასჩურჩულა:

— ხანძარია!

— სად?

— ტრინი ამბობს, ბალი იწვისო.

→ ეშმაკები ხომ არ მოგელანდა, ბიჭო?

— არა, ჩვენც ეგრე გვგონია, ბალი იწვის. აქეთ რომ გამოვრბოდი, ისე მომეჩვენა, სამი ქოხი იწვოდა, წამო ზემოთ, ხეებშიც კარგად მოჩანს.

ამასობაში ხანძარი სხვებმაც კარგად შეამჩნიეს. მაგრამ ნეტა ვინ წაუყიდა?

— იქნებ წამოსვლისას კერიაში ცეცხლი არ ჩააქრეს? — იკითხა ვიღაცამ.

— მაშინ ერთ ქოხს წაეკიდებოდა, — თქვა მეორემ.

იერონიმო გონს პირველი მოეგო:

— სოფელში ჩვენი ხალხი კიდევ დარჩა. რაც ბალში მოხ-

და, უნდა შევატყობინოთ. ახლა მთავარია, ჩვენები გავაფრთხილოთ. ვინ წამომყვება.

ისინი დადმართზე დაეშვნენ. რაც შეეძლოთ, ჩქარობდნენ.

ჩაეკეზებზე, საიდანაც მინდვრები იშლებოდა, ორი კაცი და ერთი ქალი შემოხვდათ.

— რა ჩოჩქოლია სოფელში. თითქოს ჰენების ხმაც გავიგონეთ.

კაპიტანმა და ორმა ჯარისკაცმა ეკლესიასთან შეიცადეს. მათთან სერჟანტი მივარდა:

— სოფელში ერთი კაციც ვერ ვიპოვეთ.

— შეუძლებელია! — წამოიყვირა კაპიტანმა.

მეორე მხედარიც უცებ გაჩნდა.

— ბატონო კაპიტანო, მხოლოდ ერთი კაცი ვნახეთ. სოფელი ცარიელია. სიმინდებში აღარაფერი ჩანს.

— ის კაცი სადაა? მომგვარეთ!

— მკვდარია. ჩვენზე სიმინდის საჭრელი მოღუნული დანით მოიწა და...

— ოხ, თქვე ნადირებო! — დაიღრიალა კაპიტანმა. — რას ფიქრობთ, რას? ერთი ცოცხალი კაცი მაინც მომიყვანეთ. როგორ შეიძლება სოფელში ერთი კაცი აღარ იყოს?!

სოფელში ხალხი მართლაც იყო. ამტყდარმა ხმაურმა ხუცესი ფელიქსი გააღვიძა, ტანთ ჩაიცვა და ის იყო გარეთ გამოსვლას აპირებდა, იმის გასაგებად, რა ხდებოდა, რომ ორი კავალერისტი ოთახში შეუვარდა. ოთახში ბნელოდა და ხუცესი მათ ძლივს დაინახეს. მაშინვე ხელი ჩასჭიდეს და კარისკენ წაათრიეს. ხუცესმა პირი დააღო, მაგრამ არაფერი ათქმევინეს, ერთმა სახეში იმისთანა მისცხო, მაშინვე ტუჩები დაუსივდა. გამწარებული ხუცესი კარის ჩარჩოს ჩაეჭიდა.

კავალერისტები ხმამაღლა იგინებოდნენ. ხმაურზე კაპიტანი ცხენიდან ჩამოხტა და სახლში შევიდა. სიბნელეში ვერაფერი გაარჩია, მხოლოდ კვნესა და ბრძოლის ხმაური ესმოდათ.

— მორჩით მაიმუნობას! — დაიყვირა მან. — სად არის სოფლის მოსახლეობა! თქვი ჩქარა!

— მე მღვდელი ვარ, — ძლივს ამოთქვა ხუცესმა.

— ჰოდა, უნდა იცოდეთ, სად არიან თქვენი გლეხები!

— მე თვითონ ვერ გამიგია, — თქვა ხუცესმა. — თავთავიანთ ქონებში იქნებიან.

— გაფრთხილებთ, ასეთი აბღა-უბღა ბევრი გაგვიგონია, — გაიჭკა გაცეცხლებული კაპიტანი, — იცოდეთ, რომ...

გაისმა ქალის ყურთწამლები კვილი, მერე ბრავანნი მოჰყვა. ეს ხუცესის მზარეული იყო.

ხუცესი გონს მოეგო და სასულიერო სემინარიაში ნავარჯიშევი ბოხი ხმით იყვირა:

— ვინც გინდა იყავით, უღანაშაულო წვალება სწორი არ არის! არც ღვთისა და არც კაცის სახელით არ შეიძლება ასეთი საქმის ჩადენა. მაგისტრის მამა ღმერთი შეგაჩვენებთ!

კვილი ქვითინში გადავიდა.

— თქვენი ქადაგება არა გვჭირდება, — ცივად თქვა კაპიტანმა. — მოსაფიქრებლად ერთ წუთს გაძლევთ. თუ გონს არ მოეგებით, ამ სახლს მივატოვებ. თქვენი უწმინდესობა ალბათ მიხვდება, რას ნიშნავს ეს!

ხუცესმა ფელიქსმა ამაზე ასე უპასუხა:

— მე უბრალო მოკვდავი ვარ და არ შემიძლია ის გითხრათ, რაც არ ვიცი. თუმცა უბრალო მოკვდავი ვარ, მაგრამ ღვთის კურთხევით თქვენ...

— კარგად მესმის თქვენი, — ირონიულად უთხრა კაპიტანმა. — შენ, გეტყობა, იმ გლეხებთან კავშირი შეგიკრავს! ასეთი მღვდლები კი ჩვენს ბატონებს არ გამოადგებათ.

კაპიტანი გავიდა. ხუცესმა ახლალა შეამჩნია, რომ ის ოფიცერი იყო. მიხვდა, გენერალ უერთას არმია მოსულიყო. სიტყვის თქმა დააპირა, მაგრამ გვიანდა იყო.



იერონიმო და ახალგაზრდების ჯგუფი იქ შეჩერდნენ, სადაც სოფლიდან მომავალი ორი ბილიკი ერთდებოდა. ამ ადგილიდან ტყიან მთაზე, სადაც ინდიელთა ციხე-სიმაგრე მდებარეობდა, დაკიდული აღმართი იწყებოდა.

თითო-თითოდ და ჯგუფ-ჯგუფად მოდიოდნენ მძიმე ტვირთაკიდებული ინდიელები, სიჩქარისა და დაძაბულობისაგან ხვნეშოდნენ და სულს ძლივს ითქვამდნენ. სოფელში ამტყდა-

რი ხმაურით შეშინებულნი მთვარის ამოსვლამდე ცდილობდნენ აქაურობას გასცლოდნენ.

იერონიმო ყველას აჩქარებდა და ეკითხებოდა, სოფელში რა ამბავიაო, მაგრამ სწორი პასუხის გაცემა არავის შეეძლო. არავინ იცოდა, იქ რა ხდებოდა.

უცბად ბუჩქებიდან ქალი და კაცი გამოძვრნენ და იერონიმოსაკენ აჩქარებით გასწიეს. არაფერი არ მოჰქონდათ. ტყისპირას თავმოყრილი კაცები რომ შეამჩნიეს, შეეშინდათ, მაგრამ იერონიმოს ხმა რომ გაიგონეს, დაშვიდდნენ. სირბილისაგან სუნთქვა ეკვროდათ და ხმა ერთბაშად ვერ ამოიღეს. ამიტომ შესვენება აცალეს.

აღელვებული ქალი მოჰყვა:

— დარჩენილი ლობიოთი და წიწაკის ასხმულათი ტომარებს ვავსებდით, როცა ცხენების თქარათქური შემოგვესმა. ვილაცყები კაქტუსის ლობეში გამოძვრნენ კიდევ.

— ორი ცხენოსანი იყო. მივიდნენ და ქოხში შეიძახეს: „ჰეი! აბა, ადექით!“ ამ დროს ჩვენ სასიმინდეში ვიყავით და შეუშინებულად გავძვერით ლელვის ხეებში. ერთი მათგანი ცხენიდან ჩამოხტა, მეორე გზაზე გაეარდა. უცბად ყვირილი შემოგვესმა, მამაშენის ხმას ჰგავდა. ვერ გავიგეთ, რას ყვიროდა. ცხენოსნებმა ლანძღვა-გინება ასტეხეს. ის კაცი, ცხენიდან რომ ჩამოხტა, სასიმინდესთან მივიდა და ჩვენ მიერ მიტოვებული წახევრად სავსე ტომარა მოსინჯა. მთვარის შუქზე ჩვენ კარგად დავინახეთ, მაგრამ ისინი ბევრს ხმაურობდნენ და დაკვირვებით არ ათვალეირებდნენ იქაურობას. ამით ვისარგებლეთ, მინდორზე გამოვედით და, როგორც კი შეგვეძლო, მოექუსლეთ.

— მამაჩემს რა დაემართა?

— ჩვენ მხოლოდ ყვირილის ხმა გავიგონეთ, — თქვა კაცი.

იერონიმო ჩაფიქრდა. „ხომ არ წავიდე და ჩვენების ეზოში ჩავიპარო? თუ მამაჩემი დაიბალა, რომელიმე ბილიკით აქ მოვა, თუ...“

იერონიმო გაუნძრევლად იდგა და მიდამოს დაკვირვებით ათვალეირებდა. ბაღებში მდგარ სამ ქოხს ცეცხლი ისე აღარ ეკიდა, ჩამცხრალიყო. მთვარის მდებარეობის მიხედვით. შეიძ-

ლებოდა დაგესკვნათ, რომ საცაა გათენდებოდა, ვილაცამ იერონიმოს მხარზე ხელი შეახო:

— აღარავინ აღარ მოვა.

— გათენებამდე აქ გუშაგი უნდა დავტოვოთ, — თქვა იერონიმომ. — დღისით ყველაფერს ზემოდან დავხედავთ.

ინდიელთა ციხე-სიმაგრეში უმეტესობა დასაძინებლად მიწვა. იერონიმოს მამის მეტი ყველა იქ იყო. ქვის წალოსთან ტომრებს, კალათებსა და ქილებს შორის მიმჯდარ ამბროსიას თვალი გაშტერებოდა. კაცს ეგონებოდა, ასე ზეზე დამჯდარი მომკვდარაო.

გლეხთა არმია ახლოვდება

კავალერისტებმა ღამე ქოხებში გაათიეს. დილით, წამოდგნენ თუ არა, სოფლის ყოველი კუთხე-კუნჭული გადაქექეს. აქა-იქ საკმლის ნარჩენები იპოვეს.

სამრეკლოდან გუშაგი იმზირებოდა. გარშემო სამარისებური სიჩუმე სუფევდა. კავალერისტებმა იცოდნენ, რომ გლეხებს თავი მთებში შეეფარებინათ, მაგრამ უღრან ტყეში არაფერი ჩანდა, ალაგ-ალაგ ლოდებს თუ მოჰკრავდით თვალს.

ინდიელთა გამჭირახი თვალი კი კარგად ხედავდა სამრეკლოს შეფარებულ გუშაგს და მის თითოეულ მოძრაობას აკვირდებოდნენ.

დილაადრიან სამი მხედარი ტეპოტლის გზას გაუდგა. იქიდან უერთას ფეხოსანთა ნაწილებს ელოდნენ.

შუადღე გადავიდა. იერონიმომ ცოტა წაიძინა. ფაშფაშა მანუელა თავის ქოთნებს დასტრიალებდა, თუმცა ვერაფერს მოხარშავდა, რადგან ცეცხლის დანთება აკრძალული იყო.

ტომრებითა და ფუთებით გამოვსებულ წალოში ტრინი შემოვიდა, იერონიმოსთან მივიდა და ყურში ჩასჩურჩულა:

— რაღაც დავინახეთ.

იერონიმო მიხვდა, რომ ტრინის არ უნდოდა ლაქლაქა მანუელას თანდასწრებით ეთქვა, და გარეთ გაჰყვა.

ძმისწულმა ბიძა იქვე ბუჩქებთან მიიყვანა და უთხრა:

— ახლა აღარ ჩანან.

— ვინ იყვნენ?

— ორნი იყვნენ, ეტყობოდა, ბიჭები, მაცნეებად თუ გამოგზავნეს.

იერონიმომ თითი გაიშვირა:

— იქიდან? შეიძლება სოფლებიდან გამოგზავნეს? ნეტავი ჩვენს სოფელში მაინც არ ჩამოვიდნენ. როგორმე უნდა გაფრთხილოთ, ტრინის საჩქაროდ ორი-სამი ბიჭი იშოვე!

ორიოდე წუთის შემდეგ იერონიმო, ორი სხვა კაცი და სამი ბიჭი დაღმართზე მიექანებოდნენ. გზა იმ ველზე გადიოდა, სადაც ლტოლვილების საქონელი ძოვდა. მერე ხევს დაუყვნენ. ტყის პირას გასულნი შედგნენ.

სამრეკლოზე ჩასაფრებულმა გუშაგმაც შენიშნა ორი ბიჭი. მათ ტანთ გლახური ხალათები ეცვათ. თავზეც გლახური ქუდეები ეხურათ. მათ შესაპყრობად ოთხი ცხენოსანი გაგზავნეს. ამათ ცხენები ერთხანს გზაზე აჭენეს, მერე ბილიკზე გაუხვიეს, საიდანაც ორივე ბიჭი ცოტა ხნით თვალიდან დაეკარგათ.



ზემოდან, მთიდან, გუშაგები გაფაციცებით აღევნებდნენ თვალს მაცნედ გამოგზავნილ ბიჭებს. ისინი ისევ გამოჩნდნენ. ეს ბიჭები კი ვერც მათ შესახვედრად გაგზავნილ სამ ბიჭს ხედავდნენ და ვერც იმ მხედრებს, მარცხნიდან რომ უახლოვდებოდნენ, თუმცა მთლად იმ მხრიდან არ მოდიოდნენ, საიდანაც ისინი. მთაზე გადმომდგარი ინდიელი გუშაგები ძალიან ლელავდნენ, ისინი ხედავდნენ, რომ სამივე ჯგუფი გზას ასცლდა და სხვადასხვა მხარეს მიდიოდა.

ორივე მაცნეს უკვე შეემჩნია კვამლი, ბალებში მდგარი სამი ქოხიდან რომ ხრჩოლავდა, ამიტომ ფრთხილობდნენ. გეზი პატარა ბორცვისკენ აეღოთ და აქედან ფიქრობდნენ სან ბარტოლდო მოეთვალეირებინათ.

უცბად მათ მუზარადჩამოფხატული თავები შეამჩნიეს და მაშინვე მიიმალნენ.

ციხე-სიმაგრიდან მოთვალთვალეებმა შეამჩნიეს, რომ ბი-

ქებმა მიმართულება შეიცვალეს და პირდაპირ მთისკენ აუსვიეს. მაგრამ ახლა იმის საშიშროება შეიქმნა, რომ მათ შესახვედრად გავზავნილი სამი ბიჭი არ გადაჰყოფდა კავალერისტებს. კიდეც კარგი, გზაზე იმდენი ქვეები ეყარა და ეკლავნი ბუჩქნარი იყო მოდებული, კავალერისტები იძულებულნი იყვნენ, უფრო მეტად გზას დაკვირვებოდნენ, ვიდრე მიდამოს. ამიტომ, როცა სამი ბიჭი უტბად კინალამ მათ გადააწყდა, კავალერისტებმა ვერ შენიშნეს. მეკავშირეებმა კი სწორედ ამ დროს ცხენოსნებს გარდა ის ორი მაცნეც შეამჩნიეს.

მთიდან მოთვალთვალეებმა სიხარულისაგან ყიჟინა ასტეხეს.

— შეხე, შეხე, ახლა კი მიხვდნენ, როგორც მოიქცნენ. აი, გარბიან კიდეც. ახლავე შეხვდებიან ჩვენებს! ახლავე!.. ეს რა არის, რად დაწვნენ?.. არა, ისევ გარბიან.

როცა შეამჩნევდნენ, მხედრები შეჩერდებოდნენ, მეთვალთვალეთ სიხარულის ყიჟინა ამოხდებოდათ ხოლმე. ბიჭები კი ტყეს სწრაფად უახლოვდებოდნენ.

მაღალი ხის ჩრდილში იერონიმო და ვილაც ორი კაცი იდგნენ. სამთავეს ხელში გაშლილი სიმინდის საჭრელი დანები ჩაებლუჯათ და თუ საჭირო გახდებოდა, მზად იყვნენ, ბიჭებს დახმარებოდნენ. მალე ბიჭები ისე მოახლოვდნენ, იერონიმომ ერთი მათგანი იცნო, ეს ბრაულიო იყო. ნეტა გლეხთა არმიის ამბავი ხომ არ მოიტანეს?

ოთხი მხედარი აღარსად ჩანდა. იერონიმომ ბიჭები დაბურულ ტყეში შეიყვანა და იქ ჰკითხა, საიდან მოდიხართო.

— მამაჩემმა პაკომ დამაბარა, წუხელ ხანძარი შევამჩნიეთ და რას ნიშნავსო? — დაიწყო ბრაულიომ.

— საპატასთან უკვე იყავით? — ჰკითხა იერონიმომ.

— თვითონ საპატა ჯერ არ გვინახავს, მის ერთ-ერთ რაზმს შევხვდით. გლეხთა არმია აქეთ მოიწევს.

— აქ როდის იქნება?

— მამაჩემმა თქვა, ალბათ, ხვალ ვიქნებითო.

იერონიმომ შეამჩნია, ბრაულიოს თვალები ჩაღამებოდა და ჰკითხა:

— რამდენი ხანია გზაში ხარ?

— რაც ბალებიდან წავედით, სულ გზაში ვართ.

— ყოჩაღ! — ალერსიანად უთხრა იერონიმომ. — ჭერჯე-რობით უკან აღარ გაგაბრუნებ. პაკოსთან სხვას გავგზავნით. შენზე კი ტრინი იზრუნებს. ისიც ორი დღეა ფეხზე დგას და ერთი გემრიელი გამოძინება არც იმას აწყენს.

ბრაულის გამოჩენამ ტრინი ძალზე გაახარა. ორივე მაც-ნე ისე მოქანცულიყო, აღმართზე წელს ძლივსღა მიათრევე-დნენ.



ტრინის მოუსვენრად ეძინა, შეშფოთებულმა რომ გამოი-ღვიძა, უცბად ვერ მიხვდა, სად იმყოფებოდა. კალათებსა და ქილებს შორის იწვა და ზემოდან მთვარე დაჰნათოდა. მის გვერდით საბანში გახვეული ბრაული იწვა. იქვე ახლოს ვი-ლაცეები ლაპარაკობდნენ. ეს რა უცნაური შუქია? ცეცხლი ხომ არ დაანთეს? მაგრამ ცეცხლის დანთება ხომ აკრძალული იყო? ტრინი ფრთხილად წამოდგა, რომ ბრაული არ გაეღვი-ძებინა.

წალოდან რომ გამოვიდა, ხეებს იქით გადაწითლებული ზეცა დაინახა. მათი სოფელი ხომ არ იწვოდა?

ტრინი მაღალ ქვაყრილზე აძვრა და მიიხედ-მოიხედა. დიახ, მათი სოფელი იწვოდა. მონუსხულივით შესცქეროდა აღმო-დებულ სახურავეებს. მერე იერონიმო და ამბროსია გაახსენდა. ისინიც თავშეყრილ გლეხებთან იდგნენ და მღუმარედ შეს-ცქეროდნენ ცეცხლმოკიდებულ სოფელს. მათ არ იცოდნენ, კავალერისტები ისევ იქ იყვნენ, თუ წავიდნენ. მხოლოდ დი-ლას გაიგეს, ავაზაკები წასულიყვნენ, მაგრამ საით, ეს აღარ იცოდნენ.

მამაკაცები ფრთხილად შეიპარნენ ახრჩოლებულ სოფელ-ში. მღვდლის სახლში ჯერ მკვდარ მზარეულს გადააწყდნენ, მერე ხუცეს ფელიქსს. ქუდმოხდილები იდგნენ მიცვალებუ-ლის გვამთან და ვერ გაეგოთ, ავაზაკები ხუცესს რაღას ერჩო-დნენ. ამბროსია თავისი ქოხისაკენ წაბარბაცდა. კარებში მისი ქმარი, გულკეთილი ხასინტო იწვა. ხელში სიმინდის საჭრელი დანა ჩაებღუჭა. სახე დაესახიჩრებინათ.

ამბროსია არ ტიროდა, თავჩაქინდრული დიდხანს იდგა და ხმას არ იღებდა. ვერც კი გრძნობდა მზის მწვავე სხივებს.

პაკოსა და ბრაულის სოფელში — ტეპოტლაში — ორი დღის წინ ტუსპანიდან ლტოლვილები მოვიდნენ. გენერალ უერთას არმიას ათას საშინელებას ჰყვებოდნენ. ტუსპანელებს გვიან მოუფიქრებიათ სოფლის მიტოვება. ამის გამო გლეხების უმრავლესობა და სიმინდის მთელი მარაგი ჯარისკაცებს ჩაეარდნოდათ ხელში. ამას გარდა, ადგილობრივ ხუცესს ჯარის მეთაურებთან რამდენიმე ინდიელი დაეხვედებინა, რომლებიც, მისი აზრით, ახალ იდეებს ავრცელებდნენ. დახვედებულთაგან ზოგი მაშინვე დაეხვრიტათ, ზოგი კი მხეცურად ეწამებინათ. საწყალი ტუსპანელები ჯერაც ისევ შიშით ცახცახებდნენ და ცოტა მაშინდა დამშვიდდნენ, როცა ტეპოტლელებმა უთხრეს, ჩვენთან ნუ გეშინიათ, საიმედოდ დაგმალავთო.

ტეპოტლელმა მღვდელმაც გაიგო უერთას არმიის მიერ ჩადენილი საშინელებანი, მაშინვე სახედარზე შექდა და უახლოეს ქალაქს მიაშურა. თავის მრევლს მაინცდამაინც ვერ ენდობოდა, მაგრამ არც მებატონე ტორესი ეხატა გულზე. მაშ რა ექნა? მართალია, ინდიელებთან დიდი მეგობრობა არა ჰქონდა, მაგრამ არც მძარცველთა არმიის მხეცური სისასტიკე მოსწონდა. ამიტომ, როგორც უნდა მოქცეულიყო, სულ ერთია, სინდისის ქენჯნას ვერ გაეცქეოდა. მზარეული ქალი და პატარა ქალიშვილი სოფელში მიატოვა. ეკლესიის კანონების მიხედვით, იმათზე იმდენსავე ვალდებულებას გრძნობდა, რამდენსაც სამწყსოს რომელიმე წევრზე.

დაღამებისას დამფრთხალმა მზარეულმა რაღაც ხმაურს მოჰკრა ყური. ჩუმად გაიხედა გარეთ და დაინახა, ბარგი-ბარხანააკიდებული ხალხი და სახედრები სადღაც მიეშურებოდნენ. მზარეულმა შვილი გაადვიდა, რაც აუცილებლად სჭირდებოდა, ბოლჩაში გამოკრა და გლეხებს გაჰყვა. თუმცა, სად მიდიოდნენ, არ იცოდა, რადგან თვითონ ტეპოტლელი არ იყო და ინდიელთა ამბავიც ნაკლებად იცოდა.

ტეპოტლელები მთას შეუდგნენ. თავშესაფრად ერთი ადგილი ეგულებოდათ, „თხის სახტომად“ წოდებული. ვინც კი ერთადერთი, მთლად ჩამორეცხილი და დაკიდული ბილიკი დი-

დის გაჭირვებით აიარა, გაცეცხისაგან პირს აღებდა, როცა მწვანე მოლიან ტაფობს გადაადგებოდა. იგი ამჟამად ჩამქრალ ვულკანის კრატერს წარმოადგენდა. როცა ტვირთაკიდებული ხალხისა და პირუტყვების გრძელი ქარავნის თავმა კრატერის ნაპირს მიაღწია, შორს ხანძარი დაინახეს. ეტყობოდა, სან ბარტოლოდო იწვოდა. მიხვდნენ, მძარცველები სან ბარტოლოდოს შესეოდნენ. თითქმის იმავე დროს „თხის სახტომს“ მეორე სოფლიდან გამოქცეული ლტოლვილებიც მოადგნენ.

სანამ ტეპოტლიდან გამოიქცეოდნენ, ბატონ ტორესის მოჯამაგირეებში დავა ამტყდარა. ზოგს მოუნდომებია, მეორე დღეს მამულში დაბრუნებულყო და მუშაობას შესდგომოდა. მაგრამ ახალგაზრდობას ეს არ უნდოდა. მათ აზრს არაკუნე გამოსთქვამდა, თუმცა ჯერ ყმაწვილი იყო, მაგრამ სიმალლითა და, ჯან-ლონით გამოირჩეოდა. ამას გარდა, ენაწყლიანიც იყო და ისიც კარგად იცოდა, ბალში მიღებული ცოდნა როგორმე გამოეყენებინა.

არაკუნემ როგორც კი ხანძარს თვალი მოჰკრა, ამხანაგებს მოელაპარაკა და საბრძოლო რაზმი ჩამოაყალიბა, ხელში გაშლილი სიმინდის საჭრელები დაიკავეს და იმ ადგილას ჩასაფრდნენ, სწდაც ვიწრო, დაქანებული ბილიკი „თხის სახტომის“ ფართო ტაფობში გადადიოდა.

არაკუნემ ამხანაგებს უჩვენა, როგორ უნდა დახვედროდა აღმართში ამომავალ ჯარისკაცს და მოქნეული დანით მიწაზე წაექცია. სწორედ ამ დროს ბილიკზე ხუცესის მზარეული და მისი გოგონა გამოჩნდნენ. შეძრწუნებულმა მზარეულმა შეამჩნია, რომ სიბნელიდან მისკენ მოქნეული დანით გადმოხტა მაღალი არაკუნე. მზარეული უკან გადახტა და მძიმე ტვირთქვეშ მოხრილ ბილიკზე ამომავალ გლეხს გადააწყდა. ინდიელი წყევლა-კრულვას მოჰყვა.

არაკუნემ გაიღრიჭა და ხელი დაუშვა. უცბად აენტებოდა, მაგრამ ზოგჯერ მოუფიქრებლად გამოუდიოდა.

შეშინებული მზარეული ბანაკის მეორე მხარეს გაემართა. მისი გოგონა უხმოდ ტიროდა და შიშით ცახცახებდა. მეორე დღეს მათ უკვე იცოდნენ, რომ ინდიელები ამ ქალაქურად გამოწყობილთა მიმართ მტრულად არ იყვნენ განწყობილნი და, საერთოდ, მათ ყურადღებასაც არ აქცევდნენ.

არაკუნეს საჩვენებელმა თავდასხმამ ახალგაზრდების რაზ-
მი დაარწმუნა, რომ აქ თავდაცვა ადვილი საქმე იყო, გინდაც
იერიშზე შამხანებით შეიარაღებული ჯარისკაცები წამოსუ-
ლიყვნენ. ღამით მეორე სოფელმაც შექმნა საბრძოლო რაზმი.
ამის შემდეგ ხანშიშესულმა მუშებმაც გადაწყვიტეს, ბატონის
საქმეზე სამუშაოდ აღარ წასულიყვნენ და „თხის სახტომში“
დარჩნენ. ოღონდ საჭირო იყო, საკმარისი რაოდენობით წყა-
ლი ამოეზიდათ, რადგან მთაზე წყალი არ იყო. წყალზე მი-
მავალი ქალები გრძელ რიგად დაწალიყდნენ. ყველას თავზე
კოკა ედგა.



ბატონი ტორესი და მისი ვაჟიშვილი იმ ღამეს დიდხანს
ფხიზლობდნენ, ბანზე ავიდნენ და ხანძრით განათებული ჰო-
რიზონტისკენ იცქირებოდნენ.

— აი, ხომ ხედავ, უერთას რაზმებმა გვერდი აგვიქციეს.
მეც ამას არ ვამბობდი? — წაიტრაბახა ბატონმა ტორესმა, —
მაგრამ ეს კი მიკვირს, ასე მალე როგორ მივიდნენ იქ.

სხვა აღარაფერი გამოჩენილა და მამა-შვილი კარგა ხანს
არაყს სვამდა. არყის სახდელი რომ ჰქონდა, ამან ტორესი ძა-
ლიან წაახდინა: ამ ბოლო ხანებში ყოველ საღამოს იღეშებო-
და. გვიან დგებოდა და თუ დილას ადრე გააღვიძებდნენ, ძა-
ლიან ბრაზობდა.

შეშფოთებული ზედამხედველები დილით ეზოში დაწრია-
ლებდნენ და ალაყაფის კარებისაკენ იცქირებოდნენ. ან ახლა
გამოჩნდებიან მოჯამაგირეები, ან ახლაო. თავგასიებული ბა-
ტონი, როგორც იქნა, ლოგინიდან წამოდგა და ნახა, რომ მა-
მულში ერთი მუშაც არ გამოცხადებულა. ტორესი საშინ-
ლად გაცეცხლდა, სკამი გვერდით მოისროლა და ზედამხედვე-
ლებს ლანძღვა დაუწყაო:

— ეგ ცხენები რისთვისა გყავთ! — ყვიროდა ტორესი. —
წადით სოფელში და ყველას უთხარით, ხვალ უერთას არმია
აქ იქნება. მე რომ ერთი სიტყვა დამცდეს, თქვენ ყველას
ამოგულეტენ-თქო. აბა, გაქუსლეთ!

ზედამხედველები უგემურად შებრუნდნენ და ძლივს მოი-

ცვალეს ფეხი. ამის შემსდევარე ტორესი უფრო გაანჩხლდა. ზედამხედველები კარგად ხვდებოდნენ, გლეხები სადაც დაი-
მალეობდნენ.

ზედამხედველები მალე მობრუნდნენ და ამბავი მოიტანეს, სოფელში კაცის ჭაჭანება აღარ არისო, მღვდელიც კი ვერსად ვნახეთო. ამაზე ტორესი ისევ აყვირდა, მაგრამ მერე კი ჩა-
ფიქრდა. უერთას ხალხმა რომ გაიგოს, ჩემი გლეხები აღარ მუშაობენ, ეშმაკმა უწყის ეს ბანდიტები რას იზამენო.

ტორესმა ტეკილი მოითხოვა და ორი ჭიქა ზედიზედ გა-
დაჭკრა.

უტბად მისმა ვაჟმა მოაგდო ცხენი:

— მამა, ვიცი ეგ ვაჟბატონები სადაც არიან. დურბინდით დავინახე, „თხის სახტომს“ შეფარებიან.

ბატონი ტორესი ბანზე ავიდა. აქედან კარგად მოჩანდა მუქი ნაცრისფერი ციცაბო მთა. გეგონებოდათ, ვეებერთელა თავი წაუჭრიათო. ფერდობები ღვართქაფებს დაელარათ და ჩამოე-
რეცხათ. ტორესმა თვალბთან დურბინდი მიიტანა და კრატე-
რის პირას ჩასათრებული ინდიელების თავები მკაფიოდ გაარ-
ჩია.

— რა ვიღონოთ? — ჰკითხა ვაჟმა.

— აბა, რას იზამ? — მიუგო დანადვლიანებულმა ტორეს-
მა. — იქ არმიით ვერ შეუტევ, კარგად ვიცი ეგ „თხის სახტომი“. ამ ტაფობში კარგი ბალახი იზრდება და ინდიელთა ვირებს საძოვარი არ შემოაკლდებათ. ჩამსხლარან შინ და ზემოდან დაგვცინიან.

გვიან ღამით მთელი ოჯახი ვახშამს უჭდა, როცა მსახურმა ხუანმა ბატონს შეატყობინა, ზედამხედველი მოვიდაო. ტორესს არ უყვარდა ამ გაუნათლებელი ხალხის შეშვება თავის ოთახ-
ში და გარეთ გამოვიდა.

— ბატონო, — დაიწყო ზედამხედველმა, — სან ბარტოლ-
დოს მხარეს ცა გადაწითლებულია. ალბათ, სოფელი იწვის.

— მაგის სათქმელად მოხვედი? — ჩაეკითხა მეზატონე. მან იცოდა, უერთას ჭარისკაცები სოფელს გაძარცვავდნენ და მე-
რე გადასწვავდნენ. „ახლა კი, ალბათ, სხვა სოფელს შეესი-
ენ.“ — გაიფიქრა თავისთვის.

ტორესის ცოლი და ქალიშვილი დასაძინებლად წავიდნენ,

თვითონ და ვაჟიშვილი კი ბანზე ავიდნენ. სან ბარტოლდოს ამბები ისე არ აინტერესებდა, როგორც მისი მოპირდაპირე მხარის ამბები, საიდანაც უერთას არმიას ელოდებოდა.

— ძალიან მიკვირს, იმ მხარეს ხანძარი რომ არ მოჩანს, — უთხრა თავის ვაჟიშვილს. — აბა, რას ემგვანება, მაგ არმიამ სოფლები ცეცხლს რომ არ მისცეს. ავაზაკი თავის ჩვეულებას ვერ დაივიწყებს. შიკრიკი მაინც გაგეგზავნათ! იმათ უფროსს დაეპატიჟებდი ოჯახში. ეს ყველაზე უკეთესი საშუალება იქნებოდა ჩემი ოჯახის თავდაცვისათვის. მალე მთვარე შეიცვლება, ამას ყოველთვის რაღაც მოჰყვება ხოლმე, ოღონდ ვერ გაიგებ, კარგი თუ ცუდი.

უცბად ქუჩიდან ხმაური მოისმა.

— ცხენოსნებია! — წამოიძახა ვაჟიშვილმა და მთვარის შუქზე ორივემ კავალერისტები დაინახა.

მამა-შვილმა მაშინვე ეზოში ჩაირბინა. სვეტებიან შესასვლელთან ორი ოფიცერი შედგა.

— კეთილი იყოს თქვენი მობრძანება! — შესძახა ბატონმა ტორესმა. — ჩემი სახლის კარი ღიაა თქვენთვის. გვეწვიეთ!

კაპიტანს ცხენიდან ჩამოხტომა არ დაუპირებია, ტორესს ისე უპასუხა:

— მანამდე პატარა ანგარიშები გავასწოროთ! მე მეპატიჟებით, მაგრამ აი, ჩვენი ლეიტენანტი კარგა გვარიანად გააცურეთ, თავბრუ დაახვიეთ, სან ბარტოლდო მდიდარი სოფელიაო! მდიდარი კი არა, კინალამ შიმშილით სული ამოგვძვრა, მღვდელსაც პირი შეეკრა გლეხებთან. მაგრამ სამუდამოდ შევუკარით პირი. — კაპიტანმა ბოლო წინადადება განგებ გააჭიანურა და მერე ისევ განაგრძო: — თქვენ კი, კეთილშობილო ბატონო, ალბათ ჩვენი თავიდან მოცილება გნებავდათ, არა? თქვენც ლიბერალი ხომ არ ბრძანდებით ჩვენს პრეზიდენტ მადეროსავით? იგი სწორედ ახლა ათასგვარ დაბრკოლებას გვიქმნის. მალე დაილუპავს თავს. თქვენც ხომ არ გინდოდათ მისი ბედი გაგეზიარებინათ?

ბატონმა ტორესმა ვაჟიშვილს ჩასჩურჩულა:

— ახლავე გაალვიძე ყველანი და ბლომად ტეკილი მოიტანე!

კაპიტანს, რასაკვირველია, ეჭვიც არ ეპარებოდა, რომ მე-



მამულე ლიბერალი არ იქნებოდა, მაგრამ მისი დაშინება უნდოდა, იქნებ რაიმე დაეცინცლა.

ბატონი ტორესი სადარბაზოს კიბეზე დაეშვა, თაღლითური ღიმილით კაპიტანს თავი მდაბლად დაუკრა და უთხრა:

— ძალიან ვწუხვარ, რომ სან ბარტოლოდოში ვერ იპოვეთ, რასაც ეძებდით, სამაგიეროდ აქ დაგაჩილოვებთ.

ბატონმა ტორესმა კაპიტანს თითლიბაზური საუბარი გაუბა, სანამ მსახური ხუანი ლანგრით ტეკილსა და ჭიქებს შემოიტანდა.

— ბატონო კაპიტანო, ნება მომეცით, — უთხრა სტუმარს ტორესმა, — თქვენი მოსვლის სადღეგრძელო შევსვა. ჩემი საკუთარი ქაიხნისაა. ამ ტეკილს თვით მეხიკოში ვაწვდი მუშტარს.

შემდეგ კაპიტანს აღუთქვა, მთელი ესკადრონის დანაყრებას მე ვკისრულობო. მანამდე კი ბლომად არაყი შემოატანინა. ბატონის სამზარეულო ერთბაშად ხომ ვერ მოამზადებდა მთელი ესკადრონისათვის საკმელს, ამიტომ ზოგი კავალერისტი ისე გამოიბრუჟა, ჭამის თავიც აღარ ჰქონდა.

ცოტა ხნის შემდეგ კაპიტანი და ბატონი ტორესი სავარძელში ხელიხელგადახვეულნი ისხდნენ და ენის ბორძიკით რალაცას ბურტყუნებდნენ. ტორესის ცოლი მათ ტკბილი ღიმილით შესცქეროდა.

— ძვირფასო ძმაო, — ლულლულებდა ტორესი, — ერთი თხოვნა მაქვს შენთან!

-- რაც გინდა, მთხოვე.

— ჯარისკაცები სოფელში გააგზავნე, მთვრალეები არიან!

— ლეიტენანტო, — დაიღრიალა კაპიტანმა, — სერჟანტს უთხარი, ყველანი სოფელში წავიდნენ, ყველანი!

ქალბატონმა ტორესმა მოსაჩვენებლად ტუჩებთან ჭიქა მიიტანა, მერე წამოდგა და როგორც კი მთვრალეებს გაეცალა, მის სახეს ნაძალადევი ღიმილი მოშორდა.

— ხუან, — მკაცრი კილოთი უთხრა მსახურს, — გადი და ეგ მთვრალი ჯარისკაცები ეზოდან რომ გავლენ, ალაყაფი მაშინვე ურდულით ჩაკეტე.

— ქალბატონო, თუ გინდათ, ჯარისკაცები უკან აღარ მობრუნდნენ, სოფელში არაყიც უნდა გაატანოთ, — უჩჩია ხუანმა.

— კარგი, სამყოფ არაყს გავუგზავნი სოფელში, — უპასუხა ქალბატონმა ტორესმა.

ეზოდან კავალერისტების გაყვანა ეგრე ადვილი როდი იყო. სერჟანტმა ბრძანების შესასრულებლად კარებში დაყენებული გუშაგები გამოიყვანა, რომ გამობრუყული ჯარისკაცები როგორმე ეზოდან გაეყვანათ ან გაეთრიათ. გუშაგები ხელის კვრითა და პანღურებით ერეკებოდნენ ეზოდან, ბოლოს ცემატყეპა ატყდა, რაც სოფელშიაც კარგა ხანს გაგრძელდა და მაშინდა დასრულდა, როცა მათთან ერთმა ზედამხედველმა პულკეთი სავსე ორი კასრაკიდებული სახედარი მიიყვანა. პულკეჯერ კიდევ არ დადუღებულყო და თავზე ქაფი მოეგდო. ზოგიერთს სწორედ ამ დროს უყვარს პულკეს სმა, თუმცა შემდეგ საშინლად მოქმედებს. ხელჩართულ ჩხუბში ჩაბმულმა კავალერისტებმა შერიგების სადღეგრძელოები დალიეს და ზედამხედველს მერე ტეკილიც მოსთხოვეს.

გათენებამაც მოაწია, სანამ სოფელში ტეკილი მოიტანეს. ისევ ასტეხეს ლოთობა და ღრიალი. მთელ ესკადრონში ცხენებიდა დარჩა ფხიზელი.

ბატონი ტორესის ლოთობის გამო მისმა მსახურმა ხუან-მაც მიჰყო ხელი სმას. როგორც კი დროს იხელთებდა, თითო-ოროლა ჭიქას გადაჰკრავდა ხოლმე. წუხანდელ ღრეობაში თვალყურს აღარავინ ადევნებდა, ვინ რამდენს სვამდა. ამით ხუანმა კარგად ისარგებლა. მის მეგობარ გლეხებს ხომ უნდა სცოდნოდათ, რა ხდებოდა ბატონის სახლში, ჰოდა, სხვა ვინ შეატყობინებდა მათ ამ ამბებს, თუ არა ხუანი? ამის გამო ამჯერად ხუანს აღარ დაუღევია.

გათენებისას მსახურებმა დივანზე მიძინებული ბატონი თავის ოთახში შეიყვანეს და ლოგინში ჩააწვინეს. გაცილებით ძნელი აღმოჩნდა ტყვიასავით მძიმე კაპიტნისა და გახელბული უმცროსი ტორესის ლოგინში ჩაწვენა. ბოლოს, როგორც იქნა, ხუანმა მოიცალა. ახლა კი შეეძლო მთაში ინდიელებთან წასვლა. ბანცალ-ბანცალით, ხელების ქნევით ჩამოვიდა კიბეზე და ეზო გადაიარა. ეზოში კაცის ჰაქანება არ იყო. ალაყაფის კარებს მძიმე ურდული გამოაცალა და იქაურობა სწრაფად მიათვალ-მოათვალიერა. გარეთაც არავინ ჩანდა. სოფლიდან გაღეშილი კავალერისტების ღრიანცელი მოისმოდა.

ხუანი ეზოდან გაიპარა და ჭიშკარი მიხურა, მერე თავის წინ აღმართულ რუხ ციკაბო მთას შეხედა და გაიფიქრა, იქ რა ავაო, მაგრამ მოვალეობამ სძლია დაღლილობას და მთისკენ მიმავალ დაკლავნილ ბილიკს შეუდგა. ნახევრად ძილ-ბურანში მყოფი ხუანი თავჩაქინდრული მიდიოდა.

— ბიძია ხუან! — მოესმა უცბად ჩუმი ხმა.

ხუანი შეკრთა. მიიხედ-მოიხედა. კაქტუსის ძირას შავქოჩორა, თვალებგაბრწყინებული ბიჭი დაინახა.

— ბიძია ხუან, — თქვა არაკუნემ, — გეტყობა, გემრიელად გადაგიხუხავს. ჩვენთან მოდიხარ? თუ ასეა, უკვე მოსულხარ.

ბუჩქებს უკან მიმალული ბიჭები ნელ-ნელა გამოლაგდნენ. აქ თითქმის მთელი ტეპოტლას ახალგაზრდობას შეეყარა თავი. ხელში ყველას გაშლილი სიმინდის საჭრელები ეკავათ. გაოცებული ხუანი მათ თვალებდაჰყვებოდა შეჰყურებდა.

ხუანმა უამბო მათ, მთელი ესკადრონი გაღეშილია, ტორესთან მხოლოდ ოფიცრები, უფროსი სერჟანტი და ორიოდ ჯარისკაციღა დარჩნენო.

— ალყაფის კარებში გუშაგები არ უყენიათ? — იკითხა არაკუნემ.

— მოსულთაგან არავინ, ზედამხედველთაგან კი არ ვიცი, შეიძლება რომელიმე იდგეს. მათთვის ქალბატონს სასმელი არ მიუცია, მაგრამ ცოტას მაინც გადაჰკრავდნენ სადღაც.

— შენ ხომ არ შეგიძლია, ხუან, ისინიც გამოათორო?

— ეგ იოლი საქმეა. ჭიშკარი მარტო მიხურული იქნება.

— სჯობია, ჩაქეტო, — თქვა არაკუნემ. — კედელში განგრეული ხვრელიდან გადმოვალთ.



ზემოთ, „თხის სახტომის“ კრატერის თავიდან, მზვერავეები დიდიდანვე უთვალთვალებდნენ ტეპოტლაში კავალერისტების ფუსფუსს, მაგრამ ვერ გაიგეს, რას აკეთებდნენ. ცოტა ხნის შემდეგ დაინახეს, მემამულის ეზოდან ვიღაც გამოვიდა. მას გლეხურად არ ეცვა და შორიახლო ჩასაფრებული არაკუნეს რაზმისაკენ გასწია. მერე შეჩერდა და თითქოს მათ გამოელაპარაკა. დიდი ხანი არ გასულა, ისევ უკან შებრუნდა და მებატონის სახლ-კარისაკენ გაემართა. ახლა კი არაკუნეს რაზმიც აიშალა და სოფელსა და ტორესის მამულს შორის მიმავალ გზაზე დაწალიკდნენ. ეზოს რომ მიუახლოვდნენ, შეჩერდნენ, მერე ერთიმეორის მიყოლებით გზა აჩქარებით გადაირბინეს, ეზოში გადაძვრნენ და აქაც სასწრაფოდ ხეებს მიეფარნენ.

— რაღაცას აპირებენ. — მიუბრუნდა ბენიამინი თავის კბილა ხალხს, — უნდა მივეშველოთ. ვინ გამოძყვება?



სან ბარტოლდოელებმა თავიანთი გადამწვარი სოფელი ფრთხილად მიჩხრიკ-მოჩხრიკეს. მათ ეგონათ, ესკადრონი თავისი გზით წავიდა და ახლა მას უერთას მძარცველთა არმია მოჰყვებოდა. ამიტომ გლეხები შუადღისას უკანვე გაბრუნდნენ ინდიელთა ციხე-სიმაგრისაკენ.

ამასობაში ყველაზე მაღალი ქვის ყორიდან ბრაულიომ და ტრინიმ სამხრეთით რაღაც საყურადღებო შენიშნეს. ნეტა რა იყო? ან იქნებ თვალმა მოატყუათ? მზისგან ძლიერ გახურებულ ჰორიზონტი მკაფიოდ კი არ გამოიკვეთებოდა, ორ ზოლს ჰქმნიდა და მათ შორის სიცარიელე იდგა. ეს მოვლენა მათთვის ბავშვობიდანვე იყო ცნობილი და ისიც კარგად იცოდნენ, რომ ასეთი ორმაგი ჰორიზონტი თვალს ატყუებდა. მაგრამ ამგვარი უცნაური ზოლები ბავშვებს არასოდეს დაუნახავთ და ამიტომ მათ თვალი ვერ მოაცილეს.

ტრინიმ ბრაულიოს იდაყვი წაჰკრა, ჰორიზონტზე უფრო ახლოს რაღაც დაინახა და ამხანაგებს ანიშნა.

— ჰო, — კვერი დაუკრა ბრაულიომაც, — ვიღაც მოდის. არა, ერთი კი არა, ორია!

— არა, სამია! — წამოიძახა ტრინიმ. — გავიქცევი, ძია იერონიმოს შევატყობინებ.

ტრინის ათი ნაბიჯიც არ ექნებოდა გავლილი, რომ ბრაულიომ შეამჩნია, სამზე ბევრად მეტნი იყვნენ. ჰორიზონტზე ზოლები გაქრა, მათ მაგივრად ბრაულიომ დაინახა, რომ მრავალ ადგილას გლეხურ ქურთუკებში გამოწყობილი ადამიანთა რიგები ინდიელთა ციხე-სიმაგრისაკენ მოემართებოდნენ.

— ჰეი! — ჩასძახა ბრაულიომ ქვემოთ.

— რა მოხდა? — გამოეპასუხნენ დაბლიდან.

— აი, იქიდან ჩვენკენ ბევრი ხალხი მოდის, გლეხები მოდიან!

რამდენიმე კაცი ყორეზე აფორთხდა და მალე მათაც დაინახეს მთაგორებიან მიდამოზე ციხე-სიმაგრისაკენ მომავალი გამწკრივებული გლეხები.

— საპატა მოდის, — თქვა ერთმა ჩუმად.

— საპატა, საპატა! — ყოყინა დასცეს გახარებულმა ინდიელებმა.



არაკუნემ გალავანში განგრეულ ხერელში თავი გაპყო და ეზო მიათვალიერ-მოათვალიერა. იქ არავინ ჩანდა და ხერელში გადაძვრა. სხვებიც მიჰყვნენ. ხელში გაშლილი სიმინდის საჭრელები ეჭირათ. თავლას რომ ჩაუარეს, შიგნიდან ჯაჭვის ჩხა-

რუნი, ცხენის ფლოქეების ბრაგუნი და კაცის ხვრინვა მოეს-
მათ.

არაკუნე შეჩერდა. ორი კაცი შესავალში დააყენა. დანარჩე-
ნებს ანიშნა, შიგ შევიდეთო. თავლაში თივაზე სამი კაცი გა-
შოტილიყო. კარაბინები და სატყვიაწამლე კედელზე დაეკი-
დათ. ინდიელებმა კარაბინები ფრთხილად ჩამოხსნეს და მხარ-
ზე გადაიკიდეს, სატყვიაწამლე წელზე შემოირტყეს. გულის
ძილში მყოფ მთვრალეებთან დანებით შეიარაღებული რამდე-
ნიმე ინდიელი დასტოვეს. დანარჩენები მთავარ ეზოში გადაი-
პარნენ. აქ მათ მზარეულის თანაშემწემ შეასწრო თვალი და
შეშინებული გაიქცა, მაგრამ მისმა ნაცნობმა არაკუნემ ტუ-
ჩებზე თითი მიიღო. ამიტომ მაშინვე დამშვიდდა, აღარ დაუ-
ყვირია და ორიოდ ნაბიჯი რომ გაიარა, ისევ შედგა. სვეტე-
ბიან შემოსასვლელში ხუანი და მეორე მსახური გამოჩნდნენ.
მათ ინდიელებს ნიშანი მისცეს და ესენიც სადღესასწაულო
კიბისაკენ გაემართნენ.

ქალბატონი ტორესი და მისი ქალიშვილები საუზმეს შეექ-
ცეოდნენ.

— ნეტავ ეს ჯარისკაცები რომ გადაშენდებიან, ტეკილიც
აღარ... — ქალბატონმა თვალი მოჰკრა და სიტყვა გაუწყდა.

ქალების წივილ-კივილზე ბატონ ტორესს არც კი გაღვიძე-
ბია და ორიოდ სიტყვა მაშინდა ამოიღულულა, როცა ინდი-
ელებმა ხელები ზურგზე გაუკრეს.

ერთი ზედამხედველის მოთოკვა ცოტა გაუჭირდათ, მაგრამ
ისიც უიარალოდ დარჩენილიყო და მალე დაიმორჩილეს. ინდი-
ელთა ნადავლი ხუთ კარაბინს, სამ სანადირო თოფსა და შვიდ
პისტოლეტს შეადგენდა.

ხუანმა არაკუნე განზე გაიხმო:

— უერთას არმია რომ მოვიდეს, ჩვენ რა ვქნათ? — იკითხა
ხუანმა.

— რა უნდა ქნათ? ჩვენთან წამოდით „თხის სახტომზე“.

— არაკუნე! — მოისმა ჭიშკრიდან ძახილი. — სამი მხედა-
რი ცხენებს აქეთ მოაქვენებს!

— რომელი მხრიდან?

— ტუსპანიდან!

— დაიმაღეთ! ხუანი შეეგებება. მე რომ დავუსტვენ. გა-

მოხტით, გარს შემოერთყით და იარაღი ავართვათ. ჯერ კიდევ ბევრი იარაღი გვჭირდება.

უცებ ყველა მიიმაღ-მოიმაღა.

ამასობაში ხუანი თითქმის სულ გამოფხიზლებულიყო და როცა სამი მხედარი ეზოს მოადგა, ჭიშკარი გააღო.

— კაპიტანი კასტრო აქ არის? — იკითხა ერთმა მხედარმა.

— აქ არის, მაგრამ სძინავს.

— სასწრაფო წერილია.

ხუანმა ეშმაკურად ჩაიცინა.

— გუშინ იმანა და ჩვენმა ბატონმა ბევრი დაღიეს და გაღვიძება გაუჭირდება. მანდ რასა დგახართ. შიგნით შემოდით!

სამივე შიგნით შევიდა და ხუანი ექვით აათვალ-ჩაათვალ-ერეს, როცა იმან ჭიშკარი მიკეტა.

— რატომ კეტავ?

— ბატონმა კაპიტანმა ბრძანა, ჭიშკარი არ გააღოთ, თორემ ხალხი ტეკილის სათხოვნელად მომაწყდებაო.

— თქვენ აქ არყის სახდელი გაქვთ?

— გვაქვს და მერე როგორი! — ხუანს თავში ერთი აზრი მოუვიდა და მხედარს წასჩურჩულა: — თუ არ გამკემთ, სანამ კაპიტანი გაიღვიძებდეს, სამივეს რაღაცას მოგიტანთ. ანკარა წყაროსავეთ წმინდაა და კამკამა.

მხედრები ჩამოქვეითდნენ. ხუანის ცოლმა ხონჩა შემოიტანა და სამი ჭიქა არყით პირთამდე შეავსო. კავალერისტებმა ჭიქები ასწიეს და ის იყო პირთან უნდა მიეტანათ, რომ სტვენა გაისმა.

ყოველი მხრიდან სიმინდის საჭრელებმომარჯვებული ინდიელები გამოცვივდნენ. ერთი მხედართაგანი შიშით კინალამ ჩაიკეტა. ინდიელებმა სამივეს თვალის დახამხამებაში წაართვეს იარაღი.

— წერილი სადაა? — ჰკითხა ხუანმა უფროსს.

— წერილი კაპიტანს უნდა გადავცე, — ჩაილულულა დაბნეულმა.

— რას მიედებ-მოედები! — შეუყვირა არაკუნემ. — ვერა ხედავთ, უფროსები აქ ჩვენა ვართ, გლებები?

უფროსმა მხედარმა წერილი ნელ-ნელა ამოიღო.

არაკუნემ წერილს დახედა და სახეზე სიწითლემ გადაჰკრა:

ასობს ძლივს არჩევდა. არც სხვას შეეძლო წაქითხვა. ინდიე-
ლები იდგნენ დარცხვენილები და ხმას ვერ იღებდნენ.

ბოლოს ერთმა თქვა:

— წერილი საპატას უნდა გავუგზავნოთ.

შეპყრობილებმა მას შიშით შეხედეს.

— რაო, გეშინიათ საპატასი? — დაცინვით შეეკითხა მათ
არაკუნე. — ჯერ ძარცვა-გლეჯვასა და მკვლელობას ეწვეით,
მერე კი შიშით შარვალში ისვრით?

ამან არაკუნეს უცბად გაახსენა, რომ სოფელში მძარცველ-
თა მთელი ესკადრონი იდგა, ჭიშკართან კი ერთი გუშაგიც არ
დაუყენებია!

— ხუან, სად შეიძლება ეს პატიმრები საიმედოდ ჩავამ-
წყვდიოთ?

— წამოდი, გიჩვენებ!

არაკუნემ თავისი ხალხი ორ არათანაბარ ნაწილად გაჰყო და
მცირე ნაწილი პატიმრებს დაუყენა ყარაულად. როცა მათ-
თან უგონოდ გამოღეშილი კაპიტანიც შეათრია, სამივე შიკ-
რიკი დარწმუნდა, რომ კაპიტანი მართლაც აქ იყო. ისიც კარ-
გად შეამჩნიეს, რომ გამოღეშილი ვერ ხვდებოდა, მის თავს
რა ამბავი ტრიალებდა. მეორე მხრივ, რაკილა იმაშიც დარწმუნ-
დნენ, რომ ინდიელებს ოფიცრებიც დაეპატიმრებინათ, უფრო
მეტად შეშინდნენ, რადგან იფიქრეს, დიდი ძალემა ჰყოლიათ.

— რაც ჩვენ სიმინდი წაგვგლიჯეს, სულ ტორესს აქვს შე-
ნახული, — უთხრა არაკუნემ ამხანაგებს. — იმ სიმინდს უნდა
ვუყარაულოთ. ჭიშკართან შეიარაღებულები დავდგეთ, სხვაგან
არა უშავს. თუ ძლიერი დაცვა არ იქნა.

— არაკუნე! — უთხრა ერთმა თოფიანმა ინდიელმა, — ამის
ხმარება რომ არ ვიცით?

— გვასწავლიან!

ამ ლაპარაკს ტორესის ზედამხედველებმა მოჰკრეს ყური.
სწორედ იმ დროს ჩაატარეს მათ გვერდით.

— მე გასწავლით, — თქვა ერთმა.

არაკუნეს უხეში, მაგრამ კეთილი სახე მოედუშა.

— შენა? იქნებ გგონია, დაგვაფიწყდა, ლორენცოს ცემით
სული კინალამ რომ ამოხადე? წაიყვანეთ ეს ავაზაკი!

— მე გასწავლით, — თქვა ერთმა კავალერისტმა.

ამ ახალგაზრდა გლეხს კი ველარ უთხრეს უარი, იგი ცოტა ხნის წინათ იძულებით წაეყვანათ ჯარში. ეს ყმაწვილი მაშინვე ტეპოტლელი გლეხების მხარეზე გადავიდა და უამბო, რაც თავს გადახდენოდა. ისიც ტეპოტლელი გლეხების დღეში იყო.

— თქვენს არმიაში მიმიღეთ! — ითხოვა მან.

— რა არმიაში?! — გაიკვირვეს ინდიელებმა.

— თქვენ საპატას არმიიდან არა ხართ?

ინდიელებს გაეცინათ.

— იქნებ გავხდეთ კიდევ!



ტეპოტლას აღება

თეთრ ცხენზე ამხედრებული საპატა რამდენიმე თანმხლებით ვიწრო ბილიკს მიუყვებოდა. ტანზე გლეხური სამოსი ეცვა, შიშველი ფეხები სანდლებში წაეყო. შავ სახეს დაფიქრებული თვალები ალერსიან იერს აძლევდა. გრძელი, შავი უღვაშების ბოლოები დაბლა დახროდა. საპატა დაკვირვებით უმზერდა გლეხთა არმიის ნაწილებს, მინდვრებსა და ბუჩქნარით მოფენილ ბორცვზე რომ გაშლილიყო და წინ მოიწვედა. იმ ცნობების მიხედვით, რაც საპატას გააჩნდა, უერთას არმიის ფეხოსნები ტუსპანში იდგნენ, ხოლო ესკადრონს სან ბარტოლომდე მიედწია. საპატას უნდოდა, მტრის გაუფრთხილებლობით ესარგებლა და ესკადრონს თავს დასხმოდა. მისი საპოტეკების დიდი ნაწილი ბალთასარის მეთაურობით ამიტომ მიიწვედა სან ბარტოლოსაკენ, ხოლო არმიის ძირითად ნაწილს გეზი ტეპოტლაზე ჰქონდა აღებული, რათა ესკადრონისათვისაც გზა მოეჭრა და, თუ საჭირო გახდებოდა, ავაზაკთა არმიაც შეეჩერებინა.

ეს გეგმა საპატამ ერთი ბედნიერი შემთხვევის წყალობით შეიმუშავა. როცა ის თავისი არმიით ამ ადგილებში შემოვიდა, მასთან სხვადასხვა სოფლიდან შიკრიკები, — უმეტესად მოზარდები, — გამოცხადდნენ და აუწყრეს თავიანთი მღგომარეობა. ეს თავდადებული ბიჭები საპატას ძალიან მოეწონა და კარგა ხანს ესაუბრა. საუბრისას გლეხთა არმიის მეთაურმა



შეიტყო, რომ შიკრიკები მასთან შემთხვევით არ მოსულიყვნენ, ამ მხარეში სოფლებს შორის საქმიანი კავშირი იყო დამყარებული. ბიჭებმა მეთაურს სან ბარტოლომე მებაღე იერონიმოზედაც ბევრი რამ უამბეს, ბატონმა ცხვირი და ყურები დააჭრაო. ჩვენც დავდიოდით სან ბარტოლოდოს ბაღებში, აქ ვილაც მარიო წერა-კითხვას გვასწავლიდაო. ეს მარიო ქალაქელია და ინგლისურად ლაპარაკობსო.

სან ბარტოლოდოს ბაღების ამბები რომ მოისმინა, საპატამ დაასკვნა, აქ მარტო უბრალო სკოლა არ იქნებოდაო და გადაწყვიტა, გაეცნო და თავის მხარეზე გადმოებირებინა იერონიმო, რომელმაც გლეხები ბატონების წინააღმდეგ აამხედრა. ენერგიული და ჭკვიანი ხალხი საპატას ჯერ კიდევ ცოტა ჰყავდა.

იმავე საღამოს მასთან მიიყვანეს ორი გლეხი და ბიჭების მთელი რაზმი. გაოცებით უმზერდა მათ საპატა. ნეტავი რა უნდათ ამ ბავშვებს, გაღიმებული თვალებით დაჟინებით რომ შესცქერიან მხედართმთავარს? შეშინებულ ლტოლვილებს არ ჰგვანდნენ. საპატამ რომ შეიტყო, ეს ბავშვები სან ბარტოლოდოელი მოსწავლეები არიანო და ახლა მასთან მეგზურებად მოსულიყვნენ, სიხარულისაგან სიცილი აუტყდა.

— ის ყურებდაჭრილი სადღაა?

— იერონიმო და მთელი სოფელი სან ბარტოლოდოსთან ახლო მდებარე ინდიელთა ძველ ციხე-სიმაგრეშია თავშეფარებული, — მიუგო პაკომ.

საპატა ხან ერთს შეხედავდა მეგობრული ღიმილით, სან მეორეს.

— ბიჭებო, ახლავე გამოგიჩინთ სამუშაოს, თქვენ კი. — საპატა პაკოსა და მარიოს მიუბრუნდა, — ჩვენთან დარჩით.

პაკო და მარიო ფეხით მისდევდნენ საპატასა და მის მხლებლებს, რომლებიც, მართალია, ცხენებზე ისხდნენ, მაგრამ იმ ვიწრო ბილიკზე ჩქარა ვერ მიდიოდნენ.

ნაშუადღევს საპატას დაგზავნილმა მზვერავებმა ამბები მოიტანეს. პირველად მათ წინ აღმართულ რუხ მთაზე გაგზავნილი მზვერავი მოვიდა.

— აი, იქ, მაღლა, ორი სოფლის მოსახლეობაა თავშეყრილი ერთ მიუდგომელ ადგილას, რომელსაც „თხის სახტომს“ ეძახიან. დაბლა ტეპოტლაში მძარცველთა არმიის კავალერიისტთა ერთი ესკადრონი გამოლესილა, ისევ ლოთობენ. მე ასე მგონია, ბრძოლის თავი სულ არა აქვთ.

ორმა ბიჭმა კიდევ სხვა ცნობები მოიტანა. იმათ დანახვაზე პაკო შესაგებებლად გაიქცა.

— თქვენა ხართ, ბრაულიო და ტრინი?! ჰო, აბა, გვიამბეთ, რა ნახეთ!

ბიჭებმა ცხენებზე ამხედრებულ გლეხებს შეხედეს.

— იერონიმომ შემოგიტვალათ...

— ყურებდაჭრილმა მებაღემ? — იკითხა საპატამ.

— დიახ, იმან. ჩვენი სოფელი სან ბარტოლოდო მიესალმება გლეხთა არმიას. გუშინდლამდე ჩვენს სოფელში კავალერიის-

ტები იღვნენ. ღამით სოფელი გადაწვეს. მერე გაქრნენ, ვერ გავიგეთ, საით წავიდნენ.

— მე მგონია, სწორედ მაგ კავალერისტებმა გადაწვეს თქვენი სოფელი. ახლა ტეპოტლაში რომ ლოთობენ. ამაღორ,— მიუბრუნდა იგი ერთ თავის მეთაურს, — ბალთასართან წადი, იგი ახლა თავისი საპოტეკებით სან ბარტოლომოსაქენ მიემართება, და უთხარი, რასან სოფელში არავინ არის, ტეპოტლისკენ შებრუნდეს, მაგრამ ყოველი მხრიდან უნდა შემოვერტყათ სოფელს. — მერე ეს თეთრ ცხენზე ამხედრებული გლეხი პაკოს მიუბრუნდა: — ამ ბავშვებს საიდან იცნობ?

— უფროსი ჩემი ვაჟია, ბრაულიო ჰქვია.

საპატამ უფრო აღერსიანად შეხედა გლეხებს.

— ყოჩაღ, ბიჭებო, კარგი ამბავიც მოგვიტანეთ და დროზეც. — უთხრა ბავშვებს და ცხენს მათრახი შემოჰკრა.

— ეგ ვინ არის, მამა?

— საპატაა.

ტრინიმ ღამის წამოიყვირა:

— თვითონ საპატა?! — და პირზე ხელი მიიფარა.

მალე მესამე ცნობაც მოვიდა, რამაც პაკო ძალიან ააღელვა. ტეპოტლას ახალგაზრდების მებრძოლმა ჯგუფმა არაკუნეს მეთაურობით მებატონის მამული დაიკავეთ. მათ ხელში იარაღი ჩაიგდეს და ბატონი ტორესი, ესკადრონის ოფიცრები და ერთი სერჟანტი დააპატიმრეს.

— მამული ისევ ჩვენს ხელთაა, — თქვა შიკრიკმა, — მაგრამ მთავარი ის არის, რომ, აი, ეს წერილი ჩავიგდეთ ხელში.

— რა წერილი, შიგ რა წერია? — იკითხა საპატამ.

— კითხვა არ ვიცი, ვერ წავიკითხეთ.

საპატამ გარშემო მიიხედ-მოიხედა, შველას ელოდა.

წინ წამოდგა მარო:

— მომეცი, მე წავიკითხავ.

„ბატონ კაპიტან პორფირიო კასტრო ვალდეს!

გაცნობებთ შემდეგს:

1. პრეზიდენტი მადერო დაამხო გენერალმა უერთამ და ხელისუფლება თვითონ აიღო.

2. მოსალოდნელია, ლიბერალურმა პარტიამ ქალაქებში ხელისუფლება უბრძოლველად არ დასთმოს. არმიის მიზანია

ყოველგვარი მღელვარება ჩაახშოს. ამ საქმეში სამხედრო სა-
დლობამ მეტად ენერგიულად უნდა იმოქმედოს.

3. თქვენი ესკადრონი დაუყოვნებლივ გადაიყვანეთ ტუს-
პანაში და იქ დაელოდეთ შემდგომ ბრძანებას“.

წერილს რომ კითხულობდა, მარიო მთლად გააფთრდა.

საპატამ სერიოზული კილოთი თქვა:

— მადერო სამი წელი გვებრძოდა. ამ საქმეში უერთა გა-
მოიყენა. ახლა კი თვითონ ის ჩამოაგდო საკუთარმა გენერალ-
მა. ეს ჩვენ არ გვახარებს, რადგან უერთა გაცილებით საშიში
მტერია. ახლა მის წინააღმდეგ უნდა ვიბრძოლოთ. ამას
ტეპოტლაში დაბანაკებული ესკადრონი დღესვე გამოსცდის.



მალა „თხის სახტომზე“ მყოფი ორივე სოფლის მოსახ-
ლეობა ერთად შეიკრიბა და დაძაბული ინტერესით თვალს
ადევნებდა საპატას გლეხთა არმიის სვლას ტეპოტლისაკენ,
ხოლო სოფელში მყოფი მტრის ესკადრონი გერმანიაშიც არ
იყო. იმ მთის ორივე მხრიდან, სადაც ინგლისელებს თავი
მოეყარათ, ვიწრო ბილიკებით თეთრ ქურთუკებში გამოწყო-
ბილი გლეხები მოდიოდნენ. სან ბარტოლდოს მხრიდანაც მო-
დიოდნენ გლეხთა ნაწილები და ტეპოტლას თანდათან ალყაში
აქცევდნენ.

უცბად „თხის სახტომში“ ყველა აღელდა. ერთბაშად ყვე-
ლანი იმ ადგილისაკენ გაეშურნენ, სადაც ბილიკი თავდებოდა.
აქ შიკრიკი ამოსულიყო და სოფლელებს ეუბნებოდა, არაკუ-
ნემ მამული დაიკავა და ბატონი ტორესი და ოფიცერი დააპა-
ტიმბრაო.

ახლა მეორე სოფლის მცხოვრებლებმა გადაწყვიტეს, დაბ-
ლა დაშვებულებიყვნენ და მონაწილეობა მიეღოთ ტეპოტლას
იერიში.



სოფელში ერთმა კავალერისტმა უცბად დაინახა, რომ და-
ქანებულ ბილიკზე გამწკრივებული გლეხები ქვემოთ ჩამორ-
ბოდნენ და აზრადაც არ მოსვლია, რომ მათი რისხვა — საპა-

ტას ვლესთა არმია, ასე ახლო იქნებოდა. ბილიკზე ჩასაფრებული გლახის დანახვაზე გული გაუსკდა. შეწინებული სერჟანტისაკენ გაიქცა, ლელვის ძირას ნებივრად რომ ხვრინავდა. კავალერისტმა დიდხანს აჯანჯლარა თავისი უფროსი, მაგრამ ვერ გამოაფხიზლა, თუმცა ყურში ჩასძახოდა:

— თავს დაგვესხნენ, გლახები მოდიან!

სერჟანტი ბოლოს გონს მოეგო, თვალები დაქაჩა და დაიღრიალა:

— მამულში გაიქეცი, შეატყობინე!

კავალერისტი სოფლიდან მამულისაკენ გაიქცა. ასიოდე პეტრიც არ ექნებოდა გავლილი, რომ გზის პირას, მარჯვენა მხარეს, თეთრ გლახურ ქურთუქს მოჰკრა თვალი. ახლა უფრო ჩქარა გაიქცა.

საოცარი იყო, მის მიახლოებაზე ალაყაფის კარი თავისთავად გაიღო. კავალერისტი შიგ შეეარდა და უკან მიხედვად ვერ მოასწრო, რომ მხრებში ხელი ჩააღეს.

თავზარდაცემულმა ტყვემ დაინახა აყლაყუდა ახალგაზრდა ბიჭი. მან ღიმილით თქვა:

— აი, ერთიც ჩავიგდეთ ხელთ!



სოფელში ყვირილი ატყდა: „განგაშია! ცხენებზე! აქეთ მოგროვდით!“

ბარბაც-ბარბაცით ზოგი კარაბინს ეძებდა, ზოგი ცხენის შეკანმევას ცდილობდა.

ორღობეში თოფების სროლა გაისმა. ერთი ქოხის უკნიდან დანებით შეიარაღებული ტეპოტლელი გლახები გამოცვივდნენ.

ბატონ ტორენის განსამართლება

ტეპოტლის აღების შემდეგ საპატა სოფელში მივიდა. აქ, ბატონისეულ სამზარეულოში, დიდი მღელვარება იდგა. არაკუნეს რაზმის დანახვაზე დამშვიდდნენ, რადგან მათ იცნობ-

დნენ, მაგრამ საპატას გლეხებისა ზოგ მსარეულ გოგონას ძალიან ეშინოდა.

— რას წრილებთ და ვიშვიშებთ? — შეუტია მათ ხუანის ცოლმა. — ჯარისკაცებმა რამხელა გზა გამოიარეს, მოშიებულები იქნებიან. საქმეს შეუდექით და რაც შეგიძლიათ მეტი საკმელი მოამზადეთ. ნუ გეშინიათ, ხელს არავინ გახლებთ!

მაშინვე დაეთანხმნენ და კედლიდან კედლამდე გადაქიმულ ქურაზე მკადის ცხობასა და სორცის შეწვას შეუდგნენ.

ეზო და ოთახები ხალხით გაივსო. გლეხები სსდებოდნენ ამერიკულ სარწეველა სავარძლებში. ასეთი სავარძლები თვალთაც არ ენახათ და სიცილით ქანაობდნენ. ზოგი ბატონების აბრეშუმგადაკრულ დივნებსა და სავარძლებში სხდებოდა. სოფლიდანაც ბევრი გლეხი მოვიდა, რომ ერთხელ მაინც ენახათ ბატონის სახლის ავეჯეულობა და სახელგანთქმული საპატასთვისაც შეეკლოთ თვალი. გლეხებს ეგონათ, საპატას ვერცხლით მოსირმული ტანსაცმელი ეცმეოდა. საპატას უბრალო ტანსაცმლის შემხედვარეთ ცოტა იმედი გაუტრუვდათ, მერე კი მიხვდნენ, ეს უბრალოება მათთან უფრო აახლოვებდა. მაგრამ ახლოს მისვლას ვერავინ ბედავდა და ინდიელთა ჩვეულებებისამებრ მოშორებით იდგნენ და მღუმარედ აკვირდებოდნენ. პაკო ბენიამინსა და არაკუნეს ეთათბირებოდა. არაკუნე ისე ყოჩაღად მოიქცა, ისე სწრაფად აიღო სოფელი, ყველას დიდ მხედართმთავრად მიაჩნდა. სამივე ერთ საკითხზე ბჭობდა, გავხსნათ თუ არა ბატონის დიდი სასიმიინდეები და გლეხებს სიმიინდი დავურიგოთ თუ არაო. ბენიამინს ეს არ უნდოდა, ჯერ დავიცადოთ, გარშემო დიდი უწესრიგობააო.

ერთი საკითხიც იყო გადასაწყვეტი და რჩევა საპატას. ჰკითხეს:

— ემილიანო, ამ ბატონს რაღა ვუყოთ?

— ეგ თქვენ შეიპყარით და თქვენვე გეკუთვნით, — მიუგო საპატამ.

— ჰო, მაგრამ გლეხთა არმია ასეთ ბატონებს როგორ ეპყრობა?

— საერთოდ, სოფლებს ბრძოლებით ვიღებდით და ეგ ავაზაკები დამალვას ახერხებდნენ. ასე მშვიდობიანად ჯერ არც

ერთი ბატონი არ შეგვიპყრია. შეჰყარეთ სოფელი და მოითათ-ბირეთ.

— ეს ამბავი შეიძლება სულელურად დასრულდეს,—თქვა ბენიამინმა. — ჩვენი მოხუცები სამართლიანობას უჭერენ მხარს და სამართლიანობის გულისათვის მზად არიან ბატონს ისევ ქედი მოუხარონ.

საპატას გაეცინა.

— მერე ახალგაზრდები არა გყავთ? ერთი აქა დგას, — და ხელი არაკუნესკენ გაიშვირა.

არაკუნემ ზემოდან დახედა საშუალო ტანის საპატას და უცბად თქვა:

— ჩვენმა მოხუცებმა თუ ისევ ბატონისათვის მოინდომეს მუშაობა, ამ ბატონს მაშინ ჩვენ, ახალგაზრდები, მოვუღებთ ბოლოს.

— ასე არ ივარგებს, — თქვა საპატამ. — ამაზე სოფელში დავა ატყდება. თუკი სოფლის შეკრებაზე მოხუცები სისულე-ლეების როშვას მოჰყვებიან, შენც თქვი რამე. შენც ხომ გაქვს ხმის უფლება?

ბენიამინმა თავი გააქნია:

— ჩვენი გლეხები ჭერ ისევ ყმები არიან. ვაფიქრებისაც კი ეშინიათ. შენ კი, ემელიანო, ჩვენაირი კაცი ხარ, მაგრამ ფიქრი არ გაშინებს. მოდი, შენც დაესწარი ჩვენი სოფლის კრებას!

საპატას გარშემო თავშეყრილმა გლეხებმა თანხმობის ნიშ-ნად თავები დაუქნიეს.

— ეს უფრო სწორი იქნება, — დაუმატა ერთმა გლეხმა, — ბევრი რამ ჭერაც არ გვესმის.

— მაშ ახლავე შეკრიბეთ ხალხი, აქვე, ბატონისეულ ეზო-ში, — თქვა საპატამ.



სანამ მთელ სოფელს შეკრებდნენ, ამასობაში დადამდა კი-დეც. ტრინი მოქანცული იყო, ბოლო წანებში სულ რამდენიმე საათს ეძინა. მაინც არ დაწვა, ძალიან აინტერესებდა გაეგო, რას გადაუწყვეტდა სოფელი ბატონ ტორესს.

სვეტებიან შესასვლელში ხუანმა ზეთის ლამპები დაჰკიდა. ხალხს მქრქალი მოწითალო შუქი დაეფინა სახეზე. სადღესასწაულო შესასვლელის კიბეზე საპატა, პაკო და ბენიამინი დასხდნენ. მათ უკან მარიო, ბრაულიო და ტრინი ჩამოსხდნენ.

ბენიამინი ფეხზე წამოდგა და ერთი მოხუცებული მიიწვია, გამოდი და ორიოდ სიტყვა თქვიო. მოხუც კაცს შერცხვა, თვალები აახამხამა. ხალხში ლაპარაკისა ემინოდა. ამას მიჩვეულები არ იყვნენ. თვითონ პაკომაც არ იცოდა, კრება როგორ გაეხსნა. აქ იერონიმოსთანა კაცი იყო საჭირო.

საპატას არ გაჰკვირვებია გლეხების ასე შეკრთომა, წამოდგა და ქუდი მოიხადა. სხვებმაც მას მიბაძეს.

— ტეპოტლელი მეგობრებო! — დაიწყო საპატამ ესპანურად, რადგან აქაური ინდიელების ენა არ იცოდა. — ძალიან უოჩალი ახალგაზრდობა ჰყავს თქვენს სოფელს. მათ დღეს მემამულე და ოფიცრები შეიპყრეს. გთხოვთ, ოფიცრები მე გადმომცეთ, რადგან მძარცველთა არმია ჩვენს ხალხს იჭერს და აწამებს. ოფიცრებს მათ ჩვენს ხალხში გაეუცვლით. სხვა საქმეა მემამულე, მისი ოჯახის წევრები და ზედამხედველები. თქვენ თვითონვე გადაწყვიტეთ, რასაც მაგ ავაზაკებს უზამთ.

— დავხოცოთ! — იყვირა არაკუნემ. — ხელში რომ ჩავვარდნოდით, ჩვენც თავებს დაგვაყრევინებდნენ.

გლეხებში ხმაური და ჩოჩქოლი ატყდა.

— ისა სჯობია, ბატონმა სიმინდი დაგვირიგოს! — წამოიძახა ერთმა ინდიელმა.

პაკო ფეხზე წამოიჭრა.

— სიმინდის ღარიგებას მაგას აღარავინ ეკითხება. ამას ჩვენც შევეძლებთ. თქვენ ისა თქვით, მაგასა და მაგის ოჯახს რა მივუხსაოთ! ისევ აქ დავტოვოთ საცხოვრებლად?

— არა, გავრეკოთ, — დაიძახა ვილაცამ ხალხიდან.

— ჰო, გავრეკოთ, გავრეკოთ!

ახლა შეშფოთებული მარიო წამოდგა.

— მეგობრებო, მე გლეხი არა ვარ, მაგრამ თქვენ დამიხსენით შიმშილით სიკვდილისაგან. თქვენ შემითარეთ და შემინახეთ. ამიტომ თქვენი სატკივარი მეც მაწუხებს. ის მიწა, მებატონისათვის რომ ამუშავებთ, ამ მებატონემ ანდა მისმა წინაპრებმა თქვენვე წაგგლიჯეს მოტყუებით. ამიტომ მიწაც და ეზო-

მიდამოც ისევ თქვენ უნდა დავიბრუნოთ და ხელწერილი დაგიღოთ. რომ მათზე უარს აცხადებს.

მარიო დაჯდა. გლეხები ისევ ალაპარაკდნენ.

პაკომ ხმადაბლა რაღაც ჰკითხა საპატას და მერე წამოდგა.

— მეგობრებო, მარიო სწორს ამბობს, მაგრამ განა საკმარისია, მაგ სისხლის მწოველებს მამულზე ხელი ავადებინოთ, აქედან თავისუფლად გაუშვათ? განა არ გახსოვთ, კაქტუსზე შესულ მდილებივით როგორ გვწოდდნენ სისხლს? ჩემი რჩევაა: მემამულე აქ მოვიყვანოთ. მარიო დაწერს ხელწერილს, რომ მამულზე ხელს იღებს. თუ ეგ ვაჟბატონი ხელის მოწერაზე უარს იტყვის, მაშინ დავხვრიტოთ. თუ მოაწერა, ტორესიცა და მისი ოჯახის წევრებიც საპატას გადავცეთ, ჩვენთანებზე გადაცვალოს.

წინ წამოდგა თეთრთმიანი, თეთრწვერა, სახედანაოჭებული ბერიკაცი და თქვა:

— პაკო, შენი ბაგეები ჩვენი წინაპრების სიბრძნეს ღაღადებენ. დეე, ეგრე იყოს, როგორც შენა სთქვი!

— ეგრე იყოს! — დაიძახეს სხვებმაც.

პაკომ შეკრებილთ თვალი მოავლო. კუპრივით შავთმიანი და გარუჯულსახეებიანი ინდიელები დიდრონი თვალებით მშვიდად შეჰყურებდნენ პაკოს. ეტყობოდა, ყველა თანახმა იყო.

— დაწერა მარიომ ხელწერილი? — იკითხა პაკომ. — არაკუნე, წადი მემამულე შემოიყვანე!



ბნელ ვიწრო ოთახში შეხუთული ჰაერი იდგა. ტყვეები იატაკზე ისხდნენ და სდუმდნენ. წინა დღის არყით გაღეშობებს წყურვილი ჰკლავდათ.

უცბად კარი გაიღო და ჭრაქის სუსტ შუქზე ტყვეებმა იცნეს არაკუნე, რომლის უზარმაზარი ჩრდილი თეთრ კედელს დაეფინა.

— ბატონო ტორეს, წამომყევით! — თქვა მან.

ქალბატონი ტორესი ფეხზე წამოხტა და არაკუნეს წინ მუხლებზე დაეცა.

— იესო ქრისტეს გაფიცებთ, არ დამსვრიტოთ! გთხოვთ, სან ბარტოლოლოდან პადრე ფელიქსი მოაყვანინოთ, რადგან ჩვენი გაიქცა. უზიარებლად ნურავის მოკლავთ!

— საიდან მოგიყვანოთ პადრე ფელიქსი? — უპასუხა არაკუნემ. — აი. მაგ ვაჟბატონმა მოაკვლევინა, — არაკუნემ კაპიტანზე მიუთითა, და მერე ტორესს მიუბრუნდა, — წამოდი, მომყე!

ტორესის ცოლმა დაბნეულად შეხედა არაკუნეს.

ბატონმა ტორესმა თავი ჩაქინდრა და გარშემო შემოხვეულ ინდიელებს მღუმბარედ ჩაუარა. როცა სადარბაზოს კიბესთან მივიდა, პაკო წამოდგა:

— ბატონო ტორეს!

საპატამ ხმამაღლა გაიცინა.

— რა სისულელეს ამბობ! ეგ ისევ თქვენი ბატონია, თქვენ კი მაგისი ყნებნი?

მემამულემ საპატას შეშინებული თვალებით გადახედა. ნეტა ეგ ვილააო? ყველა სოფელს კარგად იცნობს და აქ კი ამდენი უცხო ხალხი შემოხვევია. გლებთა არმიის მოსვლის ამბავი ჯერ არ იცოდა.

— ამ ქალაქს ხელს მოაწერ? — ჰკითხა პაკომ ტორესს.

მემამულეს უნდოდა. როგორმე დრო მოეგო. ამიტომ იკითხა:

— ეგ რა არის?

წინ წამოდგა მარიო და ქალაქი გაუწოდა.

— ეს იმის განცხადებაა, რომ თქვენ ყველაფერზე უარს ამბობთ, რასაც აქ ფლობდით!

მარიოს ლაპარაკზე ტორესი მიხვდა. რომ ეს გლებურად ჩაცმული კაცი განათლებული ადამიანი უნდა ყოფილიყო. ამან სულ დააბნია. ერთხანს ხმა არ ამოუღია. მერე კი იკითხა:

— ხელი რომ მოვაწერო, მერე რას იზამთ?

— აღარ დაგხოცავთ.

ტორესმა შეხედა პაკოს, თავის ყველაზე დაუძინებელ მტერს. პაკოს როგორც ნამდვილ ინდიელს, ღირსეულად ეჭირა თავი. მან კარგად იგრძნო, რომ გარშემოხვეული ინდიელები თუმცა ხმას არ იღებდნენ, პაკოს აზრს იზიარებდნენ და

შეეცადა, მარიოსათვის დამშვიდებით ჩამოერთმია კალამი, მაგრამ ხელი უკანკალებდა.

უცხად პაკომ ხელი მბრძანებლურად მაღლა ასწია და დაიძახა:

— შეჩერდი! — მერე გარშემო მიიხედ-მოიხედა და განაგრძო: — ბიჭებს დამიძახეთ! — როცა ოთხი ჭაბუკი ტორესსა და მარიოს შემოეხვია, პაკომ თქვა:



— გლეხებმა წერა-კითხვა არ იციან. ჩვენ, უფროსები, მალე დავიხოცებით, ამიტომ ყოფილმა ბატონმა ამ ბიჭებს ხმამაღლა წაუკითხოს, რაც მაგ ქალაქში წერია. თქვენ კი, ბიჭებო, ყურადღებით მომისმინეთ და დაიმახსოვრეთ, რასაც გაიგონებთ. წაიკითხე, ყოფილო ბატონო!

ტორესმა აიღო ქალაქი და ტუჩების ცახცახით ხმამაღლა წაიკითხა:

— „მე, იგნასიო ტორეს ბელტრანი ჩემი და ჩემი შთამომავლობის სახელით სამუდამოდ უარს ვაცხადებ მთელ მამულსა, შენობებსა და დანარჩენ ქონებაზე, რაც ტეპოტლაში მქონდა და აქამდე ჩემს საკუთრებად მიმაჩნდა. ამ განცხადებას ბიბლიაზე და ჯვარზე დაფიცების ძალა აქვს“.

— მოისმინეთ, რაც წაიკითხა? — ჰკითხა პაკომ ბიჭებს.

— დიახ, მოვისმინეთ, — ერთხმად უპასუხეს ბიჭებმა.

— მაშინაც ხომ გემახსოვრებათ, ღრმად რომ მოხუცდებით?

— გვემახსოვრება!

— მაშ ხელი მოაწერე! — ბრძანა პაკომ.

როცა ყოფილმა ბატონმა მარიოს კალამი დაუბრუნა, პაკო წინ წამოდგა, ტორესს მხრებში ხელი ჩაავლო და ხმამაღლა გამოაცხადა:

— ამიერიდან კი ეს კაცი, მისი ოჯახის წევრები და ამაღა ტეპოტლელეების ნებით გლეხთა არმიის ბელადის ემილიანო საპატას განკარგულებაში იქნება.

თავზარდაცემულმა ტორესმა საპატას შეხედა. ახლა მიხვდა, ვინ იყო ეს უცხო ხალხი.

საპატა წამოდგა, კიბე ნელა ჩაიარა და ტორესს უთხრა:

— გეშინია, სისხლისმსმელო? რომელიმე ჩვენგანი ჩვენზე მოსეულ თქვენს ბანდას რომ ჩაუვარდეს ხელში, საქმე ცუდად წაუვა, მაგრამ დაიმახსოვრე, ჩვენ გლეხები ვართ და მიწისა და თავისუფლებისათვის ვიბრძვით!

საკატას გლმხთა არმიასი

ამბროსიას გადაწყვეტილება

იერონიმო ინდიელთა ციხე-სიმაგრიდან აკვირდებოდა გლმხთა არმიას, რომლის მარცხენა ფრთა ჯერ სან ბარტოლომეოსკენ მიემართებოდა, მერე კი ტეპოტლასკენ შეუხვია. სალამო ხანს ციხე-სიმაგრეში თავშეფარებულებმა ჯერ კიდევ არ იცოდნენ. რომ მძარცველთა არმიის ესკადრონის ნაწილი გაანადგურეს, ნაწილი კი ტყვედ ჩაიგდეს. იმას კი ყველა მიხვდა, რომ სან ბარტოლომეოში დაბრუნება საშიში აღარ იყო. გლმხების ნაწილი ქვემოთ დაეშვა, რომ ღამე სოფელში, გადამწვარი ქოხების მახლობლად გაეთიათ.

იერონიმომ მიატოვა თავისი სათვალთვალო პუნქტი—ქვის მაღალი ყორე და დედისკენ გაემართა. ამბროსია გულხელდაკრეფილი იჭდა მანუელას გვერდით, მანუელა სიმინდის ცომის გუნდას აბრტყელებდა. ნეტა ამ ქალის ლაქლაქს ხომ არ უგდებდა ყურს? იგი ახლაც ხუცესის მკვლელობის ამბებს ყვებოდა. ვერ მიხვდებოდით, უსმენდა თუ არა, თვალეზი დაეხარა და მიწას ჩასცქეროდა.

იერონიმო დედის შორიახლო გაჩერდა, ამბროსიამ ვერ შეამჩნია იგი. მერე იერონიმო წინ ჩაუცუცქდა და ალერსიანად უთხრა:

— დედა, ახლა რას ვიზამთ?

ამბროსიას ესიამოვნა, შეიღმა ეს რომ ჰკითხა.

— გინდა შენთან გადმოვიდე, ბალში?

— ისევ ავაშენო ქოხი?

„ეტყობა, ჭერაც არ დაეიწყნია თავისი როსარია“, — გაოჟქრა ამბროსიამ და შვილს ნალვლიანად უთხრა:

— სადმე ხომ უნდა ვიცხოვროთ.

— მაშ სოფელში აღარ აპირებ ცხოვრებას? — ჰკითხა იერონიმომ დედას.

— იქ თქვენთან ერთად, ტრინის დედ-მამასა და დიდ დედ-დედასთან ერთად ვცხოვრობდით, — მიუგო ამბროსიამ.

ამბროსიას ხასინტო აღარ უხსენებია და იერონიმო მიხედა, უჭირდა ქმრის სიკვდილზე ლაპარაკი.

— აბა, რას იზამ, ბაღში აღარ დაბრუნდები? — ნალვლიანად ჰკითხა ამბროსიამ.

— საპატასთან წავალ, — მიუგო იერონიმომ. — მარტო თქვენი დარდი მაწუხებს. შენი და ტრინისა.

— მერე იქ ვინ მოგივლის? მკადს ვინ გამოგიცხობს, სარეცხს ვინ გაგირეცხავს? გამიგონია, საპატას არმიიში ქალე-ბიც არიან და ჯარისკაცებს უვლიანო. მეც წამოგყვებოდი, სანამ შენ ბრძოლაში იქნებოდი, საკმელს მოგიმზადებდი.

— ტრინის რაღა ვუყოთ?

— ისიც წამოვა. სულ ერთია, სოფელში მაინც ველარაფერს ისწავლის. ეგებ გზაში მაინც ისწავლოს რამე.

— კარგი, დედა. მაშინ ამალამვე უნდა წავიდეთ. ტრინა ხომ უკვე საპატასთან არის.

— წავიდეთ! ღამით სიარული ადვილიც არის და... აღარც სოფელში მინდა დავბრუნდე, — დაეთანხმა დანალვლიანებული ამბროსია.

მარიოს ღვაკლები უხსასრულებლად გზავნიან

ტეპოტლას ალებზე რამდენიმე გლეხი თუ დაილუპა. სამ-გიეროდ ასამდე კარაბინი იგდეს ხელთ. საპატას არმიას ძალიან სჭირდებოდა ცეცხლმსროლელი იარაღი. ამ იარაღის ხელში ჩაგდება მათთვის პირდაპირ სულზე მისწრება იყო. გლეხთა არმიას ახალი მებრძოლები შეუერთდა: აყლაყულა

არაკუნე თავისი ტეპოტლეებით, თითქმის იმდენივე სან ბარტოლდოელი და რამდენიმე ჯგუფი სხვადასხვა სოფლებიდან. მეორე დილით იერონიმო და დედამისიც გამოჩნდნენ. შეხედა თუ არა, საპატამ მაშინვე იცნო.

— ჩემთან მოხვედი, იერონიმო? — კითხვით მიმართა მას საპატამ.

— მოვედი, თუ გკირდები, ემილიანო!

— ძალიან მკირდები. ამ მიდამოებში ყველგან ვგრძნობდით, რა საქმე უკეთებია შენს ხელსა და შენს ჰკუას.

იერონიმო გააკვირვა დიდი საპატას ესოდენმა ქებამ, რადგან თვითონ სულ არ ფიქრობდა, თუ რამე გაეკეთებინა.



ტეპოტლაში ავაზაკთა არმიის ესკადრონის ვანადგურების შემდეგ საპატა გზას გაუდგა. ნაალაფარი ცხენებიდან ერთი იერონიმოსათვის მოაყვანინა.

— იერონიმო, — მიმართა საპატამ მას, — ამ მხარეს კარგად იცნობ და ყველა სოფელში გყავს შიკრიკები, ანუ უფრო სწორად რომ ვთქვათ, მეკავშირე ბიჭები.

— საით მივდივართ? — ჰკითხა იერონიმომ.

— დიდია მექსიკა, — მიუგო საპატამ, — გლეხი კი ყველგან დამონებულია. სადაც მივდივართ, გლეხებს ყველგან ვათავისუფლებთ. ახლა მინდა, ფეხდაფეხ ვსდიოთ უკან დახეულ ავაზაკთა არმიას. თუ ისევე გაუფრთხილებლად მოიქცევიან, როგორც აქ, ტეპოტლაში მოიქცნენ, თანდათან გავანადგურებ. ხოლო თუ მაგრად შემოგვიტიეს, მათ თვალწინ მემამულეებს სახლ-კარს გადაუწვავთ და თვალს მივეფარებით. თავს რომ დაგვანებებენ, ისევ გამოვჩნდებით. ამით მტერს ხელ-ფეხს შეეუბოროკავთ. რახან სოფლებს ანადგურებენ და ყველგან მხეცურად იქცევიან, გლეხები ჩვენსკენ გამოიქცევიან, როგორც თქვენა ჰქენით. ამრიგად, მტერი თანდათან სუსტდება, ჩვენ კი ძალებს ვიკრებთ. მათ ჯარისკაცებს ბრძოლა არა სურთ, რადგან აწიშმილებენ, ჩვენი გლეხები კი ხალისით იბრძვიან მუქთახორების მოსაცილებლად.

სალამო იყო, საპატა რომ ერთ პატარა ქალაქში შევიდა.

როცა ქალები მოცვიდნენ, რომ საპატასთვის ხელზე ეკოცნათ, მისი თეთრონი ატყავდა, მაგრამ საეღარმა მალე მოთოკა იგი.

ამბროსია და სხვა ქალები, გლებთა არმიას რომ ახლდნენ, სახლებში მიმოიფანტნენ და ვახშმის თადარიგს შეუდგნენ.

ის იყო საპატა, იერონიმო და რამდენიმე სხვა კაცი ვახშამს მიუსხდნენ, რომ კარებში მარიო გამოჩნდა და ერთი შეშინებულ სახის ბატონი შემოიყვანა. იგი ქალაქის ნოტარიუსი იყო.

— ბევრი საინტერესო ამბავი იცის, რაც ქალაქ მეხიკოში ხდება, — თქვა მარიომ და ნოტარიუსზე უჩვენა.

ნოტარიუსმა საპატას თაყვანი სცა, თავაზიანად გაიღიმა და თითქოს მომართული არისო, დააყარა:

— ჩემი სახლი თქვენი სახლია, ბატონო გენერალო. იგი მდებარეობს ნინოს-ეროს ქუჩაზე, ნომერ 22-ში. ქალაქის მოსახლეობა და, პირველ რიგში მე, ძალიან კმაყოფილები გახლავართ, რომ თქვენი მობრძანების ღირსი გაგვხადეთ. იმედი მაქვს, ყველგან თქვენი დამსახურების შესაფერისი შეხვედრას მოგიწყობენ.

ეს ფორმალური თავაზიანობა საპატას ყელში ამოუვიდა და მოუთმენლად ელოდა, საინტერესო ამბავს როდის იტყვისო. ბოლოს ნოტარიუსი საქმეზე გადავიდა:

— ბატონებო! — ასეთ მიმართვაზე საპატას გაეღიმა. — ალბათ უკვე იცით, გენერალმა უერთამ პრეზიდენტი მადერო დაამხო. როგორც ახლა გამოირკვა, უერთა თავისი ნებით კი არ მოქმედებდა, არამედ უცხოელთა ელჩების დავალებით, განსაკუთრებით კი, ინგლისელი ელჩისა. ეტყობა, სწორედ იმან დაავალა მადეროს მოკვლა.

— განა მადერო მოკლეს? — იკითხა გაოცებულმა საპატამ.

— დიახ. უერთამ იგი მეხიკოს ერთ გარეუბანში მოაკვლევინა. ამის ჩილდოდ ელჩებმა იგი პრეზიდენტად გახადეს.

— მერე, ეს როგორღა შესძლეს? — იკითხა საპატამ.

— ოჰ, ბატონო საპატა, თითქოს ეს ძალიან ძნელი საქმე იყოს. გასულ საუკუნეში ხუარესი, ამ სამი წლის წინ კი მადერო აირჩიეს. უერთას ამბავი სხვაგვარად მოხდა: როგორც კი მადერო მოკლეს, ელჩები მთავრობის სასახლეში შეიკრიბნენ. იქ უკვე ყველაფერი მზად იყო. ისინი მიიღო უერთამ. ელჩები

თავთავიანთი მთავრობის სახელით მიესალმნენ. როგორც ახალ პრეზიდენტს.

საპატა წინ წაიხარა და გესლიანად თქვა:

— მაშ მეც შემიძლია უერთა მოვაკვლევინო. მთავრობის სასახლეში უცხოელი ელჩები მოვიწვიო და პრეზიდენტი გავხედე?

— არა, თქვენ უცხოელი ელჩები არ გვახლებიან. თავიანთი მიზნების მისაღწევად იმათ მთავრობას ხომ არ მოუსყიდობართ.

— ასეა საქმე? — თქვა საპატამ. — მართლაც ასე იქნება. მაგრამ ერთი ეს მითხარი, ნუთუ ქალაქში ყველა კმაყოფილია, რომ ეგ პირსისხლიანი ქოფაკი და ლოთი უერთა ხელისუფლებას დაეპატრონა?

— არა! — წამოიძახა ადელევებულმა ნოტარიუსმა. — ყველა აღშფოთებულია, მაგრამ უერთა ყველას ხვრეტს, ვინც მის წინააღმდეგ რამეს იტყვის.

— მაშ ლიბერალებიც მის წინააღმდეგ იქნებიან?

— რასაკვირველია, მთელი გულითა სძულთ.

— მთელი გულით? — იკითხა ჩაფიქრებულმა საპატამ. — ერთხელ ერთი ლიბერალი მეუბნებოდა, თავისუფლება მთელი გულით მიყვარსო. მაგრამ ლიბერალების მთავრობა მაინც ჩვენ გვებრძოდა. თუმცა ჩვენც თავისუფლების მომხრენი ვართ. თქვენც ასე ამბობთ, ხალხის მხარეზე ვართ. მაგრამ ეს ხალხი ვილა? ეგ ხალხი ჩვენა ვართ, გლეხები, ვისაც თქვენ ებრძოდით.

— ხალხი მართო გლეხებისაგან არ შედგება, — თქვა ნოტარიუსმა.

— მართალია, მართო გლეხებისაგან არა, მაგრამ მე მეუბნებოდნენ. ჩვენს ქვეყანაში ყოველი ათი მცხოვრებიდან ცხრა გლეხიაო. მაშასადამე, ერთ ქალაქელს ცხრა გლეხის დამონება სურს. განა ასეთი არ იყო თქვენი ლიბერალი მადეროს პოლიტიკა?

ნოტარიუსმა თავი ჩაჰკიდა.

— ალბათ მადერომ თავისი შეცდომა ძალიან ინანა, როცა საკუთარი გენერლის ჯარისკაცებმა წამება დაუწყეს და მერე თოფის ლულები მიუშვირეს, — თქვა მან.

— ალბათ, ინანა კიდევ, მაგრამ მაშინ, როცა უკვე ძალიან გვიან იყო, — ტუჩი აიბზუა საპატამ. — რისთვის სწავლობდა იმდენ ხანს უნივერსიტეტში. თუკი თავის შეცდომას ადრე ვერ განჰკვრეტდა? უკეთუ ხომ არ იყო?

საუბარში მარხო ჩაერია. იგი აქამდე ჩუმად იდგა:

— ამას მე უფრო აგიხსნით, ემილიანო. მადეროც ჩემსავით ქალაქში აღიზარდა. იმანაც, როგორც სხვა ქალაქელებმა, თქვენზე არაფერი იცოდა. ჩვენს სკოლაში სიტყვა „გლესს“ აოც კი ასსენებდნენ. ლათინურს გვასწავლიდნენ, ნამდვილ ცხოვრებას კი — არა. სან ბარტოლდოს ბალებში რომ მივედი, სირცხვილისაგან ოფლში ვიწურებოდი, რადგან არაფრის გაკეთება არ შემეძლო. პატარა ბიჭი, იერონიმოს ძმისწული, ტრინი მასწავლიდა ბარით მუშაობას.

— ახლა ხომ გესმით ჩვენი? — ჰკითხა მას საპატამ.

— როგორ არა, თქვენ მიწისა და თავისუფლებისათვის იბრძვიით, — მიუგო მარიომ.

აქამდე მოღუშული სახე საპატას გაუცისკროვნდა.

— თუმცა ქალაქში ხალხს ხვრეტენ, მაგრამ იმდენი ვაეკაცობა შეგწევს, იქ წახვიდე და შენს მეგობრებს აუტსნა. ვისთვის გეპირდება მიწა და თავისუფლება? მერე კი უკან მობრუნდე და გვითხრა, გადმოვლენ თუ არა ჩვენს მხარეზე?

ამ სიტყვებმა მარხო ძალიან ააღელვა. „როგორ შენდობა ეს გლესი საპატა!“ — გაიფიქრა მან.

— ემილიანო, — დაიწყო მან, — თქვენ დიდ ნდობას მიცხადებთ, მაგრამ არა მგონია, ასე დიდი გავლენა მოვახდინო მათზე. არ მესმის, ის ლიბერალები როგორ არიან ასე მოკლე ჭკუისანი. არ ვიცი, შეეძლებ თუ არა მათთან საერთო ენის გამონახვას. ქალაქში კი უსათუოდ წავალ და როგორც კი შემიძლია, შევეცდები თქვენს სასარგებლოდ ვილაპარაკო.



ბრაულიომ და ტრინიმ ცარიელ ოთახში იატაკზე სამი ჭილოფი გაშალეს, ერთი — ამბროსიასა და როზასათვის, მეორე — იერონიმოს, პაკოსა და მარიოსათვის, ხოლო მესამე — თავიანთთვის. მერე ქალაქის დასათვალეიერებლად გავიდნენ.

აქამდე მათ სოფელში მხოლოდ ერთადერთი კარფანჯრისანი

სახლი ენახათ. ამ სახლშიც ხუცესი ცხოვრობდა. აქ კი ასეთი სახლები ბევრი იყო. ქალაქის ცენტრში, მოედანზე, სვეტებიანი სახლები იდგა. მათ ჩრდილში რამდენიმე დუქანი მიყუყულებოდა: ერთში სიმინდის ცომს ჰყიდდნენ. დუქნის გვერდით, ცეცხლზე იდგა უზარმაზარი ტაფა. ირგვლივ საშინელი სუნით ტრიალებდა. მაღალი, ზორზოხა კაცი ტაფას ჯოხით ურევდა. აქ ქალაქელებისათვის ნუგბარ საქმელს ამზადებდნენ — შიგნულობას წვავდნენ. გლეხთა არმიის ჯარისკაცებს შიგნულობის დანახვაზე პირში ნერწყვი მოსდიოდათ, მაგრამ ჭიბეში გახვრეტილი კაპიციც არ უჭყაოდათ. საწყლები ისე ჩამომხმარიყვნენ, ძვლები ამოსჩროდათ.

ზეცას ბინდი შეეპარა. პატარა სავაჭროში, სადაც მწვანილსა და რკინა-კავეულობას ჰყიდდნენ, თიხის სანათი ანთეს. მეორე კუთხეში რამდენიმე კაცი დახლზე პულკეს სვამდა და ყუყუანებდა. ამ პატარა ქალაქის სხვა უბნები კი ბინდის ჩამოღვამისთანავე ჩაკვდა.

ტრინი იმედგაცრუებული იდგა. ქალაქი დიდებულ სანახაობად წარმოედგინა. ბრაულიოც იმასვე განიცდიდა, რასაც ტრინი, თუმცა ერთმანეთისთვის არაფერი უთქვამთ, არც სახეზე შეტყობიათ რაიმე. ამბროსიასთან დაბრუნდნენ, იგი ერთი პატარა სახლის კართან დამდგარიყო. ამბროსიას აკლდა ყოველდღიური წვრილმანი საოჯახო საქმე. საღამოობით უყვარდა ხოლმე სიბნელეში ჩამოჯდომა და ცქერა. აქ დასაჯდომი ადგილიც არსად იყო. ბიჭებმა არ იცოდნენ, ქალაქელები როგორ ცხოვრობდნენ. მათთვის მიჩენილ ბინაში სკამები არ იყო, ჭილოფებზე მიწვნენ და შალის საბნებში გაეხვივნენ.

იერონიმო, პაკო და მარიოც მალე დაბრუნდნენ საპატას თათბირიდან. მარიოს სერიოზული გამომეტყველება ჰქონდა და ხმას არ იღებდა. მეხიკოში წასვლის დავალებამ მრავალი საფიქრალი გაუჩინა.

— ხვალ გზას განვაგრძობთ, — უთხრა იერონიმომ დედამისს და ჭილოფზე მიწვა. როცა საპატას ჰკითხა, რომელ ნაწილში გამგზავნიო, მან უპასუხა: „შენა და პაკო ჩემთან დარჩებითო. იერონიმოს განცვიფრებაზე: „რატომ?“ საპატამ მიუგო: „გლეხებს ჰგონიათ, მებრძოლი ის არის, ვინც თოფს ისერის, მაგრამ თქვენ თვითონ დაინახავთ, სხვა საქმეც ბევრია“.

იერონიმოს წარმოდგენაც არა ჰქონდა, სხვა რა საქმე უნდა ჰქონოდათ. მებრძოლის მოვალეობად მასაც თოფითა და სხვა იარაღით ბრძოლა მიაჩნდა.



მეორე დილას როზამ ქოთნები და დანარჩენი ხარახურა ჩაალაგა. ამბროსია მეორე ქალს მოელაპარაკა, საქმის კეთებაში ერთმანეთს ხელი წავაშველოთო. ეს მეორე ქალი საპოტეკების მეთაურის ბალთასარის ცოლი კანდელარია იყო. ამ ქალს ტრინიმ გუშინ მიაქცია ყურადღება, როცა თავის სახედარს ჩუმად მისდევდა. თითქოს სხვა ინდიელებისაგან არაფრით განსხვავდებოდა, მაგრამ ტრინიმ მას თვალი მაინც ვერ მოსწყვიტა, ძალიან ლამაზი ეჩვენებოდა, თუმცა ქალი, ეტყობოდა, არაფრად აგდებდა თავის სილამაზეს. კანდელარიამ ალერსიანად უთხრა ამბროსიას, ჩემი სახედარი გამოიყენეთო. ტრინისა და ბრაულის უნდა აეკიდებინათ სახედრისათვის საოჯახო ხარახურა და საბან-ჰილოფები.

მარიო რომ მოვიდა, ბიჭები ამ საქმით იყვნენ გართულნი.

— ცოტა ხანს უნდა დაგტოვოთ, — თქვა მან.

მარიომ აღარ იცოდა, როგორ გამომშვიდობებოდა ტრინის მთელი ღამე იმას ფიქრობდა, როგორ შეესრულებინა დავალება. განა საშიში არ იყო მეხიკოში წასვლა, იქ ხომ ხალხი იცნობდა? ამის გამო კი უნდა მიეტოვებინა ეს ოჯახი, გაჭირვების ეამს რომ შეიფარა. მარიომ ტრინის თავზე ხელი გადაუსვა და უცხად ამბროსიასაკენ მიტრიალდა:

— საპატამ ერთი დავალება მომცა. კარგად მენახეთ!

ამბროსიამ წარბები ოდნავ ასწია, მარიოს შეხედა და თავი დაუქნია. მარიოს მოეჩვენა, რომ ეს მეგობრული თავის დაქნევა არ იყო.

უცხად ვილაცამ მხარზე ხელი დაჰკრა. იერონიმო იყო.

— აი, ეს გზაში გამოვადგება, მარიო. საპატამ გამოგიგზავნა. მშიერი ხომ ვერ ივლი?

იერონიმომ რამდენიმე ქალაქის ფული გაუწოდა.

მარიო წესიერებას იყო მიჩვეული და იერონიმომ ფული რომ მისცა, იფიქრა: „სანიტერესოა, გლახთა არმია როგორ აგვარებს თავის ფინანსურ საქმეებს? ყველას ასე აძლევენ ფულს? ასე არ ივარგებს!“

გლესთა არმიამ კარგა ხანს შეისვენა. გზის პირას, ტრიალ მინდორზე დაბანაკდნენ. თვალუწვდენ, გადახრუტყულ მინდორზე ერთ მწვანე ბუჩქსაც კი ვერ მოჰკრავდით თვალს, რომ კაცს ეფიქრა, სადმე მახლობლად ოაზისი იქნებოდა.

შორ მანძილზე გაჰიშული კოლონის თავიდან იერონიმო აღაღთან მივიდა.

— ბიჭებო, — უთხრა მან ბრაულიოსა და ტრინის, — ნოპალაზე არაფერი ცნობა არ მოგვეპოვება. იგი აქედან შორს აღარაა. ჩვენთან ხომ გახსოვთ, ნოპალადან ერიბერტო სწავლობდა. არ შესმის, რატომ არაფერს გვატყობინებს. იქნებ ჩვენი მოახლოება ვერც შეიტყვეს? წადით ნოპალაში — ოლონდ, იცოდეთ, იფრთხილეთ და გამოიკითხეთ, რა იციან მძარცველურ არმიასზე.

— აქედან ნოპალამდე რა მანძილია? — იკითხა ბრაულიომ.

— ჩვენი მეგზური ამბობს, ორი საათის სავალიაო.

— ძია იერონიმო, მაჩეტეები წავილეთ?

— არა. საომრად ხომ არ მიდიხართ. საშიშროებას თუ რასმე შეამჩნევთ, დაიმალენით.

იერონიმომ ბიჭები კოლონის თავამდე გააცილა. გზის პირას ჩამომჯდარმა საპატამ იერონიმოს თვალით ანიშნა, აქ მოდიო.

აქედან ბავშვები მარტო გაემართნენ. როგორც იქნა, ახლა მათი ოცნება — ისინი არმიის ნამდვილი მზვერავები იყვნენ. მაგრამ სწორედ ახლა თავს გმირებად აღარ თვლიდნენ, გადახნულ მინდვრებსა და გადაამწვარი ბალახით დაფარულ ველზე საგმირო და სათავგადასავლო არაფერი ჩანდა. მიდამოს თვალი მოავლეს. შორს, საკმაოდ დიდ მანძილზე, გაშიშვლებული ქედები მოჩანდა, საითკენაც ღია ცისფერი მტვრიანი ბილიკი მიუყვებოდა. მიწის პირას მზით გახურებული ჰაერი ფრთოდა. გარშემო არაფერი იძვროდა. მარჯვნივ, ცაზე სეავები ტრიალებდნენ. ზოგჯერ რომელიმე მათგანი ქვემოთ დაეშვებოდა, მერე ისევ ლილისფერ ზეცას გაეკვროდა.

გზა თანდათან მადლა-მადლა მიუყვებოდა. ბექობზე რომ ავიდნენ, ბიჭებმა პატარა ტაფობი დაინახეს, ირგვლივ ბუჩქ-

ნარი შემოფენოდა. წვიმების დროს ყვითელ ქვებზე ალბათ წყალი მიჩხრიალებდა, ახლა კი ამომშრალიყო. მარცხნივ, შარ მანძილზე, პატარა გუბე შემორჩენილიყო, რომლის ნაპირები ხასხასა ბალახით გადამწვანებულიყო.

ბიჭებიც იქით წავიდნენ. წყალი ისე წმინდა იყო, კლდის ფსკერი მკაფიოდ მოჩანდა. მეგობრებმა ნაპირთან ჩაიმუხლეს და წყალს მუჭით დასწვდნენ. ბანაობა ძალიან უნდოდათ, მაგრამ დროის დაკარგვა ენანებოდათ. მალე ერთ ქედს გადაადგნენ, საიდანაც სოფელი ნოპალა გამოჩნდა. კაქტუსის ღობეებს იქით მიწისფერი ქოხები მოჩანდა, იმათ პირდაპირ — დაბალი სამრეკლო.

— აი, იქით წავიდეთ, მარცხნივ! — ჩუმად თქვა ბრაულიომ. — შორიდან შეგვაჩნევენ, მაგრამ არ გაუკვირდებათ. იფიქრებენ, ჩვენებურები არიან და მინდვრიდან შინ ბრუნდებიანო.

ბორციიდან წყნარი ნაბიჯით დაეშვნენ. სოფლის განაპირას ქალი ორ თხას მოერეკებოდა. ეს სოფელს მშვიდობიან იერს აძლევდა. მერე გზაზე ორი კაცი გამოჩნდა. ისინი მძიმედ დატვირთულ ვირს მოსდევდნენ. ასეთ ხალხთან გამოლაპარაკება საშიში არ უნდა ყოფილიყო. ბიჭებმა ნაბიჯს აუჩქარეს. ამასობაში გამოჩნდნენ სოფლიდან მომავალი ბოხჩებწამოკიდებული ქალები და მამაკაცები.

— სოფლიდან მოდიან, — თქვა ტრინიმ. — ალბათ გარბიან.

მზვერაეებმა ფეხს აუჩქარეს. გლეხები მათ ყურადღებას არ აქცევდნენ.

როცა ბიჭები ხალხის არეულ რიგებთან ახლოს მოვიდნენ, ერთი კაცი შედგა, უცნობებს დააკვირდა და ჰკითხა:

— საიდან მოდიხართ?

ბრაულიომ ხელით ზურგისკენ ანიშნა:

— იქიდან.

— მძარცველთა არმიას გამოექეცით?

— არა, ეგ არმია იქ არ არის.

მათ ირგვლივ ხალხმა უცბად მოიყარა თავი.

— მაშ რად მოდიხართ? — უნდობლად იკითხა პირველმა შემხვედრმა.

— გვინდა გავიგოთ, სად იმყოფებიან მძარცველები, — თქვა ბრაულიომ. ჯერ არ უნდოდა, სიმართლე ეთქვა.

— რალა თქვენ გამოგვზავნათ სოფელმა? კაცები სად არიან? — იკითხა იმავე გლუხმა.

— ჩვენ იმიტომ გამოგვზავნეს, რომ თქვენებურ ერიბერტოს ვიცნობთ.

— ვინ ერიბერტოს?

— აი იმას, სან ბარტოლდოს ბაღებში რომ იმყოფებოდა.

— ჰო, იმ ცრუპენტელას? გვითხრა, იქ წერა-კითხვა ვისწავლეო. მერე ისეთი ამბები მოყვა, კაციშვილმა არ დაუჯერა.

— მართლა სწავლობდა წერა-კითხვას, — თქვა ბრაულიომ.

— შენ რა იცი? — ჩაეკითხა კაცი და ბაგეების კუთხეები დაეშვა, სახეზე ეტყობოდა, აინტერესებდა. — თქვენ სან ბარტოლდოდან ხომ არა ხართ?

— დიახ.

ლაპარაკში მეორე კაცი ჩაერია.

— ერიბერტო გვარწმუნებდა, თითქოს თქვენ... ესე იგი ვილაც იერონიმოს — ბატონმა ყურები და ცხვირი რომ დააჭრა, საპატას გლუხთა არმიისაგან ცნობა მიეღოს, მოვდივართ, რომ ბატონებისაგან დაგიხსნათო.

— სწორია, — თქვა ბრაულიომ. ერთხანს ენა დაება, მერე ხელი გაიშვირა იქითკენ, საიდანაც თვითონ მოვიდნენ. — გლუხთა არმია იქ არის, აქედან ორი საათის სავალზე.

ხალხი ღუმდა და ერთმანეთს შესცქეროდა.

მერე ერთმა იკითხა:

— ხომ არ გვატყუებ?

— ვინმე გაგზავნეთ და გაიგებთ. მათ მხოლოდ ის აინტერესებთ, მძარცველთა არმია სად იმყოფება. ამას რომ გაიგებენ, თვითონვე მოვლენ.

ისევ ღუმილი ჩამოვარდა. მერე ისევ იმ კაცმა დაიწყო:

— ეგ არმია გუშინ აქედან ხუთი საათის სავალზე იყო... ახლა არ ვიცი, საით წავიდა. ამიტომ სოფლიდან მივდივართ. მძარცველები რომ შემოგვესიონ, საპატა გვიშველის?

— ჩვენ თვითონ საპატამ გამოგვგზავნა.

ეს კი არ უნდა ეთქვა ბრაულიოს, აბა ვინ დაუჯერებდა,

რომ დიდი ბელადი საპატა ამ ორ გლეხის ბიჭს გამოგზავნიდა მათთან.

გლეხებმა ერთმანეთს რჩევა ჰკითხეს, როგორ მოვიქცეთო. ერთმა თქვა, ერთი-ორი კაცი გავგზავნოთ და ვნახოთ, მართლა თუ არიან იქ დაბანაკებულებიო.

— აი, ბიჭებო, აქედან ორ კაცს გაგატანთ, მათ საპატასთან მიიყვანთ. მაგრამ იცოდეთ, თუ თქვენი ნათქვამი ტყუილი გამოდგა, ვაი თქვენს ტყავს.

სანამ ტრინი და ბრაულიო იმ ორ კაცს უცდიდნენ, საიდანლაც ერიბერტო გამოჩნდა და ბიჭებისკენ გამოემართა, მაგრამ მერე შეჩერდა. თვალეზე ეტყობოდა, მათი ნახვა ძალიან უხაროდა.

— ახლა მაინც დამიჯერებენ, — ჩუმად თქვა ერიბერტომ და მერე ბიჭებს ჰკითხა: — საპატა მართლა ახლოა?

— ორი საათის სავალზეა.

— ვნახათ? როგორია?

— ჩვეულებრივი გლეხია.

— ცოტა მაინც არ განსხვავდება მათგან?

— ჰო, რა ცხენზე ზის. ძია იერონიმოც ცხენით დადის.

გაოცებულმა ერიბერტომ თავი გადააქნია.

ახლა სოფლიდან აღარავინ მიდიოდა. გადაწყვიტეს, დაეცადათ, ეგებ საპატა მართლა მოვიდეს და დაგვეხმაროსო. მთელი სოფელი გაცხარებით მსჯელობდა ამაზე.



ნოპალელმა შიკრიკებმა ტრიალ მინდორზე შორიდანვე შენიშნეს საპატასა და მისი ამაღის ცხენები. ახლა კი შეფიქრიანდნენ. ვაითუ გლეხთა არმია კი არა, მძარცველთა არმია იყოს, მაშინ რაღა ვქნათო.

ამალას ერთი კაცი გამოეყო, ცხენზე ამხედრდა და მათკენ გამოემართა.

როგორც კი მხედარი მოახლოვდა, ნოპალელებმა შეამჩნიეს, რომ მას ჩალის სომბრერო ეხურა. ამან დაამშვიდა ორივენი. მალე იცნეს ყურებ და ცხვირდაჭრილი კაცი. იგი იერონიმო იყო.

დიდხანს არ გაუვლია, გლენთა არმია დაიძრა. ნოპალას ველზე ჭარისკაცები დამშრალი ნაკადულის კალაპოტში აქა-იქ დარჩენილ გუბეებს შემოეხვივნენ და სოფელშიც ასე არეულ-დარეულები შევიდნენ.

ნოპალელები ზვის პირას გამოფენილიყვნენ, რომ თეთრ ცხენზე ამხედრებული გლენთა განთქმული გენერალი ენახათ. ღობეს ამოფარებული ერიბერტოც ხარბი თვალებით შესცქეროდა საპატას.

იერონიმომ იცნო ბიჭი და ხელი დაუქნია. მთელი სოფელი მაშინვე მიხვდა, ერიბერტო მართალს ამბობდა.

სალამოთი საპატასთან გლენები მოვიდნენ. საპატა ესაუბრა მათ და დაწვრილებით გაიგო სოფლის ამბავი. გლენებს ძალიან გაუყვირდათ, როცა გენერალმა ერიბერტო იკითხა.

ბოლოს, როცა მარტონი დარჩნენ, იერონიმომ უთხრა საპატას:

— როგორც ვატყობ, აქ ჩემმა ახალგაზრდულმა ორგანიზაციამ თავისი საქმე ვერ გააკეთა.

— როგორ ვერ გააკეთა, იერონიმო, — შეეკამათა საპატა. — ამ ერიბერტომ ყველაფერი გააკეთა, რაც მისი ასაკის ბიჭს შეეძლო. მაგრამ ახლა ეს სამუშაო მამაკაცებმა უნდა განაგრძონ. რამდენიმე კაცი უნდა გავგზავნოთ ყოველდღე. ბრალულისა და ტრინის გამოგზავნა შეცდომა იყო. ეს შენ უნდა დაგავალოთ, შენ რომ დაგინახავენ, მიხვდებიან, როგორ ექცევიან ბატონები გლენებს. თან ლაპარაკიც გეზერება. ამიერიდან ეს საქმე შენ უნდა იკისრო. ყველგან მეგზურები გავიჩინოთ, თან გლენებს აუხსენი, გვინდა ბატონების უღლისაგან განთავისუფლოთ-თქო. ამიტომ ერთ-ორ დღეს თავშესაფარი უნდა მოგვცენ და შეგვინახონ. მათაც უნდა გავგზავნონ ახლო-მახლო სოფლებში მწვერავები. ახლა ხომ ხვდები, ეს თოფის სროლაზე უფრო მნიშვნელოვანი დავალებაა.

— ვხვდები, ემილიანო, მაგრამ ამ საქმეს მარტო მე ვერ გავუძღვები. წინ უნდა გაგისწროთ, გლენებს ველაპარაკო, მერე თქვენ გელოდოთ, მწვერავები ვგზავნო და ისევ გაგისწროთ. ორი ფეხის მეტი ხომ არა მაქვს. პაკო და მისი ვაჟი ზრალუიოც დამახმარე!

საპატამ გაიცინა.

-- რალა თქმა უნდა, ორივეს მოგცემ. ამბროსიაც ხომ გჭირდება?

-- ემელიანო, ამბროსია შენთან დარჩეს. შენ არ იცი, რა ჭკვიანი ქალია. თუ რამე გავიჭირდეს, იმას ჰკითხე რჩევა.

საპატამ სერიოზული სახე მიიღო.

— სწორედ ასე ვიზამ. კარგად ვიცი ამბროსიას ფასი.

ამ საუბრის შემდეგ იერონიმომ თავისი ღედა და სხვა ხალხი მოინახულა და აუხსნა, რა უნდა გაეკეთებინათ.

ტრინიც იქვე იჯდა. ბოლოს ბიჭმა იკითხა:

— მე რალას მავალეზ?

— შენ ჯერ ძალიან პატარა ხარ, — უთხრა იერონიმომ.

ტრინის სახეზე შეეტყო, რომ ბიძის პასუხი მაინცდამაინც არ ესიამოვნა.

მაშინ ამბროსიამ თქვა:

— ორი დღის წინ ბიძაშენი იერონიმო უკმაყოფილო იყო, საპატამ თოფი რომ არ მისცა. დღეს კი ისეთი საქმე აბარია, ბევრს სიცოცხლეს შეუნარჩუნებს. შენთვისაც გამოიძებნება, ტრინი, რაიმე.

ტრინი მიუხვდა დიდებას ნათქვამს. მაგრამ გულისტკივილი ასე იოლად არ გაუვლიდა, თავისი სათაყვანებელი, სახე-გაციისკროვნებული კანდელარია რომ არ დაენახა. ქალი გაღიმებული თვალებით შესცქეროდა მისკენ მომავალ მამაკაცს. ამ ტანმორჩილი, კუნთებიანი მამაკაცის გარუჯულ, ოდნავ გვერდზე მოქცეულ სახეს კეხიანი ცხვირი ვაჟკაცურ იერს აძლევდა. ბავშვური სიხარულით შესცქეროდა იგი კანდელარიას. ნუთუ ეს იყო ამ ქალის ქმარი, საპოტეკების მეთაური?

— საჭმელი მზადაა, ბალთასარ, — აღერსიანად უთხრა ქალმა.

მაშ, მართლა გლახთა არმიის მეთაური ყოფილა.

— ამალამ აქ დავრჩები, — თქვა ბალთასარმა და სკამზე ისე მოხერხებულად დაჯდა, გეგონებოდათ, კარგა ხანია, აქ ცხოვრობსო.

ტრინი ახლა შეამჩნია და ღიმილით ჰკითხა:

— შენ ვინა ხარ?

— ტრინი ვარ, ამბროსიას შვილიშვილი, იერონიმოს დისწული.

— აჰა, — ბალთასარმა თვალეზი სასაცილოდ დააჰყიტა. — შენ იმ ბაღების სკოლაში სწავლობდი, არა? კითხვა ხომ იცი?

— ცოტ-ცოტა.

— მე კი სულ არ ვიცი, — წამოიძახა ბალთასარმა და ბიჭს ეშმაკური ღიმილით შეაქებდა. — ალბათ, მეც ვისწავლი მერე, ომი რომ დამთავრდება.

ტრინი სუფრას ბალთასარის გვერდით მიუჯდა. ბალთასარი წამდაუწუმ ცოლისკენ გააპარებდა თვალს. ტრინის ეგონა, ბალთასარი თითქოს ამბობდა: „ხომ კარგია ჩემი ცოლი? ხომ ლაქაზია?“

ბ რ ძ ი ლ ა

მზე მაგრად აცხუნებდა. ტრინიმ დაინახა, რომ ბალთასარმა თავის დიდ რაზმთან ერთად მარჯვნივ გაუხვია და თვალუწვდენ ველზე გავიდა.

შორს ცა შავმა ღრუბლებმა დაფარა.

ამბროსიამ იქით გაიხვია და თავისთვის ჩაილაპარაკა:

— დღეს წვიმები იწყება, — მერე გარშემო მიიხედ-მოიხედა, სადმე თავის შეფარება თუ შეიძლებაო, მაგრამ ვერაფერს მოჰკრა თვალი.

მზე ისევ აცხუნებდა. უცბად გრუხუნის მოისმა. ნუთუ დაიქუხა?

იმ მხარეს, საითაც გლეხები წავიდნენ, ტრინიმ მიწის პირას თეთრი ქულები დაინახა. მოისმა უცნაური ხმაური. ნეტა რა იყო?

მზეს ბურუსი გადაეფარა. კვლავ გამოჩნდა თეთრი ქულები და ნაწყვეტ-ნაწყვეტი ჭახანის ხმაც გაისმა.

— ქვემეხებს ხომ არ ისვრიან? — იკითხა ტრინიმ, თუმცა პასუხს არავისგან ელოდა. გზაზე ქარს მტვერი წამოეხვეტა. ყველამ თვალეზი დახუჭა.

წინ მიმავალი გლეხები სადღაც გაქრნენ. ატყდა შაშხანების ბათქი, ჯერ წვიმის წინწყლები წამოვიდა, მერე კი კოკისპირულად დაუშვა.

შორს, მთის ზემოთ, ცა ელვამ გაჰკვეთა. დაიქუხა. ახლა უკვე ვეღარ გაარკვევდით, ქვემეხები ისროდნენ, თუ ჰქეპა-ქუხილის ხმა იყო.

კანდელარიას სახედარს წყალი წურწურით ჩამოსდიოდა. ტრინის ქურთუკი მთლად დაუსველდა. ჩალის ქუდიდანაც ჩამოსდიოდა წყალი წურწურით. გზის პირებში ნაკადულები წამოვიდა. როზა დაძაბული შესცქეროდა გლეხებს.

გუბებში ფეხების ტყაპუნით მოვარდა იერონიმო.

— აბა, ყველამ უკან დაიხიეთ!

ამ დროს უცნაური შხუილი გაისმა. ათიოდე ნაბიჯის მოშორებით ქალი წაიქცა, მის გარშემო სისხლის გუბე დადგა. ბავშვი აწვივდა.

როზამ დაჭრილს მიაშურა.

— სახედარი წაიყვანეთ! — უთხრა იერონიმომ დედას. ცდილობდა, დამშვიდებით ელაპარაკა, მაგრამ ხმაზე ეტყობოდა, საშინლად ღელავდა. — ჩქარა გაეცალეთ აქაურობას!

კვლავ გაისმა შხუილი, კიდევ და კიდევ.

შეშინებული ქალები და ბავშვები გაიქცნენ. ტრინიმ სახედარის კისერზე მობმულ თოქს წაავლო ხელი. ეკლიან ბუჩქებს გვერდს უვლიდნენ, მაგრამ ქვებზე ფეხს იმტვრევდნენ, წელამდე გუბებში ვარდებოდნენ. ქუხდა და ქუხდა, ისმოდა სტვენა, ჰახანა.

იერონიმო წინ წავიდა, რომ ამ გაუვალ, ეკლიან ბუჩქნარში გზა გაეკვლია. წინ დიდი ტბორე იდგა, იქიდან გაშიშვლებული ბუჩქები ამოჩრილიყო.

მათ ზურგს უკან კვლავ მოისმა შხუილი.

წყალდაწყალ მიმავალ იერონიმოს ტრინი უკან მისდევდა. წინ ბორცვი გამოჩნდა. იქიდან უკვე სახნავი იწყებოდა, ფეხს უფრო თავისუფლად გადაადგამდა კაცი. ამ თავსხმასა და ჰქეპა-ქუხილში ამბროსია მშვიდად მიდიოდა, წელგამართული. მის შეხედვაზე კაცი იფიქრებდა, არც საშიშროება აკრთობს და არც ეს კოკისპირული წვიმა აშინებს.

ბორცვს რომ მიაღწია, იერონიმო შეჩერდა.

— აქ დარჩით! თუ კიდევ ატყდა სროლა, მინდვრის ბოლოს რომ ქვებია, იმას ამოეფარეთ. მე საპატასთან დავებრუნდები. შენ გამოგვყევი, ტრინი, ეგებ დაგვჭირდე.

უკანვე გამოტოპეს გუბეში. წყალი ახლა მუხლამდე მოსწევდათ. ისევ კოკისპირულად წვიმდა. სროლა ცოტა მიწყნარდა.

გზაზე როზა დანინახეს. ის დაჭრილის წინ ჩაჩოქილიყო, ჭრილობაზე სიმინდის ფუჩიჩი დაედო და შარვლის ტოტს ახვედა, რომ ჭრილობა შეეხვია. სხვა თან არაფერი ჰქონდა.

იერონიმო და ტრინი გუბეებში მიტოპავდნენ და ძლივს მიიკვლევდნენ გზას. სანდლები ტალახში ეფლობოდათ და ფეხის ამოწევისას ჭყაპა-ჭყუპი გაუდიოდათ.

საპატა ქვებზე შემდგარიყო და შორს იცქირებოდა, თუმცა ვერაფერს ხედავდა, ჰორიზონტს წვიმის კედელი ჩამოჭფარებოდა.

უცბად იერონიმოს მიუბრუნდა.

— ყაჩაღების გენერალი, ჩვენ რომ მოულოდნელად ხელში ჩავეგდეთ, იმ ნაწილს დასხმია თავს, სადაც ქალები გვყავდა. მაგრამ ჩვენ დროულად დავძარით საპოტეკები. მაინტერესებს, ახლა რაღას აპირებენ, ქვემეხები კი მიწყნარდა.

მოვარდა ლაფში ამოსვრილი შიკრიკი, საპატას გვერდით შეჩერდა და მოახსენა:

— ბალთასარის რაზმმა არტილერიისაგან მძიმე დანაკლისი განიცადა.

— რა თქვი? — იკითხა საპატამ. — მათი ქვემეხები აღარ ისვრის, აღარც თოფების ხმა ისმის. იერიში მოაქვთ?

— არა, ახლა სიმშვიდეა.

— ბალთასარმა საპოტეკების პატარა ჯგუფი მარჯვნივ გაგზავნოს და დაზვეროს, მტერი იქიდან ალყის შემორტყმას ხომ არ აპირებს. დაჭრილებს რას უშვრებით?

— გამოვიყვანეთ.

— რატომ გზაზე არ მოიყვანთ?

— ეგ რას უშველით? სადაც არიან, იქ მაინც დავეხმარებით ცოტას.

— ერთი ექიმი რომ გვყავდეს! — წარმოთქვა საპატამ. — ექიმიც რომ გვყავდეს, შესახვევი მასალა არა გვაქვს, სხვა არმიებში სანიტარული ფორნებიც კი აქვთ.

საპატა დანანებით ლაპარაკობდა, წვიმას გასცქეროდა და ჩალის შლიაპიდან წყალი წურწურით ჩამოსდიოდა.

წვიმამ ისევ მოულოდნელად გადაიღო, როგორც დაიწყო.

წვიმის სეზონზე იცის ხოლმე, თავდასხმის შემდეგ ორ-სამ საათში კაშკაშა მზე გამოანათებს. ახლაც ასე მოხდა: გადაილოთუ არა წვიმამ, ორი საათის შემდეგ კაშკაშა ცაზე მზემ გამოანათა. პატარ-პატარა გუბეები უცბად დაშრა.

წვიმამ გადაილო და ბრძოლაც შეწყდა. საპატა ცხენს მოახტა და იერონიმოს უთხრა:

— შენ აქ დარჩი! საკუთარი თვალთ უნდა ვნახო, რა მდგომარეობაა მარცხენა ფრთაზე.

იერონიმომ და ტრინიმ სველი ტანსაცმელი გაიხადეს და გასაშრობად მზეზე გაფინეს.

მარცხენა ფრთაზე საპატას სრული სიწყინარე დაუხვდა. აქ თურმე მტრის საკმაოდ სუსტი დაჭრუფება ყოფილიყო ჩასაფრებული და მცირე ბრძოლის შემდეგ უკან დაეხია.

— ჯერჯერობით აქ დარჩიო, — ბრძანა საპატამ. — ამასობაში ბალთასარის ნაწილს უკანვე დავახევიანებ. მათ დანაკლისი განიცადეს და სადმე სოფელში უნდა დავაბანაკო, რომ დაჭრილებს მივხედოთ.

ამ სიტყვებზე საპატამ ცხენი შემოაბრუნა და გზაზე გააქენა. იმ ადგილას, სადაც არტილერიამ ბავშვებსა და ქალებს ცეცხლი დაუშინა, გზაზე როზა გადაუდგა. საპატამ ცხენი შეაჩერა.

— ასე არ შეიძლება, ემილიანო! — უთხრა როზამ.

— რა არ შეიძლება? — საპატა გააკვირვა ამ მაღალი, გამხდარი გოგონას დაბეჭითებულმა ლაპარაკმა.

— დაჭრილებზე არავინ ზრუნავს. შესახვევი მასალაც არა გვაქვს!

— სად ვიშოვოთ?

— სად ვიშოვოთ? — გაიმეორა როზამ. — ერთი სახედარი მომეცი და რაც საჭიროა, ყველაფერს ვიშოვნი. ჭრილობის მოსაბანად არაყი გვჭირდება. წვეცს, მაგრამ კარგია. სისხლისდენის შესაჩერებელი ფოთლებიც საჭიროა. თუ ვეტყვით, დაჭრილი ინდიელებისათვის გვჭირდებაო, ექიმბაში ქალები ყველაფერს გვიშოვნიან. ჭრილობის შესახვევ ჩვრებსაც სადმე ვიშოვნი.

ამ ლაპარაკისას საპატა თან იქვე დაგდებულ, ტყვიამფრქვევით დაჭრილ ქალს შესცქეროდა. დაჭრილი, ეტყობოდა,

საშინლად იტანჯებოდა, ამ სურათმა მხედართმთავარს დედის სიკვდილი მოაგონა. მეტად მძიმე სურათი იყო, მშველელიც არავინ ჩანდა.

თუმცა მძიმე მოგონებებმა აუფორიაქა სული, მაგრამ საპატამ გაიღიმა და როზას ჰკითხა:

— რა გქვია?

— როზა.

— როზა, სახედარს დღესვე მოგცემენ. მკურნალობისა თუ გესმის რამე?



— არა, მაგრამ არც არის საჭირო. კრილობაზე დაადე ფოთოლი, შეუხვით და სოფელში წაიყვანე. იქ არიან ქალები, ვინც გაცილებით მეტი იცის. მერე ისინი მიხედავენ.

საპატამ იცოდა მკურნალობის ეს ხერხი და ისიც კარგად მოეხსენებოდა, რაც მას მოსდევდა. ცოტა როდი უნახავს დაჭრილები, ტეტანუსით რომ იხოცებოდნენ და სიცხისაგან გათანგულეები შესცქეროდნენ, მაგრამ რომ არ შეეშინებინა, რო-

ზასათვის არაფერი უთქვამს, მისმა მონდომებამ ძალიან გაახარა, თავი დაუქნია და უთხრა:

— მაშასადამე, როზა, დაჭრილებზე შენ იზრუნებ. თუ რაიმე დაგჭირდეს, მე მომმართე!

მარიოს ღაბრუნება

მრავალმა თვემ განვლო. სანიტრის მოვალეობას როზა გულმოდგინედ ასრულებდა. მარტო მამაკაცის ქუდი კი არ ეხურა, შარვალიც ეცვა. ზურგიდან თუ შეხედავდით, გამხდარი ბიჭი გეგონებოდათ, მაგრამ მკვირცხლ სახეზე მაშინვე შეატყობდით, რომ გოგონა იყო. მარშზე ყოველდღიურად როზათვის სახედარს გვერდით მიჰყვებოდა. სახედარს უნაგირზე წითელი ჭვარი ეხატა. როზა ცდილობდა, მუდამ რაზმის თავში ევლო, რომ საჭიროების დროს დაჭრილებს მალე მიშველებოდა. საღამოს ამბროსიას მოძებნიდა და გვერდით მიუწვევებოდა.

როზა იშვიათად იცინოდა ხოლმე, უმეტესად მოღუშული დაიარებოდა. დაკვირვებული თვალი უცბად შეამჩნევდა, რომ ამბროსიას მოკრძალებით ეპყრობოდა, ტრინი ძალიან უყვარდა და მასზე ზრუნვა სიამოვნებას ჰგვრიდა. ბიჭი კი თავისი საქმიანობით უკმაყოფილო იყო. აღალს მიჰყვებოდა, არ იცოდა, წინ რა ხდებოდა, რატომ ჩერდებოდნენ დიდი ხნობით, ან საით მიდიოდნენ.

ერთ საღამოს სოფელში შეჩერდნენ. ვიღაც ცხენოსანი ბატონი მოვიდა, ტანთ შავი კოსტუმი ეცვა. ბატონი მათ წინ გაჩერდა. ტრინიმ მაშინვე იცნო მარიო. მარიო ტრინის შორიდან მიესალმა და საპატასაკენ გასწია.

რამდენიმე საათის შემდეგ მარიო ამბროსიასთან მივიდა..

— შეიძლება ღამე ძველებურად თქვენთან გავათიო? — ჰკითხა მარიომ და სიწითლემ გადაჰკრა.

— რატომაც არა, თუ ამ ხნის განმავლობაში არ გამოცვლილხარ, — უპასუხა ამბროსიამ და მარიო ცივად აათვალიყვანა.

— მართალს ამბობ, — თქვა ცოტათი შემკრთალმა მარი-
ომ, — მაგრამ ისე თავისუფლად არსად მიგრძენია თავი, რო-
გორც თქვენთან. იმასაც კი ვფიქრობ, ხომ არ ჯობდა, ისევ აქ,
თქვენთან დავრჩენილიყავი-მეთქი.

ამ საღამოს მარიო ძალიან ალერსიანი იყო. სანამ ისინი
მჭადს შეექცეოდნენ, პაკო და არაკუნეც მოვიდნენ. აინტერე-
სებდათ, ახალი რა ამბებიო.

ჯამას რომ მორჩნენ, ფარდულში დასხდნენ და შესცქერო-
დნენ, როგორ ნელ-ნელა ჩადიოდა მზე და წყვედიადი ეფინე-
ბოდა დედამიწას.

— მარიო, მეხიკოში იყავი? — იკითხა პაკომ.

— იქაც ვიყავი. თქვენ წარმოდგენაც კი არა გაქვთ, რა
ამბები ხდება იქ. დღისით ცხოვრება თითქოს თავისი კალა-
პოტით მიდის, ღამეები კი ძალიან შფოთიანია. არავინ იცის,
ვის დაიჭერენ ან ვის დახვრეტენ. მიუხედავად ამისა, მაინც
ბევრი რამ სდება ისეთი, რაც ამ სისხლისმსმელ მხეცს, გენე-
რავ გვამებს შორის. ამ სურათს ჩუმ-ჩუმად ყველგან ჰყიდიან.
ხატავენ ქსელში გაბმულ ობობად, რომელსაც ხელში თავის
ქალა უჭყრია. ანდა ცხენს დააჭენებს სისხლის მორევში მცუ-
რავ გვამებს შორის. ამ სურათს ჩუმჩუმად ყველგან ჰყიდიან.
განსაკუთრებით გრავიორ პოსადას ნახატებს იტაცებენ.
დილდილობით ამ სურათებს ნახავთ სახლების კედლებზე.
ეკლესიის თეთრ კედლებზე დიდ სურათებს ხატავენ. მაგალი-
თად, თავმოტვლეპილ ჩასუჭებულ ვაჟბატონს თავზე ელვა
ეცემა. მოტვლეპილი თავები მხოლოდ უცხოელებს აქვთ,
თავმოტვლეპილ ინდიელს ვერ ნახავთ. იმ თავმოტვლეპილს
ხელში მათრახი უჭირავს. ყველაფერს ამას იმიტომ ხატავენ,
რომ ჩვენმა ხალხმა კითხვა არ იცის. ზოგჯერ ასეთ ნახატსაც
წააწყდებით: გაბღენძილ მღვდელს ხელი გაუწვდია, რომ სუ-
ლის ხსნისათვის ფული მისცენ, იქვე სიმინდით სავსე ტომ-
არებს შორის მებატონე ჩამდგარა, თავი მოუყრიათ ზედამხე-
დველებს, მჭარცველთა არმიის ოფიცრებს; გვერდით ამერი-
კელი დამდგარა, წინ ფულით სავსე დიდი ტომარა უდგას.

— რატომ ამერიკელი? — იკითხა პაკომ.

— უერთამ მადერო მოკლა თუ არა, უცხოელმა ელჩებმა
გენერალი პრეზიდენტად აკურთხეს, მაგრამ მერე ელჩებს შო-

ჩის უთანხმოება ჩამოვარდა. ამერიკელი ელჩი განრისხდა, რადგან უერთა ინგლისის ელჩს მამებლურად ექცეოდა. მაშინ ამერიკის ელჩმა თავი ისე დაიჭირა, თითქოს მადეროს მკვლელობაში მას წილი არ ედო. იმუქრებოდა, ფლოტს გავგზავნი და თქვენს საზღვაო ქალაქ ვერაკრუსს ცეცხლის აღში გავახვევ. თუ უერთას არ მოაშორებთ და კანონიერი გზით ახალ პრეზიდენტს არ აირჩევთ.

— ეს სწორია, — თქვა პაკომ.

— სწორია, ოღონდ მაშინ ამერიკელები მართლა უნდა ისწრაფოდნენ სამართლიანობის დამყარებისაკენ. მაგრამ მათი მიზანი ეს კი არ არის. ამერიკელებს სურთ ისეთი პრეზიდენტი აირჩიონ, ვინც მხოლოდ მათ სიტყვას გაიგონებს.

— შენა, მარიო, შენ რაღას აკეთებ ამჟამად? — ჰკითხა პაკომ. დიდი ხანია აინტერესებდა ამის გაგება.

— მე ზომ აქედან იმიტომ წავედი, რომ ლიბერალებისათვის ამეხსნა, სისულელეს სჩადიხართ, გლეხების წინააღმდეგ რომ იბრძვით-მეთქი. მეხიკოში რომ ჩავედი, ბევრი ჩემი ძველი მეგობარი აღარ დამხვედრია. უერთას გაეყარა სამსახურიდან და თავისი მომხრეებით, უუნარო და მეჭრთამე სალხით შეეცვალა. ერთ მათგანს, თქვენს ყოფილ მებატონე ტორესს, — შენც იცნობ, პაკომ! საერთოდ, სულელი არ არის, მაგრამ სამსახურში ფხიზელს იშვიათად ნახავთ და ხშირად ტენს ალიაქოსს.

— ეგ ისეთი ბოროტი და გაიძვერა მაინც არ არის, როგორც მისი ვაჟიშვილია, — გააწყვეტინა პაკომ.

— ის ახლა უერთას არმიის ოფიცერია, — თქვა მარიომ. — დამაცადე, ბოლომდე მოგიყვებ. თითქმის ყველა ლიბერალი გაიქცა ქალაქიდან და ჩრდილოეთში უერთას წინააღმდეგ ახალი არმია შექმნეს. მისი მეთაურია ჩემი ძველი ნაცნობი ვენუსტიანო კარანსა და მეც მასთან გავეშურე.

— მაშასადამე, ახლა უერთას წინააღმდეგ სამი არმია იბრძვის, ორი გლეხთა არმია და ერთიც ვენუსტიანო კარანსასი? — იკითხა პაკომ.

— დიახ, — დაუდასტურა მარიომ. — მე შევასრულე საპატას დავალება. ვენუსტიანო კარანსამ მთხოვა, ჩემთან დარჩი, მალე მე თვითონ უნდა გავგზავნო ელჩი საპატასთან. ამიტომ

დავრჩი მასთან ამდენ ხანს. ახლა საპატასთან და პანჩო ვილასთან გამომგზავნა. მათ ორივეს წინადადებას აძლევს, შემომიერთდით და ერთი ძლიერი არმია შევქმნათო.

— საპატა რაღას ამბობს?

— იმას ისე არ გახარებია, როგორც მე ველოდი, და მაშინვე ისა მკითხა, ხელმძღვანელი ვინ იქნებაო.

სიბნელიდან ამბროსიას ხმა გაისმა:

— საპატა სწორია. აქამდე ჩვენ გვებრძოდით, ახლა კი თქვენთვის ვიბრძოლოთ? არა! ეს არ ივარგებს!

— მეც ხომ თქვენს წინააღმდეგ არ ვიბრძვი? — იკითხა აღელვებულმა მარიომ.

— მაგრამ დღეს იმათგან მოგაქვს ამბავი, ვინც ჩვენს წინააღმდეგ იბრძოდა, — უთხრა ამბროსიამ. — ჩაცმულობაზევე გეტყობა, იმათ მხარეზე ხარ. შენ თვითონაც ხომ კარგად იცი, რომ ეგრე გამოწყობილი ბატონს ჰგავხარ?

— მაგას კი მართალს ამბობ, ამბროსია, — უკმაყოფილოდ დაეთანხმა მარიო, — მაგრამ გულით ხომ თქვენ გეკუთვნი?

— გულით ჩვენ გვეკუთვნი? — გაიმეორა უღმობელმა ამბროსიამ. — მე კი მგონია, ჩვენთან დარჩენას რომ აპირებდე, მაგ ტანისამოსით არ მოხვიდოდი. ალბათ ისევ კარანსასთან აპირებ გაბრუნებას.

— ვაპირებ, მოვალე ვარ. თვითონ საპატას სურს, რომ უკან გავბრუნდე და პასუხი მივუტანო.

— მჯერა. საპატას შენ კარანსას ელჩად უფრო მიაჩნია, ვიდრე თავისად.

— ჩემს პატიოსნებაში ეჭვი რატომ გეპარებათ? — წამოიძახა მარიომ. — თუ დავინახე, ისინი თქვენს მოტყუებას აპირებენ, ავდგები და ისევ თქვენთან მოვალ.

— მართლა? — მიუგო პაკომ. — მაშინ საკითხავი ის იქნება, გვენდომება თუ არა კიდეც შენი მიღება.

მარიო ცდილობდა, თავი როგორმე დაეცვა, მაგრამ ეჭვი ვერავის გაუფანტა. როცა დაწვნი და ყველას დაეძინა, მარიო კვლავ დიდხანს ფიქრობდა, შემდეგში როგორ მოქცეულიყო.

„ამჟამად მართლაც ვენუსტიანო კარანსას ელჩი უფრო ვარ, ვიდრე საპატასი. ამაზე აქამდე არც კი მიფიქრია. უკან უნდა გავბრუნდე, ალბათ კარანსას არმიაში მომიწევს დარჩე-

ნა. მაგრამ ის ხომ მართალია, რომ ჩემი გული გლახებს უფრო ეკუთვნის?“ — ფიქრობდა მარიო.

მას ძალიან სწყინდა, ტრინიმ ღამე ნებისა რომ არ უსურვა, მაგრამ ის კი აღარ იცოდა, ინდიელებს ჰქონდათ თუ არა ეს წესად. წინათ, სულ ამათთან რომ იყო, ამისათვის ყურადღებაც არ მიუქცევია.

დილით გზას გაუდგა. გლახების მზერას თვალს არიდებდა. შერცხვენილი ბრუნდებოდა ლიბერალების არმიაში.

არაკუნენს ახალი თანამდებობა

მარტო ტრინი როდი იყო უკმაყოფილო იმით, რომ მხოლოდ სახედრებს მიერეკებოდა და ბრძოლაში კი მონაწილეობას არ იღებდა. არაკუნეც ამასვე ფიქრობდა. ამ ცოტა ხნის წინ სამხედრო მეთაურს ჰგავდა, — ასეთი შემთხვევა სხვას იშვიათად მისცემია, — ახლა კი? ესკადრონის ლოთობა და მათი ოფიცრების წინდაუხედაობა არაკუნემ კარგად გამოიყენა და ტეპოტლას მამული მალე აიღო. ამის შემდეგ ეგონა, რომ გლახთა არმიაში ბევრი ასეთი შემთხვევა მიეცემოდა, მაგრამ ამის ნაცვლად არმია შეუჩერებლად მიდიოდა წინ და მხოლოდ ერთხელ შეეჯახა მძარცველებს. ეს შეჯახებაც მხოლოდ იმიტომ მოხდა, რომ გაცოფებულმა უერთამ თავის გენერლებს უბრძანა, გლახთა არმია საბოლოოდ გაანადგურეთო. საპატამ ვერ გამოიყენა მძარცველთა არმიის ყოყმანი. მის მეთაურებს თავდაცვა კი შეეძლოთ, მაგრამ რეგულარულ არმიანზე თავდასხმას ვერ ბედავდნენ. ამას გარდა, საპატა ხშირად უხვევდა ძირითად გეზს, მასთან ხშირად მოდიოდნენ სოფლებიდან გამოგზავნილი გლახები და სთხოვდნენ, მემამულის დამხობაში მოგვეშველეთ, ჩვენი ძალებით მისი შეიარაღებული ბანდის დამარცხება არ შეგვიძლიაო. ასეთი შემთხვევების გამო გლახთა არმია უერთას არმიას დიდი მანძილით შორდებოდა და მშვიდად და უბრძოლველად გადადიოდა სოფლიდან სოფელში. მემამულეები, ზედამხედველები და მათი დამქაშები სოფელში გლახთა არმიის შესვლამდე გარბოდნენ. საგმირო

საქმეებისათვის მოწოდებულ არაკუნეს სავაჟაკო არაფერი რჩებოდა.

ზოგჯერ ისეთ ადგილებში უხდებოდათ გავლა, სადაც ცხოვრება მთელი საუკუნით ჩამორჩებოდა, გლეხები ყმებად ჰყავდათ მებატონეებს. აქაურ ინდიელებს ესმოდათ, რისთვის იბრძოდა საპატა, მაგრამ თვითონ ვერ ბედავდნენ, რამე ელონათ თავის გასანთავისუფლებლად. იერონიმო იძულებული იყო, სოფელ-სოფელ ევლო და გლეხებისათვის ყველაფერი აეხსნა. ეს სახედამხინჯებული კაცი გლეხებში ჩადგებოდა და უხსნიდა მათ საპატას ლოზუნგის „მიწისა და თავისუფლების“ შინაარსს.

— ნუ დაელოდებით, რომ მიწა გლეხთა არმიამ მოგცეთ, თქვენ თვითონ წაჰგლიჯეთ და თუ ბატონები წართმევას შეეცდებიან, დაიცავით კიდევ.

ტრინი დაყვებოდა ბიძამისს გლეხთა შეკრებაზე, ზეპირად იცოდა, რასაც ძია იერონიმო იტყოდა. გლეხები, მართალია, ყურადღებით ისმენდნენ, მაგრამ ხმას არ იღებდნენ. საკითხავი კი რამდენი ჰქონდათ. ხედავდა დასნეულებულ ადამიანებს, ძლივს რომ დალასლასებდნენ. მართალია, სან ბარტოლდოშიც იყვნენ სნეულები, მაგრამ ახლა ტრინიმ თავისი თვალით ნახა, რამდენი სნეული ყოფილა მის სამშობლოში.

ისეთი სოფლები უფრო ხშირად ხვდებოდათ, რომელთაც ბრძოლის კვალი აჩნდა. მძარცველთა არმიას ქოხები გადაეწვა, საქონელი კი გაეტაცა. მერე გლეხთა არმია მოდიოდა და მემამულის სახლ-კარსა სწვავდა. ეს ამბავი ამბროსიას ჯერ ბუნებრივად მიაჩნდა, შემდეგ კი თანდათან დაუფიქრდა.

ერთ საღამოს საპატა და იერონიმო მამასახლისის ოთახში ისხდნენ. კარები არ დაუკეტიათ, რადგან სოფელში მათ ქოხებს კარები, საერთოდ, არ ჰქონდა. ამგვარად, ყველას შეეძლო თავისუფლად მოესმინა მათი მსჯელობა, რომელი მიმართულებით წასულიყვნენ.

ზღურბლზე ამბროსია გამოჩნდა. ორივე მიხვდა, რაღაც დიდი ამბავი იყო. ამბროსიამ მაგიდასთან სკამი მისწია და იკითხა:

— ემილიანო, შენ სწორად იქცევი?

— რა მოხდა? — ჰკითხა გაოცებულმა საპატამ.

— მძარცველთა არმია აღმა-დაღმა დაეხეტება, ჩვენც ასევე დავეხეტებით. ისინი ქვეყანას ანადგურებენ. ჩვენა? ჩვენ კი არ ვანადგურებთ? აბა, შეხედე, ხალხი როგორ წვალობს და შიმშილობს!

— ამბროსია, ჩვენ გლეხების სახლ-კარს კი არ ვანადგურებთ, მებატონეებისას ვწვაავთ, ამასაც იმიტომ ვშვრებით, რომ მათ უკან დაბრუნების საშუალება მოვუხსნათ.

— სწორია, — დაეთანხმა ამბროსია. — მაგრამ რამდენი წელი დაგჭირდება, რომ ქვეყანა ამ გზით გაანთავისუფლო?

საპატამ თავი ჩაქინდრა:

— აბა, როგორ დავაჩქაროთ?

ამბროსიამ არაფერი უპასუხა, მოწყენილი იჭდა სკამზე და ხმას არ იღებდა.



ამ საუბრის შემდეგ იერონიმომ მეზობელ სოფელში დაბანაკებულ არაკუნესთან ტრინი გაგზავნა და დააბარა, არაკუნემ თავისი რაზმი სხვას გადააბაროს და ჩემთან გამოცხადდესო.

ტრინიმ არაკუნეს იერონიმოს დანაბარები რომ გადასცა, გაოცებულმა არაკუნემ იკითხა:

— იქ რა უნდა გავაკეთო?

— არ ვიცი, — მიუგო ტრინიმ.

არაკუნე უხალისოდ მივიდა მეორე ქოხთან და ერთ ტეპოტლელ ბიქს უთხრა:

— ჩემი რაზმის მეთაური შენ იქნები.

განცვიფრებული ამხანაგის შეკითხვებზე არაფერი უპასუხნია და ტრინისთან ერთად ღორდიან გზას დაადგა. ტეპოტლელების რაზმის მიტოვებამ არაკუნეს გული ჩასწყვიტა.

იერონიმომ მას ახალი დავალება მისცა. გლეხთა არმიის ზურგში თავდაცვის რაზმები უნდა შეექმნა. არაკუნეს, რაღა თქმა უნდა, ესიამოვნა, რომ საპატას მახლობელთა წრეში იტრიალებდა, მაგრამ ამ საპატიო დავალების მიღებას არ გაუხარებია. სულ თავისი ტეპოტლელი მეგობრები ედგა თვალწინ.

იერონიმომ სოფლის მოსახლეობა შეჰყარა. თვითონ, არაკუნე და ტრინი კი სოფლის პატარა მოედანზე ჭის თავზე შედგნენ. იერონიმოს ეგონა, არაკუნე რაღაცას იტყოდა, მაგრამ იგი ისე შეკრთა, ხმა ვერ დასძრა.

იერონიმო იძულებული გახდა, თვითონ ელაპარაკნა.

— მეგობრებო, — დაიწყო მან, — ხვალ ან ზეგ ჩვენ აქედან წავალთ და თქვენ უნდა დაიცვათ თავი მემამულისა და მისი დამკაშებოსაგან. ამიტომ სოფელში თავდაცვის რაზმი უნდა შეიქმნას. თქვენ რას იტყვით?

ხმა არავის ამოუღია.

— ჰა, რას გაჩუმებულხართ! — დაიძახა იერონიმომ. — ნუთუ თქვენი ახალგაზრდებიდან არავის უნდა საკუთარი იარაღით დაიცვას სოფელი?

— იარაღი სადა გვაქვს? — წამოიძახა ვიღაცამ.

აყლაყუდა არაკუნე ახლა კი აწრიალდა.

— რაო? — იყვირა მან. — ტრინი, შენ... — მან გზისკენ ხელი გაიშვირა, — იქიდან მოდიხარ. ქამარზე პისტოლეტი გკიდია. ნამდვილი მოურავი ხარ და სოფელში მიდიხარ, რომ გლეხებს ღალა გადაახდევინო. მე კი სოფლის რაზმელი ვარ. აქ, კაქტუსების ძირას უნდა დავიმალო და ხელში მაჩეტე მოვიმარჯვო, ეგ თოფებითა და პისტოლეტებით შეიარაღებული სისხლისმსმელები ახლო უნდა მოვუშვა. აი, ხომ ხედავთ, მოღას მოურავი, ეგ არამზადა!

ტრინი მშვიდად მიაბიჯებდა გზაზე, იგი არამზადას სულაც არ ჰგავდა. ათი წლის სანდომიანი ბიჭუნა იყო. გლეხებმა ჩაიხითხითეს.

ტრინი არაკუნეს მიუახლოვდა, მაგრამ თავი ისე ეჭირა, თითქოს ვერ ხედავდა.

აყლაყუდა არაკუნემ უცბად ისკუპა. გრძელი მარჯვენა, რომელშიც ვითომ მაჩეტე ეჭირა, მაღლა ასწია, სისხლისმსმელის როლის შემსრულებელს ეცა და მიწაზე გააგორა.

— აი ხომ დაინახეთ! — არაკუნე გლეხებს მიუბრუნდა, მათი ხარხარისათვის ყურადღება არ მიუქცევია. — აი, ასე უნდა. იქითაც თქვენი ხალხი იქნება ჩასაფრებული, აქეთაც. ახლა რას იტყვით, მაჩეტე ცუდი იარაღია? მთავარი ის არის, არამზადები ახლოს მოუშვათ. მიწაზე რომ დასცემთ, თოფ-

იარაღიც აპყარეთ. პოდა, იარაღიც გაგიჩნდებათ. ვის უნდა რაზმში ჩაეწეროს? გამოდით!

იმ წუთს ერთი სულ ახალგაზრდა ბიჭი გამოვარდა. მას სხვები მიჰყვნენ.

— აი, ესეც თქვენი სოფლის თავდაცვის რაზმი! — შესძახა არაკუნემ. — ახლა მეთაურია საჭირო და თქვენ თვითონ აირჩიეთ.

იერონიმოს გაეცინა. საწყალი ტრინი კი ფიცხმა არაკუნემ ისე დაახეთქა მიწაზე, ხელი იტკინა და როზას შეახვევინა.

დოქტორი პეპე

არმია ველზე დაეშვა. აქ შუადღისას ისეთი აუტანელი სიცხე იდგა, უეჭველად უნდა შეესვენათ. აქა-იქ ჭგუფ-ჭგუფად მდგარი აშოლტილი პალმების ცოცხივით გაფარჩხული ფოთლები ქარს დაეწეწა. დამ-დამობით ისე თბილოდა, კაცი საბანს ვერ დაიხურავდა. აქა-იქ შაქრის ლერწმის ვრცელი პლანტაციები გადაჭიმულიყო. ბანანების ძირას, მათ გოლიათურ ღია მწვანე ფოთლებქვეშ, სახელდახელო ქოხები აეგოთ. აქაური მცხოვრებლები მკვირცხლნი და მხიარულები ჩანდნენ.

ერთ დღეს პაკომ თავი ცუდად იგრძნო, ლუკმა არ გადასდიოდა ყელში. მზვერავეებსა და მათ მოტანილ ამბებს ყურადღებას ვეღარ აქცევდა და აღალთან ერთად ძლივს მილასლასებდა. ჩამქრალ თვალეში წრეები უტრიალებდა. მეორე დღეს ბრაულო შეუდგა მხარში და ძლივს ადგამდა ფეხს. შეისვენებდა თუ არა, ჩამოეძინებოდა. თუმცა მზე აცხუნებდა, ტანში მაინც აერიალებდა. კანდელარიამ, აქამდე ქმრის მოვლის მეტი რომ აღარაფერი ახსოვდა, ჩაიჩოქა, თავი ნაზად გაუსწორა და რამდენიმე ტკბილი სიტყვა უთხრა.

სადამო ხანს პაკო ძალიან შეწუხდა. ამბროსიამ ტრინის ექიმბაში მოაყვანინა. თვალეზმობუჭულმა ექიმბაშმა შეხედა პაკოს.

— ჩაი დაალევიანეთ! — უთხრა ამბროსიას და უკმაყოფილო სახით გაეცალა იქაურობას.

— ჩაი რომ უნდა დავალევი, ეს მეც კარგად ვიცი; — წარმოთქვა ამბროსიამ და ტრინისა და ბრაულის მიუბრუნდა: — იცით, ასე მალე რად გაბრუნდა? — პასუხს არ დალოდებია, თვითონვე განაგრძო: — არ იცის, რა დაავადებაა, ან რითი ეშველება.

კანდელარია და ორივე ბიჭი პაკოს შეშფოთებით დასცქეროდნენ.

— ექიმები გვკირდება, ჩვენი საკუთარი, ინდიელი ექიმები, — განაგრძო ამბროსიამ, — და არა ის კეთილშობილი ესპანელი ბატონები, ქალაქებში რომ ჩამსხდარან და გლეხებს არ ეკარებიან, რახან ისინი ბევრ ფულს ვერ მისცემენ.

— არ შეიძლება, მე ექიმი გავხდე? — იკითხა ტრინიმ.

ამბროსია ბიქს ყურადღებით მიაჩერდა.

— ექიმობის შესწავლა ქალაქში შეიძლება, ამისთვის ბევრი ფული უნდა გქონდეს. ჩვენ გლეხთა არმიას მივეყვებით, ის გვასმევს და გვაკმევს, სხვა არაფერი გავაჩნია.

მზე რომ ჩავიდა, იერონიმომ დედა მოძებნა.

— ბევრი ავადმყოფი გეყავს, — ხმადაბლა უთხრა მან ამბროსიას. — ისინიც პაკოსავით დეარდნენ. საპატამ გადაწყვიტა, აქ დავრჩები, სანამ ესენი არ გამოჯანსაღდებიანო. ქალაქში კაცი გაგზავნა, იქნებ ვინმე ექიმი მოსძებნო, გლეხთა არმიაში დარჩენა რომ ისურვოსო. მაგრამ არ იცის, როგორ მოუაროს: ექიმიც ხომ ჩვენსავით ვერ იცხოვრებს.

დაღამდა, მაგრამ ბრაულიო არ დგებოდა, კარგა ხანს იყო ჩაჩოქილი მამის წინ უძრავად. რახან ეს მოუსვენარი კაცი ასე მკვდარივით იწვა, ალბათ ძალიან ავად იყო.

მეორე დღესაც გამომჯობინება არ დასტყობია. კანდელარია და ბრაულიომ პაკო ბუჩქის ჩრდილში დააწვინეს.

მეორე დღეს შუადღისას ვილაც მხედარი გამოჩნდა. ექიმი იყო. ასე, საშუალო ხნის კაცი იქნებოდა. ტრინიმ ყურადღება მიაქცია მის შეშფოთებულ, მაგრამ დაკვირვებულ გამოხედვას. ექიმი საპატასთან მიიყვანეს, საპატამ ექიმისა და იერონიმოს თანხლებით ავადმყოფები შემოიარა.

პაკოსთან რომ მივიდნენ, ექიმმა იკითხა:

— ამასაც ის ნიშნები აქვს?

— დიახ, — მიუგო იერონიმომ.

ექიმი საპატას მიუბრუნდა:

— როგორც უკვე მოგახსენეთ, მეც ვერაფერს ვუშველი. ზაკირო წამლები არ გამაჩნია. იმის გამო, რომ სამოქალაქო ომი წლების მანძილზე გრძელდება, ასე ადვილად ვერც იშოვი წამლებს.

— ჩვენთან არ დარჩებით? — ჰკითხა საპატამ. — გლებთა არმიაში ერთი ექიმიც კი არა გვყავს.

— ამაზე ახლა ვერ გიპასუხებთ, ჯერ უნდა გავიგო, ცხოვრების რა პირობები გაქვთ. ერთ-ორ დღეში მოგახსენებთ. წამლების შესაძენად რამე საშუალება უნდა გამოვიძებნოთ.

გლებები დარცხვენილები იდგნენ და არ იცოდნენ, ექიმთან კიდევ რაზე ელაპარაკათ.

მაშინ ამბროსიამ უთხრა ექიმს:

— მე და კანდელარია მოგივლით.

ექიმმა ამბროსიას შეხედა და თავი დაუქნია:

— კარგი, ჯერჯერობით დაერჩებით.

თხუთმეტი წუთის შემდეგ ამბროსიამ როზა მიუყვანა ექიმს.

— შენ აი, იმ ქოხში იცხოვრებ. ლაშქრად რომ მივდივართ, როზას შესახვევი მასალით დატვირთული სახედარი დაჰყავს. კიდევ რა გინდა? რა გქვია?

ექიმი. შენობით ლაპარაკს მიჩვეული არ იყო, მაგრამ ახლა მეტად გამხიარულდა.

— პეპე დამიძახეთ. ერთი მაჩვენე, როზა, რა დაგაქვს შენი სახედრით!

ტრინის ეშინოდა, ექიმი როზას ჩერებდა და ფოთლებს რომ დაინახავდა, დასცინებდა. ის კი ყურადღებით შეუდგა თვალ-იერებას.

— მაშ კრილობებს პირველად ამითი უხვევ არა, როზა? ან სხვა რა საშუალება უნდა გქონდეს? — მერე ამბროსიას მიუბრუნდა: — ერთი დამხმარე კიდევ მჭირდება, რომ სოფელში ჩამოიაროს და ავადმყოფებს შეატყობინოს, ჩემთან მოვიდნენ.

— აი, ეს ბიჭი დაგეხმარება. ტრინი ჰქვია.

— უცნაური საქციელი გაქვთ! მაგრამ კარგი, არა უშავს, ტრინი დამეხმარება. ავადმყოფებს რჩევა-დარიგება უნდა

მივცე. რახან კითხვა არ იცი, ისე გეტყვი. გამეორებას ხომ მაინც შესძლებ?

— კითხვა ვიცი, — თქვა ტრინიმ.

— ბიჭოს! ჩვენს ხალხში იშვიათად შეხვდები კაცს, რომ კითხვა იცოდეს. ჩემს ნაწერს ალბათ მაინც ვერ წაიკითხავ. წერაც იცი?

— დიახ, ექიმო პეპე, ცოტა.

— კეთილი. აი, ქალაღი, შენ თვითონ დაწერე. მერე ნაწერი სხვებს წაუკითხე.



რამდენიმე დღის შემდეგ პაკო გარდაიცვალა. ბრაულის ერთი წუთითაც არ მოშორებია. ჩაცუცქულიყო მამის წინ და მის ტანჯვას უყურებდა. ახლა ისიც წაიღეს სხვებივით და მიწას მიაბარეს.

ერთხელ, დილით საპატა დოქტორ პეპეს ეწვია ქოხში.

— აქაურობას უნდა გავეცალოთ. არმია შიმშილობს. ჭერ ისევ ბევრი ავადმყოფი გვყავს. იმათთან ერთად ხომ ვერ ვივლით?

— მე მგონი, ავადმყოფები გაუძლებენ გზას. მხარში უნდა შევუდგეთ, ხშირ-ხშირად დავასვენოთ.

— თქვენ რას იზამთ? — იკითხა საპატამ. — დარჩებით ჩვენთან?

— დავრჩები.

საპატას ეშინოდა, ვაითუ ექიმმა მიგვატოვოსო. ვერ მიმხვდარიყო, რა აიძულებდა აქ დარჩენას, მაგრამ არაფერს ეკითხებოდა. ტრინისაც ვერაფერი გაეგო მისი. ყველას მიუხვდებოდა, რა სწყინდა, რა უხაროდა, ამ კაცისა კი ვერაფერი გაეგოთ. ლაპარაკში დოქტორ პეპეს ხშირად ნალველი ემჩნეოდა ხოლმე. საღამოობით ისიც სხვებივით იჯდა და ვარსკვლავებს შესცქეროდა, ან მთვარით განათებული მიდამოს მზერით ტკბებოდა. თავისთავზე კი არასოდეს არაფერი უთქვამს. არავინ იცოდა, ცოლშვილიანი იყო თუ უცოლშვილო.

ბრძოლა მენახშირითა დასახლებასთან

საპატას გლეხთა არმია ისე გაიზარდა, რომ დედაქალაქში მოკალათებულ სისხლისმსმელ უერთას ციებ-ცხელება შეუდგა. მის საქმეს ისიც ართულებდა, რომ ამერიკის შეერთებული შტატებიც ემუქრებოდა. ამერიკის მსხვილ საქმოსნებს არ სურდათ, მეხიკოში ინგლისელთა მიერ მოსყიდული პრეზიდენტი მჭდარიყო.

მიუხედავად იმისა, რომ მექსიკის სამხრეთით გლეხთა არმია საშიშ ძალად იქცა, საპატა მაინც ძველებურად გულკეთილი, მორიდებული და უბრალო ადამიანი იყო. იერონიმო შტაბის უფროსის მოვალეობას ასრულებდა: მზვერავებს დავალებებს აძლევდა, ცნობებს აგროვებდა და არმიის მომარაგებაზე ზრუნავდა. მის თანაშემწეს იარაღის განაწილება ჰქონდა დავალებული. ის ძალიან უხეში, მაგრამ საქმიანი კაცი იყო და ყოველი ფუჭად დახარჯული ვაზნის გამო მოურიდებლად იგინებოდა.

საპატასთვის პირველ ხანებში ამბროსია მხოლოდ ერთი სიმპათიური მოხუცი იყო. მაგრამ მის მიერ მიცემული სხარტი შენიშვნებით საპატა მალე მიხვდა, რომ ამბროსია კარგად იცნობდა თავის ხალხს. ამის გამო საპატა ხშირად ეკითხებოდა რჩევას, განსაკუთრებით მაშინ, როცა შეიტყობდა, რომ რომელიმე მისი მეთაური დაკისრებულ მოვალეობას კარგად ვერ ასრულებდა. მაგალითად, ერთხელ ამბროსიამ საპატას ურჩია, ადგილობრივი თავდაცვითი რაზმების შექმნას არაკუნეს ნუ მიანდობო.

— ამ საქმისათვის სხვა, უფრო მშვიდი ხასიათის კაცი შეარჩიე, რომელიც, თუ საჭირო იქნება, არმიას ჩამორჩება და თავის საქმეს უფრო საფუძვლიანად და მოფიქრებით გააკეთებს.

— კეთილი. შენ ვის მირჩევ?

— ბალთასარს.

საპატა დაფიქრდა.

— ბალთასარი კარგი მეთაურია, მაგრამ ხანდახან ზედმეტად ფრთხილია.

— სწორედ მაგის გამოა შესაფერისი, — თქვა ამბრო-

სიამ. — საპოტეკების მეთაურობა არაკუნეს გადააბარე. ის გამბედავია, ბალთასარმა კი უკეთ იცის გლეხებთან სალაპარაკო ენა და არმიის ზურგში თავდაცვის რაზმების შექმნასაც მალე ისწავლის, თანაც ისეთ რაზმებს ჩამოაყალიბებს, სიძნელე შეხვდება თუ არა, მაშინვე არ მიიფანტ-მოიფანტება.

საპატამ მეთაურთა თათბირი მოიწვია. ისე ცხელოდა, თათბირზე მამაკაცები ფოთლებით ინიავენდნენ. საპატამ რომ გამოაცხადა, ბალთასარის ადგილს არაკუნე დაიკავებსო, გოცებისაგან ერთი წუთით ყველა გაშეშდა. სხვებზე მეტად ბალთასარი იყო გოცებული და დარცხვენილი მიწას დასცქეროდა.

საპატა ბალთასარს მიუბრუნდა:

— ბალთასარ, მე შენს დაქვეითებას არ ვფიქრობ. შენ თვითონაც კარგად გესმის, რა მნიშვნელობა აქვს განთავისუფლებული რაიონების განმტკიცებას, რომ იქაურმა გლეხობამ უკანდაბრუნების მოსურნე მემამულეთა შეტევები მოიგერიოს. ამის გაკეთება კი, ბალთასარ, აქ მყოფთაგან, როგორცა ჩანს, ყველაზე კარგად შენ შეგიძლია. — მერე ყველა შეკრებილს მიმართა: — ამჟამად ომის მსვლელობაში გარდატეხის მომენტია. წინათ სუსტები ვიყავით და ავაზაკთა არმიის შეტევებს გავუბრდით. ამჟამად სახელმწიფოს შუაგულისკენ სამი არმია მოიწვეს. მე პანჩო ვილასთან კავშირი შევკარი, რათა სისხლისმსმელი უერთა დავამხო. თუმცა პანჩო ვილაზე მაინცადამაინც დიდი წარმოდგენისა არა ვარ. ის ჭერჭერობით ყაჩაღების ხელმძღვანელს უფრო წააგავს. მიუხედავად ამისა, ჩვენ მასთან ერთად ქალაქ მეხიკოში ეგრეთ წოდებულ პრეზიდენტს უნდა შევებრძოლოთ. დღეიდან უკან აღარ დავიხვეთ. ახლა შეტევაზე გადავდივართ! აქ, ამ დაბლობში, სიცხე გაწუხებთ. ამიტომ ამ გადაბრუებულ ადგილებს დაეტოვებთ და მაღალ მთებში წავალთ. იმ მხარეს ავაზაკთა არმიას დასაყრდენი პუნქტები გააჩნია. ისინი შეეცდებიან, უღელტეხილებზე შეგვაჩერონ. მძიმე ბრძოლები მოგვიწვეს.

გლეხთა არმიის მეთაურებმა თავები დაიქნიეს, მაგრამ ეს ამბავი არაკუნესავით არც ერთს არ გახარებია.

გადახრუკულ ველზე რამდენიმე დღის სიარულის შემდეგ დაიწყო მთები. გზის მარცხენა მხარეს სუფთა ქვებსა და კენკვებზე კამკამა ნაკადული მოჩხრიალებდა. ინდიელები აღმართს მძიმე-მძიმედ მიუყვებოდნენ. ამ ადგილებში ბანანების ღია მწვანე ფოთლებს თვალს ვერ მოჰკრავდით, სამაგიეროდ ხარობდა წითლად აფეთქებული ბუჩქნარი და ლაღად გადაშლილი ხეები. უკან მოიბრუნეს დაცემული ვაკე, სულისშემბუთებელი სიციხე. შორს, თვალუწვდენ ველს იქით, რუხ მოციხფრო ნისლში მთაგრეხილები გადაჭიმულიყო. ზედ ჰორიზონტთან კონუსის ფორმის თეთრი ღრუბლის ქულეებშემოჯარული მთა — ვულკანი აღმართულიყო. აქედან, ალბათ, ზღვაც კარგად ჩანდა. ტრინი მხნედ მიაბიჯებდა, მის წინ დაჭრილთა სახვევებით დატვირთული სახედარი მიჩაქჩაქებდა.

ამ დამქანცველი მგზავრობისას უკვე რამდენჯერმე შეისვენეს. ახლაც გაჩერდნენ. შემდეგ ისევ ტყეს აუყვნენ. აქ ისეთი ციცაბო აღარ ჩანდა. ირგვლივ დამწვარი შეშის სუნი იდგა. მალე ბილიკის პირას გამოჩნდა ერთიერთმანეთზე დაწყობილი მხრჩოლავი მორები. მარჯვნივ რამდენიმე ქოხი იდგა.

მენახშირეები გლებთა არმიას მხიარულად შეხვდნენ.

— ექიმი გყავთ? — იკითხა ერთმა გამურულმა მენახშირემ.

— ჩემს უკან მოდის, — მიუგო ტრინიმ.

— დედა მყავს ავად. არ გასინჯავს? — ისევ ჰკითხა შეწუხებულმა მენახშირემ.

მათ ჩამოძონძილი ბავშვები შემოეხვივნენ. ისინი ინდიელთა რომელიღაც დიალექტზე ლაპარაკობდნენ. ტრინის მათი არაფერი ესმოდა. უცბად ბავშვები ტრინის მიუბრუნდნენ და რაღაც ჰკითხეს. ტრინიმ მათ თავის ენაზე უპასუხა. ბავშვებმაც ვერაფერი გაუგეს. ამაზე ყველას გაეცინა.

ამ სოფელში იმ ღამეს ექიმი და ალაღში მყოფი ქალები დარჩნენ. მენახშირეები ნახშირს უფრო დასახლებულ სოფლებში ჰყიდდნენ და ესპანური იცოდნენ. ამიტომ მალე გაუგეს ერთმანეთს.

იერონიმო დედასთან მივიდა და მკადები სთხოვა.

— მე და საპატა ამალამ გზაზე ვდგავართ. არმიის ნაწილს საიდუმლო გზებით მთაგრეხილებზე გადავა. არ დაგავიწყდეს, ამ სიმაღლეზე ღამ-ღამობით ძალიან ცივა. კარგად შეიფუთ-ნეთ!

პატარა სოფელში ამდენი ხალხის სამყოფი ქოხი სად იქნებოდა. სამაგიეროდ ხეები და ტოტები იყო ბევრი. მენახშირეებმა და მათმა შვილებმა ხელი გამოიღეს და სიცილ-ყიჟინით ეხმარებოდნენ არმიელებს სახელდახელო ქოხების აგებაში. მშვენიერი რბილი საწოლები მოუწყვეს. ტყუილად ეშინოდა იერონიმოს. თუმცა გარეთ საკმაოდ ციოდა, მაგრამ შტოებსა და ფოთლებქვეშ ისე არ შესცივნიათ, როგორც თავიანთ ქოხებში სციოდათ ხოლმე.

ჯერ ისევ ბნელოდა, როცა ტრინი ხმაურმა გააღვიძა. მიდამოს რაღაც უცნაური სინათლე მოჰყვებოდა. ხის ტოტებიდან მთვარე ანათებდა. შორიდან მოისმოდა შაშხანებისა და ქვემეხთა უწესრიგო სროლა.

ტრინი ერთხანს ყურს უგდებდა, მაგრამ მერე ჩაეძინა. გათენებისას გაეღვიძა და უცბად ვერ მიხვდა, საიდან მოისმოდა ხმაური. ახლა ზურგის მხრიდან მოესმა სროლის ხმა. მაგრამ ეს როგორ მოხდა?

მაშინვე გარეთ გამოვარდა. სხვებიც გამოცვენილიყვნენ და დილის სუსხისაგან აცახცახებულნი ყურს უგდებდნენ სროლის ხმას.

ერთი მენახშირე ამბროსიას შინაურულად ესაუბრებოდა:

— უნდა გითხრა, მთებში ხმა კაცს იოლად ატყუებს. თუ არ ვცდები, სროლა ამჟამად სან ავგუსტინის ხეობაში უნდა იყოს.

— ეს კარგია ჩვენებისათვის? — იკითხა ამბროსიამ.

— კი, კარგია, მაგრამ ეს ველარ გამიგია, მძარცველების გენერალმა ქვემეხები იქ როგორ აიტანა, ძალიან ვიწროა ეგ ხეობა.



არაკუნე თავისი ნაწილით. წინა საღამოთი გაუდგა გზას. წინ ტეპოტლელებისა და სან ბარტოლდოელების ასეულები მი-

დიოდა. მათ საპოტეკები მიჰყვებოდნენ. მეგზურობდა ერთი მოხუცი, სიტყვაძუნწი მენახშირე, რომელზეც ამბობდნენ, ამ მთებში ყოველი ქვა და ბუჩქი ხუთი თითივით იცისო.

სანამ ღამის სიბნელეში საპოტეკები გზას გაუდგებოდნენ, მეგზურმა ასე გააფრთხილა:

— ხმა არ ამოიღოთ! სანამ ნაბიჯს გადავდგამდეთ, წინ დაიხედეთ, სად უნდა დაადგათ ფეხი. ძნელი სავალია, მაგრამ ნელა ვივლით.

ეს ესპანურად ნათქვამი სიტყვები საპოტეკებს გადაუთარგნეს. მეგზური და არაკუნე ავანგარდთან ერთად მიაბიჯებდნენ მეტისმეტად ვიწრო ბილიკზე. აქ თითო კაცი თუ გაივლიდა. ამიტომ იყო, ათასეული ძალზე გაიწვლა.

ასეთი დიდი ჯარის ნაწილს ამგვარი ლაშქრობა, რა თქმა უნდა გაუტყირდებოდა. მენახშირემ მალე შეუხვია ბუჩქნარმოდებულ, წვიმისაგან დახრამულ ხევში, რომლის ოკრო-ბოკრო კლდოვანი ფსკერი მალლა-მალლა ციცაბოდ მიემართებოდა.

თანდათან ჩამობნელდა. კარგა ხნის სიარულის შემდეგ ხრამის ძირი შედარებით სწორი გაჩნდა. თუმცა ისევ ზვდებოდათ უზარმაზარი ლოდები. ქვა-ღორღიან ფსკერზე ინდიელებს სანდლები უცუტრდებოდათ და მთლად ამოწუწულიყვნენ წყალში.

ბოლოს კლდეში გამოჰკრილი ბუნებრივი დარბაზის პირისპირ აღმოჩნდნენ, რომლის შვეულ კედლებს შორის პატარა ტბორი დამდგარიყო. ერთი შეხედვით იტყოდით, გზა გადაკეტილიაო. მაგრამ მენახშირე მარცხნივ შებრუნდა, მიწიდან ამოჩრილ ფიჭვის ფესვს ჩაეჭიდა და კლდის ვიწრო ნაწიბურს გაუყვა. აქ კარგა ხანს შეყოვნდნენ. ბევრი ბარად ცხოვრობდა და კლდეებზე ცოცვას ჩვეული არ იყო. თან ზურგზე შაშხანები და დაგორგლილი საბნები ეკიდათ.

უკან მომავლები რომ არ ჩამორჩენილიყვნენ, კლდის ნაპირას მენახშირე ძალიან ნელა მიდიოდა. მარცხნივ ღრმა ხეობა ჩანდა. აქ უკვე საპოტეკები შეგროვილიყვნენ. ზემოდან მკრთალად მოჩანდნენ, უკეთ ისმოდა მათი სანდლების ტყაპატყუბი და წყლის ჰყაპუნი, ცივი სილიდან ფეხს რომ ამოიღებდნენ.

მენახშირე ახლა ციცაბო ტყიან ფერდობს დაადგა. ბუჩ-

ქების ტოტებსა და ფესვებზე რომ არ წაგველოთ ხელი, აქაც შეუძლებელი იყო ასვლა.

ბოლოს და ბოლოს, როგორც იქნა, მეწინავეებმა მწვერვალს მიაღწიეს და ხშირ, წიწვოვან ტყეში უკან დარჩენილთ დაელოდნენ.

მენახშირემ არაკუნე იმ ადგილას მიიყვანა, გამეჩხერებული ხეებიდან ბადრი მთვარე რომ მოჩანდა. ხელი წინ გაიწოდა და ჩაიხურჩულა:

— მძარცველთა არმია იქ არის!

ისინი უერთას საძულველი არმიის მარჯვენა ფრთას ზურგში მოქცეოდნენ. მარცხნივ მენახშირემ სან ავგუსტინის ვიწრო ხეობა დაანახვა. არაკუნე ცოტა ხანს ჩაფიქრდა და სან ბარტოლომეელ და ტეპოტლელ ახალგაზრდებთან ერთად გზას გაუდგა, საპოტეკებს კი დაუბარა, აქ მოგროვდიფო. ყმაწვილები უხმაუროდ მიდიოდნენ, გრძნობები წინ გაუბრბოდათ. აყლაყუდა არაკუნეს გზა რომ არ დაბნეოდა, წამდაუწუმ მთვარეს უყურებდა.

უცბად წინ რაღაც ხმაური მოისმა. მიმავალნი შესდგნენ და სუნთქვა შეიკრეს.

მარჯენიდან ფეხის ხმა და ლაპარაკი ისმოდა. მათგან ასე, ორმოცდაათ ნაბიჯზე, ორი კაცი ერთმანეთს ესაუბრებოდა. ეტყობოდა, ამ ადგილას გადიოდა ის ერთადერთი გზა, რომლითაც შეიძლებოდა უკან დაეხია მძარცველთა არმიის მარჯვენა ფრთას.

მიწყდა თუ არა ფეხის ხმა, ტეპოტლელები წინ გაემართნენ და მალე მიაღწიეს ვიწრო ბილიკს, სადაც ორი კაცი თუ გაივლიდა მხარდამხარ. ცოტა მოშორებით, მარცხნივ, ტყეში განაკაფი ჩანდა. არაკუნე იქეთ გაემართა. უშინოდან, მთვარის შუქზე არ გამოჩენილიყვნენ და ფრიალო კლდის გაყოლებაზე ფრთხილად მიხობხავდნენ. მალე მათ წინ ფლატე გამოჩნდა. დაბლა, ვიწრო ხეობაში, ერთადერთი ფართო გზა გადიოდა, რომლითაც ამ ადგილებში უღელტეხილზე შეიძლებოდა გადავლა. ამ გზაზე ხალხი დადიოდა, მაგრამ იმის გამო, რომ ხეების უმეტესი ნაწილი ბნელში იყო მოქცეული, არაკუნემ გარკვევით ვერაფერი დაინახა.

არაკუნეს რაზმმა უჩუმრად დაიკავა პოზიციები კლდის

გაყოლებაზე. მეთაურმა მებრძოლებს ხელით ანიშნა, სანამ მტრის არმიის ზურგში ბრძოლის ხმას არ გაიგონებთ, თოფი არ გაისროლოთ.

ამის შემდეგ არაკუნე უკანვე გადახოხდა მთვარით განათებულ განაკაფზე და ბნელ ტყეში ხელის ცეცებით იმ ადგილას დაბრუნდა, სადაც, ამასობაში, ძნელად სავალ გზებზე სიარულისაგან მოქანცული, დაწალიკებული საპოტეკები შეკრებილიყვნენ. მაშინვე ოცმეთაურები შეკრიბა და განუმარტა, როგორ უნდა დაერტყათ მტრის მარჯვენა ფრთის ზურგისთვის.

— ნელა, ჩუმად უნდა მივეპაროთ, — უთხრა მათ არაკუნემ, — ოცეულები ერთმანეთის მხარდამხარ იქნებიან, მეთაურები ოცეულებს არ დასცილდეთ. წინ მე წავალ. — მერე ხელი მთვარისაკენ აიშვირა და შეტევის მიმართულება განსაზღვრა. — პირველი გასროლის ხმას რომ გაიგონებთ, ხალხს იერიშზე წაიყვანთ.

სანამ საპოტეკები ტყეში კატასავით მიიპარებოდნენ, სან ბარტოლდოელი და ტეპოტლელი ყმაწვილები ფრიალოს ძირში გაწოლილიყვნენ და თვალს ადევნებდნენ, რა ხდებოდა ხეობაში. დამის ნიავემა დაჰქროლა. აცივდა.

ღროის მსვლელობას გზაზე კლდის ჩრდილის გადანაცვლებით იგებდნენ.

უცბად მარჯვენა მხრიდან სროლის ხმა მოისმა. ყმაწვილები შეკრთნენ, თუმცა სწორედ ამ ხმას ელოდნენ მოუთმენლად. ტყე და კლდეები ისეთ გამოძახილს იძლეოდა, თითქოს ყოველი მხრიდან ისვრიანო. ამან ყველა ააღელვა.


მთვარე დანათოდა ხეობას. გზაზე ხალხი გარბოდ-გამობოდა. არაკუნეს რაზმელები სათითაოდ იღებდნენ მათ მიზანში და ესროდნენ.

მარჯვენა მხარეს ქვემეხების გრიალი ატყდა. მაგრამ ამ მიუდგომელ ადგილებში ინდიელებს რას დააკლებდა?

ქვემეხების გრიალი ხან ჭეჭა-ჭუხილს მოგაგონებდათ, ხან ძაღლების ყეფას. ტყვიამფრქვევები კაკანებდნენ.

აღმოსავლეთით ცას მტრედისფერი შეეპარა.

შუქმა რომ იმძლავრა, ბრძოლის ხმაური თანდათან მიწყდა. ეს რას ნიშნავდა?



დაბლა, მარჯვნივ, უღელტეხილზე გადამავეალ გზაზე, ჯარისკაცების არეული ჯგუფები გამოჩნდა. მაშასადამე, მტრის არმია უკან იხევდა. ფეხოსნებს უკანიდან ქვემეხებში გაბმული ცხენთა ოთხეული მიაწყდა.

არაკუნეს რაზმმა ისევ ცეცხლი გახსნა. ერთი ცხენი ძირს დაეცა. უკანდახეულები დაფრთხნენ და ერთმანეთში აირივნენ. ჯარისკაცები კლდეს აეკვრნენ და კისრისტეხით გაქუსლეს.

კუთხიდან ცხენოსნებმა ერთი ქვემეხი კიდევ გამოაგელვეს, მაგრამ ერთმანეთში არეულ-დარეულ ცხენებისა და ხალხის გროვის წინ ერთბაშად შედგნენ.



ტრინი მენახშირეთა სოფელში იყო, რომ ბრძოლის ხმაური მოესმა.

მასთან მივიდა დოქტორი პეპე და უთხრა:

— ჩვენი სამუშაო ახლა იწყება. თუ არა ვცდები, დღეს ცხარე დღე გველის. მეშინია, ვაითუ ბევრი დაჭრილი იქნეს. წავედით!

გზაზე რომ გამოვიდნენ, მზე უკვე ანათებდა. ქვემოთ ხეობა კი ჯერ ისევ ნისლში იყო გახვეული. გზა მარცხნივ უხვევდა. აქ ტრინიმ ბრძოლებში დახოცილი ჯარისკაცები დაინახა.

ისა და დოქტორი პეპე სწრაფად გაემართნენ კლდის ქიმისაკენ, რომლის უკანაც დაფლეთილმუნდირებიან, მსუბუქად დაჭრილთა დიდ ჯგუფს გადააწყდნენ. ამათ თვითონ შეეძლოთ სიარული, სხვის დაუხმარებლად.

ვიღაც უცხო ექიმმა ამ ჯგუფში რომ დატრიალებდა, დოქტორ პეპეს გამოსძახა:

— თქვენ იქით წადით, ბატონო კოლეგავ! აქ მეც ვეყოფა, იქ კი!..

მიწაზე გასისხლიანებული ხალხი იწვა. ზოგიერთებს სახელდახელოდ შეუხვევს ჭრილობები. დოქტორი პეპე მაშინვე საქმეს შეუდგა. მის წინ უცბად გაჩნდა მსუბუქად დაჭრილების რიგი. ზოგი საკაცეებით მოჰქონდათ. მტრის არმიის

ზოგიერთი ჯარისკაცი გლახთა არმიის ჯარისკაცებს ეხმარებოდა, მათი ეშინოდათ და კეთილი განწყობილების დამტკიცებას ცდილობდნენ. ვინ იცის, ესენი იქნებ არც თუ ისე დიდი ხნის წინათ მებატონეთა დაქირავებული სასტიკი ზედამხედველები იყვნენ.

ტრინი ექიმს ინსტრუმენტებს აწვდიდა და თან, თითქოს სხვათა შორის, აკვირდებოდა ყველაფერს.

ბრძოლის შემდეგ

საპატა ხეობის ყელამდე მივიდა. ხეობა ფორნებით, ადამიანების გვაგებითა და ცხენებით იყო ამოვსებული. იგი მოუთმენლად ელოდა თავისი ქვედანაყოფის ამბავს. ამ ქვედანაყოფს უბრძანა, მტრის გაქცეულ არმიას დასდევნებოდა.

ხეობის მარცხენა კედლის გაყოლებით ტყვეთა დაუსრულებელი ნაკადი მოედინებოდა. საპატეების ერთმა ჯგუფმა მას ტყვე ოფიცრები წარუდგინა. ლაფში ამოსვრილი ოფიცრები მის წინაშე შიშისაგან ფერწასულები იდგნენ. მან მხოლოდ თვალი გადაავლო ტყვე ოფიცრებს, მათთან დალაპარაკება კი არ ისურვა. რამდენიმე დღის წინ ბევრი რამ უამბეს მტაცებელთა არმიის ოფიცრების მხეცობაზე.

— უკან წაიყვანეთ კუთხის იქით! — ბრძანა საპატამ. — იქ დაიცადონ.

წაიყვანეს თუ არა ტყვეები, საპატამ იერონიმო მოიხმო და უთხრა:

— ოფიცრები დაჰკითხე. უნდა ვიცოდეთ, მხოლოდ აგანგარდი გავანადგურეთ და სიფრთხილე გვმართებს, თუ მთელი არმია მოვსპეთ, სამხრეთში ჩვენს წინააღმდეგ რომ იბრძოდა.

იერონიმო ფლატესთან თავშეყრილ ოფიცრებთან მივიდა. მათ წინ მტრის არმიის ორი მკვდარი ჯარისკაცი ეგდო. იერონიმომ თვალი შეასწრო ერთ ოფიცერს, რომელიც ცდილობდა ზურგსუკან ამოფარებოდა მეორეს.

— ჰეი, შენ, რას მემალები? აბა, წინ გამოდი! სინდისი ხომ არა გაქვს დამძიმებული?

ოფიცერი, დამალვას რომ ცდილობდა, წინ გამოვიდა და იერონიმოს უტიფრად შეხედა. იგი ჯანღონიანი ლეიტენანტი იყო. იერონიმო, მართალია, არ იცნობდა, მაგრამ მაინც უნდობლად უმზერდა.

— რომელი ნაწილები იბრძოდა აქ ჩვენს წინააღმდეგ? — იკითხა იერონიმომ.

ლეიტენანტს არაფერი უპასუხნია, მოხუცმა მაიორმა კი ყველა ნაწილი ჩამოთვალა. ამით იერონიმო ბევრს ვერაფერს მიხვდა და ჩაფიქრდა, რა უნდა ეკითხა მერე.

მაიორმა სამხედრო ნაწილების ჩამოთვლა რომ გაათავა და გაჩუმდა, იერონიმომ უთხრა:

— თქვენ არაფერი გითქვამთ პაბლო გონსალესის ნაწილზე.

ეს გენერალი გლახთა არმიის ყველაზე საშიშ მოწინააღმდეგედ ითვლებოდა.

— მისი ჯარი, — თქვა მაიორმა, — შორს იმყოფება, ჩრდილოეთში.

— ჩვენს პირისპირ რომელი ნაწილები დგას? — ისევ იკითხა იერონიმომ.

— რა თქვით? რეზერვებზე მეკითხებით?

— დიახ, რეზერვებზე.

— რეზერვები არა გვყოლია. ყველა ნაწილი მონაწილეობდა ბრძოლაში.

იერონიმომ ისეთი გულგრილი სახე მიიღო, თითქოს ამას არავითარი მნიშვნელობა არ ჰქონდა. მაიორი ასე ხალისიანად იმიტომ ლაპარაკობს, ალბათ თავის გადარჩენა უნდაო, — ფიქრობდა იერონიმო. ეს მართლაც იყო საფიქრალი, რადგან მძარცველთა მიერ ტყვეების სასტიკმა ტანჯვა-წამებამ გლახებიც უღმობელნი გახადა და ახლა ორივე მხარე უღმობლად იბრძოდა.

იერონიმო ფიქრობდა: „ერთიც ვნახოთ, ამ მაიორმა წმინდა წყლის სიცრუე ჩამომიფუჭა, მაშინ?“ — ამის თავიდან ასაცილებლად, სხვებსაც დაჰკითხა, სად იმყოფებოდნენ ესა თუ ის მაღალი რანგის ოფიცერი და შემთხვევით ყურმოკრულ გვარებს ასახელებდა. რადგან ყველამ ერთი და იგივე გაიმეორა, იერონიმომ დაკითხვა შეწყვიტა, რომ შედეგი საპატასთვის მოეხსენებინა.

მთელი ამ ხნის მანძილზე იერონიმოს მიერ შემჩნეული ლეიტენანტი მწკრივის წინ იდგა. ახლა ეს ლეიტენანტი მაიორს მიუბრუნდა და ხმადაბლა, თუმცა ისე, რომ სხვა ოფიცრებსაც გაეგონა, უთხრა:

— გლეხების გულის მოგება გნებავთ, არა? კეთილშობილი წარმომავლობის ხალხის აზრით, ამას გამცემლობა ეწოდება.

— ლეიტენანტო ტორეს, — პირში მიახალა გაცოფებულმა მაიორმა, — სწორედ თქვენი ავკაცობის გამო ვცახცახებთ ჩვენ. ესეც იცოდეთ, თქვენ ძალიან როდი გაგიჭირდებათ გმირის როლი ითამაშოთ, ოჯახში შიმშილით ბავშვები არ აგიტირდებათ.

მაიორს ლაპარაკი არ დაემთავრებინა, რომ ტორესმა გზაზე რაღაც დაინახა და ფაცხა-ფუცხით ისევ თავისი მეგობრის ზურგს ამოეთარა. ხევიდან უჩვეულოდ მაღალი ინდიელი ამოდიოდა, მხარილღივ ჭვარდიანად ორი პატრონტაში გადაეკიდა, ჩექმებზე კი დეზები უქლარუნებდა. მის მიხრა-მოხრასა და გამოხედვაში გაბედულება იგრძნობოდა. ტორესმა მეგობარს წასჩურჩულა:

— დღეს მაგან მეორედ ჩამიგლო ტყვედ. კარგადაც მცნობს: ერთი მხრიდან ვართ.

— ვინ არის?

— არაკუნეს ეძახიან. ჩვენი მამული ტეპოტლაში მაგის წყალობით ჩაიგდეს ხელთ.

— მაშინ როგორ დაუძვერი?

— ტყვე გლეხებში გაგვცვალეს.

მეორე ოფიცერს გაეხარდა:

— მაშასადამე, შეიძლება ჩვენც გაგვცვალონ, არა?

— შენ შეიძლება გაგვცვალონ კიდევც, — ჩაიბურტყუნა გაბოროტებულმა ტორესმა, — მე კი, რა მოგახსენო. იქ ერთი ისეთი ამბავი მოხდა, რომ... ახლა ვერ მოგიყვები. რამდენიმე თვის წინ სამი გლეხი დავიჭირეთ. მათ შორის ერთი ჩვენი ყოფილი მუშაც იყო.

— ეს ამბავი ხომ არაკუნეს არ ეცოდინება?

— ინდიელების თვალი და ყური ყველგან სწვდება. ყურადღებით მოისმინე! — ტორესმა ხმას სულ დაუწია. — ახლა მი-

წაზე დავეცემი და თავს მოვიმკვდარუნებ. თქვენ რომ წაგიყვანენ, მე აქ დამტოვეთ. მზე უკვე ჩასვლაზეა. აი, იმ მკვდარს საბანი გადახადე და მე წამაფარე თავზე.



ბალთასარი საპატასთან გამოცხადდა და თან მტრის არმიის სამი ჯარისკაცი მოიყვანა. სხვა ჩამოფლეთილ ჯარისკაცებთან შედარებით, ესენი კარგად გამოწყობილები იყვნენ და თან ერთი ყუთი მოჰქონდათ.

— ეს ერთი პოლკის სალაროა, — თქვა ბალთასარმა. — ხაზინის მდივნებიც შევიპყარი. ისინი გვთხოვენ, თქვენთან დაგვტოვეთ, თქვენთან ვიმსახურებთო.

საპატა იერონიმოს მიუბრუნდა:

— გამოიყენებ რამეში?

— გამოყენება კი შეიძლება, მაგრამ... — მცირე ფიქრის შემდეგ დაიწყო იერონიმომ და სათქმელი აღარ დაასრულა.

— მაგრამ რა?

— ამას ცალკე გეტყვი, ემილიანო. უკვე აგრილდა. კანდელარიამ ღამის გასათევი მოგვიწყო.

მაღალ ფიჭვებქვეშ სახლი გაეკეთებინათ ძელებისაგან. ქვის კერიაზე ცეცხლი ენთო.

— საჭმელს ჭამთ? — იკითხა კანდელარიამ.

— ცოტა ხანს გვადროვე, — მიუგო საპატამ. — ცალკე რა უნდა გეთქვა, იერონიმო?

— პანჩო ვილას არმიამაც გამოიყენა საწერ სამუშაოებზე ტყვე მდივნები, მაგრამ ეს ამბავი ცუდად დამთავრდა. ზუსტად არ ვიცი, იქ რა მოხდა, ის კი ვიცი, რომ გაქცეული მწერლებიდან ორი შეიპყრეს და ორივე პანჩო ვილამ თავისი ხელით დახვრიტა.

— ეგ მწერლები რაღაში გჭირდებათ? — იკითხა ამბროსიამ.

— პოლკის სალარო ჩავიგდეთ ხელთ. ხომ არ შეიძლება, ყველა ხელს ყოფდეს შიგ? ასე არ ივარგებს.

— იერონიმო, იქიდან შენი ნებართვის გარეშე კაპიქსაც ვერავინ ამოიღებს, — თქვა საპატამ.

— მაგრამ საქმე ის არის, ემილიანო, რომ თუ ყველა-

ფერს ისე გააკეთებ, როგორც საჭიროა, მაშინ ყველაფერი უნდა აღრიცხო და დაწერო. მე ჯერ კარგად ვერ ვწერ, მაინც-ღამაინც ანგარიშიც არ მეხერხება. ჩვენთვის ხომ არაფერი უსწავლებიათ.

— ეგ ყმაწვილები, — თქვა საპატამ, — არც მე მომსვლია თვალში. საიდან აცვიათ ეგეთი კარგი მუნღირები?.. მაგრამ შენ რომ მდივნები გპირდება?! მოდი, აიყვანე, რაც იქნება-იქნება.

ამ ლაპარაკში რომ იყვნენ, არაკუნეც შემოვიდა. საპატა წამოდგა და ორივე ხელი ჩასჭიდა.

— ძალიან ყოჩაღად კი მოიქეცი დღეს! ტყვე ოფიცრების გაცვლაზე რომ მიდგება საქმე, ზოგიერთ პირობას წავუყენებ მათ და საკმაოდ მკაცრ პირობებსაც.

მოდუშული არაკუნე მიწას დასცქეროდა:

— ემილიანო, მე, რასაკვირველია, მესმის, რასაც შენ ამბობ, მაგრამ ყველას გაცვლა არ შეიძლება. წარმოიდგინე, რა მოხდა. გახსოვს, ერთხელ მე მოგიყევი, რომ ჩვენი ყოფილი მემამულის ვაჟმა ტორესმა სამი ჩვენიანი შეიპყრო და ისე აწამა, სამივე დაიხოცა. დღეს შემატყობინეს, მაგრამ საკმაოდ გვიან, რომ ეს სისხლის მსმელი ტყვედ ჩაუგდიათ. მაშინვე გავეშურე მის სანახავად, მაგრამ კვალსაც ვერ მივაგენი. ახლა ვფიციავ, თუ მესამედ ჩამივარდა ხელში, ცოცხალი ვეღარ წამოვა.

— სწორი ხარ, — უთხრა საპატამ. — დაჯექი, რა ფეხზე დგახარ. ვახშამზე დაგვეწვიე.

წაიხემსეს და ყველა დასაძინებლად მიწვა ამბროსიას გარდა. იგი ტრინის ელოდა. ცხოვრებამ მოთმინება ასწავლა და თუმცა დღეს განცდილი ამბები ძალიან აღელვებდა, ამბროსია ჩვეულებისამებრ წელგამართული იჯდა, მკაცრ სახეზე ერთი ძარღვიც კი არ უთრთოდა და არ ამქლავნებდა მის მღელვარებას. ვერავინ მიხვდებოდა, როგორ სწუხდა ტრინიზე, რამე ხიფათს ხომ არ გადაეყარაო. ერთი შეხედვით, თითქოს არც კი აგონდებოდა ტრინი, თითქოს ტრინი მინდვრის ბალახივით იზრდებოდა მის თვალსა და ყურს მოცილებული. მაგრამ დიდება სულ იმას ფიქრობდა, რა უნდა ეღონა, რომ ტრინი ისეთ ცნობილ კაცად გამოეყვანა, როგორიც მათ გვარს არ ჰყოლია.

ნეტავ თუ გახდება როდესმე ექიმი? ტრინის, რაღა თქმა უნდა, რაც დოქტორ პეპეს თანაშემწე გახდა, ძალიან უნდოდა ექიმი გამხდარიყო. ამბროსია კი ეკვობდა, გაჰყვებოდა თუ არა იგი ამ გზას.

დრო გადიოდა. ამბროსიამ ცეცხლს ორჯერ შეუკეთა შეშა, რომ არ ჩამქრალიყო. ერთ ადგილას ვერ ისვენებდა, შეწუხე-



ბული ქალი გარეთ გამოვიდა. ვარსკვლავებით მოჭედილი ღამე იყო. ისე ციოდა, ამბროსიას შეაკანკალა. გზაზე და ტყეში ცეცხლის ენები ანათებდა. ცეცხლის პირას საბნებში გახვეული გლეხები იწვნენ. მარცხნივ, კლდის ძირას, ამბროსიამ თეთრი შუქი შეამჩნია და იქით გაემართა. გზის მოსახვევში კარბიდის ლამპის შუქმა მოსკრა თვალი. ძლიერი შუქის ირგვლივ ჩრდილები დაბორიალობდნენ. დოქტორი პეპე დაჰკრილებს ოპერა-

ციას უკეთებდა. როზა და ტრინი ეხმარებოდნენ. ტრინის სო-
ციისა თუ დაღლილობისაგან აცახცახებდა.

ამბროსიამ ერთ ხანს უყურა ამას. მერე მივიდა და იკითხა:
— საქმელი ხომ არ მოგიტანოთ?

ექიმმა რაღაც ჩაილულულა და თითქოს მისი შეკითხვა-
არც გაუგონიაო, მუშაობა განაგრძო, მაგრამ უცბად თვალი
მოჰკრა თავშალმონვეულ ამბროსიას.

— აი, ეგენი, ყველანი ჩვენ გველიან, — ექიმმა პინცეტია-
ნი ხელი დაჰკრილებსკენ გაიშვირა, — და ზოგი მათგანი... —
ეტყობოდა, უნდოდა ეთქვა: ალბათ მზის ამოსვლამდე ვერც
გააღწევს, თუ არ დავუჩქარეო. — ჰო, ტრინი წამოვიდეს, მე-
რე კი დაბრუნდეს და როზა შესცვალოს.

— მე არ წავალ, — თქვა ტრინიმ. — ლუკმა არ გადამივა
ყელში.

— არც მე, — დაუმატა როზამ.

ამბროსია ცოტა ხანს ჩუმად იყო, მერე კი ალერსიანად
თქვა:

— საქმეს რომ მორჩებით, აუცილებლად გამაღვიძეთ.

უკანმიმავალი ამბროსია თავისთვის ფიქრობდა: „რამდენ
უბედურებასა და სისხლს ხედავს ეს ათი წლის ბიჭი! მაგრამ:
რომ არც დოქტორი პეპე ზოგავს თავს?!“

დოქტორ პეპის ახალგაზრდობა

საპატას არმია ისევ უღელტეხილისკენ გაემართა. უღელ-
ტეხილის თავი შიშველი და მოტიტვლებული იყო, მის გა-
დაღმა კი დიდი ტყე მოჩანდა, აქა-იქ, ხეებს შორის კლდის
ბასრი ნაწიბურები ამოშვერილიყო. ამ მიდამოში ტრინი თავს
მოჯადოებულად გრძნობდა. როგორც ყოველთვის ლაშქრობის
დროს, ახლაც დოქტორ პეპეს გვერდით მიაბიჯებდა.

— მე ამ მხარეში დავიბადე, ბავშვობაც აქვე გავატარე, —
ხმადაბლა თქვა ექიმმა.

— ძალიან ლამაზი მხარე ყოფილა, — მიუგო ტრინიმ.

— სანამ დედობილი მომიკვდებოდა, კარგად ვიყავი, —

დოქტორი ჩაფიქრებით გასცქეროდა მარცხნივ, ტყიდან ამო-
შვერილ რუხ კლდეს. — დედობილი-მეთქი რომ ვთქვი, მთლად
სწორი არაა. მშობლები ჩემზე დიდად არც ზრუნავდნენ და
ჩემი აღზრდა მარგარიტას მიანდვეს.

— რას ამბობთ, მშობლები ყურადღებას არ გაქცე-
ვდნენ? — გაიოცა ტრინიმ.

— ამას შენ ვერ წარმოიდგენ, ტრინი, თქვენს ხალხში ამ-
გვარი რამ არ ხდება. ჩემი მშობლები მდიდრები იყვნენ და
უმეტესად ქალაქ მეზიკოში ცხოვრობდნენ. დედაჩემს უნდო-
და, ხალხს მუდამ ახალგაზრდა სჩვენებოდა. იქნებ მართლაც
ძალიან ლამაზი იყო, მაგრამ თავსაც უვლიდა, ვირის რძეში
ბანაობდა, მასაჟებს იკეთებდა, სახეზე ცხელ კომპრესებს
იდებდა, რომ საღამოთი, გარეთ რომ გამოვიდოდა, სახის კანი
ქორფა და ვარდისფერი ჰქონოდა. მხოლოდ საკუთარ თავზე
ფიქრობდა და სულ იმის ცდაში იყო, როგორმე დაემალა,
შვილი რომ ჰყავდა. რაც უფრო ვიზრდებოდი, მით მეტად ვა-
გონებდი თავის წლოვანებას, ამიტომ სტუმრებთან გამოჩენა
თანდათან სულ ამიკრძალეს. ამიყვანეს და მამისეულ მამულ-
ში გადამმალეს. სახლი საკმარისად დიდი იყო და ალბათ სულ
მარტოდმარტო აღმოვიჩნდებოდი, მარგარიტას რომ არ ეზრუნა
ჩემზე. იგი ოტომების ტომიდან იყო და ესპანურად მოლაპა-
რაკეთა შორის თავს უცხოვდ გრძნობდა. მარგარიტა თავისი
ხალხის ძველ სიმღერებს მიმღეროდა და ზღაპრებს მიყვებოდა.
ეს ყველაფერი ცოტა მოსაწყენი იყო, მაგრამ მათში ძალიან
დიდი სითბო და სიყვარულიც იგრძნობოდა. ცოტა რომ წამო-
ვიზარდე, ათასი რამით დავინტერესდი. ჩემს დედობილს ადა-
მიანებზე ცუდს ვერ ათქმევინებდი, მაგრამ მე ისედაც
ვგრძნობდი, რა უსამართლობაც ხდებოდა ჩვენს გარშემო.
იქნებ სწორად ვერა ვთქვი, რადგან თვითონ მე, როგორც ბა-
ტონის შვილს, ეს უსამართლობა უშუალოდ არ მეხებოდა,
მაგრამ მე ხომ უკვე ინდიელის თვალთ შევცქეროდი ყველა-
ფერს?

მერე ერთი ამბავი მოხდა. ერთ დღეს ქალაქიდან ჩემი
მშობლები გვესტუმრნენ და იმათ უნდა მივსალმებოდი. მაგ-
რამ ისინი ჩემთვის უკვე უცხონი გამხდარიყვნენ, აღარც ესპა-
ნური ოჯახის ბავშვის ჩვევები გამაჩნდა, მთლად ინდიელივით

ვიქცეოდი. დედა ისეთი უკმაყოფილო თვალთ შემომყურებდა, ვახშამზე სულ იმაზე ვფიქრობდი, აქედან როგორ გავიპარო-მეთქი. ამ დროს შემოვიდა მარგარიტა და, ჩვეულებისამებრ, რძე შემომიტანა. დედაჩემმა მარგარიტა უკან გააბრუნა, რადგან ფეხშიშველი იყო, და ქალაქიდან რომ მოჰყვა, იმ ლაქიას უბრძანა, ჩემთვის რძე მოერთმია. ლაქია მარგარიტას ზურგს უკან დაეღრიჭა. აღარ მახსოვს, ეს როგორ მოხდა, მაგრამ მაშინვე წამოვხტი და გარეთ გავვარდი. მაშინ კი ატყდა წყევლა-კრულვა: „ოჰ, შე უზრდელო, ხელიდან წასულო! ახლავე აქ დაჯექი!“

როცა, ბოლოს და ბოლოს, დედაჩემთან და გულგრილად მჯდარ მამასთან ერთად ამ აუტანელ ვახშამს მოვრჩი და წასვლის ნება მომცეს, მაშინვე მარგარიტასთან გავიქეცი, თავი კალთაში ჩავუდე და ავქვიითინდი. ის თავზე ხელს მისვამდა, მაგრამ ხმას კი არ იღებდა. ან კი რა უნდა ეთქვა? ის ეთქვა, ეგ მემამულეები კარგა ხანია შენი მშობლები აღარ არიანო? ამ სადამოს მივხვდი, რომ მარგარიტას მეტი არავინ მიყვარდა...

დოქტორი სადღაც შორს იყურებოდა.

— შემდეგშიც არასოდეს არ დავახლოვებივარ მშობლებს. ისინი მალე მამულიდან გაემგზავრნენ კიდევ. შემდეგ მარგარიტაც მოკვდა. თუმცა ექიმი ვარ, მაგრამ ახლაც არ ვიცი, რა ავადმყოფობამ მოკლა. დამწუხრებულმა იქაურობა მიწვატოვე. ცოტა ფული მქონდა, მაგრამ მალე შემომეხარჯა. როცა მეკითხებოდნენ, ვისი შვილი ხარო, დედაჩემის ძმის გვარს ვასახელებდი, თუმცა იმასაც არ ვიცნობდი რიგიანად, მაგრამ ჩემი მშობლების გამოჩენა არ მინდოდა. ბიძაჩემი ვეჭილი იყო და მახლობელ ქალაქში ცხოვრობდა. ერთხელ მასთან მიმიყვანეს. ბიძია დიდხანს მელაპარაკა და მერე თავის ინდიელ მოახლეს უთხრა, — მოასვენეთო. კარგა ხნის შემდეგ გავიგე, რომ ბიძაჩემს იმავე სადამოს თავისი დისთვის, ე. ი. დედაჩემისთვის, მაგარი წერილი მიუწერია და განუცხადებია, ამიერიდან შენს შვილზე მშობლის უფლება დაკარგული გაქვსო. მერე ჩემი აღზრდისათვის მისგან ყოველთვიურად გარკვეული თანხა მოითხოვა. ამ თანხას შემდგომში ბიძაჩემს სისტემატურად უგზავნიდნენ.

— შემდეგ თუ შეხვდით დედას? — ჰკითხა ტრინიმ.

-- როგორ არა, შევხვდი, მაგრამ უკვე რამდენიმე წლის მერე, — ბიძამ მაიძულა მენახა.

— რატომ?

— ბიძაჩემს თავისი სიძე, ე. ი. მამაჩემი, ძალიან სძულდა. საერთოდ, მემამულეებსა და სასულიერო ხალხს ძალიან აუგად იხსენიებდა. „უსიამოვნო მოგონებები უნდა დაივიწყო, შენს თავს აჯობო და დედაშენს პირდაპირ თვალეში უყურო“. — მეუბნებოდა იგი. მეც დავემორჩილე. მაშინ უკვე საექიმოზე ვსწავლობდი და ბიძაჩემის მსგავსად, მეც ლიბერალების ჯგუფს ვეკუთვნოდი. დედაჩემი ძალიან შეცვლილიყო, თვალე-ბი ჩასცვენოდა და შიშით შემომცქეროდა. მე დავიხარე, ხელზე ვეამბორე და საერთოდ, თავაზიანად ვექცეოდი. ვერ მივმხვდარიყავ, სად გამქრალიყო ასე უკვალოდ მისი სილამაზე. იქნებ იმიტომ დამახინჯებულიყო, რომ სილამაზის შესა-ნარჩუნებლად ძალიან ბევრ საშუალებებს ხმარობდა. თხუთმე-ტი წუთის შემდეგ ავდექი და წამოვედი. სალაპარაკო აღარა-ფერი გვქონდა.

— მამათქვენი? — იკითხა ტრინიმ, — მას ხომ დიდი მამუ-ლი ჰქონდა?

დოქტორს გაეცინა და ტრინის წასჩურჩულა:

— ჰო, ჰქონდა, მაგრამ საპატამ გადაუწვა.

ტრინი დაბნეულად შეაჩერდა დოქტორს, ის კი მხიარულად იღიმებოდა.

— შენ ალბათ გგონია, ტრინი, რომ ამის გამო საპატაზე ნაწყენი ვარ, არა? ასე რომ იყოს, მაშინ აქაც არ ვიქნებოდი. მამულ-დედულის მემკვიდრე მე ვიყავი და ამის გამო ბევრი თავშისახლეი მქონდა. ეს რომ კარგად გაიგო, ჩემი ცოლის ამბავიც უნდა გიამბო, — თქვა პეპემ და ნაღვლიანად გააქნია თავი. — მაგრამ ამის თქმა შენთვის არ მინდა. იმას კი გეტყვი, ჩემი ცოლი ინდიელი იყო. ის რომ შევირთე, ნათესაებმა ერთი ამბავი ამიტხეს. გაბოროტებულები მეუბნებოდნენ: როგორ შეიძლება ამ მამულის ქალბატონი ყავისფერკანიანი ინდიელი დედაკაცი იყოსო. ეს ჩემი ბიძაშვილების მოგონილი თავსედური მიზეზი იყო, რათა ჩემთვის მემკვიდრეობა წაერთ-მიათ. სამართალი ჩემს მხარეზე იყო, მაგრამ ერთი ჩემი ბიძა-შვილი იმ მხარის ქალაქის თავი იყო და რასაც მოისურვებდა,

იმას აკეთებდა. შენ კარგად იცი, რაც დიქტატორ პორფირიო დიასის დროს ხდებოდა... ქალაქის თავს მისი ვეჭილი ძმაც ეხმარებოდა. დავამ შემკვიდრეობის გამო მრავალი ფული და უფრო მეტი მოთმინება შეიწირა. საპატამ კი ეს საქმე უცბად მოაწესრიგა.

— საპატამ თუ იცის ეს ამბავი?

— მგონი არ იცის და არც საჭიროა იცოდეს.

უგაგულოდ დარჩენილი მემამულენი

ტორესების ოჯახს ქალაქ მეხიკოში სახლი ჰქონდათ. თუმცა ოთახები საკმაოდ მაღალჭერიანი იყო, მაგრამ მეცხრამეტე საუკუნის შუა წლებში აშენებულს, იმჟამად, 1914 წელს, ძველებური იერი დასდებოდა და საკმაოდ უსიამო შესახედაობისა ჩანდა.

ქალბატონი ტორესი თავის ოთახში იჯდა და თეთრეულს აკერებდა. გვირისტი კარგად ვერ გამოუდიოდა, რადგან მისი წრის ქალიშვილებისათვის ეს შეუფერებელ საქმედ ითვლებოდა და არც არასოდეს ეკერებინა თეთრეული.

კარებზე დააკაკუნეს. ქალბატონმა ტორესმა თეთრეული კომოდის უჯრაში ჩატენა. კარებზე კვლავ გაისმა კაკუნი. ქალი ყოყმანობდა, კარი გავალო თუ არაო. სტუმრის მოსვლისა ეშინოდა, ვაითუ ჩემი ქმარი შეეფეთოთო. საქმე ის იყო, რაც ბატონი ტორესი ლოთობის გამო სამსახურიდან გამოაბრძანეს, სულ მთვრალი იყო და შეიძლებოდა ძალიან უხეში და უადგილო რამ წამოეყრანტალებინა.

— ისევ გაისმა კაკუნი. ქალბატონი ტორესი კარებთან მივიდა და გაუწმენდავი შუშებიდან დაინახა, კარს ვილაც კაცი მოსდგომოდა, „ნუთუ ჩემი ვაჟია?“

კარები სწრაფად გააღო.

— ჩქარა შემოდი, — ჩურჩულით უთხრა დედამ, — მამაშენთან არ შეხვიდე. გესმის, როგორ ბორგავს და ღმუის? აბა, მომიყევი, როგორა ხარ, ეგრე რატომ გამხდარხარ? ამ ლაფში სადღა ამოველვ?

სანამ ახალგაზრდა ტორესი თავგადასავალს ყვებოდა, როგორ მოიმკვდარუნა თავი და როგორ გაუძვრა გლახთა არმიას, დედამ ტანისამოსი გაუწმინდა და დახეული შარვლის დაკერებაც დააპირა, რომ კარი გაიღო და ოჯახის უფროსი შემოვიდა. მამამ გაკვირვებით შეხედა ვაჟიშვილს.

— ბიჭოს, ლეიტენანტი ტორესი მოსულა? აი, შენს იდეალსაც მიაღწიე, გაქუცულ ოფიცრად იქეცი, სწორედ ისეთად, მე რომ გიწინასწარმეტყველებდი. — ოჯახის უფროსმა ჩახრინწული ხმით გაიცინა და სკამზე ჩამოჯდა. შემდეგ შეცვლილი კილოთი თქვა: — რისა გეშინია, კარლოტა, თითქმის არაფერი არ დამიღვეია.

— ღმერთო ძლიერო! — ამოიხრა ქალმა და ქმარს დააშტერდა. — არაფერი არ დამიღვეიაო! მამ რატომ ღმუოდო?

— მიზეზიც მქონდა, თუ ვღმუოდო! ჩვენი ძველი მეზობელი, გრაფი არიოლა უნდა მოვინახულო, იგი ისევ ძველებურად ფუფუნებით ცხოვრობს.

— რა, სამათხოვროდ მიდინარ? — ზიზლით ჰკითხა ქალმა.

— ტორესი არ მათხოვრობს, — ისეთი სიამაყით თქვა უფროსმა ტორესმა, რომ მის გარეგნობას არ შეეფერებოდა. — პოლიტიკურ მოსაზრებათა გამო მინდა ვინახულო.

— ყოველ შემთხვევაში, რიგიანი კოსტუმი მაინც ჩაიცვი.

— რიგიანი კოსტუმი? დე, იმ ნეხვის ჰიამ ნახოს, ეკლესიის თავი როგორ ცხოვრობს.

ყოფილი მებატონე ამ სიტყვებით ოთახიდან გავიდა. ახლა მართლაც ჩვეულებრივზე მეტად ბორძიკობდა.

ქმარი რომ გავიდა, ცოლს მკლავები ძირს ჩამოუცვივდა და იატაკს ჩააჩერდა.

— დები სად არიან? — იკითხა ლეიტენანტმა.

— მუშაობენ, — ოდნავ გასაგონად წარმოთქვა დედამ.

სანამ ვაჟი იკითხავდა, რა სამუშაოზე მოეწყვენენო, დედამ განაგრძო:

— მამაშენი რამდენსამე ხანს აქ არ იქნება. მკითხავთან ვერ გამომყვები?

— შენ რა, უკვე მკითხავების ლათაიებს უგდებ ყურს?

— ოჰ, ჩემო ბიჭო! ადრე მათი არაფერი მწამდა და არც მჭეროდა, მაგრამ მას შემდეგ, რაც მამაშენისაგან ამდენი უსია-

მოვლება მხედება... და შენი დებისაგანაც... მითხრეს, ისეთი მკითხავია, ყველაფერს იგებსო. შენა? შენ რას აპირებ?

— რას ვაპირებ? აქეთ რომ მოვდიოდი, გზაში ყური მოვკარი, პრეზიდენტი უერთა გლეხების შიშითა და კიდევ სხვა გარემოებათა გამო გადამდგარა. ახლა ვილა მეთაურობს სახელმწიფოს? გამოვძებნი რომელიმე სამხედრო ნაწილს და მივეყვდლები, ჩემი პოლკი უკანასკნელ კაცამდე ტყვედ ჩაიგდეს.

— ოჰ, ნეტავ ეს საშინელი სამოქალაქო ომი დროზე დამთავრდებოდეს! — ამოიოხრა დედამ.

— რას ამბობ, დედა! — წამოიძახა ახალგაზრდა ტორესმა და ლამაზი სახე საშინლად დაემანჭა. — ომი დამთავრდესო? შენ გინდა ქალაქში კანცელარიის მოხელე გავხდე? გინდა, ამ საშინელ ყოფაში ამომხდეს სული? არა, გეთაყვა, თავისუფალ ცხოვრებას გემო უკვე გავუგე. ფიქრი და ყოყმანი აღარ მკირდება!

— მაშ ალარ ყოყმანობ? — ჰკითხა დედამ.

— ალარ ვყოყმანობ, — დაუდასტურა თვალებგაბრწყინებული ლეიტენანტმა. — თუმცა ომი საშინელებაა, მაგრამ ომით ვირჩენთ თავს.

დედა ვაჟიშვილს შეშინებული და ნალველჩამდგარი თვალებით შეჰყურებდა. ქმარი იყო და ისე უღმობლად ეპყრობოდა მოჯამავირეებს. ჰოდა, აი, სადამდე დაეცა! ნალვლიანი თვალებით შეჰყურებდა ვაჟიშვილს და სხვა რომ ველარაფერი უთხრა, ესლა ჰკითხა: მკითხავთან ხომ წამომყვებიო.



გრაფის სადარბაზო კარებთან ბატონ ტორესს პისტოლეტითან შეგახება მოუხდა, რადგან ამ უკანასკნელს გრაფთან ჩამოძონძილი კაცის შეშვება არ სურდა. არიოლამ ხმაურს ყური მოჰკრა და ფერად შორენკეცმოგებულ ფართო წინკარში გამოვიდა.

— ბატონო გრაფო! — შეჰყვირა ტორესმა. — ნუთუ არ შემიძლია, როგორც მეზობელს გესტუმროთ?

— მობრძანდით, — შეიპატიჟა არიოლამ. — ჩემი სახლის

კარი მუდამ ღიაა თქვენთვის, ისე მოისვენეთ, როგორც საკუთარ ოჯახში.

გრაფმა ძველი ესპანური ჩვეულებისამებრ დაუწყო პატიუმი, თუმცა მთელი საუკუნეა, ასე აღარავის ეპატიებოდნენ, თან გულში ფიქრობდა, როგორ მოეშორებინა თავიდან ეს უსიამოვნო სტუმარი. გრაფმა ტორესი სამუშაო კაბინეტში შეიყვანა და პისტოლეროს წასჩურჩულა:

— თხუთმეტ წუთში მომახსენებ, თქვენთან ინგლისის ელჩს სასწრაფო საუბარი სურს-თქო.

მერე არიოლაც კაბინეტში შევიდა და ტორესს სანაქებო სიგარა შესთავაზა.

სიგარას რომ მოუკიდა, ტორესმა დაიწყო:

— კარგად მოგეხსენებათ, როგორ დასრულდა პრეზიდენტ უერთას მოღვაწეობა. ეგ მხეცი არ მიყვარდა, მაგრამ ახლა როგორ იქნება საქმე?

— რომელიმე სხვა გენერალი გამოაცხადებს თავს პრეზიდენტად, — თითქოს სხვათა შორის თქვა არიოლამ.

— ჰო, რომელიღაც გენერალი მოემართება აქეთ... მგონი, ობრეგონია გვარად, მაგრამ საპატა და პანჩო ვილაც გვიახლოვდებიან. რამე უნდა ვიღონოთ, ისეთი გმირობა უნდა ჩავიდინოთ, რომ მთელი ქვეყანა აღაფრთოვანოს.

„რა საზიზღარ კომედიას მართავს ეს ლოთი! — იფიქრა გრაფმა. — მაგრამ ნეტავ რა სურს? მგონი სამათხოვროდ არ მოსულა“.

— გმირობა, გმირობა, რომ სამშობლო განსაცდელისაგან იხსნას! — თავისსავე სიტყვებმა ტორესს გული ისე აუჩუყა, თვალებზე ცრემლები მოადგა. — ახალი არმია უნდა შეიქმნას, რომელიც ბოლოს მოუღებს მაგ ავსულებს, გლეხთა ხელისუფლებას. გრაფო არიოლა, ჩვენს შორის, ვინც მამული დავკარგეთ, თქვენ ყველაზე მდიდარი ხართ. ჩაუდექით იმ ხალხს სათავეში, ვინც მზად არის ამ საშვილიშვილო საქმისათვის ფული გაიღოს; შეაიარაღეთ ახალგაზრდობა, იგი დღესაც მზად არის, სიცოცხლე შესწიროს ჩვენს ძველ იდეალებს!

გრაფს კარებისაკენ ჰქონდა ყური, პისტოლერო ხომ არ მოდისო.

— ომი სახელმწიფოს საქმეა, კერძო პირს ეგ არ შეუძლია, — ცივად თქვა მან.

— მაშასადამე, თქვენ სულ ცოტა რამეს გაკეთებაც არ გინდათ?! — შესძახა ტორესმა. ყოველდღე იმდენს ლაპარაკობდა გრაფზე, გულზე ბოღმა შემოსწოლოდა. — თქვენ, მილიონერი და მდიაროების მფლობელი, მაგაზე უარს აცხადებთ? — თქვა მუქართა და ფეხზე წამოდგა.

ამ დროს კარიც გაიღო. პისტოლეროს გრაფის ნაბრძანების გამეორება სურდა, მაგრამ გრაფმა დაასწრო:

— ბატონო ტორეს, ჩემს საკუთარ სახლში იმყოფებით და მე მემუქრებით?

— მოლაღატევი! — იყვირა ტორესმა. — კარს უკან კაცს მალავ?

არიოლამ პისტოლეროს ოდნავ შესამჩნევად ანიშნა.

ახალგაზრდა კაცი ტორესს ცხვირწინ აეტუზა, ორივე ხელი ჯიბეში ჩაიყო და უტიფრად განუცხადა:

— აბა, ახლა ჯობია ჩემს ჩაურევლად მოუსვამთ აქედან!

თვალეზდაჭყეტილმა ტორესმა ჯერ პისტოლეროს შეხედა, მერე გრაფს, შემდეგ თავი მკერდზე ჩამოუვარდა და ესლა ჩიულულულა:

— ასე ეპყრობიან გაღარიბებულს, ჯანგატეხილ ადამიანს! აღშფოთებისა და საკუთარი უსუსურობის წეგრძნებისაგან ატირებულმა ტორესმა იქაურობა მიატოვა.

არიოლამ მკველს მკაცრად უბრძანა:

— მაგის ფეხი აქ აღარ ვნახო!

მეხიკოს ალეზა

საპატას გლეხები ისევ მთებს შეუდგნენ. ქალაქი მეხიკო დაბლობზე მდებარეობს და ოთხივ კუთხივ მაღალი მთები აკრავს. საპატას ეგონა, მემამულეთა არმია მას უღელტეხილს ჩაუკეტავდა. მაგრამ იმის გამო, რომ მეორე უღელტეხილს პანჩო ვილას არმია მიაღდა, ხოლო მესამე მხრიდან ვენუსტიანო კარანსა მიიწევდა მეხიკოსაკენ, მძარცველთა არმიის ნაწი-

ლებს ქალაქის მისადგომებთან მოუყარეს თავი. როგორც გამოცდილებით დამტკიცდა, მთებში ბრძოლა მათ არ გამოუდიოდათ, ხოლო დაბლობ ადგილებში ქვემეხებსაც უკეთესად გამოიყენებდნენ.

ლაშქრობის დროს საპატამ დაადგინა მტრის არმიის ადგილსამყოფელი და გადაწყვიტა, ღამე მთებში, უღელტეხილზე გაეთია, ღლისით კი ქალაქისკენ დაშვებულყო.

კლდეებსა და ტყის შუა მოქცეული დაკეცილი გზა დაბლანელ-ნელა ეშვებოდა. მერე უცბად გაივარა. ტრინი უცნობ გარემოში მოხვდა. ორივე მხარეს ტყემ უკან დაიხია. მსხვილი ფიჭვის ხეები ცისკენ ისარივით აღმართულიყვნენ. ტყისპირებში, ჩამავალი მზის სხივებზე, მთლი ბიბინებდა. მისგან ცოტა მოშორებით გზაზე რამდენიმე ხის სახლი იდგა. ყინვიან ღამეებში ამ სახლებს მგზავრები თავს აფარებდნენ, რძიან ყავას სვამდნენ და თბებოდნენ.

ამ სახლებში გლებთა არმიის მხოლოდ ძალიან უმნიშვნელო ნაწილი თუ მოთავსდებოდა. დანარჩენები მთელი ღამე გარეთ იყინებოდნენ, თუმცა ცეცხლი ენთოთ.

მეორე ღღეს გზას ადრე გაუღდნენ. გზა ისევ დაიკლავნა და ქვემოთ დაეშვა. ტრინი ცდილობდა ქალაქი დაენახა, მაგრამ ვაკეს მტვერი და ბურუსი მოსდებოდა. ბოლოს, როცა ქვადორღიანი დაღმართები ჩამოათავეს და სიმინდის ყანებს გაუსწორდნენ, ტრინიმ შესანიშნავი ეკლესიის გუმბათების კონტურები გაარჩია. ო, რა ბევრი იყო!

შორიდან ქვემეხების გუგუნი მოისმა. პანჩო ვილას არმიის ავანგარდი უკვე მტრის არმიას ეომებოდა.



ქალაქ მეხიკოს მოსახლეობა ღელავდა.

წინათ მოქალაქეები სისხლიან ქოფაკ უერთას წყევლაკრულვით ვერ გამძღარიყვნენ, ახლა კი ნატრობდნენ კიდევ მას, რადგან გლებებისა ეშინოდათ, — გაგვძარცვავენ და ყველაფერს აიკლებენო.

გრაფინია არიოლა თავის ოთახში ჭრელი ბალიშებით მოფენილ საყარძელში იჯდა. ისე შეშინებული იყო, მოახლე გაგზავნა ფრანგი ქალის, თავისი შვილების გუვერნანტის დასაძახებლად.

— ჯერჯერობით ქვემეხების გუგუნი მიწყდა, ერთი მითხარით, მადმუაზელ, საფრანგეთშიც შეიძლება კაცი ასეთ საშინელებას გადაეყაროს, მეხიკოში რომ ხდება?

— ო, ქალბატონო გრაფინია, ჩვენთანაც დიდი უბედურებანი მოხდა. კარგა ხანია საფრანგეთის ნაწილი გერმანელებმა დაიპყრეს და არაეინ იცის, ამ საშინელ მსოფლიო ომს ბოლო როდის მოელება!

გრაფინია უცბად ფეხზე წამოიჭრა და წამოიძახა:

— აი, ჩემი ქმარიც მოდის! — მერე კარისაკენ გაიქცა და ფრანგულად გასძახა: — სიგი, ახალი რა არის?

არიოლა ოთახში შემოიჭრა.

— ყველა ფანჯრის დარაბები დახურეთ. ჩვენი ჯარი დამარცხდა. ასეთი ნაყარნუყარა ხალხისაგან სხვას რას უნდა მოელოდე კაცი. ყველაფერი მიატოვეს და კუდამოძუებულები გარბიან გლეხების შიშით. სახლში ძვირფასეულობა თუ დარჩა კიდეც?

— ჩემი დიდი ბრილიანტის გულქანდი, დიადემა და სხვა მისთანები ბანკის სეიფებშია ჩაკეტილი.

— ოჰ, ეგ სეიფები! — ამოიძახა გაჯავრებულმა გრაფმა. — მე რომ საპატა ვიყო, პირველ რიგში მეხიკოს ბანკს ავიღებდი და იქიდან ყველაფერს წამოვიღებდი. თუ იქ შენახულ თანხას ჩამომართმევენ, მაშინ საზღვარგარეთ შენახული კაპიტალი-ლა შემრჩება. მართლა, ახლა გამახსენდა, მაგ არმიაზე ზოგი რამ შევიტყვე. გახსოვს ჩვენი მებაღე იერონიმო, ერთხელ სან ბარტოლდოში მთელი ღამით კედელზე რომ დავაკიდინე? იცი, ახლა სად არის? საპატას მარჯვენა ხელია. ხოლო ჩვენთვის შესაძლოა უფრო საშიში ვენუსტიანო კარანსას მახლობლები და მეგობრები იყვნენ, მაგალითად, მარიო პუნენტი. შენ იმასაც იცნობ. ის ჩემი ინგლისელი მდივანი იყო და ჩემს მიერ უერთასათვის ინგლისელებისაგან შესყიდული იარაღის ამბები დაწვრილებით იცის. ის ლიბერალური პარტიის ერთ-ერთი რადიკალური წევრია, მექრთამეობა ფანატიკურად სძულს და, ამასთანავე, ჩვენი სახლის ყოველი კუნჭული კარგად იცის.

გრაფინიამ ცხვირსახოცი შეშფოთებით მიიღო პირზე, მაგრამ მაინც იფრთხილა, — პუდრი არ გადამეცალოსო.

შემოვიდა მათი ქალიშვილი. წარბები მოეპარსა და მათ აღ-

გილას წვრილი ხაზი გაევიღო. ეტყობოდა, ამისთანებში კარგად გაწაფული პირისფარეში ჰყავდა.

— ღმერთო ჩემო, ელენა! — წამოიძახა გრაფინიამ. — ეს რა კაბა ჩაგიცვამს? ყოველ წუთს მოსალოდნელია შეამბოხებ გლეხები შემოგვიცივიდნენ.

— მათთან შეხვედრას როგორმე შევძლებ, დედა, — უღარდელად უთხრა ქალიშვილმა.

— არა, ვერ შეძლებ! — დაიყვირა დედამ. — უბრალო კაბა ჩაიცვი და გლეხის ქალების თავსაფარი მოიხვიე.

ამ დროს ვაჟიშვილი შემოვიარდა.

— მთავრობა გარბის! გლეხები გარეუბნებში შემოიჭრნენ!



საუკუნის წინ გარდაცვლილ იმპერატორ იტურბიდეს სასახლის ახლომდებარე დიდი მალაზიების ფანჯრებზე ხმაურით დაეშვა რკინის ქაღალღები. ქაღალღები ფეკვილის ფარდულებსა და საცხობებში შეცვივდნენ, რომ რამდენიმე დღის მარაგი ეშოვათ. ყველაფერი უცბად გაიყიდა, მერე ფარდულები დაკეტეს და შიგნიდან ურდულები გაუყარეს. ჯერ დაბინდებულიც არ იყო, რომ ქუჩები დაცარიელდა. ჩამიჩუმდი აღარ ისმოდა. ბოლო ხანებში ყველა მიეჩვია იმ ამბავს, რომ ქალაქში სროლა ხან აქ ატყდებოდა, ხან იქ. იმ ღამეს კი ისეთი სიმშვიდე და სიწყნარე სუფევდა, გეგონებოდათ, ქალაქში ძეხორციელი აღარ არისო. მძარცველთა ჯარის ნაწილებმა მოქუსლეს. დიდი ბატონები, მათი მცველი პისტოლეროები და სხვა მსახურები მიიმაღ-მოიმაღნენ.

მოსახლეობას ეჩოთირებოდა ეს სიმშვიდე, მაგრამ დილით უფრო მეტი მოულოდნელი ამბები ელოდათ. გეგონებოდათ, ქალაქში სიცოცხლე ჩაკედაო. დარაბების ქუჭრუტანებიდან მომზირალი მამაკაცები უცქეროდნენ ქუჩებში მოსიარულე, თეთრ სამოსში გამოწყობილ, ჩალისქუდიან გლეხებს, რომლებსაც მცირე რამ, უმნიშვნელო იარაღიც კი არ ჰქონდათ თან.

გლეხებსაც აოცებდათ ეს სიწყნარე და სიცარიელე. მათ გაგონილი ჰქონდათ, ქალაქში ქუჩების ორივე მხარეს განუწყვეტელ ნაკადად მიედინება ხალხი, შუაში კი ეტლები და კარეტები დაჰქრინანო. დღეს კი არც ერთი ჩანდა და არც მეორე.

მიწისპირა სახლში, ერთადერთ ოთახში, სახელოსნოც რომ იყო, სამზარეულოცა და საძინებელიც, ერთი ხარაზის ოჯახი ცხოვრობდა. კარებისა და დარაბების ჭეუჭრუტანებში მცირე შუქი აღწევდა. ხარაზის ცოლი მიწაზე დახორავებულ დახეული ფეხსაცმელების გვერდით ჩატუტქულობო და მაყალს უბერავდა, რომ საკმელი მოემზადებინა.

უცბად კარზე ვილაცამ დააკაკუნა.

— არ გაალო! — წასჩურჩულა ქალმა ქმარს.

— იქიდან რომ გვესროლონ, ან კარი შემოამტკრაონ? — უპასუხა კაცმა და კარი ოდნავ გამოაღო.

ზღურბლზე ორი გლეხი იდგა. ხარაზის დანახვაზე ქუდები მოიხადეს და ჰკითხეს: საკმელი ხომ არაფერი გაქვთო.

ქალმა აჩქარებით ხელში მიაჩეჩა რამდენიმე მჭადი.

გლეხებმა მადლობა გადაუხადეს და იქაურობას გაეცალნენ.

ხარაზმა კარი ისევ ჩარაზა და ბინდბუნდში ცოლს დააქერდა. გაოცებული ქალიც ქმარს შესცქეროდა და უცბად ორივემ გულიანი ხარხარი მორთო.

ეს ამბავი მარტო აქ როდი მომხდარა. საპატამ და პანჩო ვილამ გლეხები საკმლის სათხოვნელად ქალაქში დაატარეს. ყოველ შემთხვევაში, ქალაქის მოსახლეობა ამას მათხოვრობას ეძახდა. მათ ვერ გაეგოთ, რატომ მათხოვრობდა გამარჯვებული არმია, ძარცვით არავის სძარცვავდა და კუჭის დაკმაყოფილების სხვა საშუალებას არ იყენებდა.



რამდენიმე ხნის შემდეგ გლეხთა ორივე გენერალი ერთმანეთს შეხვდა და გამცილებელთა თანხლებით ქალაქის შუაგულისაკენ გაემართა. მოსახლეობა უკვე დარწმუნდა, რომ გამარჯვებულები მათ არას ერჩოდნენ. უღებდნენ და უღებდნენ სახლის კარებს. მალე კაფეებიცა და პატარ-პატარა ღუქნებიც გახსნეს.

სალამო ხანს ქალაქის ქუჩები, ჩვეულებისამებრ, ხალხის ნაკადმა აავსო. გლეხი ჭარისკაცები მალაზიების წინ ჩერდებოდნენ და ვიტრინებში გამოფენილ მშვენიერ ქსოვილებსა და

ნაირნაირ ნივთებს გაოცებულები შეჰყურებდნენ. ყიდვით კი, აბა, რას იყიდდნენ, კაპიკი ფული ჭიბეში არ ედოთ.

ბრაულიოსა და ტრინის თანხლებით, ბალთასარიც ქალაქში დაეხეტებოდა. ამდენი რამის ნახვამ ისინი დაქანცა. ერთბაშად ველარ გაარკვეეს, სად იყვნენ. ქალაქის იმ უბანში, სადაც ისინი იმყოფებოდნენ, საშინელი მყრალი სუნი იდგა. აქ თუნუქის, ფიცრებისა და ტომრების ნაჭრებისაგან ქონმახები აეხუხუღაებინათ. ბავშვები, ღორები და ქათმები ლაფში ამოსვრილიყვნენ, ქალებს თმები გასჩეჩოდა, ხოლო ტანს ლაფლეთილ-დაკონკილი კაბები ძლივს უფარავდათ.

ბრაულიო და ტრინი თვალედაჭყეტილები შესცქეროდნენ ამ სილატაკეს და თანდათან რაღაც შიშის გრძობა ეუფლებოდათ. მათ კი ეგონათ, ქალაქში მდიდრულად და ფუფუნებით ცხოვრობდნენ.

გულკეთილი ბალთასარიც გვარიანად შეკრთა. მის მოვალეობას ის შეადგენდა, რომ ყველგან, სადაც კი საპატას არმია გაივლიდა, მოსახლეობისაგან ბატონების წინააღმდეგ საბრძოლველად სახალხო რაზმები შეედგინა. აბა, აქ თავისი საქმე როგორ გაეკეთებინა? მან აბა რა იცოდა, რომ თავის დროზე ეს უსახლკარო ლატაკებიც გლეხები იყვნენ. ახლა ისინი შემთხვევით ნაშოვნნი სამუშაოთი ძლივს გადიოდნენ. ბალთასარი ალღოთი მიხვდა, რომ ამ გაუბედურებული ხალხისაგან სახალხო რაზმების შექმნა არ შეიძლებოდა.

წვირიანი კვარტალი თანდათან გარეუბნის უბადრუკ ქუჩაში გადაიზარდა. ხელოსნების ნაწილი პირდაპირ ქუჩაში იჯდა, ნაწილი კი სახლებში მუშაობდა.

ბალთასარი მეტისმეტად პატიოსანი კაცი იყო, დაკისრებულ მოვალეობასაც მთელი გულისყურით ასრულებდა, მაგრამ ამ მდგომარეობის შემხედვარე მაშინვე მიხვდა, რომ აქ ვერაფერს გააწყობდა. ამის გამო იგი ძალიან შეწუხებულიყო და მოსვენებას ვერ პოულობდა.

ამ დროს საპატა და პანჩო ვილა ერთ უბრალო კაფეში ისხდნენ. ახლა ორივე გენერალს გლეხის ქურთუკები გადაეყარა და შავი პიჯაკები და ძალიან ვიწრო შარვლები ეცვათ. პანჩო ვილამ ხელი მაგიდას დაჰკრა:

— ამ დაწყევლილ ქალაქს ახლა რა ვუყოთ? კარგი იყო, გადაგვეწვა.

რაც მეტს აკვირდებოდა საპატა პანჩო ვილას, მით მეტად აღშფოთებდა მისი მოუფიქრებელი სიტყვა და საქმე.

— გადავწათო? — იკითხა მან. — ჩვენ ისედაც ბევრი რამ დავანგრიეთ. უკვე ოთხი წელია ბატონებს ვებრძვით. მამულების უმეტესობა ნანგრევებად იქცა. მაგრამ მიწა კანონის ძალით ისევ მებატონეებისაა. როგორც კი იქაურობას გავშორდებით, ისინი ისევ მამულის დაბრუნებას ცდილობენ. ჩემი არმიის ლოზუნგია: „მიწა და თავისუფლება“. სინამდვილეში კი როგორაა საქმე, ან მიწა გვაქვს ან თავისუფლება?

— შენ სწორს ამბობ, ემილიანო, — რიხით დაეთანხმა პანჩო, — სოფლებში ჭერაც ბევრი ნაყარ-ნუყარი ხალხი დაძრწის. ერთი გვარიანად უნდა გავწმინდოთ.

— პანჩო, — დაიწყო ისევ საპატამ, — გადავწყვიტე, ქალაქს გავეცალო. რაში გეჭირდება? სოფლებში კი წესრიგს დავამყარებ. გლეხებს მიწა სამართლიანად უნდა გავუნაწილოთ. შენ რას აპირებ?

— მეც მაგას ვიზამ. ეშმაკსაც წაუღია ეგ ბატონებიცა და მათი დამქაშებიც.

რალაც მზადდება

პანჩო ვილას არმია ჩრდილოეთისაკენ გაემართა და თვალუწვდენელ დაბლობებზე გაიშალა. მიწა აქ ალაგ-ალაგ ნაყოფიერი, უმეტესად კი გადახრიოკებული იყო და გვალვების გამო ზედ ყოვლად გამოუსადეგარი ბუჩქნარი თუ იზრდებოდა. საპატა სამხრეთისკენ წავიდა, თავის პროვინცია მორელოსისაკენ, საიდანაც სამი წლის წინათ დაიძრა, რომ ცნობილი აილის გეგმა განეხორციელებინა. ამ გეგმამ მისი მომხრეები საერთო ლოზუნგით: „მიწა და თავისუფლება“ გააერთიანა. რახან მოწინააღმდეგე აღარა ჰყავდა, საპატა არმიას თავში ჩასდგომოდა და მშვიდობიანად წინ მიუძლოდა. სოფლებში გლეხკაცობა მოკრძალებითა და ღუმლით ესალმებოდა, გლეხი ქალები კი ხელზე კოცნიდნენ.

როცა რამდენიმე კვირის წინ გლეხთა არმია ქალაქ მენსიკო-

ში შევიდა, ლეიტენანტმა ტორესმა სამხედრო ფორმა გაიხადა და სამოქალაქოდ გადაცმულმაც ვერ გაბედა ქუჩაში გამოსულიყო, რომ ტეპოტლელ არაკუნეს კიდეც არსად გადაჰყოფდა.

გლებთა არმიის წასვლის შემდეგ ქალაქს ვენუსტიანო კარანსას არმია უახლოვდებოდა. მასთან ტორესის მეორე მტერი იმყოფებოდა, კარანსას მრჩეველი მარო პუენტე. ვაეს მოერიდა მამისათვის მოეგონებინა, რომ ეს ის მარო იყო, ტეპოტლის მამულზე უარის თქმის ხელწერილი რომ დაადებინა. მამამისი ისედაც მოურიდებლად აგინებდა ლიბერალებს. ვაეი-შვილი კი მზად იყო თავი ლიბერალად გამოეცხადებინა, თუ ისინი არმიაში ოფიცრად ჩარიცხავდნენ. იგი ასე ფიქრობდა: „ომის წარმოებისა მაგ ინტელიგენტუშეებმა რა იციან. ადვილად შემიძლია დავუმტკიცო, რომ მათთვის აუცილებლად საჭირო ვარ“.



ლოქტორი პეპე, როზა და ტრინი ზეთის ჭრაქის სუსტი შუქით განათებულ სამზარეულო ფარდულში ისხდნენ, ყავისფერი ქილებით სოფლურ ჩაის მიირთმევდნენ და ზედ მქადს აყოლებდნენ. მალე იერონიმოც მოვიდა და ქვაზე ჩამოჯდა. ვახშმის დამთავრებამდე ასე იჯდა, მერე ტრინის ანიშნა, წამომყევით.

ქუჩას გაუყვნენ და ერთ ქოხს მიაღვნენ. აქ მათ ამბროსია ელოდათ.

„ნეტა რა უნდათ?“ — ჰკითხა თავის თავს ტრინიმ.

ამბროსიამ ხმადაბლა თქვა:

— საპატას უნდა, ვინმემ გაზეთები უკითხოს. ამ დავალების შესრულება შენ მოგიწევს, ტრინი.

— ლოქტორი პეპე ამას ჩემზე უკეთ შეძლებდა. იმას ხანდახან გაზეთებიც მოსდის.

— ჩვენ კი არ გვინდა, ეს საქმე ლოქტორს მივანდოთ, — თქვა ამბროსიამ. — აი, ხომ ნახე, შენი მასწავლებელი მარო როგორ მოიქცა, ერთგულებას ჩვენ გვეფიცებოდა. ვენუსტიანო კარანსასთან კი დარჩა.

საუბარში იერონიმო ჩაერია:

— გუშინ გავიგეთ, რომ კარანსა ქალაქ მეხიკოში შესულა და თურმე პრეზიდენტივით იქცევა. ჩვენთან დადებული კავშირი უცბად დაივიწყა, რადგან გლეხები აღარ სჭირდებოდა. საბატა ძალზე შეშფოთებულია, რომ მნიშვნელოვან ამბებს ჩვენ შემთხვევით ვიგებთ, თუმცა გაზეთებში კი ბეჭდავენ. ახლა ხომ გესმის, ტრინი, რატომ უნდა გვიკითხო გაზეთები?

— მესმის, ბიძაჩემო, — ხმადაბლა თქვა ტრინიმ, რადგან ამ დავალების შესრულება მას ძალიან საძნელოდ მიაჩნდა. — ის მაინც არ შემიძლია, თუ რამეს ვერ გავიგებ დოქტორ პეპეს კვითხო ხოლმე?

— ეგ შეიძლება. გაზეთებს მე ვიშოვნი და შეგატყობინებ.



ახლაგაზრდა ტორესი ამ არეული დროისათვის, ცოტა არ იყოს, მეტისმეტად კობწიად გამოეწყო და მთელი დღეები ქალაქში დაეხეტებოდა.

რამდენჯერმე მოინდომა კარანსას არმიის ოფიცრებთან გამოლაპარაკება, მაგრამ ვერც ერთხელ ვერ გაბედა. ერთხელ კაფეში შეამჩნია ერთი ოფიცერი. იგი მაგიდას გოროზი და უკარებელი კაცის იერით მისჯდომოდა. „ეს ინტელიგენტუშკა არ იქნება“, — გაიფიქრა ტორესმა, უცნობთან მივიდა, თავი ოღნავ დაუკრა და ჰკითხა:

— შეიძლება თქვენს მაგიდასთან დევჯდე?

ოფიცერმა მის ტანისამოსს თვალი შეავლო და გაიფიქრა, ალბათ ფული ექნებაო, ამიტომ თავაზიანად უთხრა:

— გთხოვთ დაბრძანდეთ! რით შემიძლია გემსახუროთ?

— მინდა მოგახსენოთ, — ფრთხილად დაიწყო ტორესმა, — რომ თქვენი არმიისადმი უდიდესი სიმპათიით გახლავართ გამსჯვალული.

— ოჰ, რას ბრძანებთ? — წარბები აჯგინა ოფიცერმა. — ნეტავ ვიცოდე, რითი იმსახურებს თქვენს ესოდენ სიმპათიას?

ტორესი შეაცქერდა ოფიცერს, ბოროტად რომ ილიმებოდა. „ილიმები, მას მე სხვა მხრიდან მოგივლი“, — გაიფიქრა მან და თქვა:

— თქვენ რას ფიქრობთ, ვითომ კარანსა, როგორც კი პრე-

ზიდენტის სავარძელს დაიკავებს, გლეხების წინააღმდეგ არ გაილაშქრებს? ჩემი მხრივ, მე ამაში დარწმუნებული ვარ და თუ ასე მოხდა, უთუოდ მის არმიას შესვლას მოვინდომებდი.

— მაშ ამისათვის თანაუგრძნობთ ლიბერალებს? — ჩაიცი-
ნა ოფიცერმა. — ჰო, მართლა, მე ალონსო მქვია. თუ თქვენი
გარეგნობის მიხედვით ვიმსჯელებთ, თქვენც ჩემსავით მემამუ-
ლის ვაჟი უნდა ბრძანდებოდეთ, არა?

ტორესმა თავი დაიქნია.

— ისეთი სახე გაქვთ, კაცს ეგონება, ფრონტზე ნამყო-
ფიაო.

ტორესმა ახლა კი გულახდილად გადმოალაგა ყველაფერი. ალონსოს თანაგრძნობამ მიახვედრა, რომ მასთან მოსარიდებე-
ლი არაფერი ჰქონდა. წათამამებული იმასაც დაწვრილებით
მოჰყვა, როგორ აწამა ერთხელ სამი გლეხი.

ალონსომ ტორესს მხარზე ხელი დაჰკრა მეგობრულად:

— ბოლოს არ ვნახე ერთი კაცი, ლიბერალური იდეებით
რომ არ კოკობზიკობდეს! ხომ გესმით, რასაც ვამბობ? ჩვენი
პოლკოვნიკი სწორედ ასეთებს ეძებს. — ალონსო ტორესისა-
კენ გადაიხარა და უჩურობდა: — ამბობენ, ის კარანასთან
საიდუმლო მოლაპარაკებას აწარმოებსო. გლეხებმა დიდი შეც-
დომა ჩაიდინეს, დედაქალაქი რომ დატოვეს. ახლა შეგვიძლია,
რომელიმე არმიით, — იქნებ ეს გენერალ ობრეგონის არმიაც
იყოს, — აქედან ე. ი. ცენტრიდან, ჩრდილოეთით პანჩო ვილას
შევუტიოთ, სამხრეთით კი საპატას. მე იმედი მაქვს, სამხრე-
თით გამგზავნიან, რადგან, როგორც ამბობენ, სამხრეთის არ-
მიას პაბლო გონსალესი გაუძღვება. გონსალესი გაგიგონიათ?

— როგორ არა, მას ბევრი ლაილაი არ უყვარს. მეც სია-
მოვნებით წავიდოდი მასთან.

— წავიდეთ, მეგობარო! გადაიცვით ისევ თქვენი მუნდირი
და პოლკოვნიკთან წავიდეთ. ის ბიძაჩემია და თავისუფლად
შეგიძლია ყველაფერი უთხრა.



ლოქტორი პეპე მიეჩვია, ტრინი ყოველთვის გვერდით ჰყო-
ლოდა. ამიტომ როცა ერთხელ, დილით, საქმეში მხოლოდ რო-
ზა მოესმარა, ტრინი კი არსად ჩანდა, ძალიან გაუკვირდა. რამ-

დენიმე ავადმყოფს მიხედა და შეშფოთებული პეპე ტრინის მოსაკითხავად გაემართა. ბიჭი ქალაქისთავის ერთ-ერთ ოთახში დაუხვდა. თავზე დიდი ჩალის ქუდი დაედო, ხელში გაზეთი ეჭირა.

— გაზეთი სად იშოვნე? — ჰკითხა პეპემ ტრინის.

ტრინიმ არ იცოდა, შეიძლებოდა თუ არა დოქტორისთვის სიმართლე ეთქვა, მაგრამ ტყუილის თქმაც არ შეეძლო, ამიტომ ენის ბორძიკით თქვა:

— ბიძაჩემმა იერონიმომ მომცა.

— უნდა წაუკითხო? მაშ გაცხადებებს რას ჩასცქერი. რა უნდა წაუკითხო?

ტრინი უფრო დაიბნა. ბოლოს, როგორც იყო, თქვა:

— ყველაფერი, რაც ჩვენი არმიისთვის საყურადღებო იქნება.

„უცნაური დავალებაა ასეთი პატარა ბავშვისათვის“, — გაიფიქრა ეჭიმმა, მაგრამ რაკილა შეატყო, ტრინი დაბნეულიაო, გვერდით მიუჯდა. საუბარში გაირკვა, რა დავალება მიეცათ ტრინისთვის, უფროსებს კი წარმოდგენა არ ჰქონდათ, თუ რა ძნელი იყო ათი წლის ბავშვისათვის მისი შესრულება. შეიძლება ასე პატარა ბავშვმა ეს დავალება შეასრულოს? უნდა გამოვცადოთ!

დოქტორმა პეპემ არ იცოდა, რომ საპატა, ამბროსია და იერონიმო მას მაინცდამაინც არ ენდობოდნენ. კარგიც იყო, რომ არ იცოდა, რადგან ახლა შეეძლო ტრინის ხალისით დახმარებოდა და გულში ტკივილი არ ეგრძნო. დოქტორი დარწმუნდა, რომ ტრინი ჯერ გამართულად ვერ კითხულობდა და სოფლის ამბების მეტი არაფერი იცოდა. სამაგიეროდ ყველაფერს, რასაც ეუბნებოდნენ და ასწავლიდნენ, კარგად ითვისებდა.

მარიო კვლავ ელჩია

მარიომ პრეზიდენტის სასახლის გრძელი კიბე რომ აიარა, მაღალთალებიან ვესტიბიულში მთხოვნელთა დარბაზში თავმოყრილი ხალხის ხმაური შემოესმა. აქ ყოველდღიურად უამ-

რავი ხალხი მოდიოდა. ვის არ ნახავდით: შავ კოსტუმებში გამოწყობილ გახამებულ საყელოიან და პალსტუხიან ბატონებს და უმწეო, ჩამოფლეთილ ადამიანებსაც, ხშირად ფეხშიშველები რომ მოდიოდნენ.

ერთი უღვაშიანი მოხუცი მარიოს მიადგა და ჰკითხა:

— იქნებ მიშველოთ რამე. მთელი თვეა აქ ვიციდი. მეტი ლოდინი აღარ შემიძლია, უკან უნდა გავბრუნდე.

— მე პრეზიდენტის მდივანი არ გახლავართ, — მიუგო შეშფოთებულმა მარიომ.

მან კარგად იცოდა, რა იყო საჭირო აუდიენციისათვის. ერთ მდივანს განსაზღვრულ თანხას ჩაუჭიბავდნენ, ის მთხოვნელს უფროს მდივანთან მიიყვანდა. ეს უფროსი საწერ მაგიდას უჯდა და ისეთი საქმიანი ჩანდა, გეგონებოდათ, ვერაფერს ხედავს და არც არაფერი ესმისო. მაგრამ საკმარისი იყო მაგადაზე მომუჭული ხელი დაგედოთ ანდა ქალაქქვეშ საბანკო ბილეთი შეგეცუტრებინათ, მდივანი მაშინვე გამოცოცხლდებოდა, მშვენიერი სმენა და მხედველობა უბრუნდებოდა.

მარიომ იცოდა, რომ მდივნებს იგი ძალიან სძულდათ, რადგან მან პრეზიდენტ კარანსას ყურადღება რამდენჯერმე მიაქცევინა მისაღებ ოთახსა და მთელ სახელმწიფოში გამეფებულ მექრთამეობაზე. მაგრამ მდივნებს ჯავრის ამოყრის საშუალება ჯერ არ მიეცათ, რადგან იგი პრეზიდენტის უახლოეს ადამიანთა რიცხვს ეკუთვნოდა.

შემდეგი ოთახი თითქმის ცარიელი იყო. მდივნები სავარძლებში გადაწოლილიყვნენ და მხიარულად ლაქლაქებდნენ. ფართო სავარძელში მოწყენილი სახით გრაფი არიოლა იჯდა. ბოლო ხანებში მარიო ხშირად ხვდებოდა ყოფილ უფროსს, მაგრამ თავს არიდებდა.

ამჟამად გრაფი ფეხზე წამოიჭრა და მარიოს ინგლისურად მიმართა, ცოტა ხნით ჩემს გვერდით დაბრძანდითო. მარიომ უხალისოდ შეასრულა გრაფის თხოვნა.

— ამ საომარ ისტერიაზე ბევრი ვიფიქრე, — დაიწყო გრაფმა. — ევროპის სახელმწიფოები ამ ეგრეთ წოდებულ მსოფლიო ომში ერთმანეთს ანადგურებენ და საშინელ უბედურებას განიცდიან. ჩვენს ქვეყანაშიც რომ ყველაფერი თავდაყირა არ დამდგარიყო, შეგვეძლო ევროპაში საქონელი შე-

გვეზიდა, დიდი საქმეები გვეწარმოებინა. თქვენ, ბატონო პუენტე, პრეზიდენტის დაახლოებული პირი ხართ. ხომ არ ისურვებდით ახლაც ჩემთან გეთანამშრომლათ, რასაკვირველია, ამჟამად სხვა პირობებში, ვიდრე წინათ.

მარიო სიამოვნებით მიახლიდა უარს, მაგრამ თავი შეიკავა და ესლა იკითხა:

— მერე და ასეთი თანამშრომლობისაგან თქვენ რას გამოელით?

— დიდი გარიგებანი მხოლოდ მაშინ შეიძლება მოხდეს, როცა სახელმწიფოში მშვიდობა დამყარდება. წარმოიდგინეთ, მაგალითად, ინგლისს საჭირო ხორბლის უმეტესი ნაწილი რუსეთიდან შეჰქონდა, ახლა კი ერთ გირვანქასაც აღარ ყიდულობს. საპატასა და პანჩო ვილას რომ გაანადგურებენ, ხორბალი ჩვენც გვექნება. — გრაფი მარიოს შეჰყურებდა და უსიტყვოდ ეკითხებოდა, ჰა, აბა, ამაზე რას იტყვიო.

პრეზიდენტის ოთახიდან მთხოველი გამოვიდა და მარიოს სთხოვეს, შებრძანდითო.

კარანსა მკვირცხლად წამოდგა და მარიოს შეეგება:

— ძვირფასო პუენტე, ჩემი აზრით, ძალიან მნიშვნელოვანია გლახებთან მოლაპარაკების წამოწყება. ბოლოს და ბოლოს, საჭიროა ეს ხალხი გონს მოვიყვანოთ. ჩემი სახელით საპატასთან ხომ ვერ წახვალთ? თქვენ ხომ ერთმანეთთან კეთილგანწყობილებაში იმყოფებით.

მარიომ საკმაოდ ცივად მიუგო პრეზიდენტს:

— მოლაპარაკება მხოლოდ იმ შემთხვევაში გახდება შესაძლებელი, თუ გლახთა უფლებებს აღიარებთ. საპატა და პანჩო ვილა სახელმწიფოს მნიშვნელოვანი ნაწილის გამგებლები არიან.

— ძალიან მარტივი და უბრალოა მათი გამგებლობა!—თქვა კარანსამ. — მე გამოვცემ კანონს, რომლის ძალითაც გლახები მემამულეთა მიწებს მიიღებენ. საერთოდ, ისეთ კანონებს გამოვცემ, მისი პროგრესულობა თქვენც კი გაგაკვირვებთ, ძვირფასო პუენტე. ამრიგად, მე მზად ვარ მივიღო საპატას ლოზუნგი „მიწა და თავისუფლება“ და მთელ სახელმწიფოში გავატარო იგი... მაგრამ ფეხზე რას დგახართ, დაჯექით! გაგიზიარებთ, რა კანონების გამოცემას ვაპირებ.



მარიო პრეზიდენტს ჯერ დიდი ინტერესით უსმენდა, მერე აღფრთოვანებითაც კი და ბოლოს აღუთქვა, საპატასთან წავალო.

გამოსვლისას მარიომ შეამჩნია, რომ პრეზიდენტთან ახლა გრაფს სთხოვეს შესვლა. რას ეტყვის პრეზიდენტი ამ სპეკულანტს? მარიო მისაღებ ოთახში გამოვიდა. აქ მას მთხოვნელები შემოეხვივნენ, — დაგვეხმარეთო. მარიო შესცქეროდა მათ კეთილ სახეებს, იცოდა, ისინი ენდობოდნენ, მაგრამ არ შეეძლო დახმარებოდა.

პრეზიდენტის სასახლიდან გამოსული მარიო უახლოეს კაფესკენ გაემართა და ჩაფიქრებული მაგიდას მიუჯდა. „კარანსა საპატას მმართველობას უბრალოსა და პრიმიტიულს უწოდებს, — ფიქრობდა მარიო. — ეს შესაძლოა ტყუილი არ იყოს, მაგრამ სამაგიეროდ საპატას ყოველი განზრახვა პატიოსნური და კეთილშობილურია. აქ კი? მექრთამეობა და ძმობიობაა გამეფებული. პროგრესული კანონები ადრეც გამოუციათ, მაგრამ არ განხორციელებულა. ამას გარდა, ჩუმაღ ხმები დიდის, კარანსა საპატასა და პანჩო ვილას წინააღმდეგ გასალაშქრებლად დიდ არმიებს აყალიბებსო. მგონი უგუნურობა ჩავედინე, რომ საპატასთან გაგზავნაზე დავეთანხმე“.

საპატამ ნაწილის მეთაურები დაიბარა. როცა ისინი უბრალო, შეთეთრებულ დარბაზში შევიდნენ და იქ საპატა და მათთვის კარგად ცნობილი ტრინი დაუხვდათ, ძალიან გაუკვირდათ. რა უნდოდა აქ ამ პატარა ბიჭს, ხელში გაზეთებიდან ამონაჭრებით?

საპატამ თათბირი გახსნა და თქვა:

— მნიშვნელოვანი ახალი ამბები გვაქვს. ვენუსტიანო კარანსა ჩვენ ორჭოფულად გვეთამაშება, ამავე დროს მისი გენერალი ობრეგონი პანჩო ვილას თავს დაესხა და გაანადგურა. ეს ყმაწვილი წაგიკითხავთ, რას წერენ გაზეთებში ამის თაობაზე.

სანამ ტრინი თავის წკრიალა ხმით გლეხებს ამონაჭრებს უკითხავდა, დარბაზში შეიარაღებული გლეხი შემოვიდა.

— ემილიანო, გარეთ ერთი კაცი იცდის, ამბობს, მარიო პუენტე ვარო, და შენთან ლაპარაკი უნდა. რესპუბლიკის პრეზიდენტმა საპატასთან დავალებით გამოიმგზავნაო.

— ო, ეგ თადლითი! — წამოიძახა არაკუნემ და ყველა ერთბაშად ალაპარაკდა.

— სიჩუმე, — დაიძახა საპატამ. — სისულელე იქნებოდა, მისთვის არ მოგვესმინა. ხომ უნდა ვიცოდეთ, რა ხდება.

შემოვიდა მარიო. შავ კოსტუმში გამოწყობილს ფეხზე მაღალყელიანი, დეზებიანი ჩექმები ეცვა. მხრებგაშლილი და წელში გამართული ნელი ნაბიჯით გაემართა საპატასაკენ, როგორც საერთოდ, ასეთი შემთხვევისას მთავრობის ოფიციალური წარმომადგენლები იქცევიან ხოლმე, მაგრამ თავს მტკიცედ ჯერ გრანობდა, მით უფრო, რომ მოულოდნელად აღმოჩნდა ამდენ მეთაურთა წინაშე. მაგრამ მარიოს ასეთმა საზეიმო ნაბიჯით შემოსვლამ გლეხებზე უსიამოვნო შთაბეჭდილება მოახდინა, რადგან მათ ეს ყოყორობად მიიჩნიეს და ამის გამო მარიოსადმი უფრო მტრულად განეწყვენენ.

მარიო საპატას წინ შესდგა.

— აქ იმიტომ გამოიმგზავნეს, რომ გადმოგცეთ, კარანსას თქვენთან მოლაპარაკება სურს. მას განზრახული აქვს, გამოსცეს კანონები, რომელთა პროექტები თან მოვიტანე. ნებას მომცემთ, ეს პროექტები გაგაცნოთ?

— წაიკითხე! — მიუგო საპატამ ისე, რომ არ უთქვამს, და-
ჯექიო.

ასეთმა ცივმა მიღებამ მარიო კიდევ უფრო დააბნია. კითხ-
ვის დროს მშვენივრად გრძნობდა, რომ ამ იურიდიულ ფორმუ-
ლირებებს გლახთა მეთაურები ვერ გაიგებდნენ. ამიტომ გადა-
წყვიტა წაიკითხულის შინაარსი აეხსნა, თავი ასწია და თქვა:

— პრეზიდენტი ვენუსტიანო კარანსა...

— კარანსა პრეზიდენტი არ არის, — გააწყვეტინა საპატამ. —
არც ჩვენ, სამხრეთელებს და არც ჩრდილოეთელებს იგი არ
აურჩევიათ. შენს ბატონს ასე გადაეცი: ეს ცარიელი ლამაზი
სიტყვების რახარუხია-თქო. ჩვენ მიწას გვპირდება და არმიას
კი პანჩო ვილას წინააღმდეგ გზავნის. მშვენივრად ესვდებით,
რისთვისაც გამოგზავნა, ჩვენი მოტყუება უნდა და მეტი არა-
ფერი!

გლახთა მეთაურებმა ერთმანეთს გადახედეს და თავები და-
აქნიეს.

— შეიძლება განვაგრძო? — იკითხა დაბნეულმა მარიომ.

— არა, — მიუგო საპატამ, წამოდგა და გავიდა. სხვებიც მას
გაჰყვნენ.

მარიო გაქვავებული იდგა, მერე ტრინის მზერა შეამჩნია
და დაბნეულმა თავი დაუქნია. მაგრამ ბიჭი მაშინვე შებრუნდა
და დარბაზიდან გავიდა. თავგზააბნეულმა მარიომ ქალღაღადები
წამოკრიფა, დარბაზიდან გამოვიდა და მხლებლებს უბრძანა,
ცხენები შეეკაზმათ და წასასვლელად მომზადებულიყვნენ.



სალამოს მარიო უკვე ქალაქ მეხიკოში იყო. პრეზიდენტმა
მაშინვე მიიღო.

პრეზიდენტთან რომ შევიდა, მარიოს ისეთი გაყინული, სე-
რიოზული სახე ჰქონდა, მან მაშინვე ესა ჰკითხა:

— რა დაგემართათ, რა მოხდა?

მარიო სკამზე არ დამჯდარა, ისე თქვა:

— საპატამ დამავალა გადმოგცეთ, ვენუსტიანო კარანსა
პრეზიდენტი არ არის, რადგან იგი არც მე და არც პანჩო ვილას
არ აგვირჩევიაო; მეორეც, საპატას კარგად ესმის, რომ ახალი
კანონები გლახების მოსატყუებლად გამოდის.

კარანსას ფერი წაუვიდა, შებრუნდა და მექანიკურად ხელი არწივის ფორმის პრესპაპიეს წაავლო, გველს რომ ახრჩობდა, და თქვა:

— კარგი, საპატა პასუხს მიიღებს. გრაფ არიოლასთან შეიარაღის შესყიდვის ხელშეკრულება დავდე!

— ესე იგი, — დაიწყო მარიომ, — ბატონო პრეზიდენტო, რაკილა საპატას მოტყუება ვერ მოახერხეთ, გლახთა წინააღმდეგ ომის წამოწყებას აპირებთ?

— თქვენ დამნაშავეებს უპერო მხარს? — შეჰყვირა პრეზიდენტმა.

— დამნაშავეებს? — ჩაეკითხა მარიომ. — აქეთ რომ მოვდიოდი, გზაზე ბევრი ვიფიქრე, და დავრწმუნდი, მთელი თქვენი პროგრესული კანონები ცხოვრებაში ვერ განხორციელდება. ბატონო პრეზიდენტო, იმის განსჯა თქვენთვის მიმინდვია, ვინ არის დამნაშავე, — საპატა, რომელსაც პატრიოსან ხალხთან აქვს საქმე და თავისუფლებისაკენ ისწრაფვის, თუ...

— გაჩუმდით! საკმაოდ ილაყბეთ! — იყვირა კარანსამ.

— გთხოვთ, გამათავისუფლოთ, — ცივად თქვა მარიომ, — რადგან თქვენ მეც უპატრიოსნოდ მომექექეთ. მე მხოლოდ იმ პირობით ვმსახურობდი თქვენთან, რომ გლახების მოთხოვნებს დააკმაყოფილებდით.

პრეზიდენტმა ბოროტად გაიცინა:

— კარგით, მიბრძანდით! ვნახოთ ერთი, ვინ უფრო დააფასებს თქვენს სამსახურს.

მარიოს დაბრუნება

რახან ბრძოლებს აღარ აწარმოებდა, საპატას გლახთა არმია ერთ ადგილას დიდხანს ვერ გაჩერდებოდა, რომ საყვების მთელი მარაგი არ გაენადგურებინა. ამიტომ არმიის ქვედანაყოფები ერთმანეთისაგან საკმაოდ მოშორებით სხვადასხვა ადგილას დაბანაკდნენ. მათ შორის კავშირს ახალგაზრდა, მონალისე გლახები ამყარებდნენ. აქა-იქ გამოჩნდა მემამულეთა მიერ შექმნილი ბანდები. ისინი იჭერდნენ მეკავშირეებს და მხეცურობა წამებით ჰკლავდნენ.

საპატა ამბროსიას მოელაპარაკა:

— შენ რას იტყვი, ხომ არ აჯობებდა, მეკავშირებად უფრო ქალები გამოგვეყენებინა?

— ეს კაცები უცნაური ხალხი ხართ. ხომ არ გგონიათ, ქალები მამაკაცებზე ნაკლებ გააკეთებენ საქმეს? თქვენ მხოლოდ ახალგაზრდა, ლამაზ გოგონებს ამჩნევთ, ჩვენ კი ვაკვირდებით. ქალებს ნაკლებად მიაქცევენ ყურადღებას. ავიღებთ ორიოდ ქოთანს ანდა მწვანის და გზას გავუდგებით. მოხერხებაში მამაკაცები ქალებს ვერ აჯობებენ.

— საქმე ის არის, ამბროსია, ქალების უმეტესობას სამხედრო საქმისა არაფერი გაეგება, — თქვა საპატამ, — ზოლო წერილობით ვერაფერს გაეგზავნით, რადგან გლეხთა მეთაურებმა კითხვა არ იციან.

— ეჰ, გეგონება ამის მოგვარება აღარ შეიძლებოდა. ჩვენს ქალებს კარგად ესმით, რისთვისაც ვიბრძვით. ყველა ჩვენგანს ხომ ის უნდა, რომ ჩვენს ქმრებსა და შვილებს საქმელი ჰქონდეთ. ბრძანება რამდენჯერმე უნდა გაუმეორო. თუ ისინაც ზუსტად გაიმეორებენ, მერე აღარ დაავიწყდებათ. ზოგჯერ ყველაზე სულელს ყველაზე უკეთესი მეხსიერება აქვს. საქმე მხოლოდ ის არის, რომ სანდო ადამიანი იყოს.

— კარგი, მოვიფიქრებ, — თქვა საპატამ.

მეორე დღეს ისევ გამოიძახა ამბროსია.

— მომისმინე, ამბროსია. შემირჩიე ისეთი ქალები, მეკავშირებად რომ გამოდგებიან. შტაბი მათ დავალებას მისცემს. მაგრამ რახან შეიძლება ჩვენ ყოველთვის ადგილზე არ ვიყოთ, იმათ შენ მიიღებ. ხომ დაიმახსოვრებ ყველაფერს, რაც საქმე-როა?

— დაემახსოვრებ, მაგრამ, ამ საქმეში ტრინიცი დამეხმაროს.

— ტრინი რაღაზე გჭირდება, იმან ხომ გაზეთები უნდა მიკითხოს!

— აი, საქმეც სწორედ ეგ არის. ის დაბეჭდილ ცნობებს მოაგროვებს, მე კი ზეპირს.

— ჰო, სწორია, ერთად უნდა იყოთ, — დაეთანხმა საპატა. — კარგი, ასე იყოს.

ამბროსიამ ტრინის დაუძახა და უთხრა:

— ტრინი, ამ ბოლო ხანებში კარგად გვიხსნიდი, რაც გაზე-
თებში სწერია. კიდევ გჭირდება დოქტორ პეპეს დახმარება?

ტრინიმ პასუხი შეაგვიანა, ამბროსიამ კი განაგრძო:

— მას შემდეგ, რაც ჩვენთან კარანსას დავალებით მარიო
მოვიდა, — კარანსას ხომ ჩვენი მოტყუება სურდა, — ლიბერა-
ლებს აღარავინ უჭერის. საჭირო არაა დოქტორმა პეპემ ყველა-
ფერი იცოდეს. მაგრამ როგორ ეტყვი, შენი დახმარება აღარ
მჭირდებაო?

— ძალიან კი არ შემრცხვება, ვეტყვი, რომ ძია იერონიმოს
წერა უნდა ვასწავლო-მეთქი.

— კარგი, ეგეც უთხარი და კიდევ რამე მოიგონე. შენ აქ
ისეთ საქმეს აკეთებ, რასაც დიდებსაც ყველას არ მიანდობდნენ.
შენც კრინტი არ უნდა დასძრა არავისთან.

ტრინი გაოცებით შესცქეროდა დიდედას, ამის გახსენება
რად მჭირდება, მე რა მოლაყბე მნახაო.



ერთ უქარო დილას ტრინიმ ახალმიღებული გაზეთები ილ-
ლიაში ამოიჩარა და გზისპირას, ერთ პატარა კლდეზე აცოცდა,
რომ ღამე სიცივისაგან გაყინული, ცოტა მზეზე გამთბარიყო.

გაზეთებს გულსყურით რომ კითხულობდა, უცბად რაღაც
ხმაური შემოესმა. გაზეთს ჩრდილი დაეცა.

ტრინიმ მალლა აიხედა და შეკრთა: მის წინ მარიო იდგა,
მაგრამ რა ყოფაში იყო! გაუპარსავი, ლაფსა და ტალახში ამოს-
ვრილი. მისმა დაბნეულმა მზერამ უფრო მეტად შეაკრთო ბიჭი.
ქკუაზე ხომ არ შეიშალაო.

— ტრინი, — ხმადაბლა უთხრა მარიომ, — ვიცი, გეჭაფრები,
მაგრამ თქვენთვის განსაკუთრებით საყურადღებო ამბავი მოვი-
ტანე. შეგიძლია საპატასთან, იერონიმოსთან ან ამბროსიასთან
მანც შემახვედრო? ესეც იცოდე, ჩემსა და კარანსას შორის
ყველაფერი დამთავრებულია. იძულებული გავხდი, ქალაქ მე-
ხიკოდან გამოვქცეულიყავი. ამიტომ... — სასოწარკვეთილი მა-
რიო შეტრიალდა. — ისევ თქვენ უნდა შემიფაროთ. მოგიყვებ-
ებით, რაც მოხდა და ალბათ გამიგებთ, ისევ თქვენი ვარ. ტრინი,
შენ მეც უნდა მიშველო და თქვენიანებსაც, ყველა თქვენგანს
დიდი სიფრთხილე გელით.



— წამო ამბროსიასთან! -- თქვა ტრინიმ. — იგი სხვებზე მეტად გაგიგებთ.

მართლაც, ამბროსიამ შეხედა თუ არა მარიოს, მაშინვე მიხვდა, რაც მომხდარიყო. მარიოს საკმელი დაუდგა და ტრინი იერონიმოს დასაძახებლად გაგზავნა. იერონიმო მაშინვე საპატასთან გაეშურა და მალე ამბავი მოიტანა, გლეხების გენერალი თუმცა მარიოს აღარ ენდობა, მაგრამ მაინც მზად არის მიიღოს და მოუსმინოსო.

ნახევარი საათის შემდეგ მარიო საპატასა და მის მახლობელთა წინაშე იდგა. მარიო ისე გამოცვლილი ეჩვენათ, ყველაგაოცებული დარჩა. ოფიციალური სიმშვიდე და ღირსეული თავდაჭერა აღარ ემჩნეოდა. დევნისაგან ქანცაწყვეტილმა, აღელვებულმა მარიომ დაიწყო:

— ერთი მნიშვნელოვანი ამბავი უნდა გითხრათ! თქვენ მართალი იყავით; კარანასს ყოველი სიტყვა ტყუილი იყო. სა-

ნამ თქვენთან გამომგზავნიდა, კარანსამ გენერალ პაბლო გონსალესს, ამ ყაჩაღსა და ბანდიტს, უბრძანა თქვენი გლეხთა არმიის წინააღმდეგ გასალაშქრებლად გამზადებულიყო. კარანსა იმედოვნებდა, შენ მის დაპირებებს დაუჯერებდი და ხალხს სახლებში გაუშვებდი. როგორც კი შენი დანაბარები გადავეცი, მისი ვერაგობა გამომქლავნდა. იმავე დღეს ყაჩაღ გონსალესს უბრძანა, თქვენს წინააღმდეგ წამოსულიყო. გონსალესი პოლკოვნიკ ლივიოს ნაწილს დაესხა თავს. გლეხები თავდასხმას არ ელოდნენ და აქეთ-იქით მიმოიფანტნენ. ახლა ის ბანდიტები კარლოს რუბიოს ნაწილებისაყენ მიემართებიან...

საპატამ მკაცრად შეაწყვეტინა:

— მარო, ერთხელ უკვე მოგვატყუე, ახლა კი შენი აღარ მჭერა!

საპატას გარშემო თავშეყრილი გლეხები მარიოს ყურადღებით შესცქეროდნენ.

მარიო მთლად გაფითრდა და სასოწარკვეთილმა თქვა:

— თუ გინდა, ახლავე დილეგში ჩამავდეთ, მაგრამ დამერწმუნეთ, დიდი საშიშროება მოგელით, დიდი რალა თქმა უნდა, ყაჩაღი გონსალესი ქვეყნის შუაგულამდე ორ დღეში ვერ მოაღწევს, მაგრამ თუ არმიას ერთ ადგილას არ მოუყარეთ თავი, განაპირა მხარეებში ჩაყენებულ ნაწილებს გაგინადგურებტ, ზოგიერთები ჩუმ-ჩუმად გამოთქვამდნენ თავიანთ აზრს.

— მე... — დაიწყო საპატამ, მაგრამ ამ დროს ამბროსია შემოვიდა და ყველა მას მიაჩერდა.

— რა ამბავია? — იკითხა საპატამ.

— ეს-ესაა მეკავშირე ქალი მოვიდა. დღე და ღამ ურბენია და ფეხზე ძლივს დგას. კარლოს რუბიო იტყობინება: მძარცველთა არმიის ძლიერი ნაწილები აღმოსავლეთიდან მოულოდნელად გამოჩნდნენ და თავს დაგვესხნენო. თვითონ ცდილობს, ჩრდილო-დასავლეთით დაიხიოს უკან და მთებს შეეფაროს.

მცირე ხნის დუმილის შემდეგ საპატამ თქვა:

— მარიოს ნათქვამის სისწორე დასტურდება. გვერდით ოთახში გავიდეთ. საჭიროა დაუყოვნებლივ ვიმოქმედოთ.

ისინი გავიდნენ. მარიომ არ იცოდა, მას რას უზამდნენ. თავი ჩაექინდრა და მარტოდმარტო იდგა შუა დარბაზში. იმ საშინელ დღეს. როცა მარიომ კარანსასთან დაბრუნება გადაწყვიტა,

პაკომ მკაცრად უთხრა: ერთი ის იკითხე, მიგიღებთ თუ არა, ჩვენთან დაბრუნებას რომ მოინდომებო. მართლაც ასე მოხდა. მართალია, საპატამ თქვა, მარიომ სწორი ამბავი მოგვიტანაო, მაგრამ შეეძლო თუ არა მარიოს მათთან დარჩენა? მეორე ოთახიდან იერონიმო გამოვიდა და მარტოდმარტო მდგარ, ჩამოძონძილ, ტალახში ამოსვრილ მარიოს შეხედა, მაგრამ უცბად ვერ მიხვდა, რატომ იყო ასე დანალღვლიანებული. ბოლოს, როცა მიხვდა, საპატასთან შეებრუნდა.

— ემილიანო, ხომ იცი, ახლა რამდენი საქმე დამაწვა კისერზე. მოდი, მარიო დამახმარე.

— წაიყვანე!

როცა, მეორე დღეს, გლეხთა არმია ჩრდილოეთისაკენ დაიძრა, მარიოს წინანდებურად თეთრი გლეხური სამოსი ეცვა, თავზე კი უზარმაზარი ჩალის ქუდი ეხურა. სიამოვნებდა, ეს ტანისამოსი რომ ეცვა. იგი გლეხთა არმიას, ტრინისა და მის მეგობრებს ეკუთვნოდა.

ამბროსია და ბრმა

ყაჩად გონსალესის შესახვედრად რომ გაემართა, გლეხთა არმიის შტაბში ახალი მეკავშირე ქალები და სხვადასხვა სოფლებიდან დიდძალი ახალგაზრდობა მოდიოდნენ. ყველას ერთი და იგივე ცნობები მოჰქონდა: მძარცველთა არმია შეუსვენებლად წინ მოიწევედა. ამ არმიის ზურგში მამულჩამორთმეული მემამულეები და ხალხის სხვა ექსპლოატატორები ქმნიდნენ ბანდებს, სოფლებს აწიოკებდნენ და სძარცვავდნენ. მოსახლეობას კი ხოცავდნენ.

სახემოღუშულმა საპატამ მოისმინა ამბროსიას მოტანილი ცნობები. მერე ტრინის მიუბრუნდა:

— ჩრდილოეთის ამბებზე გაზეთებში რაღა წერია? არ შეიძლება პანჩო ვილა საბოლოოდ და მთლიანად იყოს განადგურებული.

— პანჩო ვილა ობრეგონის დაწოლას ვერ უძლებს და უკან იხევს, — თქვა ტრინიმ. — იგი ამერიკის შეერთებული შტატე-

ბის საზღვარზე გადავიდა. ლანძღვით იხსენიებენ გენერალ პერ-
შინგს.

— ეგ ვილაა? ჩრდილო ამერიკელია?

— ჰო, გრინგოა. მას უბრძანეს, პანჩო ვილა ამერიკიდან
გამოაქეოს. ახლა კი იმიტომ ლანძღავენ, რომ ვილა ხელიდან
უხსლტება. პერშინგს ისინი უუნარო, ქალაქლების გენერალს
უწოდებენ.

საპატამ გაიღიმა. მერე ხელები მომუშტა და ფეხზე წა-
მოღგა.

— პანჩო ვილას იმედი ველარ გვექნება, საკუთარ თავს უნ-
და დავეყრდნოთ. გესმით, ეს რას ნიშნავს? იქნებ ისევ პატარ-
პატარა რაზმებად დავიშალოთ? გამოვიყენებთ მტრის ყოველ
გაუფრთხილებლობას და თავს დავესხმებით. ამგვარად, დავ-
ქანცავთ და დავასუსტებთ მტერს.

ამბროსიამ თავი დახარა და მკაცრად თქვა:

— ემილიანო, ხალხს შენი სჯერა და უფლება არ გაქვს მას
იმედი გაუტრუო. ცხოვრებაში ყოველთვის ისე როდი ხდება,
როგორც კაცი ფიქრობს. ნაფიქრალს რაღაც დაბრკოლებები
ხვდება. არ შეიძლება არმიის ერთიანობაზე ნებაყოფლობით
ვთქვათ უარი.

— არც მიფიქრია, — თქვა საპატამ და ამბროსიას მეგობ-
რულად დაუქნია თავი. — მაგრამ საქმე ისაა, რომ ამ ყაჩაღმა
გონსალესმა უკანასკნელ ხანს რამდენჯერმე ისე მოულოდნე-
ლად შემოგვიტია, თითქოს ჩვენი გეგმები და განზრახვები გა-
მოიცნო.

— სწორედაც რომ გამოიცნო, — უცბად თქვა მარიომ.

ყველამ განცვიფრებით შეხედა მარიოს. მარიოს პასუხი არ
გაუცია. კარისაკენ გაემართა, მოხურა და მერე თქვა:

— ყველაფერი ამ მდივნების ბრალია. მთავრობის სასახლე-
ში მათი ამბები კარგად გავიგე: ზოგიერთმა არ იცის, ვინ გაი-
მარჯვებს, გლეხები თუ სხვები. ამიტომ ისინი ისეთ ხალხს
უკავშირდებიან, ვისაც თავის მხრივ კავშირი აქვს მთავრობის
სასახლესთან. ეგენი მათგან ფულსაც იღებენ, როცა მნიშვნე-
ლოვან ცნობებს მიაწვდიან თქვენი არმიის გეგმების თაობაზე.

— მაშასადამე, მთელი ამ მდივნების ბანდა უნდა გავრე-
კოთ? — იკითხა საპატამ.

პასუხი არაეის გაუცია.

ბოლოს იერონიმომ თქვა:

— ჩვენ რომ ისევ ისეთი პატარა შენაერთი ვიყოთ, ადრე რომ ვიყავით, შეიძლებოდა გაგვერეკა კიდეც. ახლა კი ნამდვილი შტაბი გაგვაჩნია, ამიტომ მღივნებიც გვჭირდება.

— დაზვერვასა და ჯაშუშობას შენ, საერთოდ, ვერ მოსპობ, — თქვა მარიომ. — ეს დააფადება ყველა არმიაშია. ჩვენი შეცდომა ის არის, რომ მათ არმიაში ჩვენც არა გვყავს მზვერავები. ზოგიერთი მათი ოფიცერი ისე გაუფრთხილებლად ყბედობს, რომ ვერც წარმოიდგენთ. ბევრი ჩვენი მეგობარი ამას იგებს, ჩვენ კი არ გვატყობინებს. საჭიროა რაღაც ზომები მივიღოთ.

ამ, საერთოდ, გულკეთილი გლეხებისათვის ეს ახალი პრობლემა იყო და ჭერჭერობით არაეის არაფრის თქმა არ შეეძლო.

ბოლოს საპატამ თქვა:

— ხვალამდე დავიცადოთ. დილის შარი სჯობია სალამოს ხეირს. დღეს კი ხვალ მოსაგვარებელ საკითხებზე ვიმსჯელოთ.



ამ სალამოს ტრინი იერონიმოსთან მივიდა და თათბირის დამთავრებამდე იცადა. შემდეგ კარი მიხურა, როგორც წყლან მარიომ ქნა, და ბიძას წასჩურჩულა:

— არ შეიძლება მზვერავად იქ მე გამიშვათ?

გაოცებულმა იერონიმომ ბიჭს ჰკითხა:

— მერე შენ რას გააკეთებ?

— მძარცველთა არმიის მტრები, უბრალო ადამიანები ხომ ჩვენი მეგობრები იქნებიან. ჰოდა, მათ საუბარს გავუბამ და გავიგებ, რაც იქ ხდება.

— მართლა ხომ არ გგონია, რომ შენისთანა ბიჭს რამეს მოუყვებიან?

— ვილაყამ ხომ უნდა გააკეთოს ეს საქმე! — მოუთმენლად თქვა ტრინიმ.

იერონიმომ თავი გადაიქნ-გადმოაქნია.

— დიდედასთან წამო!

ამბროსიას ის იყო საპატას ერთი ქვეგანაყოფის დამარცხე-

ბის ამბავი მოსვლოდა. გუნებაწამბდარი მოწნულ სკამზე იჯდა. იერონიმომ მას ტრინის ნათქვამი გადასცა. დიდედამაც ის უთხრა ტრინის, რასაც იერონიმო ეუბნებოდა, და დაუმატა:

— მე გავაკეთებ, მე თვითონ წავალ!

შეშინებულმა ტრინიმ ჰკითხა:

— მერე როდისლა დაბრუნდები?

ამბროსიას იშვიათად ნახავდით გალიმებულს. ახლა კი თავი ველარ შეიკავა და გაუღიმა:

— ჩემს ჩანაფიქრს რომ შევასრულებ, მაშინ.

ტრინიმ არ იცოდა, რომ დიდედამ მარიოს დაწვრილებით გამოჰკითხა, სხვა არმიებში როგორ მუშაობდნენ მეკავშირეები. თვითონ მარიომაც ბევრი რამ არა იცოდა რა ამისა და ამბროსიას რაღას ეტყოდა. ეს საკითხი ისე გაუგებარი იყო ამბროსიასათვის, რომ გადაწყვიტა, თვითონვე წასულიყო მტრის ზურგში.



მეორე დღეს ამბროსია გაქრა. კანდელარიამ ტრინის საუზმე მოუტანა და თან უთხრა:

— ბრაულიომ დამაბარა, მე არაკუნეს რაზმში გადამიყვანესო.

ბოლო ხანებში ეს ორი ბიჭი ისე აღარ მეგობრობდა ერთმანეთთან. ბრაულიო სწავლაში ისეთ სიბეჯითეს ვერ იჩინდა, როგორც მასზე გაცილებით უმცროსი ტრინი, ამიტომ ძალზე ჩამორჩა. სამაგიეროდ გაიზარდა, დაეაყვაცდა და პრაქტიკულ საქმიანობასა და იარაღით ბრძოლაში ვერაფერს აჯობებდა.

ჩაფიქრებული ტრინი მკვადს შეექცეოდა, რომ საიდანღაც დოქტორი პეპე გამოჩნდა.

— დილა მშვიდობისა, კანდელარია! დილა მშვიდობისა, ტრინი! როზა ხომ არსად დაგინახავთ?

კანდელარიამ დარცხვენით შეანათა დიდრონი შავი თვალები. ტრინი მიხვდა, როზას ამბროსია წაიყვანდაო. დოქტორმა პეპემ მაშინვე შეამჩნია, როგორ დაირცხვინა ინდიელმა ქალმა.

— ნუ გეშინია, კანდელარია. რახან ყველანი გამირბიან, სხვა დამხმარეებს გამოვძებნი, — პეპემ ტრინის თვალი ჩაუკრა.

— მოემზადეთ! — მოისმა ქუჩიდან ძახილი.

ბოლო დღეებში მოკლე-მოკლე მანძილის გავლა უხდებოდათ. საპატა გრძნობდა, რომ მტრის არმიასთან შესაჯახებლად საკმარისი ძალა არ გააჩნდა.

ამბროსიას მაგივრად მზვერავეებს ახლა ტრინი იღებდა. მან საპატას მოახსენა, მტრის არმია ამჟამად ბრძოლის სურვილს არ იჩენსო. ეტყობოდა, საპატას არმიის სიახლოვე ხელს უშლიდა, ძალები დაექსაქსა, და დათარეშობდა.

ტრინის ძალიან ანაღვლებდა დიდებას ბედი. ახლა კი მიხვდა, რომ დიდებასადმი მისი დამოკიდებულება შეცვლილიყო. ნეტავ რამდენმა ხანმა განვლო მას შემდეგ, რაც საყვარელი დიდი დიდება გარდაიცვალა, ისეთ მშვენიერ ამბებს რომ უყვებოდა ხოლმე, ან მას შემდეგ, რაც მან მძიმე ავადმყოფობა გამოიარა? მას შემდეგ უკვე კარგა გრძელი ხუთი წელიწადი გასულიყო. მაშინ ეშინოდა მკაცრი ამბროსიასი, ახლა კი ვერ მიმხვდარიყო, რა აშინებდა, თუმცა არასოდეს არ ეფერებოდა, მაგრამ იმის მეტი პატრონი ვინა ჰყავდა?

ამბროსია და როზა ორი კვირის შემდეგ დაბრუნდნენ. დაინახა თუ არა, ტრინი იმათკენ გაეჭანა. საწყალი დიდება რას დამსგავსებოდა! გამხდარიყო, დაქანცულიყო. მაგრამ პირში ლუკმაც არ ჩაუდვია, მაშინვე საპატასაკენ გაეშურა.

საპატამ ტრინი, იერონიმო, მარიო და ბალთასარი იხმო. ყველანი მოვიდნენ და ამბროსიას პირდაპირ ჩამოსხდნენ.

ამბროსიამ დინჯად და სერიოზულად დაიწყო:

— ზოგი რამ გვაკეთეთ, თუმცა ყველაფერი ჯერ ვერ შევძელით. ყველაზე ძნელი ის იყო, ვისთვის მიგვემართა მტრის ზურგში. მაშინ ის მენახშირე გაგვახსენდა, სან აგუსტინის უღელტეხილის ბრძოლების წინ მნიშვნელოვანი ცნობები რომ მოგვაწოდა. ამის გამო, ავდექით და ახლაც ერთი მენახშირე მოვძებნეთ. მან გვიჩაჩია, ბრმა მათხოვარი, სახელად ვალენტინი მოგვეძებნა ქალაქ მოლინოსში. იქ ყაჩად გონსალესის შტაბია დაბანაკებული. ამ ბრმა მათხოვრის ნახვა არ გაგვძნელებია.

— არ მესმის, ბრმა კაცი ჩვენ რაღა დახმარებას გაგვიწევს? — იკითხა საპატამ.

— მართალია, ბრმა თვითონ ვერაფერს ხედავს, მაგრამ დღედაღამ ერთ ამოჩემებულ ადგილას დგას. მისი ნახვა ძნელი არ არის. ბრმებს ყველაფერი ესმით, თანაც კარგი მეხსიერება აქვთ. ეს ბრმა რომ ვნახე, ამას მაშინვე მივხვდი. უუთხარი, პაროლზე შევთანხმდეთ-მეთქი. ბრმამ მომიგო: „რა საჭიროა პაროლი, სიტყვები. ბრმებს საუცხოო შეხების გრძნობა გაგვაჩნია. დაე, ჩვენმა მეგობრებმა ხელში ფულის მაგივრად კენჭი ჩაგვიდონ. არც არავინ დაეპყდება, კაცმა რომ მათხოვარს ხელში რაიმე ჩაუდოს“.

საპატას გაელიმა.

— ბიჭოს, ამას მეც ვერ მოვიფიქრებდი. მაგრამ შენ ესა თქვი, ახლა რას აპირებ?

— მე და როზა ისევ წავალთ, მაგრამ სხვადასხვა მიმართულებით. საჭიროა ჩვენი ხალხი სხვადასხვა ადგილას გავიჩინოთ, ვისთანაც მერე შიკრიკებს გავგზავნით. მხოლოდ ერთ-ორ დღეს დავისვენებთ. ძალიან ბევრი ვიარეთ.

— დაისვენეთ! — თქვა საპატამ. — საჭმელიც კარგად ჭამეთ ხოლმე. გატყობთ, გიშიმშილიათ. მართალი გითხრათ, ძალიან გამახარეთ.

ბლესთა ომის დასასრული

ბაკობლელი ავლახუდა

1915 წელს ყაჩალი გონსალესი ისევ ცდილობდა, საპატას-თვის რამდენიმე დამარცხება კიდევ ეგემებინა, მაგრამ მათ შორის მხოლოდ პატარ-პატარა შეტაკებები იხდებოდა. მომდევნო 1916 წელს. ორივე მხარეს შორის ერთგვარი მშვიდობა ჩამოვარდა.

საპატასა და მის შტაბს ტრინი რეგულარულად ატყობინებდა ევროპაში მსოფლიო ომის მსვლელობის ამბებს. პირველად მას ეგონა, ეს ომი იქაც ისევე, როგორც მექსიკაში, მიწის მუშებსა და მებატონეთა შორის მიმდინარეობდა შიშველ მთებში, სადაც მხოლოდ კაქტუსი იზრდებოდა. მერე მარიომ უთხრა, ევროპა მექსიკას არა ჰგავსო. ამის შემდეგ მას ევროპის ამბებზე წარმოდგენა, საერთოდ, აღარ ჰქონდა. მეტ ინტერესს პანჩო ვილასადმი იჩენდა. ამერიკის შეერთებული შტატების სამხრეთი საზღვრის გადალახვის შემდეგ თავისი ძალების ნარჩენებით ვილა ისევ მექსიკაში შემობრუნდა. მასა და მთავრობის ჯარებს შორის ბრძოლები კვლავ გრძელდებოდა, მაგრამ ამაზე გაზეთებში გარკვევით არაფერს წერდნენ.

ერთ საღამოს ტრინი იმ პატარა ქალაქის მთავარ ქუჩაზე მიდიოდა, სადაც საპატას შტაბ-ბინა მდებარეობდა. ქუჩაში ჩვეულებრივი ფაცი-ფუცი იდგა. ერთი სახლის კუთხესთან მაღალ-მაღალი, გამხდარი ჭაბუკი იდგა თავჩაქინდრული. გლენური ქული. სახეს უფარავდა. ისე ყანყალებდა, გეგონებოდათ,

მთვრალიაო. თავი ნელ-ნელა ასწია და ფართოდ გახელილი, დაღლილი თვალები გარშემო მოავლო.

უცბად სახეზე ღიმილი მოეფინა და უცნაური, წკრიალა ხმით შესძახა:

— ტრინი!

— ტრინი ვარ. შენ საიდან მიცნობ?

— სან ბარტოლოდოს ბაღებიდან. თქვენ ხომ მე ტეპოტლელ კნაქას მეძახდით!

კნაქა ისე შეცვლილიყო, ტრინიმ ძლივს მოიგონა ის ბიჭი, რამდენამე წლის წინ საპატამ პანჩო ვილასთან რომ გაგზავნა. ის იქიდან აღარც დაბრუნებულა და არც რაიმე ამბავი შეუტყობინებია.

„ო, როგორ წამხდარა“, — გაიფიქრა ტრინიმ და ჰკითხა:

— რატომ ლოთობ?

— არ ვლოთობ, — მიუგო კნაქამ. — ციებ-ციხლება მაქვს.

ტრინიმ ხელი მოჰკიდა. ბიჭი მართლაც ცხელი იყო.

— წამო, ექიმთან წაგიყვან!

კნაქამ თავი გააქნია.

— ვინც ექიმთან მივა, მოკვდება.

— ასე სოფლის დედაბრები ლაპარაკობენ, — მიუგო ტრინიმ. — თუ ექიმთან გვიან მიხვალ, როცა აღარაფერი გეშველება, მოკვდები, აბა რა იქნება. სოფლელ კუდიანებს ნუ უჭერებ, მე წამომყევი!

დოქტორმა პეპემ ავადმყოფს შეხედა და უთხრა:

— აი, აქ დაწევი. ტრინი, შენ თუ მაგასთან ლაპარაკი გინდა, ხვალ შუადღისას მოდი. მანამდე ალბათ სიცხეც დაუკლებს.



ბეორე დღეს, ტრინი რომ მოვიდა, ავადმყოფი ჭილოფზე იწვა. შალის საბნის ქვეშიდან შეშინებულმა თვალებმა შემოანათა.

— დღეს როგორღა ხარ? — ჰკითხა ტრინიმ.

კნაქამ ჯერ არაფერი თქვა, მერე ხმადაბლა ჩაილაპარაკა:

— დოქტორს არ უნდა ჩემი გაშვება, მაგრამ საპატასთან სალაპარაკო მაქვს. მან ხომ პანჩო ვილასთან გამგზავნა, ახლა

ამბავი უნდა მივუტანო. ისე გამაპარე აქედან, დოქტორმა ვერ გაიგოს.

— გაპარვა რა საჭიროა? მე მითხარი, რაც გინდა, პირობას გაძლევ, ყველაფერს სიტყვა-სიტყვით გადავცემ.

— ეჰ, შენ რომ შეგეძლოს! დიდი ხანია მოვიდოდი, მაგრამ შორს ვიყავით, სადღაც ცხელ ველებში. როცა გამაციებდა ხოლმე, ალაღს ძლივს მოვდევი. აქ როგორ მოვსულიყავი? მაგრამ დღედაღამ სულ იმას ვფიქრობდი, აქაური ამბები საპატას როგორ გავაგებინო-მეთქი. საპატა ძალიან მიყვარს, იგი ერთადერთი კაცია, პატიოსნად რომ ვვებყრობა.

— ძალიან საშინელი ამბები ხდება იქ? — იკითხა ტრინიმ.

— ძალიან. პირველად პანჩო ვილა გლახთა დიდი ბელადი მეგონა, მაგრამ უნდა გენახა, როგორ დაამხეს! მაშინ იმით სულ დაავიწყდათ, რას ნიშნავს „მიწა და თავისუფლება“. დაიწყეს ძარცვა-გლეჯა, ლოთობა. აი, რას სჩადიან! გლეხების განთავისუფლებაზე კაცი არ ზრუნავდა. ბოლოს პანჩო ვილა რამდენიმე თავისი კაცით იქაურობას გაეცალა, ამბობენ თავის მამულში წავიდაო, ჩვენ კი ბედის ანაბარად მიგვატოვა. მაშინ სხვებიც მიიფანტ-მოიფანტნენ. იქ ყველაფერი დამთავრდა.

— აქამდე როგორღა მოაღწიე?

— ეჰ, ტრინი, არ იცი, რა დახმარება იციან ჩვენმა გლეხებმა, გაჭირვებულ კაცს რომ დაინახავენ? ერთხელ ერთ სოფელში ორი კვირა გვატარე. სიარული აღარ შემიძლო. არც ერთი იქაური გლეხი მდიდარი არ იყო, მაგრამ წარბიც არავის შეუხრია, არავის უგრძობინებია, ამდენ ხანს კისერზე რომ ვაწევი. — უცებ შეშინებული თვალები ტრინის შეაკლო. — თქვენთან როგორ მიმიღებენ?

ტრინი უცბად ვერ მიხვდა, რას ამბობდა, მაგრამ იფიქრა, ამას დამშვიდება სჭირდებაო. ამიტომ თქვა:

— აქაც კარგად შეგხვდებიან.

— მაგრამ შენ თვითონ ხელავ, ჯერ არც ბრძოლა შემიძლია. და არც მუშაობა.

— რა დროს ეგ არის, ჯერ გამოკეთდი.



კნაჭა სულ იმას ფიქრობდა, არავის არაფერში ვარგივარო, და ეს სტანჯავდა, თუმცა ყველა ალერსიანად ექცეოდა, რადგან გრძნობდნენ, გულთან მიჰქონდა გლეხთა საქმე. საპატამაც კი ინახულა.

რამდენამე დღის შემდეგ, ციებამ რომ გაუარა, ამბროსიამ უთხრა ტრინის:

— კნაჭას რამე თავისი შესაფერი საქმე უნდა გამოეუნახოთ. მოდი, ჯერ შენთან ერთად გაზეთები იკითხო!

ეს აზრი ტრინის ჰკუთვნა დაუჭდა. კნაჭასაც ისე გაეხარდა, რომ ბავშვივით სიცილი დაიწყო. მაგრამ კითხვას რომ შეუდგნენ, გამოირკვა, კნაჭას ბევრი ვერაფერი შეეთვისებინა, ტრინი კი ახლა გამართულად კითხულობდა.

ამის გამო კნაჭა ისევ დანადგლიანდა.

ორი შენი სიმალლე ვარ და კითხვა კი შენ უნდა მასწავლო, — მერე იმედიანად დაუმატა, — ხომ დამეხმარები?

ტრინი: რა თქმა უნდა, დახმარებაზე უარს როგორ ეტყოდა. კნაჭა ჰკვიანი ბიჭი გამოდგა. მთელი საათები გაზეთებს ჩასჩინებდა. ნელ-ნელა კითხულობდა, გაუგებარ სიტყვებს მარცვლავდა და ტრინის ეკითხებოდა, — რას ნიშნავსო.

ერთ საღამოს, ნავახშმევს, კნაჭა თავის სათაყვანებელ ამბროსიასთან ქოხში იჯდა. უცებ დაუფიქრებლად წამოიძახა:

— რა კარგია თქვენთან ყოფნა!

ამბროსიამ დინჯად შეხედა:

— ვიცი. შენ ძალიან ცდილობ, მაგრამ უფრო მეტად უნდა მოინდომო, რომ ტრინი მალე შეეცვალო.

— ტრინი შეეცვალო? მერე ის რაღას გააკეთებს?

— ჯერ მე თვითონაც არ ვიცი, მაგრამ, აბა დაკვირვებით შეხედე! ხმა შეეცვალა, ჯანსაღია და ღონიერი. სულ მუდამ გაზეთებს ხომ არ უნდა უკირკიტოს?

პარანსას დავალება

თითქმის სამმა წელმა განვლო. 1919 წლის დასაწყისი იყო. საპატას არმია თითქმის მთლად უმოქმედოდ იდგა გენერალ გონსალესის არმიის პირისპირ.

ჩასუქებული მოსამართლე, დოქტორი ედუარდო არისტა მართალია მეტად აღარ გასიძულა მას შემდეგ. რაც რამდენიმე წლის წინათ სან ბარტოლომეოში გლეხებისგან გრაფისათვის ღალის აკრეფა მოიწადინა, მაგრამ პატივი და ღირსება კი მოემატა, — ახლა ის პრეზიდენტის უახლოესი თანამშრომელი იყო. არისტას იმედი ჰქონდა, მალე გუბერნატორი გახდებოდა. რაც უცებ გამდიდრების საუკეთესო საშუალებას მისცემდა. პრეზიდენტის კეთილი დამოკიდებულება რომ არ დაეკარგა, ის არავის ეუბნებოდა. რა ავლადიდების პატრონი იყო სახელმწიფოს მეთაური, რომელსაც თავისი თავის პატივცემულ პატრიარქად წარმოდგენა უყვარდა. დოქტორმა არისტამ კარგად იცოდა. რა მოიმკო მარხო პუენტემ პრეზიდენტის კრიტიკით. ასეთი საშიში ბატონის კეთილგანწყობის შესანარჩუნებლად უფრო დაფიქრებით მოქცევა იყო საჭირო.

სწორედ ამ კეთილი განწყობის გულისათვის იჭდა მოსამართლე დღეს პრეზიდენტის მისაღებ ოთახში. ჯერ მარტო იყო, მაგრამ მალე გრაფი არიოლაც გამოჩნდა. ისინი ერთმანეთს მიესალმნენ და სავარძლებში ჩასხდნენ.

„ამ იარაღის გადაწყვიდველს აქ რა უნდა? — გაიფიქრა არისტამ. — ამ ბოლო ხანებში ხომ პრეზიდენტთან კარგად ვეღარ არის?“

არისტას მოუნდა გრაფისათვის ეკბინა და თქვა:

— ყური მოვკარი, მსოფლიო ომის დამთავრების შემდეგ ევროპის დიდი სახელმწიფოები მექსიკის მსგავს ქვეყნებს დიდძალ იარაღს იაფ ფასებში სთავაზობენო.

გრაფს არ ესიაშოვნა მისი ნათქვამი.

— დიდი სახელმწიფოები ჩვენთან რა ხეირს ნახავენ. ცხრალის რევოლუციამ და სამოქალაქო ომმა ჩვენი ქვეყანა გაღატაკების პირას მიიყვანა. ჩვენ უნდა მოვლონიერდეთ. მექსიკალითონითა და ნავთობით მდიდარი ქვეყანაა. შეგვიძლია, საზღვარგარეთ ხილიც გავიტანოთ, ბანანი, ქოქოსის კაკალი, ანანასი, ფორთოხალი.

„ოჰო! — გაიფიქრა დოქტორმა არისტამ. — გრაფი იარაღით ვაჭრობაზე უარს ამბობს და ექსპორტს უნდა მიჰყოს ხელი.“

— ამაზე თქვენი ინგლისელი მეგობრები რა აზრისანი არიან? მზად არიან ხილი შეისყიდონ?

— ინგლისელი მეგობრები? მზად არიან, მაშ! — გრაფი თითებში გარკობილ აბოლებულ სიგარას დააცქერდა. — პირადად მე განათლებულ ინგლისელებთან მირჩევნია საქმის დაჭერა, ვიდრე ამ ბრიყვ ამერიკელებთან. მაგრამ სინამდვილეს თვალი უნდა გავუსწოროთ. მსოფლიო ომმა ინგლისს საკმაო ვალები დაუტოვა. ახლა ამერიკელებისთანა მდიდრები მსოფლიოში აღარავინაა.

— მერე ის იყიდის ჩვენგან რამეს?

— ერთი დაბრკოლებაა. საქმოსნები საღად აზროვნებენ. ისინი გვეკითხებიან: განა თქვენ შეგიძლიათ რაიმე მოგვაწოდოთ? თქვენთან ხომ მთავრობასაც ვერ გაიგებ, ვინ არის: ქვეყნის ერთ ნაწილს გლეხები მართავენ. მეორეს — გენერლები, რომლებიც გლეხებზე უარესები არიან.

— ისინი, რა, ეგრეთ წოდებულ მძარცველთა არმიას უარესს უწოდებენ, ბატონო გრაფო? ეს არმია ხომ თქვენი მებატონური ინტერესების დასაცავად იბრძვის?

— ო, ბატონო დოქტორო, ასეთი ძველი მოდების მიმდევარი როდი გახლავართ! თანამედროვე სახელმწიფოში მემამულეები ისეთი სამკაულია, რომელსაც ასე თუ ისე კიდევ ითმენენ. სინამდვილეში კი მართვა-გამგეობის სადავეები ახლა ინდუსტრიას და ბანკებს უჭირავთ ხელში. ახალ გზას დროულად უნდა დაადგე.

— როგორცა ჩანს, თქვენ იმ აზრზე დამდგარხართ, რომ მიწა გლეხებს მისცეთ, თუკი თქვენს მალაროებში მადნეულის მოპოვებისა და ხილის ექსპორტირების ნებას მოგვეცემენ, — მიუგო ვეჟილმა. — გამოდის, საპატამ გაიმარჯვა და მისი ლოზუნგი „მიწა და თავისუფლება“ შესრულებული იქნება.

— რამდენადმე ასეც არის, მაგრამ ეს რას შეეღის? ჩვენ მშვიდობა გვინდა.

არისტამ გრაფს განცვიფრებით შეხედა. ვინ იცის, იქნებ ეს ინგლისელებისა და ამერიკელების მეგობარი მათ აზრსაც გამოხატავს!

დოქტორი არისტა პრეზიდენტთან იხმეს. გონსაღესი მას მეტსმეტად აღელვებული დაუხვდა.

— საჭიროა ბოლოს და ბოლოს ეს სამოქალაქო ომი დავამთავროთ! — ცხარედ თქვა კარანსამ. — ჩვენი სალაროები გა-

მოიფხიკა. ვალებს რით გადავიხდით? — მერე ცოტა დამშვიდდა და განაგრძო. — მაგრამ ისე ხომ არ შეგვიძლია, რომ ავდგეთ და ომი პირდაპირ შევწყვიტოთ? საპატას მოსყიდვა რომ შესაძლებელი იყოს, მზადა ვარ დიდი მამული ვუბოძო, მაგრამ მაგ კაცს ამის თაობაზე ჩვენი მიგზავნილი ხალხის გადაკრული ნათქვამის გაგებაც კი არ უნდა. მართალი გითხრათ, რალაც საშინელი რამ მოხდა. გუშინ ამერიკის ელჩმა განმიცხადა, ამერიკის შეერთებული შტატების მთავრობას მიაჩნია, უნდა ჩაქრეს ის შფოთის კერები, დღეს, ომის დამთავრების შემდეგ, ჯერ კიდევ რომ არსებობსო. ჩემს შეკითხვაზე, რა შფოთის კერებზე ლაპარაკობთ-მეთქი, ელჩმა მიპასუხა: „პირველ რიგში, ეს არის რუსეთის ბოლშევიზმი, — ელჩმა ეს ხაზგასმით აღნიშნა, — მექსიკა შეერთებული შტატების მეზობლადაა, აქ კი ჯერაც არსებობს ვილაც საპატა“.

ელჩის ეს შენიშვნა მე მუქარად მივიჩნიე. 1847 წელს გრინგობმა ჩვენი ქვეყნის ნახევარზე მეტი დაიკავეს: კალიფორნია, სანტა-ფე, ტეხასი — რა საჭიროა ჩამოგითვალთ. თქვენ ისურვებდით ისეთი ქვეყნის პრეზიდენტობას, რომლის ნახევარს მტაცებელი მეზობლები კიდევ ჩამოაპყრიდნენ? მე არ ვისურვებდი. საპატა უნდა განადგურდეს! მზად ხართ თუ არა, წახვიდეთ გენერალ პაბლო გონსალესთან და მას, არაოფიციალურად ჩემი განკარგულება გადასცეთ?

არისტამ ვერ გაიგო, რატომ აპირებდა პრეზიდენტი თავი ი არმიისათვის არაოფიციალურად მიეცა ბრძანება შეტევაზე გადასვლისა. „ვინ იცის, — გაიფიქრა არისტამ, — იქნებ იმიტომ, რომ საპატას მოულოდნელად დაატყდნენ თავს?“ ყოველ შემთხვევაში, დოქტორი არისტა სიამოვნებით დაეთანხმა, მაგრამ შეეცადა, ეს სიამოვნება დაეფარა, რათა კარანასს არ გაეგო მისი სწრაფვა გუბერნატორის პოსტისაკენ — იქნებ საპატას დამარცხების შემდეგ მაინც მიიღოს ეს თანამდებობა რომელიმე ოლქში, ამჟამად საპატას სამფლობელოს რომ წარმოადგენს.

წ ე რ ი ლ ი

ერთხელ. როცა ტრინი და კნაჭა ვაზეთში ამოკოხულ ცნობებს მოახსენებდნენ, საპატამ მარიოს უთხრა:

— შეგიაღლია ამიხსნა, რუსეთში რა მოხდა? დიდი რუსეთი?

- ძალიან დიდი.
- მექსიკისოდენა იქნება?
- გაცილებით დიდი.
- მერე გლეხების ბელადი იქ ლენინია?
- ლენინი გლეხების ბელადი კი არ არის, მუშების ბელადი.

— მერე იმან რომ მებატონეთა მიწები გლეხებს დაურიგა? — იკითხა ისევ საპატამ. — მაშასადამე, იმათაც ეს მიზანი ჰქონიათ, რაც ჩვენ. არ შეიძლება, წერილი მივწეროთ? მე მგონი, უნდა შევატყობინოთ, რაც აქ გავაკეთეთ, და აუხსნათ ჩვენი ლოზუნგის მნიშვნელობა. იმან კი ის გაგვიზიაროს, თვითონ რატომღა იბრძვის. გაზეთებიდან ჩანს, რომ ახლა გრინგოებიც ჩვენს წინააღმდეგ არიან, ეგ გრინგოები ლენინის წინააღმდეგაც ილაშქრებენ. გამოდის, რომ ჩვენ შეგვიძლია ლენინთან კავშირი დავამყაროთ.

გადაწყვიტეს, წერილს ინგლისურ ენაზე მარიო შეადგენდა. მაგრამ წერილი რომ გამზადდა, ერთი დაბრკოლების წინაშე აღმოჩნდნენ: როგორ გაეგზავნათ იგი მოსკოვში. ბოლოს, მარიომ წინადადება წამოაყენა, — ერთ-ერთ ჩემს მეგობარს ვთხოვ, წერილი როგორმე გაგვიგზავნოსო.

— ის იცნობს ერთ კაცს. მას შეუძლია ამ საქმის მოგვარება, მაგრამ ჩემს მეგობარს ვილა მიუტანს ამ წერილს?

მას ლაპარაკი უცბად ამბროსიამ შეაწყვეტინა. მან პირდაპირ დაიწყო:

— როზა დაიჭირეს, ციხეში ჩააგდეს და ახლა საშინლად აწამებენ.

— მერე გავცემს? — იკითხა საპატამ.

ამბროსიამ თავი ასწია:

— არაფერს იტყვის. რაც არ უნდა საშინლად აწამონ, ხმას არ ამოიღებს. შენ უკვე იცი, რომ ახლახან ინესაც ჩაიგდეს. მას ძალიან მნიშვნელოვანი ცნობები ჰქონდა თავში, ის როზაზე სუსტიც არის და გულჩვილიც. შიმშილითა და წყურვილით კინალამ სული ამოხადეს, მაგრამ ერთი სიტყვაც ვერ დააცდენინეს, ბოლოს გაათავისუფლეს, რადგან მტერმა დარწმუნებით არ იცოდა, ინესა ჩვენი მზვერავი თუ იყო.

— ალბათ როზასაც გამოუშვებენ, — თქვა საპატამ.
ამბროსიამ თავი გაიქნია.

— შენ თვითონ წარმოიდგინე, ემილიანო, როზა კერპი და
ჯიუტია. მეშინია, ვაითუ ველარ დაბრუნდეს.

იმავე დღეს საპატამ ტრინი დაიბარა და უთხრა:

— შენ ერთი ძალიან მნიშვნელოვანი წერილი უნდა წაიღო
და აუცილებლად მარიოს მეგობარს გადასცე. მაგრამ მოკლე
გზით არ წახვიდე, იქ მტრის ნაწილებია ჩასაფრებული. ამბრო-
სია გამოგაყოლებს გამცილებელს. იგი უშიშარ ადგილამდე მი-
გიყვანს. შეგიძლია დავალება შეასრულო?

აღელვებისაგან ტრინის ალმური მოეკიდა: საპატა მას უშუ-
ალოდ აძლევს ასეთ მნიშვნელოვან დავალებას!

— შემიძლია!

საპატამ თავი დაუქნია:

— კარგი. ფულსაც მოგცემენ. მარიო, დაწვრილებით აუბ-
სენი, სად ნახავს შენს მეგობარს. ხომ არ დაუწერ?

— არა, — თქვა ამბროსიამ. — დაწერა არ შეიძლება. მარიო
იმდენჯერ ეტყვის, სანამ ტრინი ზეპირად დაისწავლიდეს.

— წერილს სადღა დამალავს? — იკითხა საპატამ.

— მე მგონი, ჯობია, ბაღურაში ქოთნები ჩაალაგოს, შიგ
სიმიინდი ჩაყაროს და ერთ-ერთ ქოთანში ფსკერზე წერილი
დამალოს.

იერონიმომ თავი გადააქნია.

— არა, ძნელი სატარებელი იქნება, თუმცა ტრინი თხუთმე-
ტი წლის ბიჭის პირობაზე საკმაოდ ღონიერია.

ყველა ჩაფიქრდა.

უცბად ტრინიმ თქვა:

— დოქტორ პეპეს ერთი დახეული ექიმის ჩანთა აქვს. თვი-
თონ აღარ ხმარობს. შიგ გამოუსადეგარ სააფთიაქო ქურჭელს
ჩავალაგებ. ერთ ცარიელ შუშის ქილას ქალაღს შემოვაკრავ,
შიგ დახვეულ წერილს ჩავდებ, ზემოდან კი ხმელ, სუნიან ფოთ-
ლებს დავაყრი... თუ ვინმე მკითხავს, სად მიდიხარო, ვეტყვი:
ქალაქში, წამლების საყიდლად მივდივარ-მეთქი. დოქტორ პე-
პეს რეცეპტებს გამოვართმევ და ჩემი გადაკარგვა აღარც მას
გაუკვირდება.

- შენა გგონია, პეპე ეგეთი სულელია? — გაეცინა მარიოს.
 — კარგი აზრია, — თქვა საპატამ. — როდის შეუძლია წავი-
 დეს, ამბროსია?
 — დღეს საღამოს.

საშინელი ამბავი

დოქტორი ხოსე აგუას ლეონი ავადმყოფებს იღებდა სახლ-
 ში. ეს სახლი პროვინციის მთავარი ქალაქის უზარმაზარ საკა-
 თედრო ტაძარსა და სანტა-როზას ეკლესიას შორის მდებარე-
 ობდა. ამ ქუჩაზე მდებარე ყოველი სახლი თეთრად იყო შეფეთ-
 ქილი. ტრინი სახლში შევიდა. მისაღები ოთახის კარი ღია
 იყო. შიგ არაეინ იმყოფებოდა.

ეკლესიიდან მსუქანი ქალი გამოვიდა, ტრინის გაცვეთილ
 ჩანთას თვალი შეავლო და თქვა:

- ჩემი ვაჟიშვილი ბალახ-ბულახს არ ყიდულობს.
 — მე წამლების გასაყიდად არ მოვსულვარ, მინდა თქვენს
 ვაჟიშვილს მისი კოლეგის მეგობრული საღამო გადავცე.

-- სხვა რა გინდა?

— წერილიცა მაქვს.

— შუადღისას შემოიარე.—ქალი სამზარეულოში მიიმალა.
 ტრინი ბაზარზე გავიდა. ქუჩის პირას, დუქნების წინ, მე-
 დუქნეებს ცხარე მზის სხივებისაგან თავის დასაცავად ტილოე-
 ბი გაეჭიმათ. მწვანელილოებისა და ხორცის სავაჭროებს იქით
 სასაუზმეები იყო ჩამწყკრივებული. გლეხები მაგიდებს მისხდო-
 მოდნენ. ტრინიც ერთ-ერთ მაგიდას მიუჯდა და გაოფლიანებულ
 ქალს ხორცჩახარშული ყავისფერი ლობიო შეუკვეთა.

— წინაქიანი გინდა? — ჰკითხა ქალმა.

— ჰო, წინაქიანი.

ქალმა მუცელგამობერილი თიხის ქოთნიდან მოწითალო
 ფერის „ჩილეს“ ცხელი წვენი გადმოასხა.

ტრინი ჰამდა, თან ავაზაკთა არმიის ჯარისკაცებს თვალს არ
 აცილებდა. ბაზარში მდგომი გამყიდველი ქალები მათ მტრუ-
 ლად უმზერდნენ, რადგან ამ ჯარისკაცთაგან მხოლოდ ცუდს
 მოელოდნენ.

შუადღისას ტრინი ისევ დოქტორ აგუასს მიადგა. მაგრამ ის ჯერაც არ მოსულიყო. საღამოს პირას ვილაც ახალგაზრდა კაცი სახლში შევიდა და სამზარეულოსაკენ გასძახა:

— დედა, მე საავადმყოფოში ვისადილე.

მაშასადამე, მარიოს მეგობარი ეს ახალგაზრდა კაცი იყო.

ტრინი მისაღები ოთახის კარებში გამოჩნდა. ექიმმა საწერ მაგიდაზე დახრილი თავი ასწია:

— რა ამბავია?

— მარიო პუენტე საღამს გითვლით.

— ერთი წუთით მომითმინე! — დოქტორი ფეხზე წამოხტა და ცოტა არ იყოს, ნაძალადევი ღიმილით თქვა: — აბა, როგორ გაგინჯო, როცა ქუჩიდან ვისაც უნდა ის შემოიხედავს? — ექიმმა კარ-ფანჯარა დახურა და განაგრძო: — ღვთის გულისათვის, ამ სახელს აქ ნულარ იტყვი. რა მოხდა?

ტყავის ჩანთიდან ტრინიმ ქილა ამოიღო, იქიდან კი დახვეული წერილი. ექიმმა კონვერტზე მისამართი წაიკითხა და გაცეხულმა იკითხა: — ლენინს?.. ჰო, გაგზავნა კი შემიძლია, მაგრამ... — ექიმი ფანჯარს ნერვიულად ათამაშებდა, — ახლავე თუ შეგიძლია გაბრუნდე? ამაზე გაცილებით საჩქარო საქმეა.

— ახლავე შემიძლია გაგბრუნდე.

— მაშ, მომისმინე. დღეს შუადღისას ერთ ოფიცერთან სასწრაფოდ გამომიძახეს. მას ზედმეტი დაელია და გულის შეტევა დამართნოდა. სანამ ქაფურს ვუკეთებდი, სხვა მთვრალი ოფიცრები ათას რამეს როშავდნენ. როგორც გავიგე, მათ გადაუწყვეტიათ, საპატა, ვითომ მოლაპარაკების მიზნით, თავიანთ ბანაკში მიიტყუნონ და მოჰკლან. როგორმე ახლავე უნდა შეატყობინო, რომ არ დაეთანხმოს მათთან შეხვედრაზე.

შეშინებულმა ტრინიმ იკითხა:

— ხომ არ იცით, სად აპირებენ მის შეტყუებას?

— სამწუხაროდ, ეს აღარ ვიცი. ნეტა ისე როგორ გავიგო, რომ მათი ყურადღება არ მივიპყრო?

— მაშ მე დაუყოვნებლივ დავბრუნდები.

— მოიცა! — შესძახა ექიმმა. — რომელი გზით წახვალ?

ტრინის მისთვის ამის თქმა არ უნდოდა და ყოყმანობდა.

— მენდე! — თქვა დოქტორმა აგუასმა. — ალბათ პირდაპირ აღმოსავლეთით აპირებ წასვლას. თუმცა ეს უმოკლესი

გზაა, მაგრამ შენ ადგილას მე მაგ გზაზე არ წავედლოდი, რადგან ეგ გზა მძარცველთა არმიის ძირითადი სავალია. შენთვის ჯობდა... — ექიმი ჩაფიქრდა. — აბა, რას უპასუხებდი, ვინმეს რომ ეკითხა, სად მიდიხარო?

ტრინი ერთ ხანს ისევ შეეყოყმანდა და მერე თქვა:

— მივდივარ უახლოეს ქალაქში დოქტორ ადოლფო სარაგოსა სოლერისათვის ასპირინისა და ამგვარი წამლების შესაძენად.

ექიმმა განცვიფრებით ჰკითხა:

— დოქტორი ადოლფო სარაგოსა სოლერი აქ მართლაც ცხოვრობს, მაგრამ შენ ეს როგორ გაიგე?

— მე ხომ თქვენს გვარს ვერ დავასახელებ. ყოველ შემთხვევაში, ქუჩაში რომ დავეხეტებოდი, ეგ გვარი აბრაზე წავეიკითხე.

— ბიჭოს, კითხვაც იცი? კაი ეშმაკი ბრძანებულხარ! მამს საფოსტო გზით წადი... ნაწერი რამ ხომ არაფერი გაქვს?

— მხოლოდ იმ წამლების რეცეპტები, ვითომ რომლის ყიდვასაც ვაპირებ.

— ეს კარგია, მაგრამ კიდევ რაღაც გამახსენდა. ეგ გზა მდინარესთან მიგიყვანს, ხიდზე გუშაგები დგანან. რა ძალა გადგია, მაგათ რომ არ შეეხეჩო. მდინარეზე გადასასვლელად სხვა გზას გიჩვენებ. ახლა ბაზარზე გადი. მე გვერდით ჩამოგივლი და ცოტა მოშორებით, უკან გამომეღვენე.

ტრინი ბაზრისაკენ გაემართა. ექიმმა ფაცა-ფუცით ჩაალაგა ორიოდე შპრიცი და ამპულები და იმ გზას გაუყვა, ბაზრისაკენ რომ მიემართებოდა და მერე ქვემოთ ეშვებოდა. ქუჩის ბოლოს ნაგავი ეყარა. იქ ექიმმა დაბლა ჩაირბინა.

ტრინი მას მისდევდა. დაბლა, ორმოებს გვერდით, აგურები დაეწყოთ. ბალახმოედებულმა, დაკლანილმა ბილიკმა ისინი სქელ ფიცართან მიიყვანა. ეს ფიცარი ვიწრო, მაგრამ საკმაოდ ღრმა მდინარეზე ხიდად გაედოთ. ტრინი მეორე ნაპირზე გადავიდა.

დოქტორი უცბად შეჩერდა. ეტყობოდა, რაღაც გაახსენდა, და ერთ ახალგაზრდა მამაკაცთან მივიდა, რომელიც თავის ცოლთან ერთად ქოხს აშენებდა.

ტრინის მისთვის გაუგებარ, ინდიელთა კილოკავზე გაცხარებული ლაპარაკი შემოესმა.

ყმაწვილმა ქალმა ტრინის ხელი დაუქნია და ახლო მისულს ესპანურად უთხრა:

— დაჯექი, ახლავე მკადს მოგიტან. წინ შორი გზა გიღვეს, უნდა დანაყრდე.

მაშასადამე, ქალმა გაიგო მამაკაცების ლაპარაკი.

ტრინის დაყოვნება აღარ უნდოდა:

— ისედაც მაგვიანდება!

ექიმი მას მიუბრუნდა:

— დაწყნარდი! დომინგო შემპირდა, ორ სახედარს იშოვნის და უახლოეს ქალაქამდე მიგიყვანს. მერეც კარგა გზა გაქვს გასავლელი, ძალ-ღონე დაზოგე.

ქალს კობტა ცხვირი და საოცრად მშვიდი, წყლიანი ფართო თვალები ჰქონდა. მან ტრინის მკადი და რაღაც მწარე ბოსტნეული მოუტანა. მკადი და შესატანებელი ტრინის ძალიან უყვარდა, მაგრამ ახლა ისე იყო აღელვებული, ჰამა აღარც ახსოვდა. ვილაციის ხმა ჩასძახოდა: „საპატას უშველე, საპატას, მექსიკის საუკეთესო ადამიანს“.

მათხოვარ ვალენტინთან

დაღამდა. ვირზე შემეჯდარი, ჩაფიქრებული ტრინი დომინგოს ჩაქჩაქით მისდევდა გვერდით. მას უნდოდა, უკანაც იმავე გზით გამობრუნებულიყო, რომლითაც აქ ჩამოვიდა, ქალაქ მოლინოსთან ახლოს არ გაევიღო. ეს ნახევარი დღით გაუგრძელებდა გზას. ამ ხნის განმავლობაში კი შეიძლებოდა საშინელი რამ მომხდარიყო: ვაითუ საპატა დათანხმებოდა მოლაპარაკებაზე.

— დომინგო! — ხმადაბლა დაუძახა ტრინიმ.

— ჰო, რა გინდა?

— მოლინოსზე მინდა გავიარო.

— ეგ ქალაქი ავაზაკ ქარისკაცთა საბუდარია. გენერალი

გონსალესიც იქა ცხოვრობს. ქალაქის მისადგომებამდე კი მი-
გიყვანდი, მაგრამ მერე როგორ წახვალ?

— იქ ვინმეს ვიპოვნი და დამეხმარება.

ლომინგომ ცოტა ხანს იყუჩა. ის შესცქეროდა თავის სახელ-
რის ყურებს, სიბნელეში ყოველი ნაბიჯის გადადგმაზე რომ
უპანტურებდა. მერე ჩურჩულით თქვა:

— აუცილებელია შენი იქ მისვლა? გესმის, რომ ეგ ძალიან
სარისკოა?

— მესმის, როგორ არა, — მიუგო ტრინიმ. — ამას წინათ იქ
ჩვენი ერთი მწვერავი გოგო შეიპყრეს. — ტრინის როზა გაახ-
სენდა, მისი სახელი კი არ ახსენა.

— მერე რა უყვეს?

— არავინ იცის.

ამ ხნის მანძილზე ტრინი სულ როზაზე ნადვლობდა.

— შენ მაინც გინდა, მოლინოსში შეიარო? — ჰკითხა ლო-
მინგომ.

— ხომ იცი, რატომაც. მოვალე ვარ.



შადრევნით დამშვენებული დიდი ბაზრის მოედანს სანახევ-
როდ ჯერაც ისევ ჩრდილი ადგა. რამდენიმე ქალი ჩაჩოქილიყო
და კალათებიდან ხილსა და ბოსტნეულს ალაგებდა. სასაუზმე-
ებში მზარეულები ამთქნარებდნენ და მაყლებში ცეცხლის გაღ-
ვივებას ცდილობდნენ. ტრინიმ რამდენიმე ცალი ოქროსფერი
ბანანი იყიდა და ჭამას შეუდგა, თვალთ კი მოედანს ზვერავედა,
განსაკუთრებით ქუჩის კუთხეს. ბაზარში მძარცველთა არმიის
ჯარისკაცები ჯერ არ გამოსულიყვნენ. მოდიოდნენ ქვედატანებ-
აქცილი ფეხშიშველი ინდიელი ქალები, უფრო მეტად ორ-
ორნი, და თავიანთ ენაზე მშვიდად საუბრობდნენ.

მარცხნივ ვილაც კაცი გამოჩნდა. ყოველ კუთხეში ჩერდე-
ბოდა და გზის გაგნება უჭირდა. იგი ბრმა მათხოვარი იყო. ტრი-
ნი მისკენ გაემართა ბანანის ლეჭვით. ამოთეთრებულ თვალებს
მათხოვარი აქეთ-იქით ატრიალებდა.

ტრინი მათხოვართან მივიდა და უთხრა:

— მოდი, მამილო, ქუჩაზე მე გადაგიყვან.

მათხოვარმა ამოთეთრებული, ფართო თვალები ტრინის მი-

აპყრო და თავი დაუქნია. ტრინიმ მას მარჯვენა ხელი დაუქპირა და შიგ პატარა კენჭი ჩაუდო. ვალენტინი შედგა, თვალები საზარლად გადაატრიალა და მშვიდად და ხმადაბლა თქვა:

— ეკლესიაშიც მინდა შევიღე.

ტრინის ხელი ოდნავ მოსწია და უჩვენა, საითაც უნდოდა წასვლა. ქონმახების გაყოლებით ციცაბო აღმართი აიარეს და ხეებით უწესრიგოდ შემორაგულ მოედანზე გავიდნენ. მოედნის შუაში საკმაოდ დიდი ეკლესია იდგა: ისინი შიგ შევიდნენ და პირჯვარი გადაისახეს.

ეკლესია შიგნიდან ნაირფრად იყო შეღებული. საკურთხეველის ზემოთ, წმინდანთა ფრესკებს ოქროს ვარაყი ჰქონდა შემოვლებული.

— რომელი კუთხეა თავისუფალი? — იკითხა ბრმამ.

მარცხენა მხარეს არავინ ჩანდა. მაღლა, საკურთხეველს ქალი მტვერს სწმენდა. მათ გვერდით, საკურთხეველის საფეხურზე ჩაიჩოქეს, პირჯვარი გადაიწერეს და საკურთხეველის ფრესკას შეაკქერდნენ.

ტრინი ვითომ ლოცულობდა, ჩურჩულით ყვებოდა, მძარცველები საპატას მოკვლას უპირებენო. ბრმა მოუსვენრად აწრი-ალდა და ამოთეთრებული თვალის კაკლები აატრიალა.

— ამბროსიას იცნობ? — იკითხა მან.

— ჩემი დიდედაა.

— რაც შენ მითხარი, ჩვენ ჯერ არ ვიცოდით, — განგებ გულგრილი კილოთი დაიწყო ვალენტინმა. — მაგრამ ეგ განზრახვა ალბათ მართლა აქვთ. სამი დღის წინათ ქალაქში უმაღლესი ოფიცრების შეკრება იყო. მათ ვილაც მეხიკოდან ჩამოსული კაცი ელაპარაკა. მე გატეხილ ფანჯარასთან ვიდექი, საიდანაც, თუ კარგი სმენა აქვს კაცს, ყველაფერს გაიგონებდა. ჩამოსულმა ბატონმა თქვა, ვენუსტიანო კარანსამ გამომგზავნაო. ჩემს ნათქვამს დაიმახსოვრებ, თუ კიდევ გაგიმეორო?

— არა, არ მიხდა. დავიმახსოვრებ.

— პრეზიდენტმა ბრძანა, ოფიცრებისათვის გადაეცათ, საანგარიშო პატაკები მივიღე და ახლა უკვე ნათელია, რომ გლეხთა არმიის გასანადგურებლად ძალები არ გვეყოფაო. მერე ხმას ისე დაუწია, ძლივს გავიგონე, რასაც ამბობდა. ახლა განსაკუთრებულ ზომებს მივიღებთ და ძალთა თანაფარდობა ჩვენს სა-



სარგებლოდ შეიცვლებაო. დაიხსომე? განსაკუთრებულ ზომებს მივიღებთ, რითაც ძალთა თანაფარდობა ჩვენს სასარგებლოდ შეიცვლებაო. შეტევა რამდენიმე დღეში დაიწყება და არმია მზად უნდა იყოს. დაიხსომე?

— დაეიხსომე მამილო.

— მერე პრეზიდენტის ელჩთან ერთად მთელი ღამე ღრეობაში გაატარეს. გუშინ შუადღისას ოფიცერთა და ცხენოსან ჯარისკაცთა ერთი ჯგუფი სადღაც გაემგზავრა.

— საით გაემგზავრა?

— აქეთ ჩაიარა, ეკლესიის გვერდით, მაგრამ საით, ამას ვერ გეტყვი. ალბათ სადმე ჩაუსაფრდება საპატას და მოკლავს.

— მაშ ახლავე უნდა გავიქცე! — წამოიძახა ტრინიმ, თუმცა ასე ყვირილი აქ არ შეიძლებოდა. — მამაო ვალენტინ, გამყოლს ხომ ვერ მიშოვნით? საპატას შველა ალბათ მარტო მე თუ შემიძლია.

ტრინი საპატასაკენ მიეშურება

ვალენტინის ნაშოვნმა გამცილებელმა ტრინი შუადღისას ერთ სოფელში მიიყვანა. ამას იქით გზა აღარ იცოდა. მარჯვნივ შავი კლდეები აყუდებულიყო, რაც სოფელს კიდევ უფრო ნაღვლიან იერს აძლევდა, რადგან ალიზის ქოხები ისედაც შეუთეთრებელი იყო. სოფლის შუაში მტკრიანი და ხრიოკი მოედანი იყო. მოედნის ირგვლივ ქოხები იდგა. ქოხების სახურავებისთვის უხეშად გაჩორკნილი ხეები შეეყენებინათ, ვითომ სვეტებიო.

მათ მეორე ქუჩაზე გაუხვიეს, სადაც თითქმის ქალაქური სახლების უკან გლეხური ქოხმახები იდგა. ერთი ქოხის წინ ქალი ჩამომჯდარიყო და მოყავისფრო-მოწითალო თიხიდან სურას ძერწავდა. მის გვერდით, მაგიდასთან, მამაკაცი იდგა და გამოუმწვარი ჭურჭლის ხორკლიან ზედაპირს ჯოხით ასწორებდა. უკან, თაროებზე, გამომწვარი და გამოუწვავი ქოთნები ელაკა.

ტრინის მეგზური მეთუნეს თავის ენაზე გამოელაპარაკა. ტრინს სიჩქარისაგან მოთმინება ეკარგებოდა, მექოთნე კი ღინ-

ჯად და ნელა ლაპარაკობდა, ქოთნებს ჯოხს ნელ-ნელა უსვამდა და ესპანურად ღრიტინებდა:

— დაბლა, ვაკეზე მძარცველთა არმიის საგუშაგოებია. იქ ვერავინ გაიპარება. მთას უნდა შემოვუაროთ. იქ მიმავალ ბილიკზე გუშინ გუშაგი არ იდგა. გზა კი ძალიან ცუდია. — მან ტრინის გადახედა. — შენ ახალგაზრდა ხარ, თანაც კარგა ხანია მოდიხარ, იმ გზის გადავლას შეძლებ?

— შევძლებ, — თქვა ტრინიმ და დაუმატა: — საქმე საპატას ეხება, მაშასადამე, უნდა შევძლო.

მეთუნემ თითქოს გულგრილად მოისმინა ტრინის ნათქვამი, ჯოხი დასდო და ცოლს უთხრა:

— მქადები ჩაგვილაგე, — მერე ტრინის მიმართა, — წყალი ხომ არ გწყურია?

— კი, ძალიან მწყურია, — მიუგო ტრინიმ.

— ერთი ქოთანიც მოგვეცი წყლისთვის. — მექოთნემ ნელა ჩაიკვა სანდლები.

ქალმა ქმარს მხარიღლივ ქოთანი გადაჰკიდა და სიტყვის უთქმელად სახეში შეაჩერდა. კაცმა ცოლს თავიანთ ენაზე რაღაც უთხრა, ალბათ არ შეგეშინდესო, დაუბარა.

მეთუნემ და ტრინიმ მოედანი გადაიარეს და ნელა გაუყვნენ გზას ქოხმახების გასწვრივ. სოფლის განაპირას რომ გავიდნენ, სადაც გზა ცუდი სავალი გახდა, მეთუნემ ნაბიჯს მოუმატა.

ბუჩქნარს რომ მიუახლოვდნენ, მექოთნემ თქვა:

— მართალია, აქ გუშაგები ველარ შეგამჩნევენ, მაგრამ მაინც ნუ ილაპარაკებ.

გზა ჯერ მალლა. მიიმართებოდა, მერე მთას უვლიდა ირგვლივ. მექოთნემ ნაბიჯს კიდევ მოუმატა. როცა იმ ადგილას მივიდა, საიდანაც ველი გამოჩნდა, მეგზურმა თვალი მოავლო იქაურობას, მაგრამ დაბლა, ეტყობოდა, არავინ იყო.

უცბად ერთ ადგილას მიეყინა და მერე აჩქარებით ჩაჯდა. ტრინიმაც მას მიბაძა.

კაცმა ხელი წინ გაიშვირა, რაც იმას ნიშნავდა, რომ საშიშროება იქიდან მოელოდათ. მერე ტრინი უკან გამოიყვანა და მთას ხოხვით აუყვნენ. ხოხვა ძალიან უჭირდათ, მაგრამ მალე გავიდნენ სწორ ადგილას. ინდიელმა ტრინის ქოთანი მიაწოდა და უთხრა:

— აჰა, დალიე და ცოტა წაიძინე. მეც მალე მოვალ. კარგად უნდა გამოიძინო. გესმის ჩემი? — მექოთნე ჩაფიქრებული უმზერდა ტრინის.

ტრინიმ თავი დაუქნია, გაგიგონებო. ისე იყო დაქანცული, ფეხზე ძლივს იდგა. მიხვდა, მექოთნე მარტოც მშვენიერად მოძებნიდა ბილიკს, რომ გუშაგებს გასხლტომოდნენ.

ტრინიმ არ იცოდა, რა ხანმა განვლო. ხელი წაჰკრეს თუ არა, მაშინვე გაახილა თვალები. უცნობის დანახვაზე ძალიან შეშინდა, მაგრამ თავსწამომდგარი ინდიელი ტრინის აღერსიანად უღიმოდა.

— ჩქარა წამოდი, მექოთნე იქ გელოდება, ზემოთ.

ტრინი ამ კაცს არ იცნობდა, მაგრამ მაინც გაჰყვა.

შუახნის, ჩასკვნილი მამაკაცი იყო. არც კი გასკირვებია, ჯერ ტრინის შემოსვამდა კლდეზე, მერე თვითონაც აცოცდებოდა მარჯვედ. მაგრამ ორივე მალე ოფლში გაიწურა. სულ ციკაბო კლდეზე მიდიოდნენ და მიდიოდნენ. შეიძლებოდა, საერთოდ, ასეთ ფრიალოზე ასვლა? უცნობმა, ეტყობოდა, გზა კარგად იცოდა. უცბად ტრინიმ განზე გამდგარ მექოთნეს მოჰკრა თვალი.

როგორც კი მიუახლოვდნენ, მექოთნემ თქვა:

— აბა, სწრაფად ვიაროთ.

ძნელად ასასვლელელებზე ტრინის ორივე კაცი ეხმარებოდა. მაგრამ ტრინის მაინც უჭირდა მათი მიყოლა. მათაც შეამჩნიეს ტრინის დაღლა, მაგრამ, როგორც ჩანდა, აჩქარების მიზეზი ჰქონდათ. უცბად ბილიკი დაბლა დაეშვა. დაძაბულობისაგან ტრინის მუხლები უცახცახებდა. ღონიერმა ინდიელმა მას ხელი მიაშველა, რომ არ დაცემულიყო.

ბოლოს, როგორც იქნა, სწორ გზაზე გავიდნენ.

აჩქარებულ სიარულში უცნობმა უთხრა ტრინის:

— საშიშროებამ განვლო. მძარცველთა ჯარისკაცები აქ აღარ შეგხვდებიან. მაგრამ გზის ერთი ნაწილი მაინც სწრაფად უნდა გაიარო. შენს ბედზე შეეხვდი აქ მეთუნეს. ჩემი ბიჭი სოფელში გავგზავნე. ისინი იქიდან ჩვენსკენ მაცნეს გამოვზავნიან. იქაც მეორე მაცნე დაელოდება და ამბავს სხვას გადასცემს. ინდიელები მუდამ ასე შვრებიან. გასაგებია?

ტრინის ლაპარაკი აღარ შეეძლო და მხოლოდ თავი დაიქნია.

შუბლსა და კეფაზე ოფლი წურწურით ჩამოსდიოდა. მეტისმეტად დაქანცულს ფიქრის თავიც აღარ ჰქონდა, მაგრამ ის მაინც გაიგო, რომ მის მაგივრად ახლა სხვები გაიქცეოდნენ.

ბუჩქს რომ შემოუარეს, დაინახეს მათკენ აჩქარებით მომავალი ახალგაზრდა.

ტრინი სულს ძლივს ითქვამდა და შიკრიკს სვენებ-სვენებით ძლივს დააბარა, რაც ბრმისაგან მოისმინა. ნეტავი არ დაიბნეს და ყველაფერი უთხრას.

შიკრიკს ტრინიმ სამჯერ გაუმეორა:

— კარანსას სურს, საპატა მოლაპარაკების გამართვის მიზეზით თავის ბანაკში მიიტყუოს და მოაკვლევინოს. იმას რომ მოკლავს, მძარცველთა არმია იერიშს მიიტანს უმეთაუროდ დარჩენილ გლეხთა არმიაზე.

მ წ ე რ ლ ე ბ ი

ბოლო შიკრიკმა ყველაფერი კარგად დაიმახსოვრა და ქალაქისაკენ გაეშურა, სადაც საპატა ცხოვრობდა. მზე უკვე დასავლეთისკენ გადახრილიყო.

შიკრიკი ქალაქისთავის შენობისკენ გაემართა, მაგრამ წინკარში არავინ შეხვედრია. ხომ არ ვახშმობდნენ? ხან აქ დააკაკუნა, ხან იქ, ზოგან კარებიც შეაღო და შევიდა: ძალიან საჩქარო საქმე იყო. ბოლოს ერთგან, ზემო სართულში, ერთი ახალგაზრდა კაცი შეხვდა, მას შავი შარვალი ეცვა, ქურთუკი კი გაეხადა.

— ემილიანო საპატას სად ვნახავ?

— აქ არ არის.

— მაშ ვის მივმართო?

— ყველა წასულია, — უგულოდ მიუგო მწერალმა.

— ძალიან საჩქარო საქმეა.

— მაშ მე მითხარი.

შიკრიკმა მას დანაბარები სიტყვა-სიტყვით გადასცა. მწერალი თვალმბდაჭყეტილი უსმენდა.

— კარგი, გადაეცემ, — საქმიანად თქვა მან და იმდენ ხანს

შეიცადა, სანამ შიკრიკი წავიდოდა. მერე ქურთუკი გადაიკვია და აჩქარებით შევიდა პატარა სამიკიტნოში, სადაც მისი ორი ამხანაგი პულკეს სვამდა.

— ჩქარა აქ მოდი!

— სამუშაო დღე დამთავრებულია. რა, საპატა ხომ არ დაბრუნებულა?

— არა, მაგრამ, — მწერალი დაიხარა და თავის ამხანაგებს წასჩურჩულა, — ძალიან მნიშვნელოვანი საქმეა.

უფროსთან გამოძახებაზე მნიშვნელოვანი რა უნდა ყოფილიყო? მაგრამ რაკილა ამხანაგს მოუთმენლობა შეამჩნიეს, ფული გადაიხადეს და გამოვიდნენ.

თავიანთ ოთახში მათ გაიგეს, რომ საპატას მოკვლას უპირებდნენ და ალბათ გლეხთა არმიაზეც იერიშს მიიტანდნენ.

— ყველა მეთაური წასულია, — თქვა ერთმა. — ჩვენს არმიას ალბათ ბუღს აადენენ.

— ჩვენ კი, — დაუმატა მეორემ, — მძარცველთა არმიას ჩვეუცვივდებით ხელთ. ისინი გვეტყვიან, ო, ვაებატონებო, თქვენ ხომ აჯანყებულებს ემხრობოდით, აბა, კედელთან დადექით!

— მერე ჩვენ ხომ მათ ცნობებს ვაწვდიდით. განა არ გავაგებინეთ, რომ მათ ბანაკში ინესა და როზა დაზვერვაზე იყვნენ. როზა შეიპყრეს კიდეც.

— კი, ძმობილო, როგორ არა, ასე იყო, მაგრამ როცა მძარცველთა არმიის მეთაური ცხვირთან პისტოლეტს მოგიტანთ, მიდი და მერე ამტკიცე ეგეთი ამბები. არა, ბატონო, თავს ეგრე იოლად ვერ გაეწირავ. ამაღამვე მოვცოცხავ აქედან.

— ესე იგი, მათ მხარეზე გადასვლა გინდა?

მწერალმა ეშმაკურად ჩაიციხა:

— მე სხვაგვარი გეგმა მაქვს. უფრო ჭკვიანური ის იქნებოდა, მარტო მე რომ გამეკეთებინა, მაგრამ თქვენი დახმარება მჭირდება. უპირველეს ყოვლისა, — მან ხმას დაუწია, — შიკრიკის მოტანილი ამბები არავინ არ უნდა გაიგოს, თორემ სასლში ხალხი აღარ გამოილევა და იმას ველარ გავაკეთებთ, რასაც ახლა გეტყვით.

ტრინიმ იცოდა, რომ შიკრიკები საპატას შტაბში მის დანა-
შარებს მალე მიიტანდნენ. მაგრამ ერთი-ორი საათი მაინც წაი-
ძინა და ღამით ისევ გზას გაუდგა. ზურგზე ისევ ექიმის ჩანთა
ეკიდა. ნეტავ საპატა თუ გააფრთხილეს?

მთვარე ამოვიდა, ღამეს შუქი მოჰფინა. ირგვლივ ჩამიჩუმი
არ ისმოდა. როცა ტრინიმ ქალაქის მთავარ ქუჩას მიალწია, არც
ერთი სახლიდან შუქი არ გამოდიოდა, არც კაციშვილი ჩანდა
სადმე. ტრინის გული გაუსკდა. ნუთუ არმიას განგაშის ნიშანი
არ მისცეს?.. იმ სახლისაკენ გაემართა, სადაც ამბროსია ეგუ-
ლებოდა. ოთახში მთვარის შუქი იჭრებოდა. ამბროსიას იატაკ-
ზე ქილოფი გაეშალა და ზედ მიწოლილიყო.

— დიდედა! — ხმადაბლა დაუძახა ტრინიმ.

ამბროსიამ მაშინვე გაიღვიძა.

— ტრინი? უკვე დაბრუნდი? რა ჰქენი, ქალაქში ვერ ჩააღ-
წიე? ლენინისათვის გასაგზავნი წერილი ვერ გადაეცი?

— გადავეცი. ჩემი შემონათვალი არ გადმოუციათ თქვენ-
თვის?

— რა შემონათვალი?

— საპატას მტრის ბანაკში შეტყუება და მისი მოკვლა
სურთ. მერე ჩვენს არმიასაც იერიშს მოიტანენ.

ამბროსია ზეზე წამოიჭრა:

— რაო? საპატა და იერონიმო უკვე წავიდნენ, მათ მარით
და ნაწილის მეთაურებიც გაჰყვნენ.

— მოლაპარაკებაზე? — იკითხა შეძრწუნებულმა ტრინიმ.

— ჰო, ახლავე საპატას სახლში გავიქცეთ.

გზაში ტრინიმ უამბო, როგორ გამოგზავნეს ბანაკში შიკ-
რიკი.

ამბროსია ხმას არ იღებდა და საპატას ბინისკენ გაჩქარებით
მიადრებდა. შევიდნენ სახლში. არც მარცხნივ და არც მარჯვნივ
ოთახებში არავინ იყო. მერე ზემოთ აირბინეს. იქაც არავინ იყო.

ამბროსია ერთი წამით შედგა.

— ნეტავი მწერლები სადღა არიან? — მერე ტრინის მიუბ-
რუნდა: — ბალთასარი სად ცხოვრობს, თუ იცი?

— ვიცი.

— ახლავე აქ მოიყვანე! არა, არ გინდა! სჯობს, ჩვენ მივიღეთ მასთან.

ბალთასარი გააღვიძეს და შეატყობინეს, საქმე ცუდად არის. საპატას გაფრთხილება აღარ შეიძლებოდა. მტრის იეროშის მოსაგერიებლად აუცილებელი იყო არმიის მომზადება.

— დიდი ქვეგანაყოფის მეთაურთაგან ადგილზე ვილა დარჩა? — იკითხა ამბროსიამ.

— ყველა წასულია.

— მაშასადამე, არმიის მეთაურობა შენ უნდა ითავო.

თავზარდაცემულ ბალთასარს უარის თქმა უნდოდა. სიბნელეში არ ჩანდა მისი სახის გამომეტყველება.

ამბროსიამ პასუხი აღარ აცალა, გადაჭრით უთხრა:

— შეიძლება მძარცველთა არმია გათენებისას დაგვესხას თავს. მანამდე კიდევ ორიოდ საათი გვრჩება. ახლავე გავგზავნი ინესას მოლინოსში, ყაჩაღ გონსაღესთან. ინესას გულუბრყვილო სახე აქვს, თორემ, ისე ძალიან ეშმაკია. უნდა გავიგოთ, რას უზამენ საპატას, ან ჩვენს წინააღმდეგ გამოლაშქრებას თუ ფიქრობენ. მე საპატას ბინაში გადავალ. ყველა ცნობა იქ მოდის. ბალთასარ, გათენებამდე არმიის მომზადებას მოასწრებ?

— ყველა ნაწილისას ვერა. ყველგან ახალი მეთაურის დანიშვნაა საჭირო. მაგრამ ამისი ნუ გეფიქრება, ამბროსია, თავდაცვით ბრძოლებში კარგად გავიწაფეთ.



ინესას რომ მოელაპარაკნენ, ამბროსია და ტრინი ქუჩაში გამოვიდნენ. კაშკაშა მთვარის შუქზე არმიის ნაწილებს უკვე თავმოყრა დაეწყოთ და გასამგზავრებლად ემზადებოდნენ.

ამბროსიამ ჭრაქი მოძებნა საპატას ბინაში და აანთო. ნეტა ეს მწერლები რაღა იქნენ? ეგებ გამოთვრნენ და სადმე მიეყარნენ?

დიდელა და შვილიშვილი ოთახების ჩხრეკას შეუდგნენ. აქა-იქ ქაღალდების დასტები ეყარა, ძველი ქალაქისთავის საქმიანი ქაღალდები.

იერონიმოს ოთახს რომ მიაღწენ, ამბროსიამ ტრინის უთხრა:



— ერთი აქეთ მომინათე ეგ ჰრაქი!

აქ დამტვრეული ყუთი იდგა. ქალი დააქერდა. იგი გლებთა არმიის საველე სალარო აღმოჩნდა. სალარო გაეტეხათ და დაეცარიელებინათ.

— აი, ამიტომ აღარსად ჩანან მწერლები, — თქვა ამბროსიამ და მკაცრი, შავი თვალები ტრინის მიაპყრო. — მწერლის მოვალეობას ახლა შენ შეასრულებ.

— ცუდად რომ ვწერ? — მიუგო დაბნეულმა ბიჭმა.

— სალაროს ხომ არ გაძარცვა?

ტრინი დაქანცული იყო, მაგრამ რა დააძინებდა, როცა სხეები ბრძოლის ველზე მიდიოდნენ. ვთქვათ და საპატა მოკლან? ან იერონიმო? ან მარიო? ტრინი ყველას იცნობდა, ვინც კი საპატას გაჰყვა. ხშირად ეხუმრებოდნენ ხოლმე: ერთი ამ ფეხმარდ ტრინის დამიხედეთ, ნასწავლი კაცი გაგვიხდაო.

ნუთუ ყველანი დახოცეს?

ტრინიმ უკან მოიხედა და კარებთან აჩრდილივით ატუზული კნაჭა დაინახა.

— უკვე მობრუნდი? — ჰკითხა მან. — რა ამბავია? ჯარი საით მიდის?

ტრინის ყველაფერი თავიდან უნდა ეამბნა და საშინელი გულსტკივილი იგრძნო. ნუთუ აღარაფერი ეშველება, საპატას მოკლავენ?

კნაჭა თვალებგაფართოებული შესცქეროდა ტრინის და ხმას ვერ იღებდა. ორივენი სკამებზე მიყინულიყვნენ. ოთახში გრილი ღამის სიო იჭრებოდა, მაგრამ ტრინი ვერაფერს გრძნობდა.

ინათა. მათი ადგომის დრო მოსულიყო, ტრინი კი ჯერ არც დაწოლილიყო. ამომავალმა მზემ ყმაწვილებს ნალველი ვერ გაუფანტა. რამდენიმე ხნის შემდეგ ისინი ამბროსიას და კანდელარიას სანახავად გაემართნენ. ორივეს ჯავრისაგან სახეზე მკვდრისფერი დასდებოდა და კრიკა შეჰკვროდათ.

მკვლელების ნაღიმი

ლეიტენანტმა ტორესმა ჩაბნელებულ ქუჩაზე მისკენ მომავალი მხედრები შეამჩნია. გენერალ გონსალესის სახლის წინ ცხენებიდან რომ ჩამოხტნენ, ოფიცრებში ტორესმა თავისი მეგობარი ალონსო შეიცნო. ეს ის ალონსო იყო, რომლის შემწეობითაც თავის დროზე მეხიკოში ტორესი არმიაში ისევ ლეიტენანტის ჩინით მიიღეს. ამ ხნის მანძილზე ისინი საერთო საქმეზე ერთმანეთთან მჭიდროდ დააკავშირა. მათი საქმე კი არ იყო კეთილი საქმე. ტორესი ალონსოსთან მივიდა.

— საიდან მოდიხართ ასე გვიან?

ალონსომ პირზე თითი დაიდო, გაჩუმდით. ტორესმა ახლად შეამჩნია, რომ მოსულთა შორის თვით გენერალი გონსალესიც იმყოფებოდა. როგორც კი გენერალი მაღალი ჩინის ოფიცერთა თანხლებით სახლში შევიდა, ალონსომ თქვა:

— რაღაც დაღვევის ხასიათზე ვარ.

— აჰ, იმ დარბაზში შევიდეთ. იქ მაიორი საღვო კანო თავის დაბადების დღეს ზეიმობს.

— არა, იქ არ მინდა! — თქვა ალონსომ.

— რა დაგემართა? დღეს კაცი ვერ მოგეკარება.

— ნუ მეკითხები, — თქვა აღელვებულმა ალონსომ. — არ მინდა, იმ ზეიმის დამსწრე ოფიცრებმა ახლა გამოკითხვები მომიწყონ.

— რა მოხდა? რაშია საქმე?

ალონსო დაიხარა და ტორესს წასჩურჩულა:

— საპატას შევხვდით და...

— გლენებს მოლაპარაკებაზე შევხვდით? მერე გენერალმა რა თქვა?

— მოლაპარაკებაზე კი არა! ყველანი მივაწვინეთ! კაციშვილი ცოცხალი არ გაგვიშვია!

— დიდებული საქმე გიქნიათ! — წამოიყვირა ტორესმა.

— ნუ ყვირიხარ, კაცო! ყველას ხომ არ გავაგებინებთ, ეგ საქმე ვინ ჩაიდინა.

— მაშუ შენც... მონაწილეობდი მაგ საქმეში?

— ამისათვის წამიყვანეს, აბა რა!

ორივე გაჩუმდა, რადგან ვილაციის აჩქარებული ფეხის ხმა შემოესმათ.

— ოჰ, ეს თქვენა ხართ? — თქვა კაპიტანმა. — ახალი ამბავი იცით? გლენტა არმიის მეთაურები გაწყვიტეს. დასალევი მიზეზი გაგვაჩნდა.

— რას ამბობ?! — გაიოცა ალონსომ, თითქოს ამ ამბისა არაფერი გაეგებოდა და ახლა კი გაბედულად შეჰყვა კაპიტანს მოქეიფეთა დარბაზში.

სახლი მალე გაივსო ოფიცრებით, ყველა აგზნებული ლაპარაკობდა და ერთმანეთს არ აცდიდნენ. ალონსომ ერთი ჭიქა პულკე გადაჰკრა.

— აქეთ მოდით! — ყვიროდა კაპიტანი. — მაიორის სადღეგრძელო დავლიოთ! აი, ზეიმი ეს არის. ახლა კი ეგრეთ წოდებულ გლენტა მოძრაობას წირვა გამოუვიდა!

მოქეიფეებს მუსიკა მოუნდათ.

ოფიცრები სავსე ჭიქებით მაიორს მიეახლნენ სადღეგრძელოს შესასმელად. იგი მათ ფეხზე წამოუდგა და ერთი წამით გაიღიმა, მერე კი სახეზე საშინელმა ფერმა გადაჰკრა.

როცა ახალგაზრდა ოფიცრები კვლავ თავთავიანთ ადგილებზე მილაგდნენ, ტორესმა ალონსოს წასჩურჩულა:

— გლებების დახოცვის გამო მაიორს სინდისი ხომ არ ქენჯნის? ნუთუ იმდენი არ ესმის, რომ ახლა ჩვენი მამულები ისევ ჩვენს ხელთ გადმოვა? ალონსო, ჩემო მეგობარო, როცა მე ისევ ჩემს მამულში ფეხს მოვიკიდებ, — ჩემი მამული ძალიან დიდია და ჭერაც ყველაფერი ხელუხლებელი, — აუცილებლად უნდა მესტუმრო. სანადიროდ წავიყვან... არყის სახდელი ქარხანაც მაქვს. აი, ახლა კი უზრუნველი ცხოვრება გვექნება!

— ლეიტენანტო ალონსო! — დასკექა კაპიტანმა. — აქეთ მოდიო! განსაკუთრებული დამსახურების გამო თქვენ კაპიტნობა მოგანიჭეს!

ალონსო შეკრთა. ახლა მის ნამოქმედარს ყველა გაიგებს. ამეამად ტორესისთვისაც ცხადი შეიქნა, რომ ამ ამბავში მის მეგობარ ალონსოს უთამაშია მთავარი როლი. ტორესს გული დაუშოქმდა და სკამზე ჩამოემხო. „ხომ არ მშურს მეგობრისა? — ფიქრობდა იგი. — მერედა როგორ შეიძლება, ეგ ხომ ჩემი მეგობარია, ამას გარდა...“ — ტორესმა თავი მალლა ასწია და დაინახა ალონსო, რომელსაც ყველანი გარს შემოხვეოდნენ, ჭიქას ჭიქაზე უჯახუნებდნენ და მის სადღეგრძელოს სვამდნენ. ალონსო დარცხვენილი აღარ გამოიყურებოდა. თავი მალლა აეწია და სახეზე აღმურმოდებული ჭიქას ჭიქაზე ცლიდა.

„ხედავ, რაში ყოფილა საქმე? — ფიქრობდა ტორესი. — ალონსოს, როგორც ჩანს, ეშინოდა, რომ მის მიერ ჩადენილი საქმის შემდეგ ყველა აღმაცერად დაუწყებდა ცქერას. ახლა კი მიხვდა, რომ ამის გამო გენერალი გონსალესი ყველას დასანახავად აჯილდოებდა. მე კი...“ ტორესი სიამოვნებით წავიდოდა აქედან, მაგრამ მეგობრები დასცინებდნენ, შეგშურდა, რადგან ეს საქმე უნ არ მოგანდესო.

ინდიელი მუსიკოსები შემოვიდნენ. მხარზე, ძველი ჩვეულებისამებრ, შალის ჭრელი საბნები ჰქონდათ გადაფენილი. ახოვან ოფიცრებთან შედარებით ყველა ტანმორჩილი ჩანდა. ადვილად მიხვდებოდით, რომ ინდიელები გამუდმებით შიმშილობდნენ.

„წყეული ბანდა, — ფიქრობდა ტორესი. — ვინ იცის, ეს ნა-

ყარ-წყარი ხალხი აქ ჩვენს დასაზვერავად შემოვიდა? ყველა გლეხების სასარგებლოდ მუშაობს!“

გამხიარულებული კაპიტანი უცბად ტორესს გამოეჭიმა.

— ჩვენთან წამოდიო!

— რატომ, ბატონო კაპიტანო?

— როგორ თუ რატომ? — კაპიტანს უკვე თვალები ამღვრეოდა. — განა თვითონ არ გესმით? ჩვენ ხომ ორი მიზეზი გვაქვს ზეიმისა: მაიორის დაბადების დღე და საპატას მოსპობა, მაგრამ ღმერთს სამება უყვარს! ორი აჯანყებული გვყავს ჩაკეტილი და თოკი უნდა დაეუგრიხთ.

ტორესი ფეხზე წამოხტა. დღეს ყველაფერზე ხელს მოაწერდა, ოღონდ ამ მძიმე ფიქრებიდან გამოეყვანა.

ამასობაში მუსიკოსები ერთმანეთს ეჩურჩულებოდნენ. თუ ვინმე ოფიცერი მიუახლოვდებოდა, ხმამაღლა დაიწყებდნენ მსჯელობას, რა დაეუკრათო. ერთი ინდიელი ამხანაგებს გაცხარებით ელაპარაკებოდა:

— ოჯახი მეცა მაქვს, მაგრამ მაგათთვის არაფრის გულისთვის არ დაუუკრავ. ჩვენ გვითხრეს, დაბადების დღეს ვზეიმობთო, ახლა კი ხომ გაიგონეთ, რასაცა ზეიმობენ! ჩვენი გმირის, საპატას მოკვლას ზეიმობენ! — ინდიელს თვალები ცრემლებით ევსებოდა.

ერთმა ოფიცერმა ჰკითხა:

— მაგას რა აღმუვლებს?

— ოჰ, ბატონო ლეიტენანტო, — მიუგო მანდოლინისტმა, — ხანდახან, როცა დალევს ხოლმე, ეგრე იცის აღმუვლება.

— მაგისთანა ამბები შენ მე მკითხე! — გაეცინა ოფიცერს.

— აბა, წავიდეთ! — წასჩურჩულა მანდოლინისტმა დანარჩენებს. — თუ გვკითხეს, რად მიღიხართო, ვუთხრათ: გენერალმა დაგვიბარაო.

კარგა გამობრუნებული მაიორი ახლადგამომცხვარ კაპიტან ალონსოს მიუჯდა და ყაყანი რომ დაეფარა, ხმამაღლა დაიღრი-ალა:

— თქვენ, ქაბუკო, საერთოდ, ვერ ხვდებით, რა საქმე გაკეთდა! თქვენა გგონიათ, საპატას მოკვლა ჩვენთვის, ოფიცრებისათვის, ბედნიერებაა. სინამდვილეში კი დიდი უბედურებაა. ამჟამად ომი დასრულდა. ჩვენ კი რითი ვიცხოვრებთ? ომი-ვირჩინთ თავს! ჩვენვე დავეშავეთ ჩვენივე თავს.

ამბროსია კოლკოზნიკი ხლება

საპატას ოთახში გლესთა არმიის ახლად დანიშნული მეთაურების თათბირი მიმდინარეობდა. ისინი ისხდნენ გაწყობილი საწოლის გვერდით, საპატა ამ საწოლზე არ წვებოდა, ქვეშავებში წოლა კაცს ანაწებსო. აგურის იატაკზე ჭილოფს აშლევინებდა და იმაზე იძინებდა.

საწოლის თავზე დღესაც ეკიდა საპატას მაჩეტე, როგორც მისი პატრონის გლესობის დამადასტურებელი ნიშანი.

ბალთასარი და ამბროსია კარის პირდაპირ ისხდნენ, ერთმანეთის გვერდით. თუმცა ალერსიანად უციმციმებდა, ბალთასარს თვალებში ნალველი ჩასდგომოდა. ამბროსია მსრებგაშლილი, წელში გამართული იჯდა, მკაცრი სახით. ყველა დუმდა.

— ახლა როგორ მოვიქცეთ, აზრი გამოთქვით! — თქვა ბალთასარმა.

ერთი ჩასკენილი, დაბალი გლესი წამოდგა. თვალებიდან ცრემლები ჩამოსდიოდა.

— საპატა მოგვიკლეს. ის ჩვენი თავი იყო. უთავოდ ხელი რას იზამს, წასულია ჩვენი საქმე.

მერე არაკუნე წამოხტა. მეტისმეტად ახოვანი არაკუნე დანარჩენებს ზემოდან დასცქეროდა.

— ჩვენ, ახალგაზრდები, საკუთარ მამასავით ვცემდით პატივს. ახლა ვინ იქნება ჩვენი მეთაური. — თავი მოწყვეტით დაჰკიდა და დაჯდა.

დამწუხრებულ მეთაურებს თავები ჩაეკიდათ და ცხარედ ტიროდნენ.

ტრინი და კნაჭა მათ ზურგსუკან იდგნენ. ტრინისაც გული უკვნესოდა, მაგრამ არ ტიროდა, რადგან მისი დიდება დაბრაზებული ჩანდა. ამბროსია ხან ერთს გადახედავდა და სან მეორეს. მერე ბალთასარს მიუბრუნდა და რაღაც წასჩურჩულა. ადგა და ოთახიდან გავიდა.

ერთი მეთაური, რომლის შავი სახე თვალში გეცემოდათ, წამოდგა და თქვა:

— ბრძოლა უკვე აღარ შეგვიძლია. სოფლებში მიწა ელის კაცის მარჯვენას. შინ უნდა დავბრუნდეთ.

ამბროსია ოთახში შემობრუნდა. მას ახლა მამაკაცის შარვა-

ლი ჩაეცვა და წელზე სატყვიაწამლე შემოეკრა. თავზე ფართო-ფარფლიანი სომბრერო დაეხურა. ასე გამოწყობილმა ამბროსიამ ჩაუარა დაძმარებულ მეთაურებს. მათ გაოცებით გააყო-ლეს თვალი.

ბალთასარამდე რომ მიადწია, შებრუნდა და ქუდი მოიხადა. — მამაკაცები რომ ქალებად იქცევიან, მაშინ ქალებმა უნდა გაანძრიონ ხელი. თქვენ ამბობთ, ჩვენი საქმე დაღუპულიაო. ამ ქალაქის გარშემო მდებარე სოფლებში ჩვენი არმიაა განლაგებული. იარაღი აქვთ? აქვთ. მეთაურები ჰყავთ? — ამბროსიამ იქ შეკრებილთ მკაცრად გადაავლო თვალი. ხმა ვერაფერ ამოიღო. ყველა იმას ელოდა, თვითონ ამბროსია რას იტყოდა. აღარავინ ტიროდა. — დიახ, მეთაურები ჰყავს, თანაც ისეთი, რომელთაც ბრძოლა კარგად იციან. ეს მეთაურები თქვენა ხართ! თქვენ კი დგახართ და მოსთქევამთ და გოდებთ. იქ კი სოფლებში მძარცველთა არმია დაპარპაშებს. იქაურმა გლეხებმა თქვენზე უკეთ იციან, რაც უნდა ქნან. ისინი ჩუმჩუმად ეპარებიან მტრის გუშაგებს და ჩვენთან ახალ-ახალი ცნობები მოაქვთ. ამას იმიტომ აკეთებენ, რომ მძარცველთა გენერალი მოულოდნელად თავს არ დაგვესხას და არ გაგვანადგუროს. თქვენ კი ახლა გინდათ მიიფანტ-მოიფანტოთ! აბა, თქვენ იცით, ვენუსტიანო კარანსას, ჩვენი საჰტას მკვლელს გულს თუ არ ატკენთ. მერე მოგდგებათ და სათითაოდ გამოგიჭერთ. იმედია, ტყვიასა და გასანთლულ თოქს არ დაიშურებს თქვენთვის.

— ჰოდა, არმიასაც შენ გაუძეხი, ამბროსია! — შესძახა ერთმა მეთაურმა.

— მე სროლა არ ვიცი, მაგრამ ვისწავლი. არმიას კი არ გავუძღვები. აი, არმიას ეს გაუძღვება, — ამბროსიამ ბალთასარისაკენ გაიშვირა ხელი.

ბალთასარი ფეხზე წამოდგა. სახეზე სამხედრო მეთაურისთვის შეუფერებელი ღიმილი დასთამაშებდა.

— ამბროსია, იმედი მაქვს, შენთან ერთად გავუძღვე ამ საქმეს. შენ ხომ უკვე შარვალი ჩაიცვი. ჰოდა, იყავი პოლკოვნიკი! — თქვა მან. გახარებული გლეხები თავს უქნევდნენ. ამბროსიამ ხელი მბრძანებლურად ასწია.

— სათქმელი ჯერ არ დამისრულებია. ერთი მზვერავი გოგონა მატყობინებს, ყაჩად გონსალესს ჰგონია თურმე, თავგზა

დაგვებნა. მართალია, აქამდე არ დაგვსხმია, მაგრამ გვიპირებს თავდასხმას. შევიძლებთ ბრძოლას, თუ უკან დავიხიოთ?

— ხელსაყრელი პოზიციები გვიკავია, — თქვა ბალთასარმა. — მარცხნივ თითქმის მიუღდგომელი მთა გვიცავს, მარჯვნივ კი ვზა.

ლამის იერიში

გლებთა არმიის ჯარისკაცებს ისევე, როგორც არმიის მეთაურებს, თავიანთი საქმე დალუპულად მიაჩნდათ. მაგრამ ახლა, თათბირის შფმდეგ, ახალმა მეთაურებმა და მათმა უფროსებმა — ბალთასარმა და ამბროსიამ ბრძანება გასცეს, თავდაცვითი ბრძოლები აწარმოეთ. ამან ყველა გაახარა და გამოაცოცხლა.

გენერალმა პაბლო გონსალესმა გადაწყვიტა, იმ აღვირახსნილი ღრეობის შემდეგ დრო აღარ დაეკარგა. იგი აპირებდა უმეტაუროდ დარჩენილ გლებთა არმიას თავს დასხმოდა და ქვა ქვაზე აღარ დაეტოვებინა. ამ საკითხის განხილვისას გენერალი ხელქვეითებს უხეშად ექცეოდა, რადგან მეთაურთა ერთი ნაწილი ჯერაც ისე გაღეშილი იყო, რომ ყოველგვარ სისულელეზე იკრიჭებოდნენ.

ორი საათის დაღამებულიც არ იყო, რომ გენერალი ერთ გზაჯვარედინს მიაღწა. აქ უნდა გაჩერებულიყო, რადგან გზაზე ეს პოლკი მიდიოდა, რომელიც საბრძოლო პოზიციაზე უკვე ერთი საათის წინ უნდა განლაგებულიყო. გენერალი შეეცადა კოლონისათვის წინ გაესწრო, და შესძახა:

— მარჯვნივ მიდექით!

მაგრამ ჯარისკაცები ლანძღვას მოჰყვნენ:

— აბა, ერთი შენა სცადე ამ ოღრო-ჩოღრო გზებზე ფეხით წანწალი.

სიბნელეში ჯარისკაცებმა გენერალი ვერ იცნეს. ეს წამოძახილი მას მაინც ავისმაუწყებლად ენიშნა. ასეთ საუბარსაც მოჰკრა ყური: „თუ ჩვენს მეთაურებს ისე ჰგონიათ, რომ გლებთა არმია თავისითაც მიიფანტ-მოიფანტება, მაშინ ცეცხლში რაღას გვერეკებიან?“

მას ნაბრძანები ჰქონდა, ჯარს საბრძოლო პოზიციები სრულად უხმაუროდ დაეკავებინა. მაგრამ იმის გარდა, რომ ჯარისკაცებს ბრძოლის არავეითარი სურვილი არ გააჩნდათ, საკმაოდ გაუფრთხილებლად ილანძღებოდნენ და ყაყუანებდნენ.

6

ერთი სოფლიდან, სადაც მძარცველთა არმიას მოუხდა გავლა, ვიწრო ბილიკს ფრთხილად მოუყვებოდა ახალგაზრდა ინდიელი. ბავშვობისას მას ამ მიდამოებში ხშირად უმწყემსია თხები და ყოველ ბილიკს კარგად იცნობდა. ის ადგილებიც კარგად ახსოვდა, სადაც გლეხთა არმიის გუშაგები წინა დღეს იდგნენ. ამიტომ ძალიან გაუკვირდა, როცა წინიდან ხმაური შემოესმა. ნუთუ აქ უკვე მძარცველები იდგნენ? გზა მეტი სიფრთხილით განაგრძო, შიშველ ფეხებს ჩუმ-ჩუმად ადგამდა. უცბად მისთვის გაუგებარ ინდურ ენაზე ჩურჩული შემოესმა.

ყმაწვილი ბუჩქებს ამოეფარა და ნელ-ნელა, ხელის ცეცებით ორიოდ ნაბიჯი კიდევ გადადგა. უცბად მარცხენა მხარეზე რაღაც მოთეთრო შეამჩნია. ეს ალბათ გლეხი იყო. მარჯვნივაც ასევე. გლეხთა არმიის მწვერავლები ასე შორს გამოსულან? ჭაბუკი წინ წამოდგა. სიბნელეში მისი მოსვლა ვერ შეამჩნიეს, მაგრამ როცა ესპანურად იკითხა, მეთაური რომელიაო, გლეხები მისი ლაპარაკის კილოზე მიხვდნენ, რომ ადგილობრივი ინდიელი იყო. ერთ-ერთმა მას ხელი წაავლო, ბუჩქები შემოათარა და მეტისმეტად მაღალ კაცთან მიიყვანა.

— არაკუნე, ამ კაცს შენთან რაღაც სათქმელი აქვს.

— მე აი, თქვენს წინ რომ სოფელია, იქიდანა ვარ, — თქვა მაღალმა კაცმა. — მძარცველთა არმია აქეთ მოდის. ახლა, მგონი, შორს აღარ უნდა იყოს.

— ეგ ამბავი ჩვენ უკვე ვიცით, — ხმადაბლა თქვა არაკუნემ. — მაგრამ კარგია, რომ ასე უცბად გვატყობინებთ. ახლა აქ დარჩი, თორემ შეიძლება ვისიმე ცეცხლში მოხვდე. მძარცველებს ჩვენი ასე შორს წამოსვლა გაუკვირდებათ, — ჩაიცინა არაკუნემ.



გენერალმა გონსალესმა ბოლოს, როგორც იქნა, მიაღწია გზაჯვარედინს. ეს გზაჯვარედინი საკმაოდ შორს მდებარეობდა იმ ხაზისაგან, სადაც შეჯახება იყო მოსალოდნელი, თუ გლებთა არმიას ბრძოლა კიდევ შეეძლო. ისიც მოსალოდნელი იყო, რომ მას სადღაც სოფლებში მიმოვანტულს ეძინა.

აღელვებული გენერალი ბოლთას სცემდა. თუმცა ზუსტად არ იცოდა, მეწინავე საიერიშო რაზმები სად იმყოფებოდა. მაგრამ ცხადი იყო, ძალიან დაიგვიანეს და თანაც მეტისმეტი უწყესრიგობა სუფევდა. ბრძოლის მოგება კი დღეს წინანდელზე მეტად სჭირდებოდა. მაჯაზე საათის მანათობელ ისრებს დაჰყურებდა. მთვარე მალე ამოვიდოდა, ხოლო ამ დროისთვის იგი უკვე გლებთა არმიის მიერ დაკავებულ სოფლებში უნდა ყოფილიყო.

საღღაც მარჯვნივ, სულ ახლოს, შაშხანის ჭახანი მოისმა.

„ვინ ძაღლიშვილმა გაისროლა ნეტავ?“ — გაიფიქრა გენერალმა.

პირველ გასროლას კიდევ რამდენიმე მოჰყვა, მერე ერთი ჭახა-ჭუხი ატყდა. ისევ მარჯვნივ ისროდნენ, ახლოს. „რას ნიშნავს ეს? მისთვის მიწოდებული ცნობებით იქ გლებთა არმიის ნაწილები არ უნდა მდგარიყვნენ. ჰო, აი, სროლა ჩაჩუმდა კიდევ. ალბათ ვილაცას ნერვებმა უღალატა და სხვები კი მას აჰყვნენ. ცუდია, ცუდი! მოულოდნელი თავდასხმის იმედი ახლა ტყუილია.“

გენერალი თანდათან ნერვიულობდა.

შაშხანების ტკაცა-ტკუცი ახლა მარცხნივ და წინ ატყდა. გენერლის ირგვლივ ტყვიების წუილი გაისმა და მან უნებურად თაყი დახარა. მაგრამ მაშინვე გასწორდა: მას ხომ ჭარისთვის მაგალითი უნდა ეჩვენებინა! მისი გონება გამალებით მუშაობდა. ძნელი სარწმუნოა, რომ მოწინააღმდეგემ ორი კილომეტრის მანძილიდან დაიწყოს სროლა, მაგრამ ასე ახლო როგორ გაჩნდნენ? ცეცხლი კი ძალზე ინტენსიური იყო. ნუთუ მშვერავებმა ყველაფერი ასე მალე შეატყობინეს გლებებს? მათი მშვერავეები ყველგან არიან, გენერალს კი მისიანები თითქმის არაფერს უკეთებენ. ხანდახან ეჭვობს კიდევ, რომ მშვერავეები ყალბ ცნო-

ბებს აწვდიან. შეჩვენებული ინდიელები, ყველა საპატას უჭერს მხარს!

მხარმარჯვნივ მთვარე ამოვიდა. მისი დიდი, მოწითალო ბურთი გადახრიოკებულ მინდვრებს თავს დაადგა.

მარცხნივ ქვემეხების გუგუნი ატყდა. მაგრამ ნეტა საით ისვრიან? თუ გლეხების არმია მზად არის საბრძოლველად და ასე ახლო იმყოფება, არტილერია ალბათ მათ თავს ზემოთ ისვრის.

„დღეს ყველაფერი უკულმა მიდის, — ფიქრობდა გენერალი, — მაგრამ რა ვიღონო? ერთმა პოლკმა რომ რაიმე შემატყობინოს, კიდევ ჯანდაბას. ის მაინც მეცოდინება, სად განლაგდნენ“.

ქვემეხები ყურისწამლებად გრიალებდნენ.

მთვარე უფრო მეტად კაშკაშებდა.

გენერალს მოეჩვენა, თითქოს თოფების სროლა თანდათან მიწყდა. გარშემო ტყვიები აღარ ზუზუნებდნენ. მადლობა ღმერთს! მაშასადამე, გლეხებმა უკან დაიხიეს.

უცებ შორს აჩოჩქოლებულ ხალხს მოჰკრა თვალი. აქეთ მოიწევდნენ. ნუთუ მისი ჯარისკაცები გამორბოდნენ?

გენერალმა შტაბის ოფიცრებს სასწრაფო ბრძანება მისცა: დაიყავით და უკანდახეულთა სელა შეაჩერეთო. თვითონ კი ერთ გამოქცეულს მიაძახა:

— უკან რატომ იხევ?

— წინ მხოლოდ დახოცილებია! — ჯარისკაცი არც შეჩერებულა, გვერდით ჩაურბინა და მიიმალა.

ნირწამხდარმა ახლა სხვა უკანდახეულის შეჩერება სცადა. მას იარაღიც გადაეგდო და ისე გამორბოდა. შტაბის ოფიცრებიც ვერაფერს გახდნენ. ჯარისკაცები ჯგუფ-ჯგუფად გარბოდნენ გზაზე, ზოგს დაქრილები მოჰყავდა. ყველა მათგანი დაბნეულ-შეშინებული გამოიყურებოდა.

უცბად ქვემეხების გუგუნი შეწყდა. ეს რაღას ნიშნავს? გენერალმა გარშემო მიიხედ-მოიხედა. ერთი ოფიცერი წინ აეტუზა და ქუდის საჩიხთან ხელი მიიტანა.

— თქვენო აღმატებულებავ, ჩვენს წინ აღარავინ დარჩა!

აღელვებულმა გენერალმა ბრძანება გასცა:

— უკან!

გენერალი ცხენს უკან მოაჭენებდა და გაგულისებული ფიქრობდა, ამ დამარცხებამ სამუდამოდ დამიკარგა იმედი, ველარასოდეს ველარ გავხდები უძლიერესი კაცი სახელმწიფოში.

ჯ ა ნ უ ი

მოლინოსში დაბრუნებულ გენერალ გონსალესს ქალაქის ცენტრი ჭარით გაჭედილი დაუხვდა. ჭარისკაცები ყვიროდნენ და იგინებოდნენ. ეს მან ჩვეულებრივ ამბად მიიჩნია და ცხენი გაუფრთხილებლად წინ მიუშვა, რომ გზა ძალით გაეკვლია.

— უკან დაიხიე! აქ გასასვლელი არ არის! — შეჰყვირა ვილაც ჭარისკაცმა.

გენერალს სისხლი აუვარდა თავში.

— თქვენ ალბათ არ იცით, ვინა ვარ. გამატარეთ!

ახლა მეორემ დაუყვირა:

— ჭერ ჩასახეთქი მოგვეციო! შიმშილით მუცლები გვიყმუის!

— ამ საკითხზე თქვენს მეთაურს მიმართეთ! — მოუთმენლად მიახალა გენერალმა. — ეს მისი საქმეა.

— ერთი ამას უყურეთ! — გაცხარდა მესამე. — საკმელისათვის გამოყოფილ ფულს სულ თვითონ იჯიბავს, ახლა კი გაიძახის, თქვენს მეთაურს მიმართეთო!

ერთი ჭარისკაცი ამხანაგების ზურგს ამოეფარა და დაიყვირა:

— ჩვენც საპატასავით ვერაგულად გვეპყრობიან. მას ჭერ პატიოსანი სიტყვა მისცეს, შემოიტყუეს, მერე კი მოკლეს!

გენერალი მიხვდა, რომ საშიში მდგომარეობა იქმნებოდა.

უკანიდან ახალ-ახალი ნაწილები აწვებოდა. გენერალს არ უნდოდა ამ აღელვებულ ბრბოში მოქცეულიყო და ოფიცრებს განკარგულება მისცა:

— უკან დაიხიეთ!

ზურგს უკან ვილაცამ მიაძაღა:

— კაცისმკვლელო გონსალეს!

ეს წამოძახილი ჭარისკაცებს ისე მოეწონათ, ყველამ ერთად აიტაცა და გაიმეორა:

— კაცისმკვლელ გონსალეს! კაცისმკვლელ გონსალეს!
გაციფებულ გენერალს სახე გვერდზე მოექცა და მეზობელ ქუჩაზე შეუხვია, რომ სხვა გზით მაინც მისულიყო თავის სახლამდე, მაგრამ მალე დარწმუნდა, ვერც აქ გააღწევდა, და უფრო შორიდან მოუხდა შემოვლა. ბოლოს გზის საძებნელად ოფიცერი გაგზავნა, თვითონ კი პატარა სამიკიტნოში შეიცადა. მომხდარი ამბავი აქ შეიტყო.

მღელვარება ჯერ კიდევ საღამოთი დაიწყო. ერთი კაპიტანი მკაცრი დასჯით დაემუქრა იმ ჯარისკაცებს, ვინც იარაღს გადაყარდა.

ჯარისკაცები კაპიტანს აუყვირდნენ:

— გვითხარით, თავს მოუმზადებელ გლეხებს დავესხმითო, ისინი კი მზად არიან საბრძოლველად. ოფიცრებმა იმდენიც არ იციან, რომ ჯერ დახვეწაა საჭირო, მერე კი შეტევა!

ჯარისკაცები ისე გაღიზიანებულები იყვნენ, რომ ამ რაზმის ოფიცრები ბრძანების გაცემასაც ვეღარ უბედავდნენ. რაზმი უმეტესად ძალით მობილიზებულ გლეხებისაგან შედგებოდა. მათ თავიანთ ოჯახებში დაბრუნება სურდათ და ფიქრობდნენ: ამას ყველაზე ადვილად იმით მივაღწევთ, თუ თოფებს გადავყარით და ოფიცრებს თავს მოვაბეზრებთო.

ასეთი განწყობა მალე გადაედო სხვა ნაწილებსაც. ამასთან, ერთ ბატარეაში პანიკა ატყდა, რამაც მოიცვა უკანდახეული ფეხოსნები და, როცა ვიღაცამ დაიყვირა: გლეხები მოდიანო! — გზაც ჩაიხერგა.

არტილერიისტებმა ცხენების გაქვნიება მოინდომეს, ფეხოსნები კი უფრო შეშინდნენ და უარესად აირივ-დაირივნენ. ასლა არტილერიისტებიც ვეღარ ახერხებდნენ ადგილიდან ფეხის მოცვლას. მძიმე ქვემეხები ხელს უშლიდათ. მაშინ არტილერიისტებმა ხმლებით ჭაპანები აჭრეს, ცხენებს მოასხდნენ და გაქცეულ ფეხოსნებში შეიჭრნენ. ატყდა ერთი ჯგლეფა და ლანძღვა-გინება. ფეხოსნებსაც ტვირთის შემსუბუქება სურდათ და მათაც ყველაფერი მოიცილეს, რაც სირბილში ხელს უშლიდათ: შაშხანები, პატრონტაშები, ზურგჩანთები, საბნები.

მეწინავე ნაწილები შუადღისას დადლილ-დამშეულები ქალაქ მოლინოსს მიადგა. ყველა სამზარეულოს მიაწყდა. ამ უწყესრიგობასა და არეულობაში ზოგი ბევრ საჭმელს იღებდა,

ზოგს მცირეც არ ხვდებოდა. ამის გამო ახლა აქ ატყუდა ყვირ-
ლი და მუქარა. ახალმოსულ ნაწილებს მხოლოდ ეს ღრიანცელა
ესმოდა. ერთბაშად ხმა გავრცელდა, საჰმელ-სასმელზე გამო-
ყოფილი ფული ინტენდანტმა გაიტაცა და მიიძალა, საპატას
სიკვდილის შემდეგ, სულ ერთია, ომი მაინც მალე დამთავრდებ-
ბაო. მაგრამ როცა ინტენდანტი ხალხს დაენახვა, — აქა ვარო,
ახლა გენერალ გონსალესს დააბრალეს, ფული მაგას შეუჰა-
მიაო. ახლა აჯანყებულებს მიემხრნენ ის ნაწილებიც, სოფლებ-
ში რომ მიდიოდნენ და გზად მოლინოსში მოუხდათ გავლა.

გენერალი ისევ სამიკიტნოში იჯდა, როცა კაპიტანმა ალონ-
სომ თავგატეხილი და მუნდირშემოხეული ოფიცერი შემოიყ-
ვანა.

— თქვენო აღმატებულებავ, — შესძახა ალონსომ, — სურ-
სათის საწყობებს ძარცვავენ!

— ამ ლეიტენანტს რა დაემართა? — თქვა გენერალმა. მას
ალონსოს დანახვა არ ეჭაშნიკა, რადგან იგი ვერაგულად დარღ-
ვეულ პატიოსან სიტყვას ახსენებდა, მით უფრო ახლა, როცა
ჯარისკაცებმა ეს ამბავი სრულიად გარკვევით პირში მიახალეს.

ალონსომ ლეიტენანტს თვალი შეავლო და თქვა:

— ტორესი ძარცვის წინააღმდეგ წავიდა და ერთ-ერთი
მონაწილე იქვე მიახვრიტა. ამის გამო დანარჩენები ამას ეცნენ
და აი, რა მოხდა.

— ჰო, ყმაწვილო, — გულგრილად თქვა გენერალმა, —
თქვენი საქციელი კანონიერების მიხედვით სწორია, მაგრამ ამ
ვითარებაში?! რას მიაღწიეთ იმ ერთი ჯარისკაცის დახვრეტით?

ტორესი სრულიად სხვაგვარ მიღებას ელოდა და აღელვებ-
ულმა თქვა:

— აბა, აჯანყების ნება მივცეთ? სხვას არავის ეყო ვაჟკა-
ცობა, მათ წინააღმდეგ ხმა აემალლებინა! — ტორესმა ენა დიდ-
ხანს ატრიალა და სულ ერთსა და იმავეს გაიძახოდა.

გენერალმა იგი ცივად აათვალიერ-ჩაათვალიერა. ტორესის
თაობაზე ცოტა რამ უკვე გაეგო. სულ რაღაც ორიოდ დღის
წინ მას და ერთ კაპიტანს ორი ტყვე გლეხი ჩამოეხრჩოთ და შე-
სასვლელის აქეთ-იქით ჩამოეკიდათ, თვითონ კი ღრეობა გაეგ-
რძელებინათ. ასეთი ხალხი, რასაკვირველია, საჭიროა, მაგრამ...

რამდენიმე ხნის შემდეგ გენერალმა შტაბის უფროსს ტორე-

ზი სხვა პოლკში გაამწესებინა. ახლა მთავარი ჯარის დაშოშმინება იყო, ნეტავ მოლინოსში მომხდარი ამბები დედაქალაქს მაინც არ მიაღწევდესო! გენერალს ბევრი მტერი ჰყავდა: ქალაქისთავი, ფული რომ გამოსძალა, ვაჭრები, რომელთაც ნავაჭრში ფულს არ უხდოდა. ამას გარდა, ბევრმა ისიც იცოდა, რომ ჯარისკაცების ჭამა-სმისთვის გათვალისწინებული ფულიდან ის უფრო მეტს იჯიბავდა, ვიდრე, საერთოდ, მიღებული იყო.

დოქტორ კეპანს ნაღვლიანი ფიჭვები

ტრინი დოქტორ პეპესთან მიდიოდა. იმ სახლებს რომ ჩაუარა, საცა დაჭრილები იწვნენ, ერთი დაჭრილის ღმუილი შემოესმა. ღრიჭოდ დარჩენილი კარიდან თვალი მოჰკრა დოქტორს. იგი წერილს კითხულობდა: „ნეტა ამ გაჭირვებულ კაცს რატომ არ ეხმარება?“ — გაიფიქრა ბიჭმა.

ტრინი რომ ოთახში შესული დაინახა, დოქტორმა თავი დაუქნია. დოქტორი მოწყენილი ჩანდა.

— ეს კაცი რატომ ყვირის ასე?

— მარიჭუნას ეწევა, — მიუგო პეპემ. — დაჭრილი ჩაგვივარდა ტყვედ. მარიჭუნას ითხოვს. რა თქმა უნდა, შეიძლებოდა მორფი გამეკეთებინა და რამდენიმე საათით დამშვიდდებოდა, მაგრამ ამის ნება არა მაქვს. ასეთებს ეს შხამი რომ მოუნდებათ, თავგზას ჰკარგავენ, ღმუიან და შველას ითხოვენ... შენ რად მოხვედი?

— ამბროსიამ დამაბარა, ღამის ბრძოლაში რამდენი კაცი დაგვეჭრაო?

— რამდენიმე კაცი დაიჭრა, ისიც მსუბუქად. ყველანი მწყობრში ჩადგებიან მალე. ტრინი, თუ დრო გაქვს, აქ დაჯექი. მინდა გულის დარდი გავიზიარო. ღამე, დაჭრილებს რომ დავტრიალებდი, ერთმა კაცმა წერილი მომიტანა. მაშინ წერილი ჭიბეში ჩავიდე, მერე დამავიწყდა კიდევ, და მხოლოდ ახლა წავიკითხე. უკვე გითხარი, ცოლი მომიკვდა-მეთქი. ახლა ისიც გავიგე, ერთადერთი ჩემი მახლობელი ადამიანი გარდაიცვალა. — მან ტრინის ალერსიანად შეხედა, — თქვენდა ხართ ჩემი ნათე-

სავები, თუ ნებას მომცემთ, ასე გიწოდოთ. მაგრამ აი, საქმე რა-
შია. ჯერ არ მომხდარა, რომ დაწყებული ომი როდისმე არ დამ-
თავრებულიყოს. ჰოდა, ომი რომ დამთავრდება, მე რა მომე-
ლის? ყველა თქვენგანს აქვს სახლ-კარი, სოფელი, მე კი აღარა-
ვინ, აღარაფერი გამაჩნია.

— ჩვენთან წამოდით! — წამოიძახა ტრინიმ. — ჩვენს სოფ-
ლებში ერთი ექიმიც კი არა გვყავს.

პეპემ თავი ნელა გადაიქნია:

— ვიცი, ტრინი, ჩემთვის კარგი გინდა, მაგრამ თუმცა სხვა
მეგობრები არ გამაჩნია, თქვენ მაინც არ გეკუთვნით.

— ექიმო, ეს ვერ გავიგე. მაშ ამდენი წლის მანძილზე რა-
ლად იყავით ჩვენთან?

— გეტყვი. იმიტომ, რომ თქვენ გჭირდებოდით. ამასთანავე
საპატამ, შევხედე თუ არა, ჩემზე წარუშლელი შთაბეჭდილება
მოახდინა. და ბოლოს, ყველანი მალე შემიყვარდით. მაგრამ
როცა ერთ მშვენიერ დღეს თქვენს არმიას დაშლიან და სახლებ-
ში დაბრუნდებით, მე რაღა გავაკეთო? ეს აზრი ძალიან მალო-
ნებს... ჰო, მართლა, კნაჭას ამ რამდენიმე დღის წინ ისევ დააწ-
ყებინა ციებ-ცხელება. მაღალი სიცხეები ჰქონდა. დღეს როგორ
არის?

— უკეთესად, მაგრამ ერთი რამ დიდი ხანია მინდოდა მე-
კითხნა: როგორ ფიქრობთ, საერთოდ, გამოჯანსაღდება?

— ძალიან სუსტია, ტრინი. არა მგონია, დიდხანს იცოცხ-
ლოს.

სწორედ ამ დროს კარებში კნაჭა გამოჩნდა და ყველაფერი
გაიგონა. უცბად ისევ უკან დაიხია და ერთხანს შემკრთალი იდ-
გა. მაგრამ აუცილებელი საქმე ჰქონდა და წელში გამართული
ლიმილით შევიდა კარებში. ორივემ შეამჩნია, თვალები
ცრემლებით ჰქონდა სავსე, მაგრამ არ გაჰკვირვებიათ. ძალიან
ფიცხი ხასიათისა იყო და ასე ხშირად ემართებოდა.

— ტრინი, — თქვა მან, — არ მინდოდა ხელი შემეშალა,
ვხედავ, ერთმანეთს ემშვიდობებით, მაგრამ პოლკოვნიკი ამბ-
როსია სასწრაფოდ გიბარებს.

— ტრინი, იცოდე, უფლება გაქვს, როცა გინდა მოხვიდე
ჩემთან, ყოველთვის სასურველი სტუმარი იქნები, — გრძობა-
მორეული პეპე ესპანელისთვის დამახასიათებელი მგზნებარე-
ბით მოეხვია ტრინის.

გულაჩუყებულმა ტრინიმ თავი შეიკავა და ექიმს მიმართა:

— დიდი მადლობელი ვარ თქვენი, დოქტორო პეპე, მადლობელი ვარ თქვენი იმ გულკეთილობისა და მზრუნველობისათვის, ჩემდამი რომ იჩენდით.

ტრინიმ ქუდი დაიხურა და კნაჭასთან ერთად გარეთ გამოვიდა. ექიმმა ორივეს თვალი გააყოლა. „ეს ბიჭი გონივრულად რომ აღეზარდათ, რა თავაზიანი იქნებოდა,“ — გაივლო მან გულში.



გზაში, სანამ ბიჭები ამბროსიასთან მივიდოდნენ, კნაჭა გაუთავებლად ლაპარაკობდა. უნდოდა დაევიწყებინა იმ სიტყვების აზრი, წელან რომ გაიგონა, — დიდხანს ვეღარ იცოცხლებსო. მან ტრინის უამბო, ახლომახლო სოფლებიდან გლეხები მოვიდნენ და ამბროსიასთან იჩივლეს — სიმინდის მარაგი გვითავდება, ახალი მოსავლის აღებამდე რამდენიმე თვე კიდევ დარჩა, არმიას ვეღარ შევინახავთო.

სანამ გლეხები თავისას ჩიოდნენ, ინესაც მოვიდა და ამბროსიამ კნაჭა ტრინისთან გაგზავნა, მოვიდეს, მზვერავს მოუსმინოსო.

დაქანცული ინესა სკამზე ჩამომჯდარიყო. ტრინის შესვლამ ინესა გამოაფხიზლა. ღამის ბრძოლების შემდეგ მტრის ბანაკში არეულ-დარეულობააო, მოკლედ აცნობა ინესამ. ეს ამბავი გლეხებმა ჯერაც არ იცოდნენ, თურმე უმნიშვნელო ბრძოლას მტრისთვის მძიმე შედეგები მოეტანა, მძარცველთა არმიასი ქაოსი დატრიალებულიყო, ახალგაზრდა გლეხი ჯარისკაცები ჯგუფ-ჯგუფად გარბოდნენ არმიიდან და თავთავიანთ სოფლებში ბრუნდებოდნენ.

მალე ერთი სოფლიდან, სადაც უკანდახეულ მძარცველთა არმიას გაევლო, მოხუცი გლეხი მოვიდა. სულს ძლივს ითქვამდა და ხვითქი ასკდებოდა.

— მთელი სოფელი გზაზე გამოვიდა და მძარცველების მიერ გადაყრილ საბნებსა და სხვა საოჯახო ნივთებს აგროვებენ. მაგრამ ამ იარაღს რაღა ვუყოთ? რამდენიმე თოფი სოფელში შევინახეთ, დანარჩენს რა ვუყოთ, თქვენ ხომ არ წამოიღებთ?

— ამას ჩვენ ვერ გადავწყვეტთ, — თქვა ტრინიმ. — წამო, არმიის ხელმძღვანელებთან წავიდეთ!

ბალთასარმა ყველაფერი ყურადღებით მოისმინა. შავი თვალები ახლაც, ჩვეულებისამებრ, უღიმოდა.

— რას ამბობთ? — თქვა ბოლოს. — ჩვენმა არმიამ მძარცველთა თვალწინ იარაღის შეგროვება დაიწყო?! ეს ხომ საშიშ შესლა-შემოხლას გამოიწვევდა?!

— მაშ მტერს დრო უნდა მისცე, რომ იარაღი ისევ თვითონ აკრიფოს? — უკმაყოფილოდ თქვა მოხუცმა.

— რასაკვირველია, არა, მაგრამ ნუთუ არ შეგეაღოთ, დამით მოგეგროვებინათ და მიწაში ჩაგეფლათ? თუ დაგჭირდებოდათ, უცებ ამოიღებდით და გამოიყენებდით.

მოხუცის სახის გამომეტყველებასზე შეიძლებოდა მიმხვდარიყავით, რომ არ მოსწონდა ეს ამბავი. გლესმა ცოტა ხანს იყუჩა და მერე თქვა:

— აბა სოფლებში ხალხს მე როგორ ავუხსნა, ასე მოიქცით-მეთქი? ლაპარაკი არ მეხერხება. ჩვენს სოფლელებს ლაპარაკი არ ეხერხებათ. ეს ჩვენ არ გვისწავლია.

კნაჭამ გალეული კისერი წაიგრძელა:

— ბალთასარ, მოდი, მე დავივლი მაგ სოფლებს! ლაპარაკს მე მოვახერხებ.

— მერე ისინი რომ არ გიცნობენ?

— არა უშავს, ბალთასარ! აი, ეს ეტყვის თავიანთ ენაზე, რომ მე გლესთა არმიიდან გამგზავნეს, — უთხრა და მოხუცს ალერსიანად გადახვია ხელი.

ბალთასარი ისევ ყოყმანობდა. მაგრამ კნაჭა ისე მგზნებარედ ალაპარაკდა, გლესთა მეთაურმა თვალები დააჭყიტა და თქვა:

— კარგი. თუკი იქაც ასე ილაპარაკებ, წადი!

ამ დროს ამბროსიამაც დაამთავრა გლესებთან ხანგრძლივი მოლაპარაკება.

— ეგენი მოითხოვენ, აქაურობას გავეცალოთ, მაგრამ მე არ გირჩევ, ბალთასარ. ცოტა ხანს კიდევ უნდა დავრჩეთ აქ და მტერს ვუჩვენოთ, თუმცა საპატა მოგვიკლეს, მაგრამ ჩვენ ისევ ძლიერები ვართ. ესეც ერთგვარი გამარჯვებაა.

ბალთასარი ჩაფიქრდა და გადაწყვიტა:

— დავრჩეთ!

საპატასა და მისი თანმხლები პირების დახოცვის ამბის და-
მაღვა არ შეიძლებოდა და იგი მთელ ქვეყანას მოედო. ამან
გლეხობის უმრავლესობას გული გაუტეხა და სასო წარუყვეთა.
ისხდნენ მთელი დღეები და ხმას არ იღებდნენ. გლეხის ქალებს
სახე ხელებში ჩაერგოთ და ტიროდნენ.

ლიბერალური პარტიის რიგებში უთანხმოება ჩამოვარდა.
ზოგი ამბობდა:

„ვერაგულად მკვლელობისათვის ჩვენ მემამულეებს, ეკლე-
სიასა და ოფიცრებს ვზრახავდით. ეს ზნეობრივი დაცემის ნი-
შანია. ახლა ამასვე სჩადის პარტიის ხელმძღვანელობა“.

ზოგი პროტესტის ნიშნად პარტიიდან გამოვიდა კიდეც.

სხვები აცხადებდნენ:

— როგორ გაზედა ვენუსტიანო კარანსამ, ასე მოუფიქრებ-
ლად მოქცეულიყო. რახან მან გენერალს უბრძანა, სიტყვა გას-
ტეხე და საპატა მოკალიო, ამითი ხომ იმისი ნებაც მისცა, მასაც
ასე მოქცეოდნენ. გენერალმა უერტამაც ხომ მოკლა პრეზიდენ-
ტი მადერო?

დოქტორმა არისტამ კარანსას მიკიბულ-მოკიბულად მიახ-
ვედრა, ხალხი თქვენდამიც ბოროტად არის განწყობილიო. ამ
დროს შემოვიდა პრეზიდენტის პირადი მდივანი და აცნობა:

— გრაფი არიოლა ხანმოკლე აუდიენციას ითხოვს.

— დოქტორო არისტა, გთხოვთ, ცოტა ხანს გარეთ დამე-
ლოდოთ! — თქვა კარანსამ, — ვინ იცის, იქნებ მნიშვნელოვანი
ამბები მოიტანა.

არიოლამ პრეზიდენტს შემოსვლისთანავე პატრიარქალუ-
რი წვერის ცახცახზე შეატყო, რომ აღელვებული იყო. რამდე-
ნიმე თავაზიანი მისასალმებელი სიტყვის შემდეგ თქვა:

— შემთხვევით გავიგე, რომ თქვენ, ბატონო პრეზიდენტო,
შეერთებული შტატებისათვის მექსიკის სახელმწიფო ვალის
პროცენტების გადახდის ვადის გადადება გითხოვიათ. მეგობ-
რებისაგან ისიც შევიტყვე, რომ... — გრაფმა ცოტა ხანს შეის-
ვენა: უნდოდა პრეზიდენტი მიმხედარიყო, რომ მეგობრებში
იგი პირველ რიგში თვით ამერიკელ ელჩს გულისხმობდა, — არც
ამერიკა და არც რომელიმე სხვა სახელმწიფო არ მოისურვებს

ვადის გადადებაზე მოლაპარაკება აწარმოოს, სანამ მექსიკაში მშვიდობა არ დამყარდება.

კარანსას ცეცხლი მოეკიდა. ნუთუ მას ისე აბუჩად იგდებენ, ელჩი არ ატყობინებს ამ მოთხოვნას და ჭუჭყიანი საქმეებით სახელგატეხილ საქმოსანს უგზავნის?

გაჯავრებულმა პრეზიდენტმა თქვა:

— მაშინ მებატონეებს როგორღა დავუბრუნო მამულები? აი, თქვენი სან ბარტოლოდოც ხომ გლეხებს უკავიათ?

არიოლამ ცივად მიუგო:

— საქმოსნებისათვის სულ ერთია, ვისგან იყიდონ—სიმინდი იქნება ეს თუ ბანანი, გლეხებისაგან თუ მემამულეებისაგან. იმათ ისიც კი ჰგონიათ, გლეხებისაგან უფრო იაფად შევისყიდითო. ბატონო პრეზიდენტო, თუ თქვენ იტყვიან, გლეხების წინააღმდეგ ბრძოლას კვლავ ვაპირებთო, მაშინ ამერიკელები თქვენდამი მტრობას ჩაიდებენ გულში. — არიოლამ ეს სიტყვები ცივი ტონით თქვა, მერე პრეზიდენტს უცბად თავი დაუკრა და თავაზიანად დაუმატა: — ვამაყობ იმით, რომ მსხვილ საქმოსანთა იმ ჯგუფს ვეკუთვნი, რომლებიც მექსიკაში კაპიტალის დაბანდებას თავს არ მოარიდებს, თუ დარწმუნდა, სახელმწიფოში ბოლო მოეღება არეულობას, სულ ერთია, რომელი მხარეც უნდა იყოს მისი გამომწვევი.

პრეზიდენტი არიოლას ბოლო სიტყვებზე ახლა აღარ ბრაზობდა, რადგან თვითონ მას აბრალებდნენ არეულობას და იკითხა:

— მერედა, ამ სესხის პროცენტი როგორი იქნება?

არიოლამ ქედმაღლურად განაცხადა:

— სესხის პირობებს კრედიტორები მხოლოდ იმ შემთხვევაში დაადგენენ, როცა მათ მექსიკაში მოვლენათა შემდგომ მსვლელობაზე ნათელი წარმოდგენა შეექმნებათ.

აღშფოთებული კარანსა ფეხზე წამოიჭრა და მოკლედ თქვა:

— მაშ ახლა სათქმელი აღარაფერი დაგვრჩენია.

— მე მაინც ვფიქრობ, — არიოლამ პრეზიდენტს თავი დაუკრა და მერე დამცინავად მიაპყრო თვალები, — კრედიტორთა ჯგუფი თავის წინადადებას ერთი თვით დაიცავს. მაშინ კი პირობები გაცილებით ნაკლებ ხელსაყრელი იქნება.

— გმადლობთ. გასაგებია, — თქვა პრეზიდენტმა.

ამ აუდიენციის შემდეგ კარანსა არისტას დიდხანს ეთათბირა.

-- ამ სპეკულანტს, — გაცხარებული ყვიროდა პრეზიდენტი, — თავხედობა ჰყოფნის და ვადიან ულტიმატუმს მიყენებს. სხვა სიტყვებით რომ ვთქვა, თუ ჩემი არმია ერთ თვეში გლახებთან ომს არ დაამთავრებს, სესხს ვერ მივიღებთ, ან თუ მივიღებთ, არახელსაყრელ პირობებში. შეერთებულ შტატებში იციან, რომ საპატას მოკვლის შემდეგაც ვერ მივალწიე სამსენდრო გამარჯვებას. იძულებული ვარ, დავუთმო. მე ვისურვებდი, დოქტორო არისტა, ხვალვე წასულიყავით გენერალ გონსალესთან და ჩემი ბრძანება გადაგეცათ: არმია უკან გამოიყვანოს და ყველა ჯარისკაცი შინ გაუშვას, რადგან მშვიდობიანობის დროს ჯარისკაცები არ გვჭირდება.

-- ამაში საშიშროებას ვხედავ, ბატონო პრეზიდენტო!

— სახელდობრ რაში?

— ეს გენერალი თავისი ჯარისკაცების ხარჯზე მდიდრდება, — მიუგო არისტამ. — მშვიდობიანობის დროს ამდენ ქონებას ვერ დააგროვებდა. ნუ დაგავიწყდებათ, რომ უერთამ პრეზიდენტს ჯერ უღალატა და მერე დაახვრეტინა კრდეც.

კარანსამ გაიცინა:

— თუ მაგ კაცს ფული უყვარს, საქმეს ადვილად ეშველება. ომის ყოველი დღე გაცილებით ძვირი გვიჯდება, ვიდრე გენერლის ყველაზე ძვირი საჩუქარი დაგვიჯდება. საპატას მოკვლისათვის მის წინაშე ისედაც ვალში ვართ. არმიის დემობილიზაციის ბრძანებასთან ერთად მას კარგა დიდი თანხაც გადაეცით.

მძარცველთა არმიის ოფიცრებში ხმა დაირბა, მეზიკოდან ისევ ის ფერმკრთალი სახის მსხვილი ბატონი ჩამოვიდა, საპატას მოკვლამდე რომ იყო, და გენერალმა მაშინვე მიიღო. ერთ ოფიცერს მისი სახელიც სცოდნოდა — დოქტორი არისტა. ის პრეზიდენტის დავალებით ჩამოსულა. გენერლის ერთ-ერთ ადიუტანტს ჰკითხეს, მისი ჩამოსვლა რის მაუწყებელიაო. ადიუტანტმა კი მხოლოდ ეს უპასუხა:

— საუბრისას არავინ დაისწრეს, მაგრამ ერთი კი შევამჩნიე, — გენერალი სტუმარს ძალიან ცივად მიეგება, მაგრამ რომ მიაცილებდა, ოთხად იკეცებოდა.

ამ ამბავმა ოფიცრები ცოტა დააეჭვა. ერთმა ხმამალა თქვა კიდევ:

— ძლივს დავამყარეთ წესრიგი არმიაში, ახლა კი ვილატ ქალაქის სამხედრო საქმეებში ჩარევა კარგს არაფერს გვიქადის!

მეორე დღეს ჯარმა უკანდახევის ბრძანება მიიღო. სადამდე უნდა დაეხიათ, არავინ იცოდა.

ის პოლკო. ამჟამად ლეიტენანტი ტორესი რომ ირიცხებოდა, მოლინოსიდან საკმაო მანძილზე იმყოფებოდა და ამიტომ არ შეეძლო თავისი მეგობრის, საპატას მკვლელის, ალონსოს ნახვა. ვისთვის გაეწიარებინა თავისი შიში? საით შეიძლებოდა ჯარის დახვეა, თუ არა უკან? მაშასადამე, თუმცა საპატა მოუყლეს, გლეხები მაინც იმარჯვებდნენ. ტორესს ის უფრო აწუხებდა, რომ გენერალი ჯარისკაცების მოთხოვნას ასრულებდა და ჯარი ისეთ რაიონებში გადაჰყავდა, სადაც საჭმელს იშოვნებდნენ. მაგრამ რახან გენერალი დათმობაზე მიდიოდა, ვინ იცის, ეს სად დამთავრდებოდა.

პოლკო ტორესი სულ ახალი მისული იყო, როცა შეამჩნია, რომ ჯარისკაცები ცნობისმოყვარედ ათვალეირებდნენ. მეორე დღეს უკვე მძულვარებით აღსავსე თვალეებით შესცქეროდნენ. მაშასადამე, ის უკვე სამარცხვინო ბოძზე იყო გაკრული, როგორც თავისი ხელქვეითის მკვლელი.

ამან კიდევ უფრო მეტი უნდობლობით განმსჭვალა ახალგაზრდა ინდიელი ჯარისკაცებისადმი, რომლებსაც, ეჭვი არ იყო, გლეხთა განთავისუფლებისათვის უძგერდათ გული.

შეიარაღებული გლეხობა

ერთმა მზეერავმა ამბროსიას მძარცველთა არმიის უკანდახევის ამბავი შეატყობინა. სამხედრო ფორმისმაგვარ სამოსში გამოწყობილი ამბროსია უძრავად იჯდა და თვალებს ახამხამებდა. თავზე გლეხური შლაპა ეხურა.

ცოტა ხნის შემდეგ წამოდგა და ტრინისტან მივიდა. იგი ჰილოფზე მიწოლილ კნაჰას წინ ჩაჩოქილიყო. კნაჰა ცახცახებდა

და კბილს კბილზე აცემინებდა, მაგრამ ცდილობდა, დაწვრილებით მოეთხრო იმ მოლაპარაკებაზე, ორ არმიას შორის მდებარე სოფლებში რომ აწარმოვა. მან მოახერხა გლეხების დარწმუნება, რომ ისინი მოვალენი იყვნენ, მტრის ჯარისკაცთა მიერ გადაყრილი იარაღი მოეგროვებინათ და მიწაში ჩაეფლათ.

ამბროსია დაელოდა, სანამ კნაჭა დიდის გაჭირვებით დაამთავრებდა სათქმელს. მას ძალიან ეცოდებოდა ეს ბოკი, ავადმყოფობას თავს რომ არ უღებდა, მერე ტრინის ჰკითხა:

— გაზეთები მიიღე?

— მივიღე. რა საოცარია, ყველა სამოქალაქო ომის დამთავრებას მოითხოვს.

— მძარცველთა არმიამაც უკან დაიხია, — წელა დაუმატა ამბროსიამ. — რახან ის იხევს, ჩვენც შეგვიძლია დავიხიოთ და ამით ჩვენი სოფლელების მოთხოვნა შევასრულოთ. წამო, ბალთასართან წავიდეთ!

ტრინიმ შეშფოთებით შეხედა დიდელას, მერე იატაკზე დაწოლილ კნაჭას გადახედა, ფეხზე წამოდგომას რომ ცდილობდა. კნაჭას არ უნდოდა ავადმყოფობას დანებებოდა და გაღიმებას ცდილობდა, მაგრამ ღიმბილის ნაცვლად სახე საშინლად ემანჭებოდა.

ამბროსია მიხვდა, რა აწუხებდა ტრინის. კნაჭასაკენ დაიხარა და თავზე ხელი გადაუსვა.

— ცხელი ხარ, ნუ ადგები! შენი მოვალეობა კარგად შეასრულე.

ეს სიტყვები კნაჭას სხვის დანუგეშებაზე მეტად ესიამოვნა.

კარგა მანძილი რომ გაიარეს, გლეხები მდინარის პირას გაშენებულ ერთ პატარა ქალაქს მიადგნენ. მდინარე მაღალ ხეებსა და ლელიანებში მოედინებოდა. დალაგდნენ თუ არა, ბალთასარმა არმიის მეთაურები შეკრიბა. ახლო-მახლო სოფლებიდან მათ თავმოყრას რამდენიმე საათი დასჭირდა.

ძალიან ცხელოდა. მიუხედავად ამისა, ბრძანების მიხედვით, ტრინიმ სხდომის დარბაზის ფანჯრები დახურა, რათა გამვლელთ არ მოესმინათ. ამას გარდა, გარედან კარებს გუშაგები იცავდნენ, შიგნიდან კი ტრინი და კნაჭა აყუდებულებყვნენ.

ბალთასარი ფეხზე წამოდგა:

— პოლკოვნიკ ამბროსიას თქვენთან საქმე აქვს.

ფეხზე წამოდგა მხრებში გაშლილი, სახემოღუშული ამბროსია.

— თქვენ უკვე იცით, რომ ორივე არმიამ უკან დაიხია, მაგრამ ჩვენ ისევ ერთმანეთის პირისპირ ვდგავართ, როგორც მრავალი წლის წინათ ვიდრე და აღარც ვიბრძვი, მაგრამ არც ზავი დაგვიდვია. როგორ მოვიქცეთ? ბევრ თქვენგანს უნდა სოფელში დაბრუნდეს. თქვენ რას იტყვიან?

არაკუნე აღშფოთებული წამოხტა.

— ომის შეწყვეტა როგორ შეიძლება? ეგრეთ წოდებულმა პრეზიდენტმა ვენუსტიანო კარანსამ საუკეთესო ხალხი დაგვიხოცა. ამისთვის სახრჩობელაზე უნდა ჩამოვკიდოთ!

წამოდგა ტანმორჩილი, ჩასკვნილი ინდიელი:

— თითქმის ათი წელია ვომობთ. სოფლები გაჩანაგდა. თუ საპატას შურს ვიძიებთ, კიდევ წლობით მოგვიწევს ხეტიალი. მე მგონი, სჯობს, სახლებში დავბრუნდეთ.

ზოგი მომხრე იყო სოფლებში დაბრუნებისა, ზოგი არა. ზოგი არაკუნესავით ფიცხად ლაპარაკობდა, ბევრი, ძველ ინდიელთა ჩვეულებისამებრ, დინჯად და მძიმედ.

ამბროსია ყველას უსმენდა. მერე ისევ წამოდგა.

— რაც ცნობები გაგვაჩნია, იმას თუ ვერწმუნებით, მძარცველთა არმიას ბრძოლა აღარ სურს. ჩვენ შეგვეძლო მათ კვალდაკვალ მივყოლოდით, მაგრამ რას მოვიგებდით? აბა გაიხსენეთ, რა ხშირად გზავნიდა ჩრდილოეთ ამერიკა ჩვენში თავის ჯარებს. უკანასკნელ წლებში ამერიკა ევროპის საქმეებით იყო დატვირთული და თავისი ჯარებიც იქ ჰყავდა გაგზავნილი. ახლა ეს ჯარები უკანვე დაბრუნდნენ. იარაღი ბლომად მოეპოვებათ. ტრინი, წაიკითხე გაზეთში ის ადგილი, ამერიკა რომ გვემუქრება!

ყველა ტრინისკენ შებრუნდა.

— „რამდენიმე სენატორმა ვაშინგტონში მოითხოვა: საჭიროა ამერიკამ მექსიკაში ჯარები გაგზავნოს, რათა იქ სამოქალაქო ომს ბოლო მოუღოს, რომ ამ ქვეყანასთან ვაჭრობა ვაწარმოოთ“.

— ჰო, აი, საქმე რაშია, — განაგრძო ამბროსიამ. — ეს მუქარა კარანსასაც ეხება და ჩვენც. შეგვიძლია ამჟამად კბილებამდე შეიარაღებულ გრინგოსთან ბრძოლა? მე ვამბობ, არა,



არ შეგვიძლია-მეთქი. მამ რახან ბრძოლა არ შეგვიძლია, სოფლებს უნდა მივაშუროთ. აქ დამსწრეთა უმეტესობასაც ესა სურს. მაგრამ იარაღს რა ვუყოთ?

დაბალი ტანის, ჩაფსკენილმა მეთაურმა თქვა:

— იარაღი მძიმეა, ჩვენ კი გრძელი გზა გვიდევს. იარაღი რაღად გვინდა, როცა ბრძოლას აღარ ვაპირებთ? მიწაში დავმალეთ და პატარ-პატარა ჯგუფებად სახლებში წავიდეთ.

ამბროსიამ მკაცრად უთხრა:

— ამდენი წლის ბრძოლებმა არაფერი არ გასწავლა? ბატონმა რომ მიწის წართმევა ისევ მოგინდომოს, უიარაღოდ რას იზამ? გლეხობამ იარაღი ისევ უნდა შეინარჩუნოს! ამას ვარდა, ერთმანეთთანაც მჭიდრო კავშირი უნდა გვქონდეს!

ერთ წუთს ხმა არავის ამოუღია. მერე ისევ არაკუნე წამოხტა:

— ვინ არის კიდევ მომხრე, რომ იარაღი მიწაში ჩავფლათ, ფეხზე აღგეს! ერთი შევხედავთ მაინც, ვინა ბრძანდება.

ჩასკენილმა მეთაურმა არაკუნეს მიაძახა:

— ფეხზე შენ თვითონ დგახარ!

არაკუნე რმ წუთასვე ჩაჯდა და უკმაყოფილოდ ჩაიბუზღუნა:

— მე რა, იმიტომ ვდგავარ, რომ იარაღი მიწაში ჩავეღლათ?! ატყდა სიცილი.

ტრინი თვალს არ აშორებდა დიდედას. ასეთი მკაცრი სახე არასოდეს ჰქონია ამბროსიას.

ამბროსია წამოდგა:

— ომი დასრულდა, ხალხი კი ისევ შეიარაღებული რჩება!

გლენთა არმია დაიშალა

დილას ამბროსიამ და მამაკაცებმა დაინახეს, რომ, ჩვეულებისამებრ, წყნარი და თავდაჭერილი კანდელარია იდგა და ტირილობდა.

— ახლა უნდა დავშორდეთ ერთმანეთს, — ქვითინით ამბობდა იგი.

მარტო ამისთვის ტირიობდა? ყველა დანაღვლიანებული იყო. ნეტავ რა ელოდათ, საკუთარ სოფლებს რომ დაუბრუნდებოდნენ? სამხრეთ პროვინციებში საპატა მრავალი წლის მანძილზე მბრძანებლობდა ნამდვილ პრეზიდენტეით. ახლა ალბათ ისევ ძველებურად მოაწყდებიან ათასი ჯურის მექრთამე ჩინოვნიკები.

არც საუბრებზე ამოუღიათ ხმა. კანდელარიამ მცირეოდენ საოჯახო ნივთებს თავი მოუყარა და სახედარს გადაჰკიდა. მერე შემობრუნდა, ამბროსიას მიეჭრა და ყელზე შემოეჭლო.

— ამბროსია! — თქვა ცრემლების ყლაპვით. მერე იქ მდგომ მამაკაცებს ჩამოუარა და გადაკოცნა. პირველად კი ტრინის აკოცა, იგი უკვე მისი სიმაღლე გამხდარიყო. კნაჭა კი დაიხარა, კანდელარიას ნაღვლიანი თვალები შეანათა და უთხრა:

— კეთილი გული გაქვს, კანდელარია!

ბალთასარი ცდილობდა, რისიანად ელაპარაკნა და ამითი დაეფარა მღელვარება.

— ჩვენი, საპოტეკების სახლი, შორსაა. არაკუნე და მისი-
რაზმი შენ გამოგყვება, პოლკოვნიკო ამბროსია. თქვენ ხომ მე-
ზობლად ცხოვრობთ.

კარებში დოქტორი პეპე გამოჩნდა, თვალი მოავლო იქ
მყოფთ და თქვა:

— მიდიხართ? მე რა ვქნა?

— მივდივართ. თქვენ არ გინდათ იმ ქალაქში დაბრუნება,
საიდანაც ჩამოხვედით? — ჰკითხა დაბნეულმა ამბროსიამ.

— იქ უკვე აღარავინ მყავს, — დოქტორმა გაიღიმა. — გეტ-
ყოფათ, უკვე დამივიწყეთ. არა, არა მწყინს, მაგრამ რა გზას და-
ვადგე?

— ექიმო, — დაიწყო ამბროსიამ და მას გამომცდელად შე-
ხედა, — სან ბარტოლდოსა და ტეპოტლაში ბევრნი ვბრუნ-
დებით. შენც გვიცნობ და ჩვენც გიცნობთ. მთელ ჩვენს ახლო-
მახლო ერთ ექიმსაც ვერ ნახავთ, წამოდი ჩვენთან!

— ეს ტრინიმაც მითხრა ამასწინათ, მაგრამ თქვენ რომ ჩე-
მი შესანახი ფული არა გაქვთ, რითი ვიცხოვრო?

— თუ მარტო ეგ გიშლის ხელს, არა უშავს! — მიუგო ამბ-
როსიამ. — მე მეგონა კარგი ბინა გჭირდებოდა. აი, ეს კი არ
გაგვაჩნია.

— ამაზე მე უკვე ვიფიქრე. არა, კარგი ბინა როდი მჭირდე-
ბა, ფულია საჭირო, რომ წამლები და წიგნები შევიძინოთ
ხოლმე.

— თუ მემამულეთაგან წართმეულ მიწას შევინარჩუნებთ,
ამდენს კი მოგიგროვებთ, ექიმო! აი, მთავარი ეს არის.

— კარგი, ამბროსია, წამოვალ, — მან ალერსიანად მოავლო
თვალი გარშემო მყოფთ. — სიამოვნებით წამოვალ თქვენთან!



რამდენიმე დღის სიარულის შემდეგ მძარცველთა არმიამ
უკეთეს ადგილებს მიაღწია. იმავე საღამოს ხმა დაიბნა, არმიას
შლიანო. გახარებული ახალგაზრდა გლეხი ჯარისკაცები ქუჩებს
მოედევნენ, ძალიან ეჩქარებოდათ შინ დაბრუნება. მაგრამ აქა-
იქ დაინახავდით პატარ-პატარა ჯგუფებად თავშეყრილთა მო-
ლუშულ სახეებსაც. ესენი მემამულეთა ყოფილი ზედამხედვე-
ლები და სხვა შავბნელი წარსულის მქონე ხალხი იყო. მათ რა-

ლა ექნათ? იმ სოფლებში, სადაც ადრე პარპაშებდნენ, რალა-
თქმა უნდათ, აღარ მიესვლებოდათ.

ერთ ოთახში ნავთის ლამპის შუქზე მაგიდას სამი ხაზინადა-
რი უჯდა და საუკეთესო მექსიკურ საჭმელებს თქველედდა: ტა-
კოს, ენჩილადასა და ყველაზე გემრიელ, ძარღვებად ჩახარშულ
თეთრ ხორცს, რომელსაც ამ მხარეში „დამბალ თეთრეულს“
უწოდებენ. ბოლოს მათ მოწითალო-მოყავისფრო საამო საჭმე-
ლი მიართვეს: კაკაოს ფხვნილში ჩაზელილი, ზეთში შემწვარი
სხვადასხვა სახის წიწკა.

მსახურმა სუფრა აალაგა და მოსაუბრენი მარტო დატოვა.

ერთ-ერთმა მასპინძელმა თავი ეშმაკურად წინ წამოსწია და
ხმადაბლა თქვა:

— რალაც გავიგე... ის ამბავი უკვე იცით, დოქტორი არისტა
რომ მეორედ მივიდა გენერალ გონსალესთან. პირველად საპა-
ტას მოკვლის ბრძანება მოიტანა. მის მკვლელს, მაგ ცხვირაწე-
ულ ლეიტენანტ ალონსოს, კაპიტნობა უბოძეს, ხოლო გენე-
რალმა, თქვენ როგორ გგონიათ, პატიოსანი სიტყვის დარღვევი-
სა და საპატას ვერაგულად მოკვლისათვის არაფერი მიიღო? მას
არისტამ პრეზიდენტის სახელით ხუთასი ათასი პესო გადასცა.

— რას ამბობ, კაცო? ეგ რა დასაჯერებელია. ეგეთი უნამუ-
სობა გაგონილა? მერე ასეთი თანხა?!

— თანხა დიდი უნდა ყოფილიყო, რადგან ეგ საჩუქარი
გარკვეულ პირობებს ითვალისწინებს: გენერალი მოვალეა არ-
მია მშვიდობიან მდგომარეობაზე გადაიყვანოს და ჯარისკაცთა
უმეტესი ნაწილი დაუყოვნებლივ გაათავისუფლოს.

— მხოლოდ უმეტესი ნაწილი? — იკითხა ერთმა. — ჯარის-
კაცები ამბობენ, ყველას ათავისუფლებენო?

— ეგ ხმა ერთმა ჩვენთანა დაყარა, ჰოდა, ახლა ყურადღე-
ბით მომისმინე, ამაში თქვენი დახმარებაც გვჭირდება.

— რაში?

— ახლავე გაიგებთ. ამას წინათ რომ მღელვარება მოხდა,
მაშინ ბევრი გლეხი-ჯარისკაცი გაიქცა არმიიდან, მაგრამ სიებში
ისევ ირიცხებიან.

— ეგეთები ჩემთანაც ირიცხებიან, — წამოიძახა მეორე-
მაც. — მე ზემოდან მივიღე მითითება, არ ამოშალოთო.

— მეც ასეთი ბრძანება მივიღე, — თქვა ისევ პირველმა

მოსაუბრემ. — როგორცა ჩანს, ეგ ბრძანება თვით გენერლისაგან მომდინარეობს. მაგრამ თუკი მას განზრახული აქვს არმიიდან გაქცეული ჯარისკაცების ხელფასი სულ თვითონ ჩაიჯიბოს, ნურას უკაცრავად, ჭკუა და ეშმაკობა ხაზინადარებსაც გააჩნია, მაგალითად, მე გაქცეული ხალხის მხოლოდ ნახევარი გამოვაჩინე.

— მერე და შენმა მაიორმა ხომ მაინც ზუსტად იცის, რამდენიც გაიქცა? — დაინტერესდნენ სხვები. — იმას რამდენს აძლევ?

— ერთ მესამედს. ამითაც კმაყოფილია. ამას გარდა, — მოსაუბრემ ხმას კიდევ დაუწია, — სხვა საძვრომებიც არის, რაც მარტო ჩვენ ვიცით.

სამივემ გაიცინა და თითო ჭიქა ტეკილი გადასუხა.

— ერთი რამ ვერ გავიგე, რაში დასჭირდა იმ ჩვენს კოლეგას, ეგ ხმა რომ გაავრცელა, მთელ არმიას ითხოვენო? — იკითხა ერთმა.

— აბა წარმოიდგინე, რა მდგომარეობაში ცვივიან ჯარისკაცები. წვევამდელი გლეხები ფიქრობენ, რომ ახლავე შინ გაუშვებენ. თუ არ გაუშვებს, ბევრი გაიქცევა. ასეთები ვერც დათხოვნის ანგარიშს მოგვთხოვენ და ისიც შეგვეძლება, ერთხანს ისევ სიებში ვიყოლიოთ. რაც შეეხება ყოფილ ზედამხედველებს, მწერლებსა და მათ მსგავს ნაყარ-ნუყარს, აქ საქმე პირიქითაა. მათ არმიაში დარჩენა სურთ, მაგრამ ისე უნდა მოვახერხოთ, რომ მძიმე პირობები შევუქმნათ. ისინი ჯერ თავიანთი ხელფასის ერთ მეოთხედს შეგვპირდებიან, მერე ნახევარს და მეტსაც კი. ახლა ხომ ხედავთ, რად დავარხიეთ ხმა, მთელ არმიას უშვებენო. თქვენც უნდა დაგვეხმაროთ, რომ უფრო მეტი ქაოსი და უწყესრიგობა დატრიალდეს, მაშინ გლეხები დეზერტირობას მოუმატებენ, ჩვენ კი ჩიბებებს გავისქელებთ!



ლეიტენანტ ტორესს ოფიცრებმა ურჩიეს, გარეთ არ გამოხვიდეთო, რადგან ჯარისკაცებმა თავი სულ აიწყვიტეს და ეშინოდათ, მკვლელს არ წასეოდნენ. ტორესიც ერთ პატარა ოთახში ჩაკეტილიყო და მოთმინებით ელოდა, როდის მოუტანდა მსახური ხოზე სადილს.

ოთახის კარს ვილაც მოადგა. თვალი მოჰკრა თუ არა ბატალიონის მეთაურსა და მის ადიუტანტს, ტორესი ფეხზე წამოხტა.

მაიორი ბოროტად იმზირებოდა და ყოველგვარი შესავლის გარეშე თქვა:

— უსიამოვნო ამბავი უნდა შეგატყობინოთ: სამსახურიდან გაგათავისუფლეს. მის აღმატებულებას მიაჩნია, რომ ამჟამად არსებული განსაკუთრებული მდგომარეობის გამო, არმიაში ისეთი ოფიცრის შემდგომი ყოფნა, თავისი ქვეშევრდომების ესოდენ დიდი ანტიპათია რომ დაიმსახურა, მიზანშეწონილი არ არის.

— მათქმევინეთ, ბატონო მაიორო! — გაცხარებით შესძახა ტორესმა. — ჯარისკაცები ძარცვა-გლეჯაზე იყვნენ და ნუთუ იმისათვის უნდა დავისაჯო, რომ მხოლოდ მე გავებდე მათ წინააღმდეგ გალაშქრება?

— მაშასადამე, თქვენ გსურთ, — მაორი უფრო მეტად მოიღუშა, — რომ თქვენს ამხანაგებს, სხვა ოფიცრებს, ლაჩრობა დააბრალონ?

დაბნეულმა ტორესმა ამოიღუღლულა:

— არა, ეს არა მსურს.

— და არც შეგიძლიათ. სხვათა შორის, მინდა გირჩიოთ, რომ დადამებამდე არ გახვიდეთ ამ სახლიდან. ჯარისკაცები ძალიან დელავენ. ამ კონვერტში თქვენი კუთვნილი ხელფასია.

მაიორი კარებისკენ შებრუნდა და მაშინლა შეამჩნია, რომ კარებთან ხოზე ატუზულიყო, ხელში თეფშები ეჭირა და შეშინებული იმზირებოდა.

ორივენი ისე გავიდნენ ოთახიდან, ერთმანეთს არ ვამომშვიდობებთან.

— შენ ჭამე, მე არ მშია! — უთხრა ტორესმა ხოზეს.

— მეც სწორედ ახლა მითხრეს, დათხოვნილი ხარო, — ხმადაბლა ჩაილაპარაკა ხოზემ.

— შენ რაღას გერჩოდნენ?

— მარიჰუანას გამოუსწორებელი მწვეველი ხარო.

— სხვებიც დაითხოვეს?

— კი, უფროსი თაობის წარმომადგენელთაგან ყველა, ვილაც თავისი მშობლიური კუთხე აღარ გააჩნიათ. ძალათი მობი-

ლიზებულ გლეხებს რა უშავთ, თავიანთ თემში მიწის ნაკვეთს მიიღებენ და ცოლსაც შეირთავენ. ჩვენ რაღა ვქნათ?

ტორესი ხოზეს დაკვირვებით შეაჩერდა. ხოზე უკვე საკმაოდ დაძაბუნებული ინდიელი იყო. მისი ბედი ტორესის ბედს წააგავდა. თუმცა ტორესს საკუთარი კუთხისმაგვარი რამ კიდევ გააჩნდა. მამამისი სულ ვალებში იყო, ძველი დიდი სახლი გაყიდეს, მაგრამ მეორე სახლიც ჰქონდათ, გაცილებით პატარა. ვიწრო ეზო, ერთი ოთახი და მომცრო სამზარეულო ჰქონდათ. ნუთუ იქ ცხოვრება მოუწევდა?

შეშფოთებული ბოლთას სცემდა ოთახში. უცბად ხოზეს წინ შესდგა. იგი ცხიმიან წვეწვში ყვითელ ლობიოს მარცვლებს დასდევდა კოვზით.

— ჩემს მამულს დავიბრუნებ ტეპოტლაში, ოღონდ შენ მხარი უნდა დამიჭირო. ცალ-ცალკე ჩვენი ყოფნა არ ივარგებს. შეგიძლია სხვებსაც მოელაპარაკო, ვინც დათხოვნილია? რასაკვირველია, მხოლოდ ისეთებს, შენსავით სახლ-კარი რომ არ გააჩნიათ.

— შემიძლია. ბევრი ალბათ დათანხმდება, მაგრამ ფულს საიდან მისცემ?

— ჯერჯერობით, რასაკვირველია, ვერ მივცემ. მერე კი, როცა მამულსა და არყის სახდელს დავიბრუნებ, ურჩი გლეხების დასამორჩილებლად შეიარაღებული ზედამხედველები დამჭირდება.

ხოზე მაშინვე მიხვდა, ტორესი რასაც გულისხმობდა: მათ ჩვეულებრივ, უნდა შეედგინათ ყაჩაღების ბანდა. ეს ბანდა, სანამ მამულს დაიპყრობდნენ, ძარცვით გაიტანდა თავს. მერე ვინ იცის, დაიპყრობენ კია? მაგრამ სხვა რა გზა ჰქონდათ.

სანტა ანაში

მზე გადაიხარა, არაკუნეს რაზმი სოფელ სანტა ანას რომ მიუახლოვდა. არაკუნე ჭიშიან ცხენზე იჯდა. ჭიშიან ცხენს მექსიკაში იშვიათად შეხვდებოდა. მას ჩუმად მიჰყვებოდნენ მხარზე თოფგადაკიდებული ამბროსია და ტრინი. მათ კი ტეპოტლელე-

ბი მისდევდნენ, რომელთა შორის ორი სან ბარტოლდოელი მებრძოლიდა დარჩენილიყო. დანარჩენები გონსალესის არმიასთან ერთ-ერთ მამივე შეჯახების დროს დაიღუპნენ ოთხი წლის წინათ.

კოლონას ბოლოში რამდენიმე ქალი მიჰყვებოდა და დატვირთულ სახედრებს მიერეკებოდნენ. კნაჭაც მათთან იმყოფებოდა. დღეს თავს ძალიან სუსტად გრძნობდა და სახედარს კუდზე ეჭიდებოდა, რომ კოლონას არ ჩამორჩენოდა. გაწამებული კნაჭა იმაზე ფიქრობდა, ტეპოტლაში რა საქმეს მიუჩენდნენ. ბევრი-ბევრი კიდეც სამ დღეს მონდომებოდნენ იქ მისვლას. ტრინი ისევ იმ ბაღებში იმუშავებს, სადაც ბიძამისი ცხოვრობდა და მუშაობდა. ისიც მიეშველებოდა ცოტას. ყანაში მუშაობა აღარ შეეძლო.

მის უკან დოქტორი პეპე სახედარს მოათხოხარიკებდა. ვერც ის იყო დღეს მაინცადამაინც კარგ გუნებაზე. უცბად თვალი მოჰკრა, რომ კნაჭა შეტორტმანდა და კუდს ხელი გაუშვა. ექიმში გადმოვიდა და კნაჭა აიძულა, სახედარზე შემჯდარიყო. ამაში თვითონაც დაეხმარა. დოქტორი მთელი გზა იმაზე ფიქრობდა, ნეტა სოფელში მუშაობას თუ შეეძლებო.

გლეხები სანტა ანაში შევიდნენ. მაგრამ იქაური გლეხები არ გამოგებებიან. ამან ყველა გააოცა. სოფელს დაუარეს, მაგრამ არც ერთ ქოხში კაცის ჭაჭანება არ იყო. ერთ ბოსტანში ახლად მოჭრილი ფიჩხის გროვა მოხვდათ თვალში. ნეტა რისთვის აუჩეხიათ და რისთვის დაულაგებიათ ასე საგულდაგულოდ? იქნებ მის ქვეშ სიმინდს მალავენ?

ფიჩხი რომ გადასწიეს, გაოცებისაგან პირი დააღეს: ქვეშ ერთი ძალიან მოხუცი კაცი იწვა და შეშინებული ახამხამებდა თვალებს.

— მანდ რას აკეთებ, პაპა? — ჰკითხა ერთმა.

მოხუცი შეკრთა, მაგრამ ხმა არ ამოუღია.

ამბროსიას დაუძახეს. ამბროსიამ მის წინ ჩაიჩოქა, მაგრამ პატრონტაშებმა საბრალო მოხუცი უფრო შეაშინა.

— რად გეშინია, მოხუცო? — ჰკითხა ამბროსიამ ინდიურად. — ჩვენ საპატას არმიელები ვართ და ახლა შინ ვბრუნდებით. არავის არ ეძარცვავთ.

— ნუთუ თქვენ?.. — მოხუცს შეეშინდა და ისევ გაჩუმდა.



— რა დაგემართა, პაპილო! — მოხუცის გასამხნევებლად გაიცინა ამბროსიამ. — აბა შემომხედე! შენი მტრები განა ჩემნაირები არიან? იქნებ ამ მიდამოებში მემამულეთა ბანდა დათარეშობს და იმას დაემალე?

— სწორედ რომ ეგრეა! სხვებიც იმიტომ გაიქცნენ, მე კი აღარ შემიძლია, მუხლი აღარ მერჩის და აქ დამმალეს.

— რა იცი ბანდაზე? უკანასკნელად სად ნახე?

— აი, იქით. იქ ერთ სოფელს დაესხნენ თავს, გლეხებს თხები დაუხოცეს და შეწვეს, მერე ვირებიც წაართვეს.

ამბროსია ფეხზე წამოდგა:

— ჩქარა არაკუნეს დაუძახეთ!

ტეპოტლელემა დამბლადაცემული მოხუცი ფიჩხის ქვეშიდან გამოიყვანეს. აქვე ნახეს მჭადები და კოკით წყალი. ეს ამ საბრალოსთვის დაეტოვებინათ. მოხუცი მოხერხებულად დასვეს და მჭადები გვერდით მიუწყეს. ერთი მჭადიც არ აუღიათ, თუმცა ყველას შიმშილით კუჭი ეწვოდა. ამით მოხუცის საბოლოო ნდობა მოიპოვეს.

ამბრო' ა ამასობაში არაკუნეს ელაპარაკა და გადაწყვიტეს, სოფელი ს. ვდაცვისათვის მოემზადებინათ. ბანდიტები ალბათ იმავე გზით დაბრუნდებოდნენ. მოხუცისთვის უნდა ეთქმევიინებინათ, სად იყო თავშეფარებული სოფლის მოსახლეობა. საშიშროებაში რად უნდა ჩაცვენილიყვნენ, როცა მათი დაცვა სოფელშიც შეიძლებოდა?

ბებერს სიტყვები ძლივს ამოაგლიჯეს პირიდან და როცა გაიგეს, სად იმალებოდნენ, სოფლელების დასაძახებლად ტრინი გაგზავნეს. ტრინიმ თოფი დატოვა და ისე წავიდა.

კაქტუსის ბუჩქებიდან ორმა გლეხმა ამოჰყო თავი.

ტრინი შედგა და ინდიურად მიმართა:

— ჩვენ მძარცველები არ გეგონოთ, საპატას არმიის ჯარისკაცები ვართ.

გლეხები არ ენდვნენ და ბიჭს რამდენიმე შეკითხვა მისცეს. მერე ერთ ხევში შეიყვანეს, სადაც სოფლის მოსახლეობას შეეფარებინა თავი. იქ ახალ-ახალი შეკითხვები დააყარეს, რომლებზეც ტრინი, ჩვეულებისამებრ, გულიანად პასუხობდა. სოფლელების გული განსაკუთრებით იმით მოიგო, რომ ესპანურად კი არ ელაპარაკებოდა, თავის მშობლიურ ენაზე—ინდიურზე.

უტბად ერთმა, ძალიან მკაცრი შესახედლობის მოხუცმა ჰკითხა:

— საპატას მოკვლის შემდეგ რაღა მოხდა?

ტრინი მიხვდა, რომ ეს მოხუცი სოფლის თავკაცი უნდა ყოფილიყო. ეტყობოდა, მას ბიჭის გამოცდა უნდოდა.

როცა ტრინიმ ამ კითხვაზეც უპასუხა, მოხუცს მეორე კაცმა მიმართა:

— ატა ტომას, მე მგონი, ეგ ბიჭი არ სტყუის.

მოხუცმა თავი დააქნია. „ატას“ განსაკუთრებით პატივცემულ ადამიანს უწოდებენ.



ორი საათის შემდეგ სოფლელები ისევ თავიანთ ფარდულებქვეშ იხსდნენ და ტეპოტლელებს უბრალოდ, სოფლურად უმასპინძლებოდნენ.

ატა ტომასის ქოხთან ამბროსიამ, არაკუნემ და ტრინიმ მოიყარეს თავი.

— უნდა დავაზუსტოთ, ყაჩაღების ბანდას საით აქვს აღებული გეზი, — თქვა არაკუნემ.

— სჯობს, ახლაც ისე მოვიქცეთ, ბაღებში ყოფნისას რომ ვიქცეოდით, — თქვა ტრინიმ. — მეზობელ სოფლებში აქაური ახალგაზრდები დავაგზავნოთ. ისინი გზას ღამითაც კარგად გაიკვლევენ.

ატა ტომასმა ტრინის დაკვირვებით შეხედა.

— მაშ აქაურ ბიჭებს გინდა მოელაპარაკო? ვინმეს მოგიყვან, — და კმაყოფილი მოხუცი სიბნელეში გაუჩინარდა.

ხანდაზმულმა, სქელ-სქელმა ინდიელმა ქალმა, — იგი ალბათ ატა ტომასის ცოლი იყო, — მათ ქოთნებით ჩაი მიართვა. სტუმრები მაშინვე ხვრეპას შეუდგნენ.

უცბად ტრინის ცალთვალა ბიჭი ამოუდგა გვერდით და უთხრა:

— წამომყევი!

ცალთვალა ბიჭმა ტრინის ხელი ჩაავლო, რადგან კუნაპეტი ღამე იდგა და ასე ხელჩაკიდებული ოღროჩოღრო გზებზე ატარა. ტრინის მხოლოდ ტოტების ლაწალუწი და შიშველი ფეხების ტყაპატყუბი ესმოდა. მეგზური უცბად შედგა და ხმადაბლა თქვა:

— წელან გისმენდით, ხევში რომ ლაპარაკობდი. რით შეგვიძლია დაგეხმაროთ?

ტრინიმ მათ ხმადაბლა უამბო, რამდენიმე წლის წინ სან ბარტოლოდოდან და სხვა სოფლებიდან ბიჭებს როგორ მოჰქონდათ ცნობები ტეპოტლაში მძარცველთა არმიის შესახებ.

უცებ ტრინი შეკრთა: ნეტა ვინმე თუ უსმენს? გარშემო მდუმარება სუფევდა.

— მზადა ხართ საკუთარი და ახლობელი სოფლების დასაცავად?

ბიჭებმა ჩურჩული ატეხეს. დახმარება ყველას სურდა.

ტრინიმ ცალ-ცალკე დავალებანი გაანაწილა. იგი ახლა მიხვდა, გლეხთა არმიაში მზვერავეებთან მუშაობით რამდენი გამოცდილება შეეძინა.

— ხვალამდე, სანამ ინათებდეს, ბანდაზე სწორი ცნობები

უნდა შევაგროვოთ. აი, მაშინ კი შევიძლებთ მათ შეპყრობას.

ცალთვალა ბიჭმა ტრინი ისევ ატა ტომასთან წაიყვანა. უკან გამობრუნებისას ფარდულთან ერთი ტეპოტლელი შეამჩნიეს, იგი გლეხებს არაკუნეს ამბავს უყვებოდა, ეშმაკურად რომ აილო მემამულის სახლ-კარი. მერე ტეპოტლელი მენახშირეების სოფელთან გამართული ბრძოლის, ტყვეების შეპყრობის, მეხიკოს ადებისა და მძარცველ გონსალესთან ჩატარებულ მძიმე ბრძოლების ამბებს მოჰყვა.

ამავე ღამეს ქოხებთან თავი შეეყარა ხალხს. ისინი შინ დაბრუნებულულების ნაამბობს ისმენდნენ, ის კი ველარ გაეგოთ, რომ მათი შვილები სადღაც გამქრალიყვნენ.

ყველაზე ბევრი ხალხი იმას შემოსეოდა, ვისაც ყველაზე მეტად სჭირდებოდა მოსვენება, — კნაჰას, აღტაცებულ კნაჰას თავისი გაჭირვება დავიწყნოდა. საპატას მშვიდ სიდიადეს იგი შმაგ პანჩო ვილას ადარებდა. მერე საპატას მკვლევლობის ამბავი გაიხსენა და ისევ ეტკინა გული, მის მსმენელებს კი აცრემლებულ თვალებზე ქუდები და თავშლები ჩამოეფარებინათ.

ზფოთიანი ღამე

ტორესი უცნაურად იყო გამოწყობილი, სამხედრო ფორმისა თუ მემამულის ტანსაცმლის მსგავსი რაღაც ეცვა. თავზე დიდი, ამოქარგული შლიაპა ედო. რახან გლეხებს არ ენდობოდა, სოფლის ერთი ნაწილიდან მოსახლეობა აჰყარა და თავისი რაზმი დააბინავა. სახლების გადაწვა სასტიკად აკრძალა, მას კარგად ახსოვდა ამ რამდენიმე წლის წინ სან ბარტოლდოსა და ტეპოტლაში მძარცველთა არმიის მიერ ჩადენილი შეცდომები: აკვამლებული სოფლები შორიდანვე ჩანდა და მათ ადგილსამყოფელს ააშკარავებდა.

მისი ბანდის თითქმის ყველა წევრი მარიჰუანას ეწეოდა, რაც ბანდიტებში დაუსრულებელი განხეთქილების წყაროდ იქცა. სოფლებში მარიჰუანა არ იშოვებოდა, ამიტომ დახარბებული ბანდიტები ერთმანეთს პარავდნენ. ვისაც მარიჰუანა აღარ გააჩნდა, გაგიჟებამდე მიდიოდა და სასოწარკვეთილებაში ვარდებოდა.

ტორესი ლანძღვა-მუქარით ძლივს აჩერებდა მათ საგუშაგოებზე, ან სხვა რამ დავალებას აძლევდა. მათთან სიახლოვეს გაუბოლდა და განდევნილ, გვირგვინოსან მეფესავით თავისი ქოხის წინ მარტო იჯდა. პისტოლეტის ბუდეს ძილშიც არ იცილებდა.

მეორე დღეს ტორესმა გლეხებს უბრძანა, მჭადები დაგვიცხვეთ და მარაგი შეგვივსეთო.

ის იყო თენდებოდა, რომ გუშაგის ყვირილი და სროლის ხმა შემოესმა. ტორესი ზეზე წამოიჭრა, ხელის ცეცებით მოძებნა კარი და სიბნელეში გაუჩინარდა. გუშაგი თავის ადგილზე ვეღარ იპოვნა. მიიხედ-მოიხედა და გვერდზე გამდგარი ნახა.

— რას ემალები?

— აქ ყველაფერი წესრიგში ვერ უნდა იყოს, ბატონო! ეს-ესაა, ხალხმა ჩაიარა. გადავძახე, მაგრამ ხმა რომ არ ამოიღეს, ვესროლე. ისინი უცბად გაუჩინარდნენ.

— შენი თვალით თუ დაინახე?

— არ დამინახავს, მხოლოდ ფეხის ხმა გავიგონე. მერე ჩამიჩუმი მიწყდა.

„ავსულები ელანდება“, — გაიფიქრა ტორესმა და ქოხში შებრუნდა. მაგრამ მის თვალებს ძილი აღარ მიჰკარებია. უსიამოვნო ფიქრები აეკვიატა და მოსვენება აღარ მისცა. მომავალი სანუგეშოს არაფერს უქადდა.

ორი ბიჭი გაუფრთხილებლად მიადგა სოფელს. უცბად ვიღაცამ ესპანურად შეუყვირა:

— შესდექ! ვინ მოდის?

ბიჭები იმავე წამში შედგნენ. გუშაგს ვერ ხედავდნენ. გაისმა სროლის ხმა, ტყვიამ ყურთან გაუზუზუნა. ბიჭები მაინც არ განძრეულან.

მოულოდნელად გუშაგის ფეხის ხმა შემოესმათ. ბიჭები მეორე მხარეს გადაძვრნენ და ბალისაკენ მოქუსლეს. გარბოდნენ და თან წამდაუწყუმ ჩერდებოდნენ, ბოლოს თავისიანების ჩურჩული შემოესმათ. ბიჭები ნელა გამოძვრნენ.

სიბნელეში ვიღაც ქალმა დაიძახა ინდიურად:

— ვინა ხართ?

— დედილო, ერთი ამბავი მოგიტანეთ.

— ამბავი? — მათ ახლა კაცი გაეპასუხა. — სოფელში ისეთი ნეტა რა ხდება, რომ ყველამ არ იცოდეს?

ახალგაზრდები უფრო ახლო მიდგნენ.

ჩვენ გვესროდნენ.

— გავიგონეთ. ამ ღამე რას დაეხეტებით? ხომ იცით, იქ გუშაგი დგას?

— არ ვიცოდით, ჩვენ სანტა ანადან მოვდივართ. მეგობრებმა რაღაც დაგვაბარეს თქვენთან.



ტორესს, როგორც იქნა, დიდი წვალებით ჩაეძინა, რომ ხოზე მოვიდა.

— ბატონო, სოფელში რაღაც ხმაური ისმის.

— რა ხმაური?

— ხალხი აქეთ-იქით დაძრწის და თავიანთ ენაზე ლაპარაკობს. გლეხებს კი, ჩვეულებრივ, ღამით სძინავთ, არ ლაპარაკობენ.

— დილას ვნახოთ, — მიუგო ტორესმა. ეშინოდა ამ შუალამისას სოფლის გაჩხრეკა.

„საშიშია, — გაიფიქრა მან, — ჩვენ ერთი მეგობარიც არ გაგვაჩნია, გლეხებს კი ეშმაკებთან აქვთ შეკრული პირი.“

ამის შემდეგ მთელი ღამე სიმშვიდე სუფევდა. რამდენიმე ბანდიტი დილით სოფელში გავიდა მჭადების წამოსაღებად, მაგრამ სოფელში აღარავინ დახვედრიათ. ის სახედრებიც. ვუშინ გლეხებს რომ მიაბარეს, საღდაც გადაემაღათ.

ეს ამბავი ტორესს შეატყობინეს. იგი ერთ ხანს გაქვავებულნი იჯდა, მერე კი მკაცრი ბრძანება გასცა, გზას გასდგომოდნენ, თუმცა ეს სიფიცხე აღარ იყო საჭირო. მას სურდა თავისი ხალხისთვის სახედრები ეშოვნა, რადგან ეშინოდა, გლეხთა არმიის დაშლის შემდეგ ტეპოტლაში იქაურ მკვიდრთ არ მიესწოთ მისთვის. განა სარწმუნო არ იყო, რომ არაკუნეც ტეპოტლისკენ მიეშურებოდა? ტორესმა გადაწყვიტა, სახედრები მახლობელ სოფელში შეევესო. არავის დავზოგავ და მაინც ვიშოვნი, მერე კი ტეპოტლისკენ გავეშურებო, — ფიქრობდა ტორესი.

ხანმოკლე სროლა

შუაღღე ახლოვდებოდა. ტრინი ორღობეში გარბოდა და არაკუნეს ეძებდა. არაკუნემ ორი-სამი საათის წინ ბაღებში კაქტუსებს უკან და ქვის ყორეებთან თავისი მსროლელები ჩაასაფრა, თვითონ ერთ ქობთან იღგა და ამბროსიასა და სოფლის თავკაცს ელაპარაკებოდა.

— შენ ნუ გეშინია, ატა ტომას! მაგ ბანღის მოგერიება ჩვენი გამოცდილი მსროლელებისთვის ძნელი საქმე არ არის.

სწორედ ამ დროს მასთან ტრინი მიიჭრა:

— არაკუნე! — შეაწყვეტინა ტრინიმ. — ეს-ესაა შიკრიკი მოვიდა. ბანღა აქეთ მოიწევს.

— ამაზე უკეთეს შემთხვევას ვერც ინატრებდი, ტრინი. მე უკვე ვშიშობდი, ვაითუ რომელიმე არამზადამ გაგვცა-მეთქი, რომ აქ ჩავსაფრდით. ხომ არ იცი, რა ძაღლები გააჩნიათ?

— როგორც ჩანს, ჩვენზე მეტი ხალხი არ უნდა ჰყავდეთ.

— ძალიან კარგი. ახლა აქედან გაგვეცალეთ.

— რად? — იკითხა ატა ტომასმა.

— ვისაც თოფი აქვს, ბრძოლაც იმას შეუძლია.

— მართალია, თოფი არა მაქვს, მაგრამ მთელი სოფელი მე შემომცქერის. თუმცა ბრძოლა თქვენ მოგიწევთ, მაგრამ მეც თქვენთან უნდა დავრჩე.

— ჰო, კარგი, — დაეთანხმა არაკუნე. — მაგრამ იცოდე, ორღობეში არ გამოჩნდეს. ბანღიტებს არავინ არ უნდა დაენახოს. ტრინი, შენ შენს ქობში წადი, სადაც მზვერავეებს ცნობები მოაქვთ!

ტრინი ყოყმანობდა. მას ამბროსია წამოეშველა.

— მე თოფი მაქვს და გამოვიყენებ, შენ კი წადი!

ორღობეში მალე გამოჩნდნენ სახედრებზე შემსხდარი ბანღიტები, მათ შუაში კი თავზე ფართოველიან შლიაპაჩამოფხატული კაცი ცხენს მოათხარაკებდა. ეს კაცი მძარცველების მეთაური უნდა ყოფილიყო. მხედრებს ორღობეში ფართოდ გაშლილი ფეხოსნები მოსდევდნენ.

ბანღიტები წინ მოიწევდნენ. უკვე მკაფიოდ შეიძლებოდა მათი სახეების გარჩევა. არაკუნემ უცბად ზელი აიქნია და მქე-ქარე ხმით შესძახა:

— ცეცხლი!

თვითონ ფეხზე წამოხტა და ზეზეულა დიდშლიაპიან კაცს დაუშინა. მას ცხენი წაექცა, მისი მხლებელნი აქეთ-იქით მიიფანტ-მოიფანტნენ.

ბანდიტებმაც რამდენიმე გასროლა მოახერხეს, მაგრამ ტყვიებმა ჰაერში ამაოდ გაიწვილა.

ინდიელები სროლას არ წყვეტდნენ და ვინც ორლობიდან თავს წამოყოფდა, ცეცხლს უშენდნენ. ორლობეში რამდენიმე მოკლული კაცი და ერთი ცხენი დარჩა. ბრძოლა დამთავრდა.

არაკუნემ ატა ტომასს ხელი გაუწოდა.

— ბანდიტები აქ ველარ მოვლენ. რაც შევიძლეით, დაგეხმარეთ. ახლა თქვენა გთხოვთ დახმარებას.

— რა გჭირდებათ?

— სასწრაფოდ რამდენიმე სახედარი.

— გაჩუქოთ?

— არა, გვათხოვეთ!

— გაჩუქებთ. თქვენ არ დაგვიფარეთ, რომ არ გავეძარცვეთ?

არაკუნე თავის რაზმელს მიუბრუნდა:

— ახლავე ტრინისტან გავარდი და მოიყვანე! დაჭრილები უნდა დაჰკითხოს. რამდენიმე მცველსაც გავაყოლებ. მაგნიირი ბანდიტები სიკვდილის პირასაც რომ იყვნენ, მაინც ისერიან.

ტრინი მალე გამოჩნდა, სახედარიც უკვე მზად იყო. ტრინი ვირზე შეჯდა, სოფლიდან შარაზე გავიდა და გააჭენა.

დაჭრილი ცხენის ახლო-მახლო რამდენიმე მკვდარი ჯარისკაცი ეგდო, მაგრამ ის ფართოშლიაპიანი კაცი არსად ჩანდა. ტეპოტლელებმა ორლობის პირებში ბუჩქნარი გადასინჯეს და ერთი პირქვეჩამხობილი კაცი იპოვეს. რომ გადმოაბრუნეს, კაცმა შეშინებული თვალები შემოანათა.

— თქვენი მეთაური სად არის? — ჰკითხა ტრინიმ ესპანურად.

— გაიპარა, — მიუგო კაცმა.

— რა ჩვენებურად ლაპარაკობ, აქაური ხარ?

— ჰო, ტეპოტლელი.

ტრინის ერთ-ერთი მცველი წინ წამოდგა, დააკვირდა და თქვა:



— შენ ხომ დომინგო ხარ? აფსუს, რატომ ეგ თავი არ გა-
გისვრიტეს!

— მოიცათ! — თქვა ტრინიმ. — აბა ეს თქვი დომინგო,
თქვენი ბანდა საითკენ მიემართება?

— ტეპოტლაში. ტორესს თავისუფალი მამულის დაბრუნება
უნდა.

ტრინიმ იერონიმოსაგან ისწავლა, რომ დაკითხვის დროს გა-
ოცება არ შეემჩნიათ, მაგრამ მის მცველებს მაინც ემჩნეოდათ
გაბრაზება და ზიზღი. ისინი დაჭრილს მისცვივდნენ, მაგრამ
ტრინიმ შეაჩერა და დომინგოს ჰკითხა:

— ის ვირები რაღად გინდოდათ, ღამე რომ გაგირეკიათ?

მიწაზე განრთხმულმა კაცმა გაოცებისაგან პირი დაალო: ეს ახალგაზრდა გლეხი, მას რომ ეკითხებოდა, არა მარტო ინდიურად, ესპანურადაც ისე ლაპარაკობდა, როგორც ბატონები ლაპარაკობენ ხოლმე.

— გეტყვი, — თვალები აახამხამა დაბნეულმა. — ბატონ ტორესს ერთი კაცისა ეშინოდა, ხომ არ მომკლავთ, მისი სახელი რომ ვითხრათ?

— არა, ამისთვის არ მოგკლავთ.

— მისი ნამდვილი სახელი არ ვიცი, ისე კი არაკუნეს ეძახიან.

ტეპოტლელებმა ერთმანეთს გადახედეს და გაიციინეს.

— ეგ კი სწორი უფიქრია, — თქვა ერთმა. — არაკუნემ დაიფიცა, მაგ არამზადას მესამედაც თუ დავიჭერ, აუცილებლად წირვას გამოგუყვანო. ლამის გამოჭერილიცაა.

დომინგო ახლა კი მიხვდა, რომ არაკუნეს ხელში იყო და უფრო შეშინდა.

— ჰო, იმდენი ვირები რისთვის გინდოდათ? — ისევ ჰკითხა ტრინიმ.

— გვინდოდა ტეპოტლაში არაკუნესათვის მიგვესწრო. ახლა მე რას მიზამთ?

— სოფელი გადაწყვეტს, — მიუვო ტრინიმ, სახედარს მოახტა და სოფელში დაბრუნდა.

ამბროსია და არაკუნე ელოდნენ.

— რა ამბავი მოიტანე?

— ეგ ახალგაზრდა ტორესი ბრძანებულა, ტეპოტლაში ჩვენზე ადრე განუზრახავს ჩასვლა, რომ იქ თავისი ბუნაგი განაახლოს. სამწუხაროდ, გაპარულა.

— ეს ბანდა უნდა განადგურდეს, თორემ მთელ მხარეს გაძარცვავს და მოსვენებას არ მოგვცემს, — გადაჭრით თქვა ამბროსიამ...

— აი, ამაში გეჭირდება თქვენი დახმარება, ატა ტომას, — მიმართა მას არაკუნემ. — რაც ვირები გყავთ, მოგვეცით, რომ მეზობელ სოფელში სასწრაფოდ მივიდეთ. იქიდან თქვენს ვირებს დაგიბრუნებთ და იქაურებს წავიყვანთ. ამრიგად, სწრაფად და დაუღალავად დღესვე მივალწევთ ტუსპანამდე, ხვალ კი

ტეპოტლაში ვიქნებით. ტრინი, შენ მუდამ წინ გაგვიძღვები, ხომ გესმის, რატომ?

— მესმის. ყოველ სოფელში ახალგაზრდებს შეეკრებ, ჯობია, უფრო მოზრდილები იყვნენ, ვისაც მეტი სირბილი შეუძლია. ბანდიტებს ყოველი სოფელი დაცლილი უნდა დახვდეს. გლეხების დაყოლიება ახლა უფრო ადვილია, რადგან ტორესი სოფლებს არა სწვავს, ეშინია, თავისი თავი არ გასცეს. დღეს შუადღემდე ჩვენს შესახებ, საერთოდ, არაფერი არ იცოდა, ახლაც მხოლოდ ეჭვით თუ ხვდება, ვინ ჩაუსაფრდა.

— სწორია, — თქვა ამბროსიამ. — მაგრამ ძალიან სწრაფი მოქმედებაა საჭირო.

ა ლ ყ ა

ცხენი რომ წაეჭცა, ტორესი ორღობესთან მიხობდა და ბუჩქნარს შეერია. ფრთხილად მიძვრებოდა და თან ფიქრობდა: „იერიშის მოტანის ყოველი წესი დაიცევს. ბრძანება ინდიურ ენაზე გაიცა, ეს ყველაფერი იმაზე მიუთითებს, რომ სანტა ანაში გაწვრთნილი რაზმია. იქნებ საპატას ყოფილი გლეხთა არმიის ერთი ნაწილია. მათი თოფების მიხედვით თუ ვიმსჯელებთ, ოცდაათი კაცი მაინც იყო.“

შორიახლოს მეორე ბანდიტი მიიპარებოდა, მარჯვენა ხელზე მარცხენა წაველო. მებრძოლად აღარ ვარგოდა.

„ამას გარდა, — ფიქრობდა ტორესი, — თავდასხმაზე ჩანს, რომ გველოდნენ. იქნებ ამიტომ გაჰქრნენ ღამით სოფლელები და ვირებიც გადაიკარგა. ეტყობა, უხილავი ხელი განაგებს საქმეს. ნეტა ძველი მტერი ხომ არ არის, არაკუნე?“

უცბად გაახსენდა, რომ საპატასთან ერთი საოცარი ქალი, ამბროსია იყო. მერე პოლკოვნიკი გახდა. მძარცველთა არმიაში მას ზოგი ბებერ აღქაჯს ეძახდა, სხვებს კი ულამაზეს ქალად მიაჩნდა, რომელსაც ყველა მამაკაცის მოჯადოება შეეძლო. მათ ეს პოლკოვნიკი არასოდეს ენახათ, მაგრამ მისი ყველას ეშინოდა, თვით გენერალ გონსალესსაც, რომელმაც ერთხელ თავის ადიუტანტს უთხრა: „ეგეთი დაზვერვის უფროსი რომ მყავდეს, რალა გვიშავს! ჩვენი მზვერავეები კაპიკად არა ღირან“.

თავის ხალხს ტორესმა ერთი ბორცვის უკან მოუყარა თავი. ბანდიტები მეთაურს მიატყერდნენ, — ახლა რა ვქნათო. ტორესს გულგრილი სახე ჰქონდა, დინჯად ეჭირა თავი.

მოკლული ცხენის შესაცვლელად ერთ-ერთ რაზმელს სახედარი წაართვა. რაზმელმა ერთი კი შეუბღვირა, მაგრამ უნდა მიეცა, სხვა რა გზა ჰქონდა. თავდასხმის გამო ბანდიტების უმეტესობას სახედრები გაქცეოდა და ერთ-ორ კაცსღა შერჩენოდა.

ბანდა ისევ უკან იხევდა. გზამ მარცხნივ მიუხვია და ტორესიც მას გაუყვა, რომ ტუსპანში სასწრაფოდ მისულიყო. შემთხვევით უკან მოიხედა და ორ ბიჭს მოჰკრა თვალი. ბიჭებმა გზაზე გადაირბინეს. სანტა ანასაკენ გარბოდნენ, იქნებ პოლკოვნიკ ამბროსიასთანაც, ვინ იცის? მაშ მის მტრებს ერთ საათში ისევ ეცოდინებოდათ ტორესის ადგილსამყოფელი.

ბანდიტების უფროსს ფერი ეცვალა. აი, ახლა კი საკუთარი თვალითა ნახა, რას ნიშნავს ჰკვიანურად და უძმაუროდ მოწყობილი დაზვერვა. ხომ არ სჯობდა, განზრახვაზე ხელი აეღო? მაგრამ სხვა რაღა რჩებოდა? ტორესი შეეცადა, გულში შეპარული შიში ამ სიტყვებით ჩაეხშო: „რახან გავყაჩაღდით, უშიშრები მაინც უნდა გვერქვას.“

ორიოდ საათში რომელიღაც სოფელს მიადგნენ. ტორესი შორიახლო გაჩერდა და სამი კაცი დაზვერვაზე გაგზავნა. აღარ სურდა, გაუფრთხილებლობის გამო ისევ ცეცხლში მოხვედრილიყო.

სამივე მზვერავი გზის პირებს მიუყვებოდა და სოფელს ნელა უახლოვდებოდა. სოფელი დაცარიელებული იყო. ახლა კი გაბედულად შევიდნენ სოფელში, ქოხებს მიეფარნენ, მერე ისევ გამოჩნდნენ და თოფები დაიჭინეს, რითაც ანიშნეს, — საშიშროება არ არისო.

ეს სოფელიც ისე იყო გაცლილი, რომ ბანდიტებმა მცირეოდენი უმწიფარი ხილის მეტი ვერაფერი ნახეს. ამრიგად, იძულებულნი იყვნენ ისევ მშვივრებს ევლოთ. შემდეგი სოფელი ტუსპანი იყო, მაგრამ იქამდე მიღწევა დღეს საეჭვო იყო.

მარჯვნივ ტორესმა მემამულის სახლ-კარის ნანგრევებს მოჰკრა თვალი. ბავშვობაში აქ ხშირად ყოფილა ხოლმე.

ზურგს უკან ვიღაცამ სიმღერა წამოიწყო:

ნების კია ჯარისკაცი
ძლივს დალოდავს
მარიჟანას თუ არ მოსწევს,
ფეხსაც ველარ გადაადგამს.

— შეწყვიტეთ! — დაიღრიალა გაცოფებულმა ტორესმა.

ეს სიმღერა მძარცველთა არმიის ჯარისკაცებმა სამოქალაქო ომის დროს იმის ნიშნად შეთხზეს, რომ თავიანთი უკმაყოფილება გამოეთქვათ.

ჯარისკაცებმა მელოდიის ღლიანი განაგრძეს, სიტყვებს კი აღარ აყოლებდნენ.

პირველი მიღება

ტუსპანში გლეხები არაკუნეს რაზმს სიამოვნებით დაეხმარნენ და საჭირო სახედრები მაშინვე გამოუძებნეს. ბევრი ამათ შორის რამდენიმე წლის წინ თვითონ იყო ტეპოტლელების ლტოლვილი სტუმარი თხის სახტომის მაღალ მთებში.

იმავე საღამოთი ბრაულიო, ტრინი და რამდენიმე კაცი ვირებით ტეპოტლასკენ გაემართნენ. ჰაერი არ იძვროდა. ძალიან ბნელოდა.

სოფელში სამარისებური სიჩუმე იდგა. შუქი არსად ჩანდა. გლეხებს გაუკვირდათ, ნუთუ აქამდე არ გაუგიათ, ჩვენ რომ შოვდიოდითო.

ვირები სოფელში შეაჭვნეს. ეკლესიას რომ მიუახლოვდნენ, ყოველი მხრიდან ხალხი შემოეხვია.

— ვინა ხართ?

— ტეპოტლელები ვართ! — მხიარულად მიუგო ერთმა.

— ვინა? ვინა?

— პორფირიო, პანკრატიო, ხუანი, ბრაულიო, ტრინი, თუმცა ეს სან ბარტოლდოელია.

გახარებულმა ტეპოტლელებმა მოსულები ვირებიდან ჩამოყარეს. მოედანი უცბად კაცებით, ქალებითა და ბავშვებით გაიჭედა. ვილაყამ ხმამაღლა იკითხა:

— ჩემი ბიჭი სად არის?

— მამა ბენიამინო, შენი შვილი ახლა ტუსპანშია!

— მითხარით, როგორ იბრძოდა?

— არ იცი, მამა ბენიამინო? ის ხომ გლახთა არმიის ერთ-ერთი მეთაური იყო.

— კარგი ამბავი მომიტანეთ! კეთილი იყოს თქვენი მოსვლა! რომელ ქოხშიც შეხვალთ, ყველგან გულკეთილი მასპინძელი დაგხვდებათ.

— მადლობელი ვართ, მამა ბენიამინო. მაგრამ აქ იმისთვის კი არ მოვსულვართ, რომ ჩვენი დაბრუნება ვიზიემოთ. იმისთვის მოვიჩქაროდით, რომ შეგვეტყობინებინა, ახალგაზრდა ტორესი თავისი ბანდით აქეთ მოემართება, მამულის ხელში ჩაგდება უნდა ისევ. ჩვენ იქ გავმაგრდებით და დავიცავთ. ტრინი კი თქვენთან დარჩება, სოფელში.

ამ საუბარში მოულოდნელად სოფლის მღვდელი წამოდგომოდათ თავს. სოფელში მას პატივს უკვე აღარავინ სცემდა, რადგან ახსოვდათ, მძარცველთა არმიის მოახლოება რომ შეიტყო, როგორ გაიქცა ქალაქში, მზარეული და მისი გოგონა კი უყურადღებოდ დაყარა. ასეთი საქციელი გლახების ზიზღს იწვევდა. ახლა მღვდელი ცდილობდა ტეპოტლელთა დაბრუნება გამოეყენებინა და მათ მეგობრულად მისალმებოდა. მაგრამ ყველა შემოეცალა. როგორც კი ტრინიმ მის შავ ანაფორას მოჰკრა თვალი, არაკუნეს მამას წასჩურჩულა:

— რაღაც უნდა გითხრა, მაგრამ მაგ ხუცესთან ვერ გეტყვი.

ბენიამინმა თავი დაუქნია და ისა და ტრინი წავიდნენ. სხეებიც მიხვდნენ, რომ იმათთვის უნდა მიებაძათ და ყველამ ზურგი შეაქცია ხუცესს. ბრაულიო და მისი თანამგზავრები კი ვირებს მოასხდნენ და მამულისაკენ გაჰქუსლეს.

იქაურობას რომ გაეცალნენ, ტრინიმ არაკუნეს მამას უთხრა:

— მამა ბენიამინო, შენ ვაჟიშვილსა და სხვა თქვენებურებს ახლავე არ შეეძლოთ სოფელში მოსულიყვნენ, რადგან ტუსპანელებს საკმარისი სახედრები არ გააჩნდათ. შენმა ვაჟმა მოკითხვა შემოგიტყალა და გთხოვს, ვირები მალე გამომიგზავნეო. ტორესი ყოველ ღონეს ხმარობს, რომ თქვენ მოულოდნელად თავს დაგესხათ. არაკუნესა და პოლკოვნიკ ამბროსიას კი უნდათ, ტორესი აქ შემოიტყუონ, ხაფანგში მოაქციონ და გაანადგურონ.

— გასაგებია. ეგ პოლკოვნიკი ამბროსია ვილაა?

-- დიდედაჩემია.

ბენიამინს უნდოდა გადაეხარხარა, მაგრამ გაახსენდა, ალბათ ამ ქალს დიდი დამსახურება აქვს, რახან პოლკოვნიკობა შიანიჭესო.

— ვირებს ახლავე შევავროვებთ. მთელი სოფელი ფეხზე დგას, — თქვა ბენიამინმა.

— კიდევ ერთი სათხოვარი მაქვს, — დაიწყო ისევ ტრინიმ. — თუ გვინდა ბანდა მთლად გავანადგუროთ, მწვერავეები საკმარისად უნდა გვყავდეს. ამისთვის ახალგაზრდები გამოდგებიან, მაგრამ ხანდაზმულებიც მჭირდება.

— შენა გჭირდება, ტრინი, ისინი?

— გლახთა არმიისათვის მე და პოლკოვნიკი ამბროსია ვავროვებდით ცნობებს.

„რანჯახია!“ — აღტაცებით გაიფიქრა ბენიამინმა და იკითხა:

— ყურებდაჭრილი იერონიმოც თქვენთან არის?

— იგი საპატას ახლდა თან და მასთან ერთად მოკლეს.

ამ ამბავმა ბენიამინი დაამწუხრა, მაგრამ არ გამოუმჟღავნებია.

— სახედრებსა და მწვერავეებს მალე გავაჩენთ, მაგრამ სად მოგიყვანონ? შენ ხომ ჩემთან იქნები?

— არა, მამა ბენიამინო, არ ივარგებს. შენთან არაკუნე დარჩება. მე ცალკე ვიცხოვრებ, თორემ მწვერავეების წასვლა-მოსვლა აღარ მოგასვენებს. ბრაულის ქოხში არ შეიძლება გავჩერდე?

— რატომაც არა, — ხმადაბლა თქვა მოხუცმა. ამხელა კაცია და თვითონ ასეთ რამეებზე ჯერ არასოდეს არ უფიქრია, ამ ბიჭმა კი უკვე ყველაფერი იცის.

ნ ა კ ო ვ ნ ი

კარგა ხანი იწრიალეს ბიჭებმა ტეპოტლის განაპირას, იმ ადგილას, საიდანაც ტუსპანისკენ მიმავალი გზა იწყებოდა. ღამდებოდა. ახალგაზრდები თანდათან ჰკარგავდნენ მოთმინებას.

ბოლოს გზაზე რაღაც გამოჩნდა. მალე მათ ვირებზე შემსხ-
დარი მხედრები გააჩჩიეს და სოფელში ყვირილით შეცვივდ-
ნენ.

— ჩვენები მოდიან!

ინდიელები ქოხებიდან გამოცვივდნენ და სოფლის თავში
შეგროვდნენ. სულ მალე მხედრებიც მოუახლოვდნენ სოფელს.
მათ წინ ცხენზე ამხედრებული წარმოსადეგი მამაკაცი მოუძ-
ლოდათ.

ბენიამინი ცხენოსანს დააკვირდა: „ნუთუ ეს ჩემი ვაჟიშვი-
ლია?“ ვერ წარმოედგინა, არაკუნე თუ ასე გაიზრდებოდა.

მაგრამ სოფლელებს იმედი გაუცრუვდათ, რადგან რაზმმა
მამულისაკენ გაუხვია და თვალს მიუჟარა. რამდენიმე ბიჭი მათ
გაედევნა, ბიჭებს ქალებიც გაჰყვნენ, ბოლოს კი მამაკაცებიც
იქით გაეშურენ. ბენიამინი ცოტა არ იყოს გაბრაზდა კიდევ,
რადგან უნდოდა შინ დაბრუნებულებს ისე შეხვედროდა, რო-



გორკ ინდიელების ძველი ადათი მოითხოვდა. ასეთი მიღება კი სოფლის განაპირას აბა როგორ მოხერხდებოდა.

როცა ბენიამინი მამულის ეზოში შევიდა, დაინახა, მისი ვაჟი ხალხში ჩამდგარიყო და სთხოვდა, — დაიშალებითო.

— დედილო, დამიჯერე, ახლა ჭამა არ შეგვიძლია. ხომ შეიძლება უცხად ბანდიტები შემოგვესიონ? ისინი თქვენ დაგიშენენ. ნუ გგონიათ, იმის გამო მოგერიდებიან, რომ ჩვენი მოსვლა გიხარიათ!

არაკუნემ უცხად მოხუცი ბენიამინი დაინახა და დეზების წყარაწყურით მისკენ გაემართა.

— მამა, ძალიან გთხოვ, დამიჯერო, ახლა ზეიმის დრო არ არის, მაგისტვის ახლა არა გვცალია. ეს ხალხი როგორმე უნდა გავიყვანოთ აქედან.

— ის მაინც ხომ შეიძლება, მოხუც მამას მიესალმო? — ლიმილით უთხრა ბენიამინმა.

— რალა თქმა უნდა, მოგესალმები, მაგრამ მერე, ბრძოლა გველის, ვინ იცის, მაგარი ბრძოლაც მოხდეს, თუმცა უკანასკნელი კი იქნება. ზეგ კი შეიძლება ზეიმიც მოვაწყოთ! საჭმელს ხომ იშოვნით?

— თქვენთვის ყველაფერს ვიშოვნით.

— კარგი, მამა. ახლა კი მიშველე, რომ ეს ხალხი დაიშალოს, თორემ უცებ ბანდიტები რომ დაგვესხან თავს, ერთ თოფსაც ვერ გავისვრით.

თავიანთ ძმებსა და ვაჟიშვილებს რომ შეაველეს თვალი, ძნელი აღარ იყო ტეპოტლელების დარწმუნება, რომ არაკუნეს განკარგულება სწორი იყო. ასეთი ხანმოკლე შეხვედრა თითქოს უფრო გულწრფელი და გულითადი გამოვიდა. ხან ერთი დედა შემოვარდებოდა ეზოში, ხან მეორე, და თავიანთი შვილებისა და მისი ამხანაგებისთვის მოჰქონდათ რამე პირის ჩასაგემრიელებელი. მერე შვილის წინ ჩამოსხდებოდნენ და სიხარულით შეაქცერდებოდნენ სახეში.

სოფელში კი, ბრაულოს ქოხის წინ კნაჭა დამჯდარიყო და არავის აძლევდა უფლებას, ტრინი შეეწუხებინა. ტრინის დღეს მთელი ღამის გათენება უწყევდა, რომ დაგზავნილი შიკრიკებისაგან ცნობები მოეგროვებინა. რამდენიმე ღამე ზედიზედ არ უძინია.

გავიდა ეს დღე. გათენდა. დილით არაკუნე ტრინისთან მივი-
და და ჰკითხა:

— მძარცველთა ბანდისა ვერაფერი გაიგე?

— ჯერ მხოლოდ ის ვიცით, რომ გუშინწინ სალამოს ტუსპა-
ნის ახლოს ყოფილან.

— მიწაში ხომ ვერ ჩაქვრებოდნენ. ერთხელ კიდევ დაგზავ-
ნე ყველა სოფელში შენი მზვერავები.

— მეც მაგას ვფიქრობდი. მაგრამ საოცარია, შენც ხომ
თქვი, ბანდა წუხელ საოცრად ფრთხილად მოიპარებოდა, რომ
თავს დასხმოდანამამულს იმ მხრიდან, საიდანაც ყველაზე ნაკლებ
მოელოდნენ. ტორესი აქ ყოველ ბორცვსა და ზეს მშვენივრად
იცნობს.

არაკუნე ტრინის დაეთანხმა.

მალე უკანვე დაბრუნდა, მამულში. წარამარა სახლის ბანზე
ავიდოდა და მიდამოს ათვალეირებდა, მაგრამ საეჭვო არაფერი
ჩანდა. ის დღე და ღამეც ასე მიიწურა.

დილით ტრინი ქოხის წინ დამჯდარიყო. გუნებაზე ვერ იყო.
უცბად მისკენ მომავალი ამბროსია და არაკუნე დაინახა.

— ისე ვერ არის საქმე, როგორც ჩვენ გვგონია, — თქვა ამბ-
როსიამ. — ბანდას არც ერთ სოფელში საქმელი არ დახვედრია,
ეტყობა, ოთხი დღეა შიმშილობენ.

თანხმობის ნიშნად ტრინიმ თავი დააქნია და თავის მხრივ
დაუმატა:

— საქმეც სწორედ ეგ არის. ერთი სიძნელეც შეიქნა. გა-
ხიზნული გლეხების უმრავლესობას სურს უკანვე დაბრუნდნენ,
სოფლებში. ამბობენ: მტერს თუ ვერ ვხედავ, მაშასადამე, არც
არსებობსო, ამიტომ რაც შეიძლება სწრაფად უნდა დავადგი-
ნოთ, საით წავიდა ბანდა. ეს მხოლოდ ტუსპანში არის შესაძლე-
ბელი, სადაც ბოლოს ნახეს. არაკუნე, მომეცი ორი შეიარაღე-
ბული კაცი ვირებიანად, ტუსპანში უნდა წავიდე. იქ კი ვნახავ,
როგორ მოვიქცე.

— არა, მე წინააღმდეგი ვარ, — თქვა ამბროსიამ. — ტრინიმ
ყველა ჩვენგანზე მეტი იცის ამ ამბისა. არავითარ შემთხვევაში
არ შეიძლება ის ბანდიტებს ჩაუვარდეს.

— პოლკოვნიკო ამბროსია, — დაიწყო არაკუნემ, — თუკი ბანდა, საერთოდ, სადმე ახლოს იმყოფება, ჩვენსკენ შარაგზით ხომ არ წამოვა, მაშინ მას შორიდანვე დავინახავდით. მაშასადამე, საშიში არაფერია, დაე, წავიდეს, ოღონდ შარაგზით.

ამბროსია ახლა კი დათანხმდა. ცოტა ხნის შემდეგ ვირზე ამხედრებული სამი კაცი სოფლიდან გავიდა.

სოფელი ტუსპანი ტრინის აჩოჩქოლებული დაუხვდა: გახიზნული ოჯახები დედაბუდიანად და ათასგვარი ბარგი-ბარხანით სახლებს უბრუნდებოდნენ. მალე მოაყვანილა ბანდიტების მნახველი ორი ბიჭი. მათ ტრინის უჩვენეს, საითაც მიდიოდა ტორესის ჯგუფი.

— მაშასადამე, იმ ვაებატონებს თქვენი სოფლისთვის თავი აურიდებიათ, რომ ტეპოტლაში შეუმჩნეველად მისულიყვნენ. გზა თუ არის მაქეთ?



— ვიწრო, საცალფეხო ბილიკია. სიმშრალეში კარგი სავალია.

— წამოდით, მიჩვენეთ!

ტრინი ბიჭებს მისდევდა და ფიქრობდა: „სადაც ბანდა გაივლის, რაღაცას აუცილებლად იპოვნი. შეიძლება სადმე შეისვენეს. რაღაც ნიშანს უთუოდ დასტოვებდნენ“.

სოფლიდან მინდორს გაუყვნენ. სიმინდის ყანა უკვე მოექრათ და მინდორზე გამხმარი, მოთეთრო ფერის კაჭაჭებიღა ჩანდა. ცოტა რომ გაიარეს, ბორცვები გამოჩნდა. ბორცვები ქვადლორდით იყო სავსე, აქა-იქ ბუჩქნარიც მომაგრებულიყო. მალე ბილიკს მიაღწიეს და პირი ტეპოტლისკენ ქნეს. გზა ოდნავ მალლა იწევდა და შემდეგ მარცხნივ უხვევდა. აქ, მიწაზე, სვავები დამსხდარიყვნენ და, როგორც ჩანდა, ლეშს ძიძგნიდნენ. ხალხის დანახვაზე სვავები ფრთების ტყლაშატყლუშით წამოიშალნენ. იმ ადგილს რომ მიაღწიეს, ბიჭებმა უწესრიგოდ მიმოხეული რაღაც საგნები დაინახეს. ეტყობოდათ, აქ შეჩერებულიყვნენ. სვავები რომ არ ყოფილიყვნენ, ამ ადგილს ალბათ დიდი სიფრთხილით თუ მიუახლოვდებოდნენ. მაგრამ რახან აქ სვავები იყვნენ, მაშასადამე, ირგვლივ კაცის ჭაჭანება არ იყო.

— აი, შეხედე, თოფი! — წამოიძახა ერთმა ბიჭმა.

— მუნდირებიც! — დაუმატა მეორემ.

ორი ბიჭი წინ გაიქცა. მალე მათ უკან დარჩენილებს გამოსცახეს:

— აქ ვიღაც მკვდარი აგდია!

მალე ყველა უწესრიგოდ მიყრილ-მოყრილ სამხედრო საქურვლისა და იარაღის გროვასთან იდგა.

— ეტყობა, ეს ყველაფერი ბანდიტების დანატოვარი უნდა იყოს, — თქვა ტრინიმ და ბიჭებს ჰკითხა: — ერთი ეს მითხარით, აქ როდისმე ხომ არ გაუვლია რომელიმე სამხედრო რაზმს?

— არა, რამდენიმე წელია აღარავის გაუვლია. ეს იარაღი კი აქ დიდი ხნის დაყრილი არა ჩანს.

— ნეტავი რატომ გადაყარეს ბანდიტებმა იარაღი? — იკითხა ერთმა ტეპოტლეშმა. — აბა ერთი ეს კაცი ვნახო, რამ მოკლა. სახეზე არაფერი ეტყობა, სვავებს უღმერთოდ დაუძიძგნიათ.

სანამ ტეპოტლელი მკვდარს მუნდირს უხსნიდა, ერთმა ბიჭ-მა დაიყვარა:

— ეგერ კიდევ ერთი მკვდარი!

— ეს ტყვიით არის მკვდარი, როგორც ეტყობა. დაუხვრეტიათ, — თქვა ტეპოტლელმა.

დანარჩენები მეორე მკვდართან მივიდნენ. ერთმა იცნო და მაშინვე თქვა:

— ეს ხომ ტორესია!

ამას მისი კარგი მუნდირიცა და მის ახლო დაგდებული ამოქარგული შლიაპაც მოწმობდა, სახე საშინლად დამახინჯებოდა, ალბათ სვავებს დაეჭიქვანათ.

ვილაცამ შლაპა გადააბრუნა. შიგნიდან გამხმარი სისხლისაგან მთლად გაშავებული იყო. ბიჭს უცბად რაღაც აზრმა გაუელვა, დაიხარა და მკვდარს კარგად დააკვირდა.

მერე წამოდგა და თქვა:

— ამისთვის თავის ქალა ჩაუნტვრევიათ.

ტეპოტლას მამულში

ტეპოტლაში ტრინი ღამით დაბრუნდა და მაშინვე ბრაულის ქოხისკენ გასწია. კნაჭა კართან ჩამჯდარიყო და მის დანახვაზე წამოხტა.

— ტრინი, იცი, ბენიამინმა ჩემთვის შესაფერი სამუშაო გამოძებნა?

— რა სამუშაო?

— სოფელში ვიმასწავლებლებ. ჩვენ ხომ მასწავლებელი არასოდეს გვყოლია. ახლა ჩვენი ბავშვები წერა-კითხვას ისწავლიან!

— ეს ძალიან კარგია, მაგრამ ამჯერად უფრო მნიშვნელოვანია მითხრა, არაკუნეს და სხვებს სად ვნახავ?

— მამულში არიან, თათბირობენ. სოფელში დაბრუნებულებს მიწებს ურიგებენ.

მემამულისეული სახლის სასადილო ოთახში ზეთის სანთ-
ლები ენთო და იქაურობას მკრთალ შუქს ჰფენდა. ოთახში ამბ-
როსია, ბენიამინი, არაკუნე და სოფლის უხუცესი გლეხები
შეკრებილიყვნენ. ტრინის შესვლაზე ყველამ მისკენ მოიბრუნა
პირი და შეაცქერდნენ.

ტრინი მათ წინ შესდგა, ქული მოიხადა და საზეიმო კილოთი
განაცხადა:

— სამი დღის წინ ბანდიტებს ტუსპანის ახლოს თავიანთი
ატამანი დაუხვრეტიათ. მანამდე ამ მხეცს, როგორც ეტყობა,
ერთი ბანდიტი მოუკლავს. ამის შემდეგ მათ გადაუყრიათ იარა-
ღი, სამხედრო ტანსაცმელი და დაფანტულან. ამჟამად ტუსპანე-
ლი გლეხები ყველაფერს სოფელში ეზიდებიან. მე კი ვუთხარი:
საჭიროა თქვენს სოფელში სახალხო რაზმი შექმნათ და სხვა
შეიარაღებულ სოფლებთან კავშირი შეკრათ. ეს ძალიან მნიშვ-
ნელოვანი საქმეა-მეთქი.

ამბროსია ფეხზე წამოდგა:

— სწორი ხარ, ტრინი. ათი წელი ვიბრძოლეთ მიწისა და
თავისუფლების მოსაპოვებლად. ამ ბრძოლაში ბევრი საუკეთე-
სო აღამიანი დაგვეღუპა, მაგრამ ჩვენც შევიცვალეთ: თვითონ
ბანდიტები რატომ დაერივნენ ერთმანეთს? იმიტომ, რომ იგრძ-
ნეს შეიარაღებული ხალხის ძალა. ამ ძალას, აი, ამ ბიჭშიც ხე-
დავთ თქვენ. ჯერ თექვსმეტი წლისაა და სოფლებში ადგილობ-
რივი შეიარაღებული რაზმების შექმნაზე ზრუნავს. მაგრამ,
ტრინი, ერთი იცოდე: საპატა მუდამ თავმდაბალი იყო. შენ ბრ-
ძოლი ჩვენი დიდი საქმის გამარჯვებისათვის და ახლა არ დაწ-
ვრილმანდე!

შ ი ნ ა ა რ ს ი

ლუდვიგ რენი — ძვირფასო საბჭოთა ბავშვებო	3
ნ ა წ ი ლ ი პ ი რ ვ ე ლ ი აჯანყება	5
ნ ა წ ი ლ ი მ ე ო რ ე იავარქმნილი მამულის ბალები	87
ნ ა წ ი ლ ი მ ე ს ა მ ე საპატას გლეხთა არმიის	216
ნ ა წ ი ლ ი მ ე ო თ ხ ე გლეხთა ომის დასასრული	297

შეცდომის განხორცბა

236-ე გვერდზე, ზემოდან მე-17 სტრიქონი უნდა იკითხებოდეს ასე: „რალ უერთას აგიუებს. ჩუშად ბექდავენ მოწოდებებს. უერთას“ და შემდეგ როგორც ტექსტშია.

Людвиг Рени Т Р И Н
(На грузинском языке), Детизддат Грузинской
ССР, «Накадули», Тбилиси, 1971

რედაქტორი ნ. კალანდარიშვილი, მხატვარი კურტ ციმერმანი, მხატვრ. რედაქტორი შ. დოლიძე, ტექრედაქტორი ნ. შველიძე, კონტროლიორ-კორექტორი დ. კალანდარიშვილი, კორექტორი ბ. შალვაშვილი, გამომშვები ც. ზაზაშვილი

ხელმოწერილია დასაბეჭდად 20/VI-70 წ., ქალაღლის ზომა 84×108¹/₂, ნაბეჭდი თაბახი 23,5, სააღრიცხოვოსაგამომცემლო თაბახი 18,37, ტირაჟი 10.000, შვეკე. 2031 ფასი 1 მან. 36 კაბ.

გამომცემლობა „ნაკადული“, მარჯანიშვილის ქ. № 5 Изд. «Накадули», ул. Марджанишвили № 5 საქართველოს სსრ მინისტრთა საბჭოს ბექდვითი სიტყვის სახელმწიფო კომიტეტის მთავარპოლიგრაფმრეწვევლობის სტამბა № 2 „ნაკადული“, ფურცელადის ქ., 5 Типография № 2, «Накадули», Главполиграфпрома Государственного Комитета Совета Министров Грузинской ССР по печати, Тбилиси, Пурсецлаძე, 5